

韵语阳秋

葛立方

文硕阁

wenshuoge.com

目录

关于我们	4
四库本	6
提要	7
韵语阳秋原序	8
韵语阳秋卷一	9
韵语阳秋卷二	13
韵语阳秋卷三	18
韵语阳秋卷四	23
韵语阳秋卷五	26
韵语阳秋卷六	30
韵语阳秋卷七	34
韵语阳秋卷八	37
韵语阳秋卷九	41
韵语阳秋卷十	44
韵语阳秋卷十一	48
韵语阳秋卷十二	53
韵语阳秋卷十三	57
韵语阳秋卷十四	62
韵语阳秋卷十五	67
韵语阳秋卷十六	71
韵语阳秋卷十七	76
韵语阳秋卷十八	79
韵语阳秋卷十九	83
韵语阳秋卷二十	88
标点本	92
韵语阳秋序	93
韵语阳秋序	94
韵语阳秋自序	95
●卷一	96
●卷二	101
●卷三	107
●卷四	112
●卷五	118
●卷六	124
●卷七	129
●卷八	132

●卷九	136
●卷十	139
●卷十一	144
●卷十二	149
●卷十三	154
●卷十四	160
●卷十五	166
●卷十六	171
●卷十七	177
●卷十八	181
●卷十九	186
●卷二十	192

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

四库本

提要

【臣】等谨案韵语阳秋二十卷宋葛立方撰立方字常之自号嬾真子丹阳人绍兴戊午进士官至吏部侍郎是编杂评诸家之诗不甚论句格工拙而多论其意防之是非故曰阳秋用晋人语也其中如偏重释氏谓欧阳修梦见十王得知罪福后亦信佛之类未免虚诬议屈原自沈为不知命之类未免偏驳论李杜苏黄皆相轻相诋未免附防以江淹杂拟赤玉隐瑶溪句为谢灵运之作以苏轼老身倦马河堤永踏尽黄榆绿槐影句为杜甫之诗以李白解道澄江净如练令人长忆谢元晖句为袭郑谷之语亦未免小有舛误然大防持论甚正而不至如刘履诸人以理谈诗之迂濶在宋人诗话之中犹为善本也乾隆四十二年六月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

韵语阳秋原序

懒真子既上宜春之印归休于吴兴泛金溪上我先人之弊庐归愚识夷涂防宦泯捷径湛然胷次不挂一丝而多生习气尚牵蠹简虽不能如毛茇郑康成泥防鱼之注又不能如虞卿李德裕着穷愁之书未谙王氏之青箱懒问董生之朱墨独喜读古今人韵语披吟防绎每毕景忘倦几诗人句义当否若论人物行事高下是非辄私断臆处而归之正若背理伤道者皆为说以示劝戒书成号韵语阳秋昔晋人褚裒为皮里阳秋言口絶臧否而心存泾渭余之为是也其深愧于斯人哉若孙盛檀道鸾邓粲各有晋阳秋是皆不畏人齟天刑率意而作如昌黎公所云者也余也非唯不敢亦不暇隆兴甲申中元丹阳葛立方书

韵语阳秋卷一

宋 葛立方 撰

谢朝华之已披起夕秀于未振学诗者尤当领此陈腐之语固不必涉笔然未去其陈腐不可得而翻为怪怪奇奇不可致诘之语以欺人不独欺人而且自欺诚学者之大病也诗人首二谢灵运在永嘉因梦惠连遂有池塘生春草之句元晖在宣城因登三山遂有澄江静如练之句二公妙处盖在于鼻无垠目无膜尔鼻无垠斤将曷运目无膜篋将曷施所谓混然天成天球不琢者欤灵运诗如矜名道不足适已物可忘清晖能娱人游子憺忘归元晖诗如春草秋更绿公子未西归大江流日夜客心悲未央等语皆得三百五篇之余韵是以古今以为奇作又曷尝以难解为工哉东坡防李端叔诗卷云暂借好诗消永夜每逢佳处辄参禅盖端叔作诗用意太过防禅之语所以警之云

陶潜谢朓诗皆平淡有思致非后来诗人忧心别目雕琢者所为也老杜云陶谢不枝梧风骚共推激紫燕自超诣翠蛟谁翦剔是也大抵欲造平淡当自组丽中来落其华芬然后可造平淡之境如此则陶谢不足进矣今之人多作拙易诗而自以为平淡识者未尝不絶倒也梅圣俞和晏相诗云因今适性情稍欲到平淡苦词未圆熟刺口剧菱芡言到平淡处甚难也所以赠杜挺之诗有作诗无古今欲造平淡难之句李白云清水出芙蓉天然去雕饰平淡而到天然处则善矣

老杜寄身于兵戈骚屑之中感时对物则悲伤系之如感时花溅泪是也故作诗多用一自字田父招饮诗云步履随春风村村自花柳遣怀诗云愁眼看霜露寒城菊自花忆弟诗云故园花自发春日鸟还飞日暮诗云风月自清夜江山非故园滕王亭子云古墙犹竹色虚阁自松声言人情对境自有悲喜而初不能累无情之物也

杜甫观安西过兵诗云谈笑无河北心肝奉至尊故东坡亦云似闻指挥筑上郡已觉谈笑无西戎盖用左太冲咏史诗长啸激清风志若无东吴也王维云敌骑千重只似无句则拙矣

杜子美曹将军丹青引云将军魏武之子孙于今为庶为清门元防之去杭州诗亦云房杜王魏之子孙虽及百代为清门则知老杜于当时已为诗人所钦伏如此残膏賸馥霑丐后代宜哉故防之云诗人以来未有如子美者

老杜诗以后二句续前二句处甚多如喜弟观到诗云待尔噉乌鹄抛书示鹄鸬枝间喜不去原上急曾经晴诗云啼鸟争引子鸣鹤不归林下食遭泥去高飞恨从阴江阁卧病云滑忆雕胡饭香闻锦带羹溜匙兼暖腹谁欲致杯饗寄张山人诗云曹植休前辈张芝更后身数篇吟可老一字买堪贫如此类甚多此格起于谢灵运庐陵王墓下诗云延州协心许楚老惜兰芳解劔竟何及抚坟徒自伤李太白诗亦时有此格如毛遂不堕井曾参宁杀人虚言误公子投杼感慈亲是也

梅圣俞云作诗湏状难寫之景于目前含不尽之意于言外真名言也观其送苏祠部通判于洪州诗云沙鸟看来没云山爱后移送张子野赴郑州云秋雨生陂水高风落庙梧之类状难寫之景也送马殿丞赴密州危防淮上去古木海邊秋和陈秘校云江水几经歲鉴中无壮顏之类含不尽之意也

梅圣俞五字律诗于对联中十字作一意处甚多如碧澜亭诗云危楼喧晚鼓惊鹭起寒汀初见淮山云朝来汴口望喜见淮上山送俞驾部云何时鷁舟上远见炉峰迎送张子野云不知从此去当见复何如和王尉云度鴈不曾下新文谁寄评昼寝诗云及尔寂无虑始知机尽空如此者不可胜举诗家谓之十字格今人用此格者殊少也老杜亦时有此格放船诗云直愁骑马滑故作泛舟回对雨云不愁巴道路恐湿汉旌旗江月云天邊长作客老去一霑巾

杜甫客夜诗云客睡何曾着秋天不肯明陪王使君泛江诗云山豁何时断江平不肯流不肯二字含蓄甚佳故杜两言之与渊明所谓日月不肯迟四时相催迫同意

退之赠崔立之前后各一篇皆讥其诗文易得前诗曰才豪气猛易语言往往蛟螭杂蝼蚓后诗曰文如翻水成初不用意为二诗皆数十韵岂非欲刻薄于易语之人乎前诗曰深藏箠笥时一发戢戢已多如束笋后诗曰每旬遗我书竟歲无差池有以知崔于韩情义之笃如此也

杜甫李白以诗齐名韩退之云李杜文章在光焰万丈长似未易以优劣也然杜诗思苦而语奇李诗思疾而语豪杜集中言李白诗处甚多如李白一斗诗百篇如清新庾开府俊逸鲍参军何时一尊酒重与细论文之句似讥其太俊快李白论杜甫则曰饭颗山头逢杜甫头戴笠子日卓午为问因何太瘦生只为从来作诗苦似讥其太愁肝肾也杜牧云杜诗韩笔愁来读似倩麻姑痒处搔天外鳳凰谁得髓何人解合续 胶则杜甫诗唐朝以来一人而已岂白所能望耶

选诗骈句甚多如宣尼悲获麟西狩涕孔丘千忧集日夜万感盈朝昏万古陈往还百代劳起伏多士成大业羣贤济洪绩之类恐不足为后人之法也

近时论诗者皆谓偶对不切则失之麓太切则失之俗如江西诗社所作虑失之俗也则往往不甚对是亦一偏之见尔老杜江陵诗云地利西通蜀天文北照秦秦州诗云水落鱼龙夜山空鸟鼠秋丛篁低地碧高柳半天青竖子至云粗黎且缀碧梅杏半传黄如此之类可谓对偶太切矣又何俗乎如杂蕊红相对他时锦不如磨灭余篇翰平生一钓舟之类虽对不求太切而未尝失格律也学诗者当审此

许浑呈裴明府诗云江村夜涨浮天水泽国秋生动地风汉水伤稼亦全用此一联郊居春日诗云花前更谢依刘客雪后空懷访戴人和杜侍御云因过石城先访戴欲朝金阙暂依刘又送林处士云镜中非访戴剑外欲依刘寄三州守云花深稚榻迎何客月在膺舟醉几人陪崔公防又云賓館尽开徐稚榻客防空恋李膺舟题王隐居云随蜂收野蜜寻麝采生香呈李明府云洞花蜂聚蜜崑柏麝留香松江诗云晚色千防落林声一鴈飞深春诗云故里千防外深

春一鴈飞又寄卢郎中并赠闲师皆以庾楼对萧寺见于其他篇咏以杨柳对蒹葭以扬子渡对越王台者甚多盖其源不长其流不遠则波澜不至于汪洋浩 宜哉杜甫云读书破万卷下笔如有神欲下笔当自读书始

韦应物诗平平处甚多至于五字句则超然出于畦迳之外如游溪诗野水烟鹤唳楚天云雨空南斋诗春水不生烟荒岗筠翳石咏声诗万物自生聽太空常寂寥如此等句岂下于兵衛森畫防燕寝凝清香哉故白乐天云韦苏州五言诗高雅闲淡自成一家之体东坡亦云乐天长短三千首却爱韦郎五字诗

孟郊诗楚山相蔽亏日月无全辉万株古柳根挈此磷磷溪大行横偃脊百里芳崔嵬等句皆造语工新无一防俗韵然其他篇章似此处絕少也李颀评其诗云高处在古无上平处下观二谢许之亦太甚矣东坡谓初如食小鱼所得不偿劳又似食虿 竟日嚼空螯貶之亦大甚矣

太平广记载宋之问于灵隱寺夜吟诗未就闻有人云何不道楼观沧海日门对浙江潮莫知何人人有识之者此骆賓王也是时賓王与徐敬业俱隱名同逃已暮年矣而集中有江南送之问诗云秋江无綠芷寒汀有白苹采之将何遗故人漳水濱兗州钱之问诗云淮阳泗水北梁甫汶阳东别路青骊遠离尊綠蚁空其相习如此不应暮年相遇于灵隱寺云不相识也盖是賓王逃难之时之问不欲显其姓名尔

杜荀鹤郑谷诗皆一句内好用二字相叠然荀鹤多用于前后散句而郑谷用于中间对联荀鹤诗云文星渐见射台星昨谒朱门谒孔门常仰门风维国风忽地晴天作雨天犹把中才谒上才皆用于散联郑谷那堪流落逢摇落可得潜然是偶然自为醉客思吟客官自中丞拜右丞初尘芸阁辞禅阁却访支郎是老郎谁知野性非天性不扣权门扣道门皆用于对联也

梅圣俞早有诗名故士能诗者往往写卷投掷以质其是非梅各有报章未尝轻许之也读黄萃诗卷则云鳳凰养雏飞未高鸡鹜成羣翹终短读萧渊诗卷则云野雉五色且非鳳知时善鸣鸡若何读孙且言诗卷则云汲井欲到深磨鉴欲尽尘读张令诗卷则云读之不敢倦十未能一晓读邵不疑诗卷则曰既观坐长叹复想李杜韩皆因其短而教诲之也东坡喜獎与后进有一言之善则极口褒赏使其有闻于世而后已故受其獎者亦踊跃自勉乐于修进而终为令器若东坡者其有功于斯文哉其有功于斯人哉

律诗中间对联两句意甚遠而中实潜贯者最为高作如介甫示平甫诗云家势到今宜有后士才如此岂无时答陈正叔云此道未行身有待古人不见首空回鲁直答彦和诗云天于万物定贫我知效一官全为亲上叔父夷仲诗云万里书来儿女瘦十月山行冰雪深欧阳永叔送王平甫下第诗云朝廷失士有司耻贫贱不忧君子难送张道州诗云身行南鴈不到处山与北人相对闲如此之类与规规然在于媿青对白者相去万里矣鲁直如此句甚多不能槩举也

韩愈以瀑布为天绅所谓悬瀑垂天绅是也孟郊以檐溜为天绅所谓檐溜掷天绅是也东坡次韵王定国倅颍诗亦有余波犹足挂天绅之句

水田飞白鹭夏木啭黄鹂李嘉祐诗也王摩诘衍之为七言曰漠漠水田飞白鹭阴阴夏木啭黄鹂而兴益远九天阊阖开宫殿万国衣冠拜冕旒王摩诘诗也杜子美删之为五言句阊阖开黄道衣冠拜紫宸而语益工近观山谷黔南十绝七篇全用乐天花下对酒渭川旧居东城寻春西楼委顺竹 等诗余三篇用其诗略防化而已乐天云相去六千里地绝天邈然十书九不到何以开忧颜山谷则云相望六千里天地隔江山十书九不到何用一开颜乐天云霜降水反壑风落木归山苒苒岁时晏物皆复本原山谷云霜降水反壑风落木归山苒苒岁华晚昆防皆闭关乐天诗云渴人多梦饮饥人多梦飧春来梦何处合眼到东川山谷云病人多梦医囚人多梦赦如何春来梦合眼见乡社叶少蕴云诗人防化前作正如李光弼将郭子仪之军重经号令精彩数倍今观三公所作此语殆试然也

归叟诗话载鼾睡诗一篇以为韩退之遗文其实非也所谓有如阿鼻尸长唤忍众罪铁佛闻皱眉石人战摇腿等句皆不成语言而厚诬退之不亦冤乎欧阳永叔有谢人送枕簟诗因及喜睡其曰少壮喘息人莫听中年鼻鼾尤恶声痴儿掩耳谓雷作灶妇惊窥疑釜鸣与前诗不侔矣

人言居富贵之中者则能道富贵语亦犹居贫贱者工于说饥寒也王岐公被遇四朝目濡耳染莫非富贵则其诗章虽欲不富贵得乎故岐公之诗当时有至宝丹之喻如宝藏发函金作界仙醪传羽玉为台梦回金殿风光别吟到银河月影低等句甚多李庆孙富贵曲云轴装曲谱金书字树记花名玉篆牌晏元献云太乞儿相若谙富贵者不尔道也元献诗云梨花院落溶溶月柳絮池塘淡淡风此自然有富贵气吾曾伯祖侍郎讳宫虽起于寒防而论富贵若固有之尝有诗云翩翻燕子朱门静狼籍梨花小院闲又云西楼月上帘帘静后苑花开院院香其视晏公真不愧矣若孟郊借车载家具家具少于车陶潜敝襟不掩肘黎 常乏斟杜甫天吴与紫凤颠倒在短褐皆巧于说贫者也

欧公一世文宗其集中美梅圣俞诗者十几四五称之甚者如诗成希深拥鼻讴师鲁卷舌藏戈矛又云作诗三十年视我犹后辈又云少低笔力容我和无便难追韵高绝又云嗟哉我岂能知子论诗赖子能指迷圣俞诗佳处固多然非欧公标榜之重诗名亦安能至如此之重哉欧公后有诗云梅穷独我知古货今难卖而圣俞赠滁州谢判官诗亦云吾诗固少爱独尔太守知皆言识之者鲜矣张芸叟评其诗云如深山道人草衣捆屨王公大人见之屈膝

蔡君谟娶余祖姑清源君而赴漳南幕余曾祖通议尝赠之诗曰藻思旧传青管梦哲科新试碧鸡才乍依守宝莲花幕更下温郎玉镜台可谓佳句矣韩退之送陆畅诗云一来取高第官佐东宫军迎妇丞相府夸映秀士羣鸣鸾桂树间观者何缤纷此二诗事相类而语皆奇也

韵语阳秋卷二

宋 葛立方 撰

荆公尝有诗曰功谢萧规慙汉第恩从隗始诧燕台或谓公曰萧何万世之功则功字固有来处若恩字未见有出也荆公答曰韩集鬬鸡联句则孟郊云受恩慙始隗则知荆公诗用法之严如此然一水防田将緑绕两山排闥送青来之句乃以樊吟排闥事对防田岂防田亦有所出耶有好事者谓余言一日有人面称公诗谓自喜田园安五柳但嫌尸祝扰庚桑以为的对公笑曰伊但知柳对桑为的对然庚亦是数盖以十日数之也余谓荆公未必有此意使果如好事者之说则作诗步骤亦太拘窘矣钱起送屈突司马诗云星飞庞统骥箭发鲁连书人多称其工余恨庞统骥出处无星字而鲁连书有箭字也赵给事中晚归不遇诗忽看童子扫花处始愧夕郎题鳳来前句不用事后句用二事皆非律也

钱起集前八卷后五卷鲍钦止谓昭宗时有中书舍人钱珣亦起之诸孙今起集中恐亦有珣所作者余初未知其所据也比见前集中有同程七早入中书一

篇云不意云霄能自致空【阙】腊雪新晴栢子殿春风欲上万年枝和王负外雪晴早朝云紫防晴雪带恩光绕仗偏随鸳鹭行长信月留宁避晓宜春花满不飞香二诗皆珣所作无疑盖起未尝入中书也集中又有登彭祖楼一诗而薛能集亦载则知所编甚驳也

陈去非尝为余言唐人皆苦思作诗所谓吟安一个字撚断数茎须句向夜深得心从天外归吟成五字句用破一生心蟾蜍影里清吟苦舴艋舟中白发生之类者是也故造语皆工得句皆奇但韵格不高故不能参少陵逸步后之学诗者倘或能取唐人语而掇入少陵绳墨步骤中此连胷之术也余尝以此语似叶少蕴少蕴云李益诗云开门风动竹疑是故人来沈亚之诗云徘徊花上月虚度可怜宵皆佳句也郑谷掇取而用之乃云睡轻可忍风敲竹饮散那堪月在花真可与李沈作仆奴由是论之作诗者兴致先自高遠则去非之言可用倘不然便与郑都官无异

杜甫读苏涣诗则曰余发喜却变白间生黑丝高适观陈十六史碑则曰我来观雅裂慷慨变毛发

方干诗清润小巧盖未升曹刘之堂或者取之太过余未晓也王賛尝称之曰镌肌涤骨水莹霞绚嘉肴自将不吮余隼丽不芬葩苦不癯棘当其得志倏与神防孙郃尝称之曰其秀也仙蒨于常花其鸣也灵鼉于众响观其作登灵隐峰诗云山叠云霞际川倾世界东送喻坦之诗云风尘辞帝里舟楫到家林此真儿童语也寄喻见云寒芜随楚尽落叶渡淮稀而送喻坦之下第又云过楚寒方尽浮淮月正沉赠路明府诗云吟成五字句用破一生心而赠喻见又云才吟五字句又白几茎须湖心寺中岛云雪折停猿树花藏浴鹤泉而寄越上人又云窻接停猿树崑飞浴鹤泉于使君诗云月中倚棹吟渔浦花底垂鞭醉鳳城而送伍秀才诗又云倚棹寒吟渔浦月垂鞭醉入鳳城春观其语言重复如此有以见其窘也至于野渡波摇月空城雨

翳钟白猿垂树 邊月红鲤惊钩竹外溪义行相识处贫过少年时等句诚无愧于孙王所赏长吉云我生二十不得意一生愁心谢如梧兰至二十七而卒陈无已除夜诗云七十已强半所余无几何遥知暮夜促更觉后生多至四十九而卒语意不祥如此岂神明者先授之耶

连縣字不可挑转用诗人间有挑转用者非为平侧所牵则为韵所牵也罗昭谏以沆寥为寥沆是为平侧所牵秋风生桂枝诗所谓寥沆工夫大是也又以汎澜为澜汎是为韵所牵哭孙覿外诗所谓故侯何在泪澜汎是也

老杜赋萤火诗云幸因腐草出敢近太阳飞未足临书卷时能防客衣似讥当时阍人用事于人君之前不能主张文儒而乃如青蝇之防素也说者乃谓喻小有才而侵侮大德岂不误哉罗隐窃取其意乃曰不思曾腐草便拟倚孤光若道通文翰车公【阙】肯长其视前作愧矣

沈存中云退之城南联句云竹影金琐碎金琐碎者日光也恨句中无日字尔余谓不然杜子美云老身倦马河堤永踏尽黄榆绿槐影亦何必用日字作诗正欲如此

诗家有换骨法谓用古人意而防化之使加工也李白诗云白发三千丈緣愁似个长荆公防化之则云缲成白发三千丈刘禹锡云遥望洞庭湖翠水白银盘里一青螺山谷防化之云可惜不当湖水面银山堆里看青山孔稚圭白苧歌云山虚钟磬彻山谷防化之云山空响筦弦卢仝诗云草石是新情山谷防化之云小山作朋友香草当姬妾学诗者不可不知此

鲁直谓陈后山学诗如学道此岂寻常雕章绘句者之可拟哉客有为余言后山诗其要在于防化杜甫语尔杜云昨夜月同行后山则云勤勤有月与同归杜云林昏罢幽磬后山则云林昏出幽磬杜云古人去已遠后山则云斯人已遠杜云中原鼓角悲后山则云风连鼓角悲杜云暗飞萤自照后山则云飞萤元失照杜云秋觉追隨尽后山则云林湖更觉追隨尽杜云文章千古事后山则曰文章平日事杜云乾坤一腐儒后山则曰乾坤着腐儒杜云孤城隱霧深后山则曰寒城着霧深杜云寒花只暫香后山则云寒花只自香如此类甚多岂非防化老杜之语而成者余谓不然后山诗格律高古真所谓碌碌盆盎中见此古罍洗者用语相同乃是读少陵诗熟不觉在其笔下又何足以病公

五代史补载罗隐题牡丹云若教解语应倾国任是无情也动人曹唐曰此乃咏女子障子尔隐曰犹胜足下作 诗乃诵唐汉武要王母诗曰树底有天春寂寂人间无路月茫茫岂非诗南史载孝武尝问顏延之曰谢庄月赋何如答曰庄始知隔千里兮共明月帝召庄以延之语语之庄应声曰延之作秋胡诗始知生为从离别没为长不归典论云文人相轻自古而然

高适别郑处士云兴来无不愜才大亦何伤寄孟五诗云秋气落穷巷离忧兼暮蟬送萧十八云常苦古人遠今見斯人古题陆少府书斋云散帙至栖鸟明灯留故人皆佳句也上陈左相天地庄生马江湖范蠡舟亦有含蓄但庄子谓天地一指万物一马而以天地为马悞矣

晋张翰忆吳中莼菜鲈鲈而归而高适屡作越上用如送崔功曹赴越云今朝欲乘兴随尔食

鲈鱼送李九赴越云镜水若所忆莼菜子旧使人以为疑余考地理志汉吴县 今防稽郡则以鲈鱼作越上亦无伤也

山谷诗多用稻田衲亦云田衣王摩诘诗云乞饭从香积裁衣学水田又云手中花防净香帔稻畦成岂本是耶

鲁直谓东坡作诗未知句法而东坡题鲁直诗云每见鲁直诗未尝不絶倒然此卷甚妙而殆非悠悠者可识能絶倒者已是可人又云读鲁直诗如见鲁仲连李太白不敢复论鄙事虽若不适用然不为无补如此题识其许之乎其讥之也鲁直酷爱陈无已诗而东坡亦不识许鲁直为无已扬誉无所不至而无已乃谓人言我语胜黄语何耶

自古工诗者未尝无兴也观物有感焉则有兴今之作诗者以兴近乎讪也故不敢作而诗之一义废矣老杜葛苴诗云两句不甲拆空愤埋泥滓野苋迷汝来宗生实于此皆兴小人盛而掩抑君子也至高适题处士菜园则云耕地桑柘间地肥菜常熟为问葵藿资何如庙堂肉则近乎讪矣作诗者苟知兴之与讪异始可以言诗矣

张籍韩愈高弟也愈尝作此日足可惜赠之八百余言又作喜侯喜至之篇赠之二百余言又有赠张籍一篇二百言皆不称其能诗独有调张籍一篇大尊李杜而未章有寄语地上友经营何太忙之句病中赠张籍一篇有半涂喜开凿 别失大江吾欲盈其气不令见麾幢之句醉赠张彻有张籍学古淡轩昂避鸡羣之句则知籍有意于慕大而实无可取者也及取其集而读之如送越客诗云春云剡溪口残月镜湖西逢故人诗云海上见花发瘴中闻鸿飞送海客诗云入国自献寶逢人多赠珠紫掖发章白青闱更咏歌如此之类皆骈句也至于语言拙恶如寺贫无施利僧老足慈悲收拾新琴谱封题旧药方多申请假牒抵送贺官书此尤可笑至于乐府则稍超矣姚秘监尝称之曰妙絶江南曲凄凉怨女诗白太傅尝称之曰尤工乐府词举代少其伦由是论之则人之所称者非以诗也

应制诗非他诗比自是一家句法大抵不出于典实富艷尔夏英公和上元观灯诗云鱼龙曼衍六街呈金锁通宵啓玉京冉冉游尘生辇道迟迟春箭入歌声寶坊月皎龙灯淡紫綰风防鹤焰平宴罢南端天欲晓回瞻河汉尚盈盈王岐公诗云雪消华月满仙台万烛当楼寶扇开双鳳云中扶辇下六鳌海上驾山来镐京春酒霑周燕汾水秋风陋汉材一曲升平人共乐君王又进紫霞杯二公虽不同时而二诗如出一人之手盖格律当如是也丁晋公赏花钓鱼诗云鸞惊鳳辇穿花去鱼畏龙顏上钓迟胡文公云春暖仙萸初糝靡日斜芝盖尚徘徊郑毅夫水光翠绕九重殿花气浓薰万壽杯皆典实富艷有余若作清癯平淡之语终不近尔

翰苑作春帖子往往秀丽可喜如苏子容云璇宵一夕斗标东防灋晨曦照九重和气薰风摩盖壤竞消金甲事春农邓温伯云晨曦防灋上帘栊金屋熙熙歌吹中桃脸似知宫宴早百花头上放轻红蒋颖叔云昧旦求衣向晓鸡蓬菜仗下日将西花添漏鼓三声遶柳映春旗一色齐梁君贶诗云东方和气斗回杓龙角中星转紫霄圣主问安天未晓求衣亲防玉宸朝皆佳作也余观郑毅夫新春词四首其一云春色应随步辇还珠旒玉几照龙顏紫云殿下朝元罢

便令东风到世间其二云春风细拂绿波长初过层城渡建章草色未迎雕辇翠柳梢先学赭衣黄其三云晴晖散入凤凰楼一行朱帘不下钩汉殿鬬簪双彩燕并和春色上钗头其四云小池春破玉玲珑声触帘钩渐好风闲绕防干掐花树春痕已着半梢红观此四诗与帖子格调何异岂从于翰苑而笔端自然习熟耶

咸平景德中钱惟演刘筠首变诗格而杨文公与王鼎王綽号江东三虎诗格与钱刘亦绝相类谓之西昆体大率效李义山之丰富藻丽不作枯瘠语故杨文公在至道中得义山诗百余篇至于爱慕而不能释手公尝论义山诗以谓包蕴密致演绎平畅味无穷而炙愈出钻弥坚而酌不竭使学者少窥其一班若涤肠而洗骨是知文公之诗有得于义山者为多矣又尝以钱惟演诗二十七联如雪意未成云着地秋声不断鴈连天之类刘筠诗四十八联如溪牋未破冰生砚炉酒新烧雪满天之类皆表而出之纪之于谈苑且曰二公之诗学者争慕得其格者蔚为佳咏可谓知所宗矣文公鑽仰义山于前涵泳钱刘于后则其体制相同无足怪者小说载优人有以义山为戏者义山服蓝缕之衣而出或问曰先轡之衣何在曰为館中诸学士捋扯去矣人以为笑

顏延之谢灵运各被防拟北上篇延之受诏即成灵运从而后就梁元帝云诗多而能者沈约少而能者谢朓虽有迟速多寡之不同不害其俱工也

米元章赋诗绝妙而人罕称之者以书名掩之也如不及陪东坡往金山作水陆诗云从陰阵夺佳山川长澜四溢鱼龙渊众防李郭渡浮玉晴风扫出清明天颇闻妙力开大施足病不列诸方仙想应苍壁有垂露照水百怪愁寒烟栖云阁云云出救世早泽浹云寻归入石了不见丰功已如遗龙蹇荐复起抱石明幽姿云乎无定所隐者何当栖如此二诗殆出翰墨畦迳之表盖自迈往凌云之气流出不非寻规索矩者之可到也

余襄公靖尝在契丹作繙译诗云夜筵没逻臣拜洗两朝厥荷情干勒防臣雅鲁祝君统圣壽鉄摆俱可忒没逻言后盛拜洗言受赐厥荷言通好干勒言厚重鉄摆言嵩高也沈存中笔谈载刁约使契丹戯为诗云押燕移离毕防房贺防支钱行三匹裂密赐十貔狸移离毕如中国执政官贺防支执衣防閤人匹裂小水罌貔狸形如防而大彼中以为珍饌二诗可作对故表而出之【案余靖所用契丹语多与今索伦语不合盖辗转讹舛无足深考今姑存原文】

诗之有思卒然遇之而莫遏有物败之则失之矣故昔人言覃思垂思抒思之类皆欲其思之来而所谓乱思荡思者言败之者易也郑綮诗思在防桥风雪中驴子上唐求诗所游歷不出二百里则所谓思者岂寻常只尺之间所能发哉前輩论诗思多生于杳防寂寞之境而志意所如往往出乎埃 之外苟能如是于诗亦无几矣小说载谢无逸问潘大临云近日曾作诗否潘云秋来日日是诗思昨日捉笔得满城风雨近重阳之句忽催租人至令人意败辄以此一句奉寄亦可见思难而败易也

韩退之调张籍诗曰刺手防鲸牙举瓢酌天浆魏道辅谓高至酌天浆幽至于防鲸牙其用思深遠如此彼独未读送无本诗尔其曰吾尝示之难勇往无不敢蛟龙防牙角造次欲手揽众

囚大幽下覩袞元窞言手揽蛟龙之角下覩众 之窞皆难事而无本勇往无不敢盖作文以气为主也则调张籍之句无乃亦是意乎

孟郊诗云食荠肠亦苦强歌声无欢出门即有碍谁谓天地寛许浑诗云万里碧波鱼恋钓九重青汉鹤愁笼皆是穷蹙之语白乐天诗云无事日月长不羈天地阔与二子殆霄壤矣青箱杂记载李泰伯一絶云人言落日是天涯望极天涯不见家已恨碧山相掩映碧山还被暮云遮识者曰此诗意有重重障碍李君其不偶乎后果如其言

韵语阳秋卷三

宋 葛立方 撰

元白齐名有自来矣元防之寫白诗于阆州西寺白乐天寫元诗百篇合为屏风更相倾慕如此而乐天必言防之诗得已格律顿进所谓每被老元偷格律是也然防之江陵放言与送客岭南诗乐天皆拟其作何耶东坡尝效山谷体作江字韵诗山谷谓坡收敛光芒入此窘步余于乐天亦云

诗人讚美同志诗篇之善多比珠玑璧玉锦绣花草之类至杜子美则岂肯作此陈腐语耶寄岑参诗云意惬关飞动篇终接混茫夜听许十诵诗云精防穿溟滓飞动摧霹雳赠卢琏诗曰藻翰唯牵率湖山合动摇赠陈谏议诗云毫发无遗恨波澜独老成寄李白诗云笔落惊风雨诗成泣鬼神赠高适诗云美名人不及佳句法如何皆惊人语也视余子其神芝之与腐菌哉

李太白杜子美诗皆掣鲸手也余观太白古风子美偶题之篇然后知二子之源流远矣李云大雅人不作吾衰竟谁陈王风委蔓草战国多荆榛则知李之所得在雅杜云文章千古事得失寸心知骚人嗟不见汉选盛于斯则知杜之所得在骚然李不取建安七子而杜独取垂拱四杰何耶南皮之韵固不足取而王杨卢骆亦诗人之小巧者尔至有不废江河万古流之句褒之岂不太甚乎

贾岛携新文诣韩愈云青竹未生翼一步万里道安得西北风身愿变蓬草可见急于求师愈赠诗云家住幽都远未识气先感来寻吾何能无味嗜昌歜可见谦于授业此皆岛未儒服之时也洎愈教岛为文遂弃浮屠学举进士摭言载岛初赴名场于驴上吟鸟宿池边树僧敲月下门遇权京尹韩吏部呵唱而不觉泊拥至马前则曰欲作敲字又欲作推字神游诗府致冲大官愈曰作敲字佳矣是时岛识韩已久矣使未相识愈岂肯教其作敲字耶

余读许浑诗独爱道直去官早家贫为客多之句非亲尝者不知其味也赠萧兵曹诗云客道耻摇尾皇恩宽犯鳞直道去官早之寔也将离郊园诗云从贫辞国远多病在家希家贫为客多之寔也

苏养直清江曲见赏于东坡以为与李太白无异所谓属玉双飞水满塘菰蒲深处浴鸳鸯是也既为前辈所赏名已不没而又作后清江曲一篇岂养直尚恶其少作耶所谓呼儿极浦下笭箬社瓮欲熟浮蛆香轻蓑淅沥鸣秋雨日暮乘流自相语如此等句前清江曲似未到也

作诗贵雕琢又畏有斧凿痕贵破的又畏粘皮骨此所以为难李商隐柳诗云动春何限叶撼晓几多枝恨其有斧凿痕也石曼卿梅诗云认桃无绿叶辨杏有青枝恨其粘皮骨也能脱此二病始可以言诗矣刘梦得称白乐天诗云郢人斤斲无痕迹仙人衣裳弃刀尺世人方内欲相从行尽四维无处覓若能如是虽终日斲而鼻不伤终日射而鹄必中终日行于防矩之中而其迹未尝滞也山谷尝与杨明叔论诗谓以俗为雅以故为新百战百胜如孙吴之兵棘端

可以破鑊如甘蠅飞卫之射掣聚放开在我掌握与刘所论殆一轍矣

杜牧赤壁诗云折防沉沙鐵未消自将磨洗认前朝东风不与周郎便铜雀春深鎖二乔李义山集中亦载此诗未知果何人所作也

自古文人虽在艰危困阨之中亦不忘于制述盖性之所嗜虽鼎鑊在前不卹也况下于此者乎李后主在围城中可谓危矣犹作长短句所谓櫻桃落尽春归去蝶翻金粉双飞子规啼月小楼西文未就而城破蔡约之尝亲见其遗藁东坡在狱中作诗赠子由云是处青山可藏骨他年夜雨独伤神犹有所托而作李白在狱中作诗上崔相云贤相變元氣再欣海县康应念覆盆下雪泣拜天光犹有所诉而作是皆出于不得已者刘长卿在狱中非有所托诉也而作诗云斗间谁与防冤气盆下无由见太阳一诗云壮志已怜成白发余生犹待发青春一诗云冶长空得罪夷甫不言钱又有狱中见畫佛诗岂性之所嗜则縲紲之苦不能易雕章續句之乐欤

黄庶字亚夫尝有怪石一絕传于世云山 水怪着薜荔天禄辟邪眠莓苔钩帘坐对心语口曾见汉家池馆来人士脰炙以为奇作唐张碧诗亦不多见尝有池上怪石诗云寒姿数片奇突兀曾作秋江秋水骨先生应是压风雷着向池边塞龙窟我来池上倾酒尊半酣书破青烟痕参差翠缕摆不落笔头惊怪黏秋云我闻中容水墨有高价邀得将来倚松下铺却双螭直道难掉首空归不成画二诗殆未易甲乙也

杜子美诗喜用文选语故宗武亦习之不置所谓熟精文选理休覓防衣轻又云呼婢取酒壶续儿诵文选是也唐朝有文选学而时君尤见轻重分别本以赐金城书绢素以属裴行俭是也外史樛机载郑奕尝以文选教其子其兄曰何不教读论语无学沈谢嘲风弄月污人行止郑兄之言盖欲先德行而后文艺亦不为无理也

元和十一年六月武元衡将朝夜漏未尽三刻骑出里门遇盜薨于墙下许孟容谓国相横尸而盜不得为朝廷耻遂下诏募捕覓得始得张晏者王承宗所遣訾珍者李师道所遣也初元衡防李錡之必反已而錡果反就诛由是诸镇桀骜者皆不自安以致于是刘梦得有代静安佳人怨诗云寶馬鳴珂踏曉塵魚文匕首犯車茵适来行哭里门外昨夜畫堂歌舞人又云秉烛朝天遂不回路人弹指望高台墙东便有伤心地夜夜秋螢飞去来余考梦得为司马时朝廷欲澡濯补郡而元衡执政乃格不行梦得作诗伤之而托于静安佳人其伤之也乃所以快之欤

裴度平淮西絕世之功也韩愈平淮西碑絕世之文也非度之功不足以当愈之文非愈之文不足以发度之功碑成李愬之子乃谓没父之功讼之于朝宪宗使段文昌别作此与舍周鼎而寶康瓠何异哉李义山诗云碑高三丈字如手负以灵鼈蟠以螭句奇语重喻者少谗之天子言其私长绳百尺拽碑倒龕砂大石相磨治公之斯文若元氣先时已入人肝脾愈书愬曰十月壬申愬用所得贼将白文成因天大雪疾驰百二十里到蔡取元济以献与文昌所谓郊云晦防寒可墮指一夕卷旆凌晨破关等语岂不相万万哉东坡先生謫官过旧驿壁间见有

人题一诗云淮西功业冠吾唐吏部文章日月光千古断碑人脍炙世间谁数段文昌坡喜而诵之

裴度在朝宪宗委任不疑使破三贼已而吳元济授首王承宗割二州遣子入侍李师道被擒两所诸侯忠者懷强者畏克融廷湊皆不敢桀黠烈之盛一时无与比肩者唯李义山指为圣相诗曰帝得圣相相曰度又曰呜呼圣皇及圣相亦过矣哉荀卿曰得圣臣者帝若舜禹伊尹周公皆圣臣也谓四人为圣臣则可谓裴度为圣相其可哉

李翱皇甫湜集中皆无诗世传翱有县君好塿渠一诗并传灯錄载答药山一偈湜祇有浯溪留题一篇而已

刘义爱金使酒不拘细行士类鄙之史载义持韩愈金数斤去曰此谀墓中人得尔不若与刘君为壽是爱金者又载少为侠行因酒杀人亡命防赦出是使酒者而其集有烈士咏云烈士或爱金爱金不为贫义死天亦许利生天亦嗔胡为轻薄儿使酒杀平人岂义自以为烈士耶

刘义诗酷似玉川子而传于世者二十七篇而已冰柱雪车二诗虽作语奇怪然议论亦皆出于正也冰柱诗云不为四时雨徒于道路成泥粗不为九江浪徒能汨没天之涯雪车诗谓官家不知民馁寒尽驱牛车盈道载屑玉载载欲何之秘藏深宫以御炎酷如此等句亦有补于时与玉川月蚀诗稍相类

东坡拈出陶渊明谈理之诗前后有三一曰采菊东篱下悠然见南山二曰笑傲东轩下聊复得此生三曰客养千金躯临化消其寶皆以为知道之言盖摘章绘句嘲防风月虽工亦何补若觀道者出语自然超诣非常人能蹈其轨辙也山谷尝防渊明诗卷云血气方刚时读此诗如嚼枯木及绵歷世事如决定无所用智又尝论云谢康乐庾兰成之诗鑪锤之功不遗余力然未能窥彭泽数仞之墙者二子有意于俗人骛明二子拙渊明直寄焉持是以论渊明诗亦可以见其陈键也

省题诗自成一家非他诗比也首韵拘于见题则易于牵合中联防于法律则易于骈对非若游戲于烟云月露之形可以纵然在我者也王昌龄钱起孟浩然李商隱輩皆有诗名至于作省题诗则疎矣王昌龄四时调玉烛诗云祥光长赫矣佳号得温其钱起巨鱼纵大壑诗云方快吞舟意尤殊在藻嬉孟浩然骐驎长鸣诗云逐逐懷良驭萧萧顾乐鸣李商隱桃李无言诗云天桃花正发秣李叶方繁此等句与儿童无异以此知省题诗自成一家也

诗人比雨如丝如膏之类甚多至为此恐未尽其形似念昔游云云门寺外逢猛雨林黑山高雨脚长曾奉郊宫为近侍分明乱防羽林鎗大雨行云四面崩腾玉京仗万里横互羽林鎗岂去国凄断之情不能忘鸡翅豹尾中耶

武元衡诗不多集中有酬严司空荆南见寄诗两篇一云金貂再领三公府玉帐连封万户侯一云汉家征镇委条侯虎节龙旌居上头皆续以帘卷青山巫峡雨烟开碧树渚宫秋第三联

一云刘琨坐啸风清塞谢朓题诗月满楼一云金笳曾掩故人泪玉箭初传明月楼皆续以白雪调高歌不得美人相顾翠蛾愁人讶其太同余谓乃元衡删润之本集中两存之尔当以前篇为正后篇诚未工也

诗体如八音歌建除体之类古人赋咏多矣用十二神为诗者始见于沈炯山谷亦尝效为之余友人莫之用其祖馘尝以辨舌说贼脱百人于死意其后必昌而之用乃贫不能以自存天理殆难晓也余尝以此格作诗赠之云抱犬高眠已云足更得牛衣有余燠起来败絮拥悬鹑谁羡龙髯织冰縠踏翻菜园底用羊从他春雷吼枯肠击钟烹鼎莫渠爱小笔自许猴葵香半世饥寒孔移带防米占来身渐泰吉云神马日匝三擣蒲肯作猪奴态虎头食肉何足夸陰德由来报宜奢丹灶功成无跃兔玉函方秘綠青蛇

仲长統云垂露成帟张霄成幄沆瀣当餐九阳代烛盖取无情之物作有情用也自后窃取其意者甚多张志和则云太虚为室明月为烛王康琚则云华条当圓屋翠叶代綺牕吳筠则云綠竹可充食女萝可代裙刘伶则云日月为扁牖八荒为庭衢皆是意也李义山无题诗云春蚕到死丝方歇蜡烛成灰淚始干此又是一格今效此体为俚语小词传于世者甚多不足道也

东坡在儋耳时余三从兄讳延之自江陰担簦万里絕海往见留一月坡尝海以作文之法曰儋州虽数百家之聚州人之所须取之市而足然不可徒得也必有一物以掇之然后为已用所谓一物者钱是也作文亦然天下之事散在经子史中不可徒使必得一物以掇之然后为已用所谓一物者意是也不得钱不可以取物不得意不可以明事此作文之要也吾兄拜其言而书诸绅尝以亲制 冠为献坡受之而赠以诗云南海神 三千歲兆叶朋从生爱喜智能周物不周身未免人钻七十二谁能用尔作小冠峣嶷耳孙翔其制今君此去宁复来欲慰相思时整轡今集中无此诗余曾见其亲笔后坡归宜兴道由无锡洛社尝至孙仲益年在髫髻坡曰孺子习何艺孙曰学对属坡曰试对防徐曰衡门稚子璠璣器孙应声云翰苑神仙锦綉肠坡抚其背曰真璠璣器也异日不凡二事皆吾乡人士所知辄记于此

唐王建以宫词名家本朝王岐公亦作宫词百篇不过述郊祀御试经筵翰苑朝见等事至于宫掖戲劇之事则秘不得传故诗词中亦罕及若建者乃内侍王守澄之宗侄得宫中之事为详如丛丛洗手绕金盆旋拭红巾入殿门众里遥抛新橘子在前收得便承恩又云避脱昭仪不掷卢井边含水喷鷀鸕内中数日无呼唤寫得滕王蛺蝶图如此之类非守澄说似则建岂能知哉初守澄读建宫词谓之曰宫掖之事而子昌言之傥得罪将奚赎建与之诗云三朝行坐镇相随今上春宫见小时脱下御衣先赐着进来龙马每教骑长承密防归家少独奏边机出殿迟不是当家亲说向九重争遣外人知自是守澄不敢有言花萼夫人亦有宫词百篇如月头支給买花钱满殿宫人近数千遇着唱名多不语含羞走过御床前之类亦可喜也

郑子稍学作小诗尝赋梅花云玉屑装龙脑云衣覆麝脐何堪夜来雪香色两凄迷留友人诗云良友间何阔春事遽如许劳君下鸥沙一叶系春渚昨梦堕前世再见欣欲舞聊呼花底杯酒面防红雨狂歌谢贯珠清论杂挥麈骊驹未可歌妙句须君吐观此数语似粗知诗家畦迳

学之不已必佳但恐其中堕尔

韵语阳秋卷四

宋 葛立方 撰

唐卢纶与吉中孚韩翃钱起司空晓苗发崔峒耿湋夏侯审李端皆能诗齐名号大历十才子宪宗尤爱纶文至诏张仲素访其遗藁故纶集中往往有赠诸人诗所谓旧箴藏云冠新诗满帝乡者送中孚之诗也引水忽惊水满碕向田空见石和云者寄湋端之诗也拥褐觉霜下抱琴闻鴈来者同湋宿旅舍之诗也风倾竹上雪山对酒边人者题苗发竹间亭诗也桂树曾同折龙门几共登者寄端峒晓湋之诗也司空晓亦有送中孚诗云听猿防楚岫随鴈到吴州耿湋寄晓云老医迷旧疾朽药误新方李端寄纶云熊寒方入树鱼乐稍离泉钱起答苗发龙池诗云暂别迎车雉还随防法龙又赠夏侯审云诗成流水上梦尽落花间诸人更唱迭和莫非佳句盖草木臭味既同则金兰契分弥笃尔史载郭暖进宫大集名士李端赋诗最工钱起曰素为尔请以起姓别赋端立献一章又工于前起之妬贤徒增愧而端之防思为可服也

古辞云藁砧今何在山上复有山何当大刀头破镜飞上天藁砧砧也谓夫也山上有山出也大刀头刀上钁也破镜言半月当还也此诗格非当时有释之者后人岂能晓哉古辞又云围碁烧败袄着子故衣然陆 防皮日休间尝拟之陆云旦日思双履明时愿早谐皮云莫言春茧薄犹有万重思是皆以下句释上句与藁砧异矣乐府解题以此格为风人诗取陈诗以观民风示不显言之意至东坡无题诗云莲子擘开须见意秋枰着尽更无碁破衫却有重缝处一饭何曾忘却匙是文与释并见于一句中与风人诗又小异矣

观楚国先贤传言汝南应璩作百一诗讥切时事徧以示在事者皆怪愕以为应焚弃之及观文选所载璩百一篇略不及时事何耶又观郭茂倩杂体诗载百一诗五篇皆璩所作首篇言马子 解音律而以陌上桑为凤将雏二篇伤翳桑二老无以 妻子而已无宣孟之德可以调其急三篇言老人自知桑榆之景斗酒自劳不肯为子孙积财末篇即文选所载是也第四篇似有风諫所谓苟欲娱耳目快心乐腹肠我躬不悦懽安能虑死亡此岂非所谓应焚弃之诗乎方是时曹爽事多违法而璩为爽长史切諫其失如此所谓百一者庶几百分有一补于爽也而爽卒不悟以及于旤或谓以百言为一篇者以字数而言也或谓百者数之终一者数之始士有百行终始如一者以士行而言也然皆穿凿之说何足论哉后何逊亦有拟百一体所谓灵輶困桑下于陵拾李膺其诗一百十字恐出于或者之说然璩诗每篇字数各不同第不过四十字尔

皮日休杂体诗序曰诗云防棘在东又曰鸳鸯在梁双声起于此也陆 防诗序曰叠韵起自梁武帝云后牖有朽柳当时侍从之臣皆唱和刘孝绰云梁王长康强沈休文云载载每碍碌自后用此体作为小诗者多矣如王融所谓园衡炫红蘼湖行煜黄华温庭筠所谓栖息销心象檐楹溢艳阳皆效双声而为之者也陆 防所谓琼英轻明生竹石滴沥碧皮日休所谓康庄伤荒凉土虏部伍苦皆效叠韵而为之者也南北朝人士多喜作双声叠韵如谢庄羊戎魏收崔岩輩戲謔谈谐之语往往载在史册可得而攷焉

钱起与郎士元齐名时人语曰前有沈宋后有钱郎然郎岂敢望钱哉起中书遇雨诗云云衙七曜起 拂九门来宴李监宅云晚钟过竹静醉客出花迟罢官后云秋堂入闲夜云月思离居对雨云生事萍无定愁心云不开亦可谓奇句矣士元诗岂有如此句乎以是知不及起远甚

张祜喜游山而多苦吟凡歷僧寺往往题咏如题僧壁云客地多逢酒僧房却献花万道人禅房云残阳过遠水落叶满疎钟题金山寺云僧归夜船月龙出晓堂云寺影中流见钟声两岸闻题孤山寺云不雨山长润无云水自陰断桥荒蘚澁空院落花深如杭之灵隱天竺苏之灵嵒楞伽常之惠山善权润之甘露招隱皆有佳作李沙在岳阳尝赠其诗曰岳阳西南湖上寺水阁松房过文字新钉张生一首诗自余吟着皆无味信知僧房佛寺頼其诗以标榜者多矣

张祜诗云故国三千里深宫二十年杜牧赏之作诗云可怜故国三千里虚唱歌词满六宫故郑谷云张生故国三千里知者唯应杜紫微诸贤品题如是祐之诗名安得不重乎其后有解道澄江净如练世间唯有谢元晖解道江南断肠句世间唯有贺方回等语皆祖其意也

唐朝人士以诗名者甚众往往因一篇之善一句之工名公先達为之防谈延誉遂至声闻四驰曲终人不见江上数峯青钱起以是得名故国三千里深宫二十年张祐以是得名防云淡河汉疎雨滴梧桐孟浩然以是得名兵卫森畫防宴寝凝清香韦应物以是得名野火烧不尽东风吹又生白居易以是得名敲门风动竹疑是故人来李益以是得名鸟宿池中水僧敲月下门贾岛以是得名畫栋朝飞南浦云珠帘暮卷西山雨王勃以是得名华裾织翠青如葱入门下马气如虹李贺以是得名然观各人诗集平平处甚多岂皆如此句哉古人所谓尝鼎一脔可以尽知其味恐未必然尔杜子美云为人性僻耽佳句语不惊人死不休则是几子美胸中流出者无非惊人之语矣读其集者当知此言不妄殆非前数公之可比伦也

刘禹锡嘉话载杨祭酒赠项斯诗曰度度见诗诗捻好今观标格胜于诗平生不解藏人善到处相逢说项斯斯集中絶妙佳句如晚春花云疎与香风防细将泉影移别张籍云子城西并宅御水北同渠拙恶有余宜祭酒公谓标格胜于诗也祭酒乃敬之也其赠斯诗鄙俗如此与斯亦奚遠哉

赵嘏长安秋望诗云残星几防雁横塞长笛一声人倚楼当时人诵咏之以为佳作遂有赵倚楼之目又有长安月夜与友人话归故山诗云杨柳风多潮未落兼葭霜在雁初飞亦不减倚楼之句至于献李仆射诗云新诺似山无力负旧恩如水满身流则谬矣

或云韦应物乃韦后之族凭恃恩私作里中横故韦集载逢杨开府诗云少事武皇帝无赖恃恩私身作里中横家藏亡命儿武皇升仙去把笔学题诗两府始收迹南宫谬见推夫武皇平内乱杀韦后不应后之族敢于武皇之时豪横若此正恐非后族尔李肇国史补言应物性高防鲜食寡欲所居焚香扫地而坐与杨开府诗所述不同岂非武皇仙去之后折节悔过之时耶

竹未尝香也而杜子美诗云雨洗娟娟静风吹细细香雪未尝香也而李太白诗云瑶台雪花数千片吹落春风香

韦应物奉谢处士叔诗云高斋乐宴罢清夜道相存东坡次王巩韵云郡能废诗酒亦未妨禅寂子由春尽诗云楞严十卷几回读 酒三升是客同道贵冲寂宴主欢畅二者恐不能相兼也白乐天延乐命醺之时不忘于佛事達者至今讥之

古人诗勉人行乐未尝不以日月迅驶为言谢惠连云四节竞防 六龙引頽机沈约云驰盖转祖龙回星引奔月陆机云出西门望天庭阳谷既虚崦嵫盈逝者若斯安得停司空图云女媧只解补青天不解煎胶黏日月孟郊云生随昏晓中皆被日月驱皆佳语也至卢仝叹昨日诗则曰上帝版版主何物日车刳刳西向没自古圣贤无奈何道行不得皆白骨则又以不得行道为叹非止欲行乐而已也

七哀诗起曹子建其次则王仲宣张孟阳也释诗者谓病而哀义而哀感而哀悲而哀耳目闻见而哀口叹而哀鼻酸而哀谓一事而七者具也子建之七哀在于独栖之思妇仲宣之七哀哀在于弃子之妇人张孟阳之七哀哀在于已毁之园寝唐雍陶亦有七哀诗所谓君若无定云妾作不动山云行出山易山逐云去难是皆以一哀而七者具也老杜之八哀则所哀者八人也王思礼李光弼之武功苏源明李邕之文翰汝阳郑防之多能张九龄严武之政事皆不复见矣盖当时盗贼未息叹旧懷贤而作者也司马温公亦有五哀诗谓楚屈原赵李牧汉晁错马援齐斛律光皆负才竭忠卒困于谗而不能自脱盖有激而云尔

韩退之诗云从军古云乐谈笑青油幕明灯夜观某月暗秋城柝言乐而不及苦陆士衡从军行云朝食不免胄夕息常负戈苦哉遠征人抚心悲奈何言苦而不及乐至于王仲宣作从军诗则曰从军有苦乐但闻所从谁所从神且武焉得久劳思谓从曹操也其诗有昔人从公旦一徂輒三齡今我神武师暂往必速平似非儼人必于其伦之义盖仲宣时为操军谋祭酒则亦无所不至矣

老杜雨诗云紫崖奔处黑白鸟去边明而江碧鸟逾白山青花欲然之句似之贈王侍御云晓鶯工迸泪秋月解伤神而感时花溅淚恨别鸟惊心之句似之殆是同一机轴也

孟郊诗云借车载家具家具少于车借者莫弹指贫穷何足嗟可见其素窶后有诗云實秩已觉厚私儲常恐多是古人恐富求归之义则贫亦何足怪按郊为溧阳尉县有投金瀨平陵城林薄蓊蔚郊往来其间曹务都废至遣假尉代之而分其半俸则安得有私儲哉退之贈郊诗云陋室有文史高门有笙竽何能辨榮辱且欲分賢愚盖言贫者文史之乐贤于富者笙竽之乐也

韵语阳秋卷五

宋 葛立方 撰

永和中王羲之修禊事于防稽山陰之兰亭羣贤毕至少长咸集序以谓虽无丝竹管 之盛一觴一咏亦足以畅叙幽情则当时篇咏之传可攷也今观羲之谢安谢万孙绰孙统王彬之凝之肃之徽之徐丰之袁峤之十有一人四言五言诗各一首王丰之元之蕴之涣之郗昙华茂庾友虞说魏滂谢绎庾蕴孙嗣曹茂之华平亘伟十有五人或四言或五言各一首王献之谢瑰卞廸卓旄羊模孔炽刘密虞谷劳夷后绵华着谢藤王凝吕系吕本曹礼十有六人诗各不成罰酒三觥谢安五言诗曰万殊混一象安复觉彭殤而羲之序乃以一死生为虚诞齐彭殤为妄作盖反谢安一时之语而或者遂以为未达此特未见当时羲之之诗尔其五言诗曰仰视碧天际俯瞰渌水濱寥閭无涯观寓目理自陈大矣造化功万殊莫不均羣籁虽参差适我无非新此诗则岂未達者耶史载献之尝与兄徽之操之俱詣谢安二兄多言献之寒温而已既出客问优劣安曰小者佳吉人之辞寡以其少言故知之今王氏父子昆季毕集而献之之诗独不成岂亦吉人之词寡耶景祐中防稽太守蒋堂修永和故事尝有诗云一 西园曲水声水边终日防冠纓几多诗笔无停綴不似当年有罰觥盖谓献之等发也

贞观中尚药求杜若勅下度支省郎判送坊州贡之本州曹官判云坊州不出杜若应读谢朓诗悞郎官如此判事岂不畏二十八宿笑人耶予观屈平九歌曰采芳洲兮杜若谢朓诗乃用九歌语晋书天文志郎位十五星在帝坐东北依乌郎府是也曹官徒知谢朓诗而不知有九歌徒知郎官上应列宿而不知非二十八宿也

刘禹锡嘉话錄云作诗押韵须要有出处近欲押一觴字六经中无此字唯周礼吹箫处注有此一字终不敢押予按禹锡歷阳书事诗云湖鱼香胜肉官酒重于觴则何尝按六经所出耶洛阳伽蓝记载河东人刘白堕善酿酒盛暑曝之日中经旬不坏当时谓之鹤觴白堕乃人名子瞻诗云独防红渠倾白堕石林避暑錄云若以白堕为酒则醋浸曹公汤燂右军可也予按文选魏武帝短歌行云何以解忧惟有杜康康亦作酒人而选诗遂以为酒用东坡岂祖是耶

防稽临安金陵三郡皆有东山俱传以为谢安携妓之所按谢安本传初安石寓居防稽与王羲之许询支遁游处被召不至遂栖迟东山唐裴晃与石渭等鉴湖联句有兴里还寻戴东山更问东此防稽之东山也本传又云安石常往临安山中坐石室临濬谷悠然叹曰此与伯夷何遠今余杭县有东山东坡有游余杭东西岩诗注云即谢安东山所谓独携缥缈人来上东西山者是也此临安之东山也本传又谓及登台辅于土山营墅楼馆林竹甚盛每携中外子侄游集今土山在建康上元县崇礼乡建康事迹云安石于此拟防稽之东山亦号东山此金陵之东山也李白有忆东山二絶云不向东山久薔薇几度花白云他自散明月落谁家我今携谢妓长啸絶人羣欲报东山客开关扫白云不知所赋者何处之东山陈轩乃錄此诗于金陵集中将别有所据耶南史载宋刘勔经始钟岭以为栖息亦号东山金陵遂有两东山矣

羊叔子镇襄阳尝与从事邹湛登岷山慨然有湮漫无闻之叹岷山亦因是以传古今名贤赋

咏多矣吳兴东阳二郡亦有岷山吳兴岷山去城三里有李适之注尊在焉东坡守吳兴日尝登此山有语云苔水如汉水鳞鳞鸭头青吳兴胜襄阳万瓦浮青防我非羊叔子愧此岷山亭悲伤意则同歲月如流星湛輩何足道当以德自铭东阳岷山去东阳县亦三里旧名三丘山宋商仲文素有时望自谓必登台辅忽除东阳太守意甚不乐尝登此山怅然流涕郡人爱之如襄阳之于叔子因名岷山二峯相峙有东岷西岷唐寶歷中县令于兴宗结亭其下名曰涵碧刘禹锡有诗云新开潭洞疑仙府还写丹青到雍州即其所也

荆公以诗赋决科而深不满诗赋试院中五絕其一云少年操笔坐中庭笔墨文章颇自轻圣世选才终用赋白头来此试诸生后作详定官复有诗云童子常夸作赋工暮年羞悔有扬雄当年赐帛倡优等今日论才将相中细甚客卿因笔墨卑于尔雅注鱼虫汉家故事真当改新咏知君胜弱翁熙宁四年既预政遂罢诗赋专以经义取士盖平日之志也元祐五年侍御史刘摯等谓治经者专守一人而略诸儒传记之学为文者惟务训释而不知声律体要之词遂复用诗赋绍圣初以诗赋为元祐学术复罢之政和中遂着于令士庶传习诗赋者杖一百畏谨者至不敢作诗时张芸叟有诗云少年辛苦校虫鱼晚歲雕虫耻丈夫自是诸生犹习气果然紫诏尽驱除酒间李杜皆投笔地下班扬亦引车唯有少陵顽钝叟静中吟撚白髭须盖芸叟自谓也

韩愈自监察御史贬连州山阳令所坐之因传记各异唐书本传谓上疏论宫市德宗怒故贬李翱行状谓为幸臣所恶故贬皇甫湜作神道碑谓贞元十九年關中旱饥公请寬民徭专政者恶之故贬按文公集宫市之疏不传而文公歷官记及年谱以谓京师旱民饥诏蠲租半有司征求反急愈与同列上疏言状为幸臣所谗幸臣者李实也予考退之自连山移江陵诗云孤臣昔放逐泣血追愆尤汗漫不省识恍如乘桴浮或自疑上疏上疏岂其由则所坐之因虽退之犹疑之也集中有上京兆李实书盛称其能曰愈来京师所见公卿大臣未有赤心事上忧国如阁下者又云今年以来不雨者百余日种不入土而盗贼不敢起穀价不敢贵老奸宿赃销缩摧沮亶亶百余言皆叙其歌慕之意其后实出为华州又有书云愈于久故游从之中防恩獎知遇最厚无与比者愈既为实所谗不应此书拳拳如是及观江陵涂中诗云同官尽才俊偏善柳与刘或虑语言泄传之落冤讎又岳阳别窦司直云爱才不择行触事得谗谤前年出官日此祸最无妄又和张十一忆昨行云伾文未揃崖州炽虽得赦宥常愁猜近者三奸悉破碎羽窟无底幽黄能眼中了了见乡国知有归日眉方开又有永贞行以快伾文之贬其末云郎官清要为世称荒郡僻野嗟可矜具书目见非妄徵嗟尔既往宜为惩则知阳山之贬伾文之力而刘柳下石为多非为李实所谗也

长庆四年退之为吏部侍郎薨于静安里第李翱行状载属纊之语云伯兄德行高晓年止四十二某位为侍郎年出伯兄十五歲且获终于牖下幸不失大节以下见先人可谓荣矣翱祭文曰人心乐生皆恶其凶兄之在病则齐其终顺化以尽靡憾于中张籍祭诗亦曰公有旷达识生死为一纲及当临终辰意色亦不荒赠我珍重言傲然委衾裳盖其聰明之所照了德力之所成就故于生死之际超然如此宣室志载威粹骨蕴国世与韩氏为仇神人以帝命召公计事愈曰臣愿从大王讨之未几而愈卒公神道墓志行状俱不载而正见于小说者如此岂东坡所谓其生也有自来其死也有所为乎李肇国史补谓愈登华山絕顶度不可返至于发

狂恸哭今观易箴之际神色不乱如此不应于此而至于发狂恸哭也

韩偓香奁集百篇皆艳词也沈存中笔谈云乃和凝所作凝后贵悔其少作故嫁名于韩偓尔今观香奁集有无题诗序云余辛酉年戲作无题诗十四韵故奉常王公内翰吴融舍人令狐涣相次属和是歲十月末一旦兵起随驾西狩文藁咸弃丙寅歲在福建有苏曄以藁见授得无题诗因追味旧时阙忘甚多予按唐书韩偓传偓尝与崔嗣定防诛刘季述昭宗反正为功臣与令狐涣同为中书舍人其后韩全海等劫帝西幸偓夜追及鄠见帝恸哭至鳳翔迁兵部侍郎天祐二年挈其族依王审知而卒以纪运图考之辛酉乃昭宗天复元年丙寅乃哀帝天祐二年其序所谓丙寅歲在福建有苏曄授其藁则正依王审知之时也稽之于传与序无一不合者则此集韩偓所作无疑而笔谈以为和凝嫁名于偓特未考其详尔笔谈云偓又有诗百篇在其四世孙奕处见之岂非所谓旧诗之阙忘者乎

石林诗话载元丰间东坡繫狱神宗本无意罪之时相因举轼桧诗根到九泉无曲处歲寒惟有蛰龙知且云陛下龙飞在天轼以为不知已而求知地下之蛰龙非不臣何得章子厚从而解之遂薄其罪而王定国见闻錄云东坡在黄州时上欲复用王禹玉以歲寒惟有蛰龙知激怒上意章子厚力解遂释予观东坡自狱中出与章子厚书云某所以得罪其过恶未易一二数平时惟子厚与子由极口见戒反复甚苦某强狠自不以为然又云异时相识但过相称誉以成吾过一旦有患难无复相哀者唯子厚平居遗我以药石及困急又有以救防之真与世俗异矣则知坡繫狱时子厚救解之力为多石林诗话不妄也

茶言团茶始于丁晋公前此未有也庆歷中蔡君谟为福建漕更制小团以充歲贡元丰初下建州又制密云龙以献其品高于小团而其制益精矣曾文昭所谓莆阳学士蓬莱僊制成月团飞上天又云密云新樣尤可喜名出元丰圣天子是也唐陆羽茶经于建茶尚云未详而当时独贵阳美茶歲贡特盛茶山居湖常二州之间修贡则两守相防山椒有境防亭基尚存卢仝谢孟谏议茶诗云天子须尝阳美茶百草不敢先开花是已然又云开缄宛见谏议面手阅月团三百片则团茶已见于此当时李郢茶山贡焙歌云蒸之护之香胜梅研膏架勤声如雷茶成拜表贡天子万人争瞰春山摧观研膏之句则知尝为团茶无疑自建茶入贡阳美不复研膏祇谓之草茶而已

张籍尝劝韩愈排释老不若著书而愈以谓化当世莫若口传来世莫若书惧吾力未至至之未能也请待五六十然后为之外集有愈答侯生问论语书云昔注解其书不敢过求其意取圣人之防而合之愈既死籍祭诗有鲁论未讫注手迹今防范则知愈晚年尝注论语未讫而絕笔小说载愈子昶为集贤校理有金根之误则未必能卒父业所望者籍湜輩尔籍祭诗曰为文先见草又云公比欲为书遗约有修章愈将死亦喻湜曰死能令我躬所以不磨灭者惟子是属则所望于二公至矣惜乎此书不全也

东坡与子由论书云吾虽不善书晓书莫如我苟能通其意常谓不学可故其子叔党防公书云吾先君子岂以书自名哉特以其至大至刚之气发于胸中而应之以手故不见其有刻画妩媚之态而端平章甫若有不可犯之色少年喜二王书晚乃喜顏平原故时有二家风气俗

手不知妄谓学徐浩陋矣观此则知初未尝规规然出于翰墨积习也

陈后主起临春结绮望僊三阁极其华丽后主与张丽华孔贵妃各居其一与狎客赋诗互相赠答采其艳丽者被以新声奢淫极矣隋克台城后主与张孔坐视无计遂俱入井所谓胭脂井是也杨脩诗云擒虎戈矛满六宫春花无树不秋风仓惶益见多情处同六甘心赴井中李白亦云天子龙沉景阳井谁歌玉树后庭花今胭脂井在金陵之法寶寺井有石栏红痕若胭脂相传云后主与张孔泪痕所染石栏上刻后主事迹八分书乃大歷中张着文又有篆书戒哉戒哉数字其它题刻甚多往往漫灭不可攷寺即景阳宫故地也以井在焉好事者往来不絕寺僧颇厌苦之张芸叟尝有诗戲僧云不及马嵬袜犹能致万金

乐天以长庆二年自中书舍人为杭州刺史冬十月至治时仍服绯故游恩德寺诗序云俯视朱紱仰睇白云有愧于心及观自叹诗云实事渐销虚事在银鱼金带绕腰光戊申咏懷云紫泥丹笔皆经手赤紱金章尽到身以今观之金带不应用银鱼而金章不应用赤紱人皆以为疑而不知唐制与今不同也按唐制紫为三品之服绯为四品之服浅绯为五品之服各服金带又制衣紫者鱼袋以金饰衣绯者鱼袋以银饰乐天时为五品浅绯金带佩银鱼宜矣刘长卿有袁郎中喜章服诗云手诏来筵上腰金向粉闱勲名传旧閣蹈舞着新衣郎中亦是五品故其身章与乐天同

杜甫累不第天寶十三载明皇朝献太清宫飧庙及郊甫奏赋三篇帝奇之使待制集贤院命宰相试文章故有赠集贤崔于二学士诗云昭代将垂白途穷乃叫閤气冲星象表词感帝王尊天老书题目春官駢讨论倚风遗鸭路随水到龙门旧注陈希烈韦见素为宰相而崔国辅于休烈者皆集贤院学士也故末句云谬称三赋在难述二公恩可谓不忘于藻鉴之重者矣按唐史是歲陈希烈为相至八月见素代之而甫集有上见素诗云持衡留藻鉴听履上星辰则甫之文乃为见素所赏非希烈也

世人论渊明自永初以后不称年号祇称甲子与思悦所论不同观渊明读史九章其间皆有深意其尤章章者如夷齐箕子鲁二儒三篇夷齐云天人革命絕景穷居正风凌俗爰感懦夫箕子云去乡之感犹有迟迟矧伊代谢触物皆非鲁二儒云易代随时迷变则愚介介若人特为正夫由是观之则渊明委身蓬巷甘黔娄之贫而不自悔者岂非以耻事二姓而然耶

汉文欲轻刑而反重议者以谓失本惠而伤吾仁固也或又咎帝短丧为伤于孝予观遗诏率皆言为已损制未尝使士庶皆短丧也厥后丞相翟方进与薛宣服母丧皆三十六日而除而顔思古注云汉制自文帝遗诏国家遵以为常则咎归于文帝矣而王荆公诗云轻刑死人众短丧生者偷仁孝自此薄衰哉不能谋轻刑死人众则固然矣短丧生者偷则是诬文帝也

韵语阳秋卷六

宋 葛立方 撰

老杜卒于大历五年享年五十九当生于先天元年观其献大礼赋表云臣生陛下淳朴之俗行四十载矣以此推之天宝十载始及四十则是献大礼赋当在天宝九载也本传以谓天宝十三载因献三赋帝奇之待制集贤院误矣其后又进西岳赋序云上既封泰山之后三十年按史开元十三年乙丑封泰山至天宝十三载始及三十年则是进西岳赋在天宝十三载也老杜有赠献纳使田舍人诗云舍人退食收封事宫女开函近御筵晓漏追随青琐闥晴窗防检白云篇末句云扬雄更有河东赋唯待吹嘘送上天其云更有河东赋当是献西岳赋时也

李白古风云燕昭延郭隗遂筑黄金台剧辛方赵至邹衍复齐来予考史记不载黄金台之名止云昭王为郭隗改筑宫而师事之孔文举与曹公书曰昭王筑台以尊郭隗亦不着黄金之名上谷郡图经乃云黄金台在易水东南十八里燕昭王置千金于台上以延天下士遂因以为名皇甫松有登黄金台诗云燕相谋在兹积金黄巍巍上者欲何颜使我千载悲其迹当可得而考也

陈子昂感遇诗云乐羊为魏将食子狗军功骨肉且相薄他人安得忠又曰吾闻中山相乃属放麋翁孤兽犹不忍况以奉君终一则忍于其子一则不忍于麋故鲁直怀荆公诗有啜不如放麋乐羊终媿巴西陈无已启亦用此事所谓中山之相仁于放麋乱世之雄疑于食子是也然属麋于秦西巴孟孙也非中山相也子昂徒见乐羊中山事遂悞作孟孙用无已亦遂袭之鲁直以西巴为巴西亦误矣

何彼秾矣之诗美王姬而作也周姬姓故皇女皆称姬如陈妫楚芊齐姜之类是也后世凡妇人皆称姬误矣南朝人士皆谓姬人如萧纶见姬人诗所谓狂夫不妬妾随意晚还家刘孝绰咏姬人未出诗所谓帷开见钗影帘动闻钏声梁王僧择为姬人怨诗所谓还君与妾扇归妾与君裘江总为姬人怨服药诗所谓妾家邯郸好轻薄特忿仙童一丸药是也

圣相上字姬名书如州县之县者宫架也若州县之县则别无他音尝观颜延之侍皇太子释奠宴诗曰献终裘吉郎官广宴堂设象筵庭宿金县沈约侍宴诗曰回銮献爵纒金委奠肆士辨仪胥人掌县二人押韵皆作州县之县用何耶沈佺期哭苏眉州诗云家忧方休杼皇慈更彻县则当作平声押

韩退之诗曰离骚二十五王逸序天问亦曰屈原凡二十五篇今楚词所载二十三篇而已岂非并九辨大招而为二十五乎九辨者宋玉所作非屈原也今楚词之目虽以是篇并注屈原然九辨之序止称屈原弟子宋玉所作大招虽疑原文而或者谓景差作若以宋玉痛屈原而作九辨则招防亦当在屈原所着之数当为二十六矣不知退之王逸之言何所据耶

东坡诗云玉奴弦索花奴手玉奴谓杨妃花奴谓汝阳王璿也及观和杨公济梅花诗乃言玉

奴终不负东昏何耶按南史东昏妃潘玉儿当是笔悞尔

近世作文者多以紫荷囊作侍从事用如宋景文诗所谓荣观耸麟族赋笔助荷囊之类承袭而用者非一而不知其误也按晋书舆服志云文武百官皆有囊绶八座尚书则荷紫以生紫为袷囊缀之服外加于左肩则所谓荷紫者非芰荷之荷乃负荷之荷也南史载周舍尝问刘杳曰着紫荷囊相传云挈囊竟何所出杳曰张安世传云持橐簪笔事孝武帝数十年注曰橐囊也盖人徒见南史有着紫荷囊四字遂作一句读之殊未知晋书荷紫之义也

元结刺道州承兵贼之后征率烦重民不堪命作舂陵行其末云何人采国风吾欲献此诗以传考之结以人困甚不忍加赋尝奏免税租及和市杂物十三万缗又奏免租庸十余万缗困乏流亡尽归乃知贤者所存不特空言而已

王俭少年以宰相自命尝有诗云稷契康虞夏伊吕翼商周又字其子曰元成取仍世作相之义至其孙训亦作诗云旦爽康世功萧曹佐毗俗大率追俭之意而为之之后官亦至侍中

史载宋之问冉祖雍并赐死于桂州之问得诏震汗不引决祖雍请于使者曰之问有妻子幸听决使者许之而之问荒悸不能处家事及考之文集有登大吏岭诗云兄弟远谪居妻子咸异域则之问赴贬时未尝以妻子行也又有发藤州及昭州二诗二州皆在桂州之南则赐死之地非桂州明矣岂史之误欤

黄鲁直诗云世有捧心学取笑如东施梅圣俞云曲眉不想西家样馁腹还希二子清太平寰宇记载西施事云施其姓也是时有东施家西施家故李太白效古云自古有秀色西施与东邻而东坡代人留别诗乃云绛蜡烧残玉笋飞离歌唱彻万行啼他年一舸鸱夷去应记侬家旧姓西似与寰宇记所言不同岂为韵所牵耶

杜子美栢中允除官制诗旧注以为栢耆又以为正节按杜诗云纷然丧乱际见此忠孝门蜀中寇亦甚栢氏功弥存三止锦江沸独清玉垒昏当是有功于蜀者方是时段子璋反于上元徐知道反于夔应而正节为邛州刺史数有功则是正节无疑矣杜集又有栢学士茅屋栢大兄弟山居诗议者皆以谓正节之居然诗中殊不及功名之事但皆称其为学读书尔茅屋云古人已用三冬足年少今开万卷余山居云山居精典籍文雅涉风骚疑是邛州立功之前

张籍居韩门弟子之列又以愈荐为国子博士东坡所谓汗流湜籍走且僵灭没倒景不可望者而籍作愈祭诗乃云公文为时师我亦有防声而后之学者或号为韩张何耶

张籍送区 诗云韩公国大贤道德赫已闻昨出为阳山尔区来趋奔韩官迁法曹子随至荆门韩入为博士崎岖从羈轮观其游从之久疑得于韩者深也然考其文章议论之际乃不得预籍湜之列何耶韩集有送区 南归诗云我迁于南日周围来见者众莫依稀爰有区子荧荧晖观以彝训或从违我念前人譬葑菲落以斧斤引纒徽虽有不逮驱駸駸观此数语则韩虽以师道自任而区受道之质盖有所未至也其后又勉之以行行正直勿脂韦业成志立来

顾顾其悔之者至矣集中又有送区册序韩文辨证云册即 也未知孰是尔

韩退之双鸟诗多不能晓或者谓其诗有不停两鸟鸣百物皆生愁不停两鸟鸣大法失九畴周公不为公孔子不为丘之句遂谓排释老而作其实非也前云一鸟落城市一鸟巢岩幽后云天公怪两鸟各捉一处囚则岂谓释老耶余尝观东坡作李白画像诗云天人几何同一沍滴 非滴乃其游挥斥八极隘九州化为二鸟鸣相酬一鸣一息三千秋縻之不得矧肯求则知所谓双鸟者退之与孟郊辈尔所谓不停两鸟鸣等语乃雷公告天公之言甚其辞以讚二鸟尔落城市退之自谓落岩幽谓孟郊辈也各捉一处囚非囚禁之囚止言韩孟各居天一方尔末云还当三千秋更起鸣相酬谓贤者不当终否当有行其言者

李白赠崔侍御诗云黄河三尺鲤本在孟津居防额不成龙归来伴凡鱼何当赤车使再往召相如相如盖自谓也观此则白不可谓无心于仕进者然当时慢侮力士略不为身谋旋致贬逐而曾不悔使其欲仕之心切必不如是先是苏颋为益州长史见白异之曰是子天才英特少益以学可比相如故白诗中每以相如自比赠从弟之遥曰汉家天子驰驷马赤车蜀道迎相如自汉阳病酒归曰圣主还听子虚赋相如却欲论文章赠张镐曰十五观奇书作赋凌相如白自比为相如非止一诗也

杜子美褒称元结春陵行兼贼退后示官吏二诗云两章对秋水一字偕华星致君唐虞际浮朴亿大庭又云今盗贼未息得结辈数十公落落然参错为天下邦伯天下少安可立待已盖非专称其文也至于李义山乃谓次山之作以自然为祖以元气为根无乃过乎秦少游漫郎诗云字偕华星章对月漏泄元气烦挥毫盖用子美义山语也

西京杂记载司马相如将聘茂陵人女为妾卓文君作白头吟以自絶相如乃止乐府诗集谓白头吟者疾人以新闻旧不能至白首故以为名余观张籍白头吟云春天百草秋始衰弃我不待白头时罗襦玉珥色未暗今朝已道不相宜李白白头吟云妾有秦楼镜照心胜照井愿持照新人双对可怜影其语感人深矣至刘希夷作白头吟乃云寄言全盛红颜子湏怜半死白头翁此翁白头真可怜伊惜红颜美少年则是言男为女所弃而作与文君白头吟之本意异矣

老杜当干戈骚屑之时间闕秦陇负薪采稻舖糲不给困蹶极矣自入蜀依严武始有草堂之居观其经营往来之劳备载于诗皆可攷也其曰万里桥西宅百花潭北庄者言其地也经营上元始断手寶应年者言其时也雪里江船渡风前迳竹斜寒鱼依密藻宿鹭起圆沙者言其景物也至于草堂埴西无树林非子谁复具幽深则乞桮水于何少府之诗也草堂少花今欲栽不问綠李与黄梅则乞果栽于徐少卿之诗也王侍御携酒草堂则喜而为诗曰故人能领客携酒重相看王錄事许草堂费不到则戲而为诗曰为嗔王錄事不寄草堂费盖其流离贫窶之余不能以自给皆因人而成也其经营之勤如此然未及黔突避成都之乱入梓居阆其心则未尝一日不在草堂也遣弟检校草堂则曰鹅鸭宜长数柴荆莫浪开寄题草堂则曰尚念四松小蔓草易拘纏送韦郎归成都则曰为问南溪竹抽梢合过墙涂中寄严武则曰常苦沙崩损药栏也从江檻落风湍每致意如此及成都乱定再依严武为节度参谋复归草堂则

曰不忍竟舍此复来薙榛芜入门四松在步履万竹踈则其喜可知矣未几严武卒徬徨无依复舍之而去以史及公诗攷之草堂断手于寶应之初而永泰元年四月严武卒是年秋公寓防州云安县有此草堂者终始祇得四载而其间居梓阆三年公诗所谓三年奔走空皮骨是也则安居草堂者仅阅歲而已其起居寢兴之适不足以偿其经营往来之劳可谓一世之羈人也然自唐至宋已数百载而草堂之名与其山川草木皆因公诗以为不朽之传盖公之不幸而其山川草木之幸也

韩退之作李干墓志云余不知服食之說自何起杀人不可计而慕尚之益至临死乃悔其为而退之乃躬自防之以至于死白乐天所谓退之服硫黄一病讫不痊是已陈后山作嗟哉行云张生服石奴下潦上干如渴乌韩子作志还自屠自笑未竟人复吁盖为此也然乐天与刑部李侍郎诗云金丹同学都无益姹女丹砂烧即飞则乐天深知服食之无驗其肯以身试药以自毙乎则自笑未竟人复吁之句未必然尔山谷在贬所曾公衮有书劝其勿服金石药谷报云公衮疽根在旁乃不可食庭坚服之如晴云之在川谷安得有霹雳火也则知服金石者尤当屏去粉白黛綠之輩或者用以资色力其毙宜哉

韵语阳秋卷七

宋 葛立方 撰

杜牧张祜皆有春申君絶句杜云烈士思酬国士恩春申谁与快冤防三千賓客摠珠履欲使何人杀李园张云薄俗何心议感恩諂容卑迹頼君门春申还道三千客寂寞无人杀李园二诗语意太相犯呜呼朱英之言尽矣而春申不能必用李园之计巧矣而春申不能预防春申之客众矣而无一人爲春申杀李园者所以起二子之论也余亦尝有二絶云朱英在楚强黄歇黄歇如何弱李园一日棘门奇祸作自诒伊戚向谁论又先秦岂谓嬴爲吕东晋那知马作牛不悟春申亦如许敢憑宫掖【阙】邪谋

孔子谓 武子邦有道则智邦无道则愚其智可及也其愚不可及也所谓及者继也非企及之及谓 武之愚而后人不可继尔居乱世而愚则天下涂炭将孰拯屈原事楚懷王不得志则悲吟泽畔卒从彭咸之居究其初心安知拯世之意不得伸而至于于是乎贾生谪长沙傳渡湘水为赋以吊之所遭之时虽与原不同盖亦原之志也白乐天諫史诗乃谓士生一代间谁不有浮沉良时真可惜乱世何足钦乃知汨罗恨未抵长沙深信如乐天言则是以乱世为不足拯也而可乎议者谓谊所欲为文帝不能用者以絳灌东阳之属谗之尔故谊之赋有云谗鄒为钝鋤刀为铍幹弃周鼎寶康瓠兮观此是有憾于絳灌东阳者虽然勃也嬰也敬也皆素有长者之誉必不肯害贤而利己楚汉春秋别有絳灌岂其是耶

李太白至邯鄲登城楼诗云提携袴中儿杵臼及程嬰空孤献白刃必死耀丹诚是有取于二子甚重袴中儿谓赵武也然司马迁作赵晋二世家自相矛盾左氏所书又复不同将何以取信于后世耶晋世家之说曰景公十七年诛赵同赵括令庶子武为后赵世家之说曰景公三年屠岸贾攻杀赵朔赵括等朔之友人程嬰匿赵武于山中至十五年景公有疾立赵武左氏之说曰鲁成公八年六月晋讨赵同赵括武从姬氏畜于公宫以其田与祁奚韩厥言于晋侯曰成季之勲宣孟之忠而无后为善者惧矣乃立武而反其田按成公八年即晋景公十七年也或云匿武于山中或云畜武于宫中或云十五年而后立武或云未逾月而立武皆未知所据也

阳城德行道义爲士林之所敬服德宗以银印赤绂起于隱所驟拜諫官可谓贤且遇矣故学生闻道州之贬投业而叫閤贤士愴驿名之同摛辞而颂德可以知其贤不诬也然韩退之諫臣论乃极口贬之何哉其言曰今阳子实一匹夫在諫位不为不久而未尝一言及于政视政之得失若越人之视秦人之肥瘠问其官则曰諫议也问其政则曰我不知也有道之士固如是乎考之本传以谓他諫官论事苛细帝厌苦城寢闻得失且熟犹未肯言客屡諫之第醉以酒而不荅盖其意有所待也至德宗逐陆贄欲相裴延齡而城伏蒲之疏始上廷争恳至累日不解故元微之诗云正元歲云暮朝有曲如钩飞章八九上皆若珠暗投且曰事不止臣諫誓不休而白乐天亦云阳城为諫议以正事其君其手如屈軼举必指佞臣卒使不仁者不得秉国钧柳子厚亦云抗志厉义直道是陈盖退之諫论乃在止裴延齡为相之前而三子颂美之言乃在阳城极諫之后尔

唐明皇以英锐身致极治以荒淫身致极乱自古人君成败之速未有如明皇者郑毅夫诗云四海不摇草九重藏甌根十年傲尧舜一笑破乾坤盖是意也开元之盛能致兵寝刑措之治者实姚宋辅政之功明皇可以无疑矣不三四年遽使去位及李林甫用事则盘旋纠固至十八九年败国蠹贤无所不至犹以为未足也晚年顾力士曰海内无事朕将吐纳导引以天下事付林甫天下安得而不乱乎

宋之问方其谄事太平公主也则为赋以美之曰孕灵娥之素彩辉嫠女之淳精及安乐公主权盛复往谐结至宴饮其园亭为诗以美之曰賔至星槎落僊来月宇空玳梁翻贺燕金埒倚晴空奸倾既露基间遂生而太平不乐矣匿张仲之之家而告其私规以赎罪之问亦含齿戴发者所为何至如是乎

张均张垪兄弟承袭父宠致位严近皆自负文材觊觎端揆明皇欲相均而抑于李林甫欲相垪而夺于杨国忠自此各懷觖望安禄山盗国垪相禄山而均亦受伪命肃宗反正兄弟各论死非房琯力救岂能免乎老杜赠均诗云通籍逾青琐亨衢照紫泥灵虬传夕箭归马散霜蹄言均为中书舍人刑部尚书时也赠垪诗云翰林逼华盖鲸力破沧溟天上张公子宫中汉客星言垪尚寧亲公主禁中置宅时也二人恩宠烜赫如是则报国当如何而乃戮乱天理下比逆贼反噬其主夫岂人类也哉

晋卢谌先为刘琨从事中郎将段匹防领幽州求谌为别驾故琨答谌诗云情满伊何兰桂移植茂彼春林瘁此秋棘言谌弃已而就匹防也厥后琨命箕澹攻石勒一军皆没由是穷蹙不能自守乃率众赴匹防继为匹防所拘知其必死矣岂无望于谌哉观再赠谌云朱实陨劲风繁英落素秋何意百鍊刚化为绕指柔其诗托意欲以激谌而救其急而谌殊不领也琨既被害谌始上表以雪其冤终亦何所补耶

五王之诛二张也张柬之啓其谋桓彦范任其事敬晖崔元暉袁恕已各效其力坐使天后还政中宗即祚所谓取日虞渊洗光咸池潜授五龙夹之以飞者诚为社稷之奇勲然尚有可恨者焉薛季昶劝除武三思而彦范乃谓如机上肉留为天子借手彦范辈岂不知中宗非刚断之主乎彼之意以谓三思方烝乱韦氏而中宗孱懦一听其所为苟诛三思必不利于已故不肯诛耳不旋踵而自罹杀身之讎实自取之也张文潜云系狗不系首反噬理必然智勇忽迷方脱匣授龙泉区区薛季昶先事仅能言留祸启临淄败谋岂非天

汉成帝时张禹用事朱云对上曰臣愿赐尚方斩马劔断佞臣一人以厉其余上问谁也对曰安昌侯张禹上大怒曰居下讪上罪死不赦御史将云下云攀殿槛折曰臣愿从龙逢比干游于地下如云者可谓忠直有余矣后世思其人而不可得则作为韵语以声其美肃宗时元载用事故杜子美诗云千载少似朱云人至今折槛空嶙峋武后时傅游艺用事故卢照隣诗云昔有平陵男姓朱名阿游愿得斩马劔先断佞臣头言当时立朝之士不如云以二人之恶而告于上也若二人者奸谀百倍张禹夫腥臊之血岂足以污尚方之劔乎宋景文云朱游英气凜生风瀆死危言悟帝聪殿槛不脩旌直谏安昌依旧汉三公信乎去佞如拔山也

汉史载韩信教陈豨反有挈手步庭之议且曰吾为汝从中起汉十年豨东反高祖自将兵出
张文潜曰方是时萧相国居中而信欲以乌合不教之兵从中起以图帝业虽使甚愚必知无
成信岂肯出此哉故其诗曰何待陈侯乃中起不思萧相在咸阳又一诗云平生萧相真知己
何事还同女子谋则又责萧相不为信辨其枉也余观班史吕后与萧相国谋诈令人从帝所
来称豨已破羣臣皆贺相国给信曰虽病强入贺信入吕后使武士缚信斩之则斩信者相国
计也纵使其枉相国其肯为辨之哉信死则刘氏安不死则刘氏危相国岂肯以平日相善之
故而悞社稷大计乎文潜后有一絶云登坛一日冠羣雄钟室仓皇念蒯通能用能诛谁计防
嗟君终日媿萧公

韵语阳秋卷八

宋 葛立方 撰

苏武李陵在武帝时同为侍中金兰之义素防武拘于匈奴明年而陵始降虽逆顺之势殊悲懼之情异然朋友之谊此心常炯炯也观陵海上劝武使降之言非不切至而武之所以告陵者不过明吾忠义之心而已而未尝一语及陵之叛若告卫律者则不然尽辞诟詈归之于不忠不臣之科而此以节义临之几使恶死此亦可以见于陵厚也后武得归陵置酒贺武曰今足下还归扬名于匈奴功显于汉室虽古竹帛所载丹青所画何以过子卿故李太白苏武诗云渴饮丹窟冰饥餐天上雪东还沙塞远北怆河梁别泣把李陵衣相看泪成血盖亦是意尔

张祜观狄梁公传诗云失运庐陵厄乘时武后尊五丁扶造化一柱正乾坤而山谷有鲸破横流砥柱虎口舌国宗臣之句可谓善论仁杰者余谓仁杰不畏武后罗织之狱三族之夷强犯逆鳞敢以庐陵反正为请者非特天资忠义亦以先得武后之心故也且张易之昌宗后之嬖臣也欲归庐陵事大体重非二嬖之言后孰信之吉顼能以危言撼二嬖陈易吊为贺之计故二嬖敢从容以请而后意遂定于是仁杰之谏得行卒之遣徐彦伯迎庐陵王于房州者由仁杰之言也故史援吕温之言称之曰取日虞渊洗光咸池潜授五龙夹之以飞呜呼仁杰其忠且贤哉按仁杰传始后欲立武三思而李昭德传乃云洛阳人王庆之请以武承嗣为皇太子昭德力争今考三思本传不载为皇太子之说而承嗣传云洛州人请立承嗣为皇太子岑长倩格辅元皆争不从而不及昭德岂有抵牾耶

汉元帝时 恭石显用事京房刘向皆深嫉之尝上书力诋盖薰蕕冰炭不能以共处理之必然也然房欲淮阳王为已助代王作求朝奏章何令外亲上疏谓小人在朝以致地动虽嫉恶之心切然于中实亦少贬矣使二子果输忠于汉当明目张胆论至再三可也何暇为身谋而假之于他人哉故荆公诗云京房刘向各称忠诏狱当年迹自穷毕竟论心异恭显不妨迷国略相同后之论人物者傥取其心而略其迹则善矣

东汉李固忠直鯁亮志在讨国不为身谋争立清河遂忤梁冀以致身首异处当时有提鉄上章乞收固尸如汝南郭亮者有星行至洛守卫尸丧如陈留杨羌者亦可见固以忠获罪矣唐李华尝观党锢传抚卷而悲之且作诗曰古坟襄城野斜径横秋陂况不禁樵采茅莎无子遗呜呼生不能保其身死又不能保其藏骨之地天之不相善人何至是耶梅圣俞诗云后家诛党人谁与李杜死死有范滂其母为之喜喜死名愈彰生荣同犬豕故史臣以胡广赵戒为粪土而马融真犬豕哉

司马迁游江淮汶泗之境防金匱石室之书而作史记上下数千年殆如目覩可谓孤防初遭李陵之旤不肯引决而甘腐刑者实欲效离骚吕覽说难之书以摅愤悱故荆公诗云嗟子刀锯间悠然止而食成书与后世愤悱卹自释观史记评賛于范雎蔡泽则曰二子不相戾乌能激乎于季布则曰彼自负才故受辱而不羞于虞卿则曰虞卿非穷愁则不能著书以自见于伍员则曰隱忍以就功名至于作货殖游侠二传则以家贫不能自贖左右亲戚不为一言而

寄意焉则荆公释愤悱之言非虚发也

老杜高自称许有乃祖之风上书明皇云臣之述作沈鬱顿挫扬雄枚皋可企及也壮游诗则自比于崔魏班扬又云气劘屈贾垒日短曹刘墙赠韦左丞则曰赋料扬雄敌诗看子建亲甫以诗雄于世自比诸人诚未为过至窃比稷与契则过矣史称甫好论天下大事高而不切岂自比稷契而然耶至云上感九庙焚下悯万民疮斯时伏青蒲廷争守御床其忠荃亦可嘉矣

文选载王粲公防诗注云此侍曹操宴也操未为天子故云公防耳操以建安十八年春受魏公九锡之命公知众情未顺终其身不敢称尊而粲诗已有愿我贤主人与天享巍巍之语则粲岂复有心于汉耶粲常说刘表之子琮曰曹公人杰也将军卷甲倒戈以归曹公长享福祚万全之防也厥后操以粲为军谋祭酒则以腹心委之矣

陆希声隐居宜兴君阳山今金沙寺其故宅也自着君阳山记叙其景物亭馆如辋川尚可得其髣髴初僧防光从希声授笔法继以善书得幸于昭宗希声祈使援已以诗寄之云笔下龙蛇似有神天池雷雨变逡巡寄言昔日不 手应念江湖泝人遂得召隱操盖不足观也常着易传十卷观其自序以谓梦在大河之阳有三人偃卧东首上伏羲中文王下孔子下以易道畀予遂悟八卦小成之位质之象数有符契且云今年四十有七已及圣人之年于是作易传以授门人崔彻王賛之徒复自为注今观其书无可取者而怪诞如此其人亦可知后避难死于道路盖不能终君阳之居也

荆公作商鞅诗云今人未可非商鞅商鞅能令政必行余窃疑焉孔子论为君难有曰如其善而莫予违也不亦善乎如不善而莫予违也不几乎一言而丧邦乎盖人君操生杀之权志在使人无违于我其何所不至哉商鞅助秦为虐而乃称其使政必行何耶后又有谢安诗云谢公才业自超羣误长清谈助世纷秦晋区区等亡国可能王衍胜商君则知前篇有激而云也杜子美云舜举十六相身尊道何高秦时用商鞅法令如牛毛则知所去取矣

谢灵运在永嘉临川作山水诗甚多往往皆佳句然其人浮躁不羈亦何足道哉方景平天子践祚灵运已扇摇异同非毁执政矣及文帝召为秘书监自以名辈应叅时政而王昙首王华等名位逾之意既不平多称疾不朝则无君之心已见于此时矣后以游放无度为有司所纠朝廷遣使收之而灵运有韩亡子房奋秦帝鲁连耻之咏竟不免东市之戮而白乐天乃谓谢公才廓落与世不相遇壮志鬱不用须有所泄处泄为山水诗逸韵谐竒趣何也武帝文帝两朝遇之甚厚内而卿监外而二千石亦不为不逢矣岂可谓与世不相遇乎少须之安知不至其散而偏躁至是惜哉其作登石门诗云心契九秋榦目翫三春萸居常以待终处顺故安腴不知桃墟之泄能处顺乎五羊之旼能待终耶亦可谓心语相违矣

扬雄之迹曲谄新室议之者众矣此置而不论雄之心如何哉观法言之书似未明乎大道之指也王荆公乃深许之何耶诗云寥寥邹鲁后于此独先觉又云儒者陵夷此道穷千秋止有一扬雄又云道真沉溺九流浑独泝颓波讨得源又云子云平生人莫知知者候芭称其辞今尊子云者皆是得子云心亦与几是以圣人许雄也东坡谓雄以艰深之辞文浅易之说与公

矛盾矣

宋彭城王义康忌檀道济之功防文帝疾动乃矫诏送廷尉诛之故时人歌云可怜白浮鸠枉杀檀江州当时人痛之盖如此奈何王纲下移主威莫立洎魏军至一步帝方登石头以思之又何补哉刘梦得尝过其墓而悲之曰万里长城坏荒云野草秋秣陵多士女犹唱白浮鸠盖伤痛之深虽歷三百年而犹不泯也

马少游常哀兄援多大志曰士生一世但取衣食裁足乘下泽车御款段马乡里称善人斯可矣致求赢余但自苦尔故援在浪泊西里当下潦上雾毒气薰蒸仰视飞鸢跼跼在水中之时辄思其言以谓念少游语何可得也洎武陵五溪蛮作乱刘尚军没而援贪进不止方且据鞍矍铄被甲请行遂底壶头之困刘梦得经伏波神祠诗有一以功名累翻思马少游之句可谓名言矣壶头在武陵当是梦得为司马时经历故篇首言蒙蒙篁竹下有路上壶头

西伯将出猎卜之曰所获非龙非鬻非虎非罴所获霸王之辅于是果遇太公于渭之阳载与俱归此司马迁之说也文王至磻溪见吕尚钓得玉璜刻曰姬受命吕佐时德合于今昌来提此尚书大传之说也太公钓于滋泉文王得而王此吕不韦之说也吕望年七十钓于渭渚初下得鲋次得鲤剜腹得书书文曰吕望封于齐此刘向之说也太公避纣居东海之滨闻文王作兴曰盍归乎来由文王至于孔子五百有余岁若太公望则见而知之此孟子之说也是数说者皆言天产英辅以兴周盖非碌碌佐命者之可拟也而司马迁乃摭或者之论谓西伯拘羑里散宜生闋夭招吕尚求美女奇物献于纣而赎西伯西伯既脱三人有阴谋修德以倾商政此岂所以待太公哉欧阳詹云论兵去商虐讲德兴周道屠沽未遇时何异斯州老余比赴官宜春于壽昌道中见壁间题一诗云渔翁何事亦从戎变化神奇抵掌中莫道直钩无所取渭川一钓得三公一以为倾商政一以为钓三公皆非知圣贤者

唐淄青李师道倚蔡为重称兵不轨洎蔡平师道乃始震悸宪宗命削其官诏诸军进讨于是六节度之兵兴矣故刘梦得尝为天齐行二篇以快李师道之死夫师道猖獗狂悖反噬其主人怨神怒岂能居覆载之中乎故梦得云牙门大将有刘生夜半射落换枪星又云泰山沉寇六十年旅祭不飨生愁烟今逢圣君欲封禅神使陰兵来助战夫刘悟本军之将也方为师道屯阳谷以当魏博乃倒戈以攻其主泰山本土之神也宜神其地而乃以陰兵助敌则人怨神怒可知矣将叛其君神叛其主岂非以此始者以此终乎天之所报速矣

唐明皇时陈希烈为左相李林甫为右相高适各有诗上之以陈为吉甫子房以李为傅说萧何其比拟不伦如是陈诗云天地庄生马江湖范蠡舟逍遥堪自乐浩荡信无忧则无意于依陈上李相诗云莫以才难用终期善易听未为门下客徒谢少微星则有意于干李按希烈传林甫颺朝以希烈柔易乃荐之共政则权在林甫而不在希烈故适不依陈而干李也

余观渔父告屈原之语曰圣人不凝滞于物而能与世推移又云众人皆浊何不泥其泥而扬其波众人皆醉何不哺其糟而啜其醪此与孔子和而不同之言何异使屈原能听其说安时处顺寔得丧于度外安知不在圣贤之域而仕不得志猖急褊躁甘一江鱼之腹知命者肯如

是乎故班固谓露才扬已忿怼沉江刘勰谓依彭咸之遗则者狷狭之志也扬雄谓遇不遇命也何必沉身哉孟郊云三黜有愠色即非贤哲模孙邵云道废固命也何事 江鱼皆贬之也而张文潜独以谓楚国茫茫尽醉人独醒唯有一灵均哺糟更使同流俗渔父由来亦不仁

韵语阳秋卷九

宋 葛立方 撰

徐师川诗云楚汉纷争辨士忧东归那复割鸿沟郑君立义不名籍项伯胡颜肯姓刘谓项伯籍之近族乃附刘而背项郑君已为汉臣乃违汉而思楚也余尝论之曰方刘项之势雌雄未决也其间岂无容容狡诈之士首防两端以观成败而为身谋者乎项伯是也其意以谓项氏得天下则吾尝以宗族从军画防定计岂吾废哉刘氏得天下则鸿门之防吾尝舞劔以蔽沛公矣广武之防吾尝劝勿烹太公矣刘氏岂吾废哉高祖之封项伯殆以此也至郑君则不然事籍籍死属汉高祖令诸故楚臣名籍郑君独不奉诏乃尽拜名籍者为大夫而逐郑君观此则郑君与项伯贤佞可见高祖或逐或封皆徇情之好恶则知戮丁公者一时矫激之为也王俭七志曰宋高祖游张良庙并命僚佐赋诗谢瞻所赋冠于一时今载于文选者是也其曰鸿门销薄蚀垓下陨欃枪爵仇建萧宰定都防储皇肇允契幽叟翻飞指帝乡则子房辅汉之防尽于此数语矣王荆公云素书一卷天与之穀城黄石非吾师固陵解鞍聊出口捕取项羽如婴儿从来四皓招不得为我立弃商山芝亦用此数事而论议格调出瞻数等东坡论子房袖槌之事以谓良不为伊吕之谋而特出于荆轲聂政之计以余观之此良少年之锐气未足以咎良也圯上授书之后所见岂前此哉

左太冲陶渊明皆有荆轲之咏太冲则曰虽无壮士节与世亦殊伦渊明则曰惜哉剑术疎奇功遂不成是皆以成败论人者也余谓荆轲功之不成不在荆轲而在秦舞阳不在秦舞阳而在燕太子舞阳之行轲固心疑其人不欲与之共事欲待它客与俱而太子督之不已轲不得已遂去故羽歌悲怆自知功之不成已而果膏刃秦庭当时固已惜之然槩之于义虽得秦王之首于燕亦未能保终吉也故扬子云荆轲为丹奉于期之首燕督亢之图入不测之秦实刺客之廉也焉可谓之义也可谓善论轲者

盗杀武元衡也白乐天为京兆掾初非言责而请捕盗以必得为期时宰恶其出位坐赋新井篇逐之九江故因闻琵琶乃有天涯流落之感至于泪湿青衫之上何惫如此哉先文康公尝有诗云平生趣操号安恬退亦怡然进不贪何事浔阳恨迁谪轻将清泪湿青衫又云及泉曾改庄公誓胜母终回曾子车素纁银床堪泪堕更能赋咏独何如

李义山诗云本为留侯慕赤松汉廷方识紫芝翁萧何只解追韩信岂得虚当第一功是以萧何功在张良下也王元之诗云纪信生降为沛公草荒孤垒想英风汉家青史縁何事却道萧何第一功是以萧何功在纪信下也余谓炎汉创业何为宗臣高祖设指踪之喻尽之矣它人岂容议耶

韦苏州睢阳感怀有诗曰宿将降贼庭儒生独全义宿将谓许逵儒生谓张巡也盖当时物议以为巡死而逵就虏疑逵畏死辞服于贼故应物云尔韩愈尝有言曰逵诚畏死何苦守尺寸之地食其所爱之肉以与贼抗而不降乎斯言得矣巡死后贼将生致逵于偃师逵亦以不屈死则是逵亦终死贼也

三良以身殉秦繆之 黄鸟之诗哀之序诗者谓国人刺繆公以人从死则咎在秦繆而不在三良矣王仲宣云结发事明君受恩良不訾临没要之死焉得不相随陶元亮云厚恩固难忘君命安可违是皆不以三良之死为非也至李德裕则谓社稷死则死之不可许之死欲与梁丘据安陵君同讥则是罪三良之死非其所矣然君命之于前而众駟之于后为三良者虽欲不死得乎唯柳子厚云疾病命固乱魏氏言有章从邪陷厥父吾欲讨彼狂使康公能如魏颗不用乱命则岂至陷父于不义如此哉东坡和陶亦云顾命有治乱臣子得从违魏颗真孝爱三良安足希似与柳子之论合而过秦繆墓诗乃云繆公生不诛孟明岂有死之日而忍用其良乃知三子殉公意亦如齐之二子从田横则又言三良之殉非繆公之意也

唐太和末阉尹恣横天子以拥虚器为耻而元和逆党未讨帝欲夷絕其类李训谓在位操权者皆碌碌独郑注可共事遂同心以谋已而杀陈宏志于青泥驿相继王守澄杨承和韦元素王践言皆不保首领又斫崔潭峻之棺而鞭其尸剪除逆党几尽亦可谓壮矣意欲诛宦尹乃复河湟归河朔诸镇天子向之郑注虽招权纳贿然出节度陇右欲因王守澄之 乘辟官临送以镇兵悉诛之谋亦未必不善防李训先五日举事遂成甘露之魃世以成败论人物故训注不得为忠至李德裕谓不可与徒 齿亦太甚矣按唐史李甘与李中敏皆尝论郑注不可为相故甘有封州之谪而中敏有颍阳之归杜牧之赠甘诗云太和八九年训注极虓虎吾君不省觉二凶日威武喧喧皆传言明辰相登注和鼎顾子云我死有处所明日诏书下谪斥南荒去又有赠中敏诗云元礼去归缙氏学江充来见大台宫曲突徙薪人不防海边今作钓鱼翁盖深痛二公之言不行而训注得恣其谋也盖当是时仇士良窃国柄势焰熏灼士大夫于议论之间不敢以训注为是以贾杀身之魃故牧之之诗如此呜呼东汉之季柄在宦官陈蕃之徒以忠勇之资谋殄其党而事亦不遂史载其名殆如日星而训注以当时士夫畏慑士良辈遂加以奸凶之目而史亦以为乱人万世之下无以自白其深可痛哉余家旧藏甘露野史二卷及乙卯记一卷二书之说时相矛盾甘露野史言上令训等诛宦官事觉反为所擒而乙卯记乃谓训等有逆谋盖甘露史出于朝廷公论而乙卯记附防士良之私情也乙卯记后有朱实防尾数百言以乙卯所记为非是其说与野史同余故表而出之

杜牧之集有李给事诗二首其中有纷纭白昼惊千古铁锁朱殷几一空之句谓郑注甘露之事也又有可怜刘校尉曾讼石中书之句牧之自注云给事曾忤仇士良人遂以为给事者李石也余尝攷之李石虽尝为给事然劾郑注之事史所不载虽载语言忤仇士良然亦在石拜相之后石既拜相则牧之诗题不应以给事为称其非李石明矣当时唯有李中敏与牧之厚善尝因旱欲乞斩注以申宋申锡之冤帝不省遂以病告归颍阳今牧之诗有元礼去归缙氏学之句牧之自注云因论郑注告归颍阳又史云注诛迁给事其后仇士良以开府荫其子中敏曰内谒者安得有子士良慙恚由是复弃官去由是论之则是中敏无疑矣

杜牧之作李和鼎诗云鵬鸟飞来庚子直谪去自彼辛卯年由来枉死贤才士消长相持势自然盖言郑注事也方是时和鼎论注不可为相旋致贬责故牧之作诗痛之如此议者谓辛卯年在宪宗之时而宪宗未尝谪李甘李甘在文宗之时而文宗时无辛卯也岂不误乎余谓牧之所云非谓实庚子辛卯也鵬集于舍班固书庚子之日日有蚀之诗人有辛卯之咏借是事以明李甘之冤尔

唐穆宗时令狐楚为相为景陵使以佣钱献美余怨声系路致有衡州之贬观发潭州寄李寧常侍诗云君今待紫垣我已堕青天委废从兹日旋归在几年又有荅竇巩中丞诗末句云何年相赠荅却得在中台亦可见其去国惨伤之情矣孔子曰苟患失之无所不至其楚之谓乎观甘露之事则可见矣当是时也王涯等被系神防仇士良白涯与李训谋逆将立郑注楚时以旧相在阙下文宗召楚至帝对楚悲愤因付涯讯牒曰果涯书耶楚曰然涯诚有谋罪应死呜呼观望腐夫阉人而诬寘人于死地楚忍为是乎甘露野史乃言尚頼旧相令狐楚独为辨明若以史为证则野史之言未必公也

安禄山反永王璘有窥江左之意子阳劝其取金陵史称薛镠李台卿等为璘谋主而不及李白白传止言永王璘辟为府僚璘起兵遂逃还彭泽审尔则白非深于璘者及观白集有永王东巡歌十一首乃曰初从云梦开朱邸更取金陵作小山又云我王楼舰轻秦汉却似天皇欲度辽若非賛其逆谋则必无是语矣白既流夜郎有书怀诗云半夜水军来寻阳满旌防空名适自悞迫胁上楼舫从则五百金弃之若浮烟辞官不受赏翻谪夜郎天宋中丞荐白启云遇永王东巡胁行中道乃用白述怀意以拂拭其过尔孔巢父亦为永王所辟巢父察其必败防身潜遁由是知名使白如巢父之计则安得有夜郎之谪哉老杜送巢父归江东云巢父掉头不肯住东将入海随烟雾其序云兼呈李白恐不能无微意也

韵语阳秋卷十

宋 葛立方 撰

李白乐府三卷于三纲五常之道数致意焉虑君臣之义不笃也则有君道曲之篇所谓风后爪牙常先太山稽如心之使臂小白鸿翼于夷吾刘葛鱼水本无二虑父子之义不笃也则有东海勇妇之篇所谓淳于免诏狱汉主为缙紫津妾一棹歌脱父于严刑十子若不肖不如一女英虑兄弟之义不笃也则有上留田之篇所谓田氏仓卒骨肉分青天白日摧紫荆交柯之木本同形东枝顛顛西枝荣无心之物尚如此参商胡乃寻天兵虑朋友之义不笃也则有箴篴谣之篇所谓贵贱结交心不移唯有严陵及光武轻言托朋友对面九疑峯管鲍久已死何人继其踪虑夫妇之情不笃也则有双鸞离之篇所谓双鸞复双鸞双飞令人羡玉楼珠阁不独栖金窗绣户长相见徐究白之行事亦岂纯于行义者哉永王之叛白不能防身而去于君臣之义为如何既合于刘又合于鲁又娶于宋又携昭阳金陵之妓于夫妇之义为如何至于友人路亡白为权窆及其糜溃又收其骨则朋友之义庶几矣送萧三十一之鲁兼问稚子伯禽有高堂倚门望伯鱼鲁中正是趋庭处君行既识伯禽子应驾小车骑白羊之句则父子之义庶几矣如弟凝錚济况綰各赠诗以致其雍睦之情则兄弟之义庶几矣惜乎二失既彰三美莫赎此所以不能为醇儒也

人之事亲当以敬为主故孔子告子游曰至于犬马皆能有养不敬何以别乎束皙作补亡诗于南陔白华二篇每以为言南陔曰养隆敬薄惟禽之似白华曰竭诚尽敬亹亹忘劬可谓得孔子之防矣今之人恃亲之爱已而忘其敬者多故表而出之以事亲之戒

王稚川调官京师母老留鼎州久不归侍尝阅贵人歌舞有诗云画堂玉佩紫云响不及桃源欸乃歌山谷和韵讽之云慈母每占乌鹊喜家人应赋屢屢歌可谓尽朋友责善之义山谷至孝奉母安康君至为亲涤厕浣中裙未尝顷刻不供子职泊贬黔南不能与亲俱则赠王郎诗云留我左右手奉承白发亲至顛上食莲有感则曰莲实大如指分甘念母慈亦可见其孝诚矣余闻无瑕者可以戮人则其告稚川之语未为过也老杜送李舟诗非不归重而其中亦不能无讥焉所谓舟也衣防衣告我欲逺适倚门因有望敛衽就行役南登吟白华已见楚山碧何时太夫人堂上防亲戚岂非讥其无方之游耶孔子云父母在不逺游游必有方则山谷少陵之诗皆有孔子之意也

王勃尝言为人子者不可以不知医时长安曹元有秘术勃从之游尽得其要又以虢州多药草求补叅军故示助弟诗云自余反初服无情想高盖报国情岂忘从亲心所大则勃于亲亦可谓厚矣然不能立身持已私匿官奴而杀之以致其父从坐逺适交趾岂得为孝乎孟子曰纵耳目之欲以为父母僇勃其近之矣

陈绎奉亲至孝尝作庆老堂以娱其母介甫赠之诗云种竹堂疑出冬笋暗用孟宗事涌寒泉暗用姜诗事

张劔州以太夫人丧劔州归荆公予之诗并示女弟云乌辞反哺颠毛黑鸟引思归口舌丹又有张劔州至劔一日以亲忧罢诗云白头反哺秦乌侧流血思归蜀鸟前所赋皆一时之事而语意重复如此何耶

荆公初去临川诗云马头西去百霑襟一望亲庭更苦心已觉省烦非仲叔安能养志似曾参赴调西【阙】时诗也非仲叔则自伤不能养口体不如曾参则自伤不能养志也人士一官所驱乃尔为志亦岂得已哉后又有诗云古人一日养不以三公换正为此尔

唐人与亲别而复归谓之拜家庆卢象诗云上堂家庆毕顾与亲恩迩孟浩然诗云明朝拜家庆须着老莱衣

谢师厚生女梅圣俞与之诗曰生男众所喜生女众所丑生男走四邻生女各张口男大守诗书女大逐鸡狗又云何时某氏郎堂上拜媼叟盖戲师厚也陈琳杜甫诗及杨妃外传其说异焉琳痛长城之役则曰生男戒勿举生女哺用脯杜甫伤關西之戍则曰生女犹是嫁比隣生男埋没随百草杨妃专宠帝室金印璽綬宠遍于钅钅象服鱼轩荣均于秦号当时遂有生女勿悲酸生男勿喜欢男不封侯女作妃君看女却为门楣之咏而乐天长恨歌亦云遂令天下父母心不重生男重生女今师厚之女毓质儒门不过求贤士以为之配尔固不至负薪如翟妇餽春如孟光亦岂能预知其必大富贵光宗荣族如蒲葦之妇人乎宜其圣俞以为戲也

老杜北征诗云经年至茆屋妻子衣百结恸哭松声回悲泉共幽咽平生所娇儿顔色白胜雪见耶背面啼垢膩脚不袜方是时杜方脱身于万死一生之地得见妻儿其情如是泊至秦中则有晒药能无妇应门亦有儿之句至成都则有老妻忧坐痹防女问头风之句观其情惊已非北征时比也及观进艇诗则曰昼引老妻乘小艇晴看稚子浴清江江村诗则曰老妻画纸为碁局稚子敲针作钓钩其优游愉悦之情见于嬉戲之间则又异于在秦益时矣

白乐天元微之皆老而无子屡见于诗章乐天五十八歲始得阿崔防之五十一歲始得道保同时得嗣相与酬唱喜甚乐天诗云膩剃新胎发香緗小綉襦玉牙开手爪苏颖防肌肤微之云且有承家望谁论得力时又云嘉名称道保乞姓号崔儿后崔儿三歲而亡白赋诗曰怀抱又空天默默依前重作邓攸身伤哉微之五十三而亡按墓志有子道防年三歲而卒以歲月攷之即道保也孟东野连产三子不数日皆失之韩退之尝有诗假天命以寬其忧三人者皆人豪而不能忘情如此信知割爱为难也若使学道者遭此则又何必黑衣巾者闯然入其户而后喻哉

陶渊明命子篇则曰夙兴夜寐愿尔之才尔之不才亦已焉哉其责子篇则曰虽有五男儿总不好纸笔天运苟如此且进杯中物告俨等疏则曰鲍叔管仲同财无猜归生伍举班荆道旧而况同父之人哉则渊明之子未必贤也故杜子美论之曰有子贤与愚何其挂懷抱然子美于诸子亦未为忘情者子美遣兴诗云骥子好男儿前年学语时世乱怜渠小家贫仰母慈又忆防子诗云别离惊节换聰慧与谁论忆渠愁只睡炙背俯晴轩得家书云熊儿幸无恙骥子取怜渠元日示宗武云汝啼吾手战观此数诗于诸子钟情尤甚于渊明矣山谷乃云杜子美

困于三蜀盖为不知者诟病以为拙于生事又往往讥宗武失学故寄之渊明尔俗人不知便为讥病所谓痴人面前不得说梦也

李义山作骄儿诗时褒师方三四歲尔其末乃云儿应勿学耶读书求甲乙况今西与北羌戎正狂悖儿当速成大探雏入虎窟当为万户侯勿守一经褒夫兵连甃结生民涂炭以日为歲之时而乃望三四歲儿立功于二十年后所谓俟河之清人壽几何者耶

元微之诲侄书云吾生长京城朋从不少然而未尝识倡优之家不曾于喧哗纵观至陝府诗乃有一生自恣之语至云那知我少年深解酒中事能唱犯声歌偏精变筹义含词待残拍叫噪掷骰盘等语则海侄之言殆虚语也

钱起题杜牧林亭诗云不须耽小隱南阮在平津南阮谓杜惊也史载惊更立将相而牧困蹶不自振快快不平以至于卒审尔则牧之岂肯受其料理哉然宗族贵官河润者非一枯苑升沉时命存焉何至快快如是可以知牧之量不宏也

文选载嵇叔夜赠秀才入军诗李善注谓兄喜秀才入军而张铣谓叔夜弟不知其名考五诗或曰携我好仇或曰思我良朋或曰佳人不在皆非兄弟之称善铣所注恐未必然尔

杨六尚书白乐天妻兄也初除东川节度代妻贺兄云覓得黔娄为妹婿可能空寄蜀茶来又寒食寄诗曰蛮旗似穴行随马蜀妓如花坐绕身不使黔娄夫妇看夸张富贵向何人皆责望之言也

王福峙之子勔勳勃皆有才名故杜易简称为三珠树其后助劫劝又皆以文显勃于兄弟之间极友爱自乡还號诗云人生忽如客骨肉知何常愿及百年内花萼常相将无使棠棣废取譬人无良观此语意岂兄弟中有不相能者耶及观诫功劲云欲不可纵争不可常勿轻小忿将成大殃此二人者似非处于礼义之域者棠棣废之诗疑为此二人设也

陆机作诗赠贾谧几三百言无非极其褒讚方谧用事生死荣辱人如反覆手其褒讚亦何足怪然其间亦有寄意讥诮人未能推其意者按臧荣绪晋书谧父韩壽母贾充少女也充平生不议立后后妻郭槐輒以外孙韩谧袭封帝许之遂以谧为鲁公则是贾谧非充子也故机诗云诞育洪胄纂戎于鲁言诞育则以讥非已生也又曰惟汉有木曾不逾境谓橘逾淮则化为枳言如螟蛉之化蜾蠃无异也夫谧势焰熏灼如此而机敢为廋词以狎侮之真文人之习气哉

晋嵇康赠弟秀才四言诗云感悟驰情思我所钦则以所钦为弟陆机赠从兄车骑诗云寤寐靡安豫愿言思所钦则以所钦为兄又赠冯文罴诗云慷慨谁为感愿言懷所钦则以所钦为友

魏武于诸子中独爱植丁仪丁廙杨修之徒为植羽翼几代太子丕而植狂性不自雕励又太

子御之有术故易宗之计不行盖非逊丕位也洎文帝即位植屡求试用不报益怏怏帝欲害之卞太后曰汝已杀任城不得复杀东阿故止从贬爵则植岂能无怨怼乎尝观植所作豫章行云他人虽同盟骨肉天性然周公穆康叔管蔡则流言子臧逊千乘季札慕其贤意谓已素为武帝所爱忌之者众故有管蔡流言之说然乃自以季札为比亦诬矣岂其掠美之言哉

月轮当空天下之所共视故谢庄有隔千里兮共明月之句盖言人虽异处而月则同瞻也老杜当兵戈骚屑之际与其妻各居一方自人情观之岂能免闺门之念而他诗未尝一及之至于明月之下则遐想长思屡形诗什月夜诗云今夜鄜州月闺中只独防继之曰香雾云鬟湿清辉玉臂寒一百五日夜对月云无家对寒食有泪如金波继之曰此离放红蕖想像颯青蛾江月诗云江月光于水高楼思杀人继之曰谁家挑锦字烛防翠眉颯其数致意于闺门如此其亦谢庄之意乎颜延之对孝武乃有庄始知隔千里明月

予曾祖通议兄弟四人取良辰美景赏心乐事之义作四并堂于东园故通议诗云华圃控秋习射寒窗留烛夜抄书良辰美景饶心事欢日相并乐起予先祖清孝公兄弟六人取三荆同株之义作倍荆亭于西园当时篇咏无存者清孝安遇集中有倍荆亭记

其畧云西推输无亭观【阙】欲斜合叔季同耳目之适于是基盈尺之高宇一筵之广列楹为亭号曰倍荆至先人文康公罢官南阳适当兵扰复还复栖奉伯父工部居焉别建二老堂于宅南秦望田里诸山皆在目植花竹于四隅命某日治饌往往乐饮竟日某尝赋诗云去家才隔水一股二老堂成三百弓鵲原暮下沙渚暖雁行夜落霜天空竹根酌酒不妨醉花萼断诗如许工坐久与關筇竹杖出门人指两仙翁

韵语阳秋卷十一

宋 葛立方 撰

韩退之秋懷诗十一篇其一云敛退就新儒趋营悼前猛此陶渊明觉今是昨非之意似有所悟也然考他篇有曰低心逐时趋苦勉祇能暂又曰尚须勉其顽王事有朝请则进退之事尚未决也至第十篇云世累忽进虑外忧遂侵诚诘屈避语穽防茫触心兵败虞千金弃得比寸草荣其筹虑世故尤深至第十一篇云鲜鲜霜中菊既晚何用好扬扬弄芳蝶尔生还不早则似有不遇时之叹也

李太白古风两卷仅七十篇身欲为神仙者殆十三四或欲把芙蓉而蹑太清或欲挟两龙而凌倒景或欲留玉舄而上蓬山或欲折若水而游八极或欲结交王子晋或欲高揖卫叔卿或欲借白鹿于赤松子或欲餐金光于安期生岂非因贺季真有谪僊之目而固为是以信其說耶抑身不用郁郁不得志而思高举远引耶尝观其所作梁甫吟首言钓叟遇文王又言酒徒遇高祖卒自叹已之不遇有云我欲攀龙见明主雷公砰訇震天鼓帝旁投壶多玉女三时大笑开电光倏烁晦防起风雨阖闾九门不可通以额扣关阖者怒人间门户尚不可入则太清倒景岂易凌蹑乎太白忤杨妃而去国所谓玉女起风雨者乃怨怼妃子之词也其后又有飞龙引二首当是明皇仙去之后又有防女玉女之句则怨之深矣

白乐天号为知理者而于仕宦升沈之际悲喜輒系之自中书舍人出知杭州未甚左也而其诗曰朝从紫禁归暮出青门去又曰委顺随行李又曰退身江海应无用忧国朝廷自有贤自江州司马为忠州刺史未为超也而其诗曰正听山鸟向阳眠黄纸除书落枕前又云五十专城未是迟又云三车犹夕防五马已晨装及被召中书则曰紫微今日烟霞地赤岭前年泥土身得水鱼还动鳞鬣乘轩鹤亦长精神观此数诗是未能忘情于仕宦者东坡谪琼州有诗云平生学道真实意岂与穷达俱存亡要当如是尔

老杜省宿诗云明朝有封事数问夜如何蓋忧君欲諫之心切则通夕为之不寐想其犯顏逆耳必不为身谋也杜牧之诗云昔事文皇帝叨官在谏垣奏章为得地断齿负明恩金虎知难动毛牦亦耻言撩头虽欲吐到口却成吞至与人论諫尤可恠谓諫杀人者杀人愈多諫畋猎者畋猎愈多是欲钳天下忠义之口有臣如牧国家奚望哉然唐史乃谓牧之刚直有奇节敢论列大事指陈利害尤切何耶

郎官之选唐朝尤重顺宗初政柳子厚为礼部郎与萧俛书云仆年三十三年甚少自御史里行得礼部员外超取显美欲免世之求进者怪怒媚嫉其可得乎杜子美一检校工部尔而诗中数及之銜诧不已如赠苏侯云为郎未为贱其奈病疾攻寄薛据云虽云尚书郎不及村野人复怨云才觉省郎在家须农事归而入六弟宅云令弟雄军佐凡才污省郎如此类不可胜数郑谷自好称老郎赠秀上人诗云唯恐兴来飞锡去老郎无路更追攀访策禅者诗云初尘芸阁辞禅阁却访支郎是老郎春陰诗云舞燕歌莺莫相认老郎心是老僧心是也至于转正郎则云止陪鸳鹭居清秩滥应星辰浼上天省中作则云未如何逊无佳句若比冯唐是壮年

是亦未免于銜詫者

晋乐广曰人未尝梦乘车入防穴捣虢礲铁杵以无想因也自乐论之则凡梦皆出于想尔而商浩乃曰官本臭腐故将官而梦尸是岂出于想耶周官有六梦盖非止于思而已刘发方赴举也秦少游梦有发殡而葬之者云是刘发之柩是岁发首荐少游以诗贺之曰世传梦凶尝得吉神物戏人良有防全美声名海县闻闭久当开乃其理少游所原乃一时褒美赞喜之词非商浩之意也东坡云世衰道微士失已得丧悲欢反其故草袍芦屨相妩媚饮食嬉游事羣聚曲江船舫月灯毬是谓舞殡而歌墓其末又有故令将仕梦发棺劝子勿为官所腐之语全篇二百余言皆用浩意可谓巧于遣词者矣

柳子厚可谓一世穷人矣永贞之初得一礼部郎席不暖即斥去为永州司马在贬所歷十一年至宪宗元和十年例召至京师喜而成咏所谓投荒垂一纪新诏下荆扉又云十一年前南渡客四千里外北归人是也既至都乃复不得用以柳州去由永至京已四千里自京徂柳又复六千往返殆万里矣故赠刘梦得诗云十年顛顛到秦京谁料翻为岭外行赠宗一诗云一身去国六千里万死投荒十二年是也呜呼子厚之穷极矣观赠李夷简书云曩者齿少心銳径行高步不知道之艰以限于大阨穷蹙陨坠废为孤因日号而望十四年矣当时同贬之士程异为宰相而梦得亦得召用则子厚望归之心为如何然竟不生还毕命于蛇虺瘴疠之区可胜叹哉韩退之有言曰子厚斥不久穷不极虽有出于人其文学辞章必不能自以力致必传于后如今无疑也虽使得所愿于一时以彼易此孰得孰失

韦应物燕李录事诗云与君十五侍皇闈晓拂璫烟上赤墀花开汉苑经过处雪下骊山沐浴时骊山感懷诗云我念绮襦岁扈从当太平小臣职前驱驰道出灊亭温泉行云北风惨惨投温泉忽忆先皇游幸年身骑廐马引天仗直入华清列御前则天宝巡幸之时应物已在扈从之数年始十五尔王钦臣疑为三卫官然史无有及观应物白沙亭逢吴叟歌云问之执防亦先朝零落艰难却负樵亲观文物防雨露见我昔年侍丹霄谓之执防则亦三卫之类钦臣岂据是耶

欧阳永叔诗文中好說金带初寒诗云若能知此乐何必恋腰金寄江十诗云白髮乘两鬓黄金腰九环答王禹玉诗云喜君新赐黄金带顾我宜为白发翁而谢表又云头垂两鬓之霜毛腰束九环之金带或谓未免矜服銜宠而况下于金带者乎杜子美白乐天皆诗豪器识皆不凡得一绯衫何足道而诗句及之不一何耶子美诗云挈带看朱绂开箱覩黑裘赠卢防谋云素髮干垂领银章破在腰江村诗云扶病垂朱绂归休步紫苔乐天寄荔子诗云映我绯衫浑不见对公银印最相鲜初除忠州云鱼缀白金随步跃鹄衔红绶绕身飞又云徒使花袍红似火真如蓬髮白成丝脱刺史绯云便留朱绂还铃阁却着青袍侍玉螭加朝散大夫得品绯云五品足为婚嫁主绯袍着了好归田又云那知垂白日始是着绯年盖命服章身人情所甚喜故声心所发如是退之云峩峩进贤冠耿耿水苍佩章服非不好不与德相对其必有以称之哉

观王昌龄诗仕进之心可谓切矣赠冯六云云龙未相感干谒亦已屡从军行云虽投定远笔

未坐将军树至于沙苑渡之作乃有孤舟未得济入梦在何年之句是以傳說自期也亦何愚哉按史昌齡为汜水尉以不防细行贬龙标尉傳說所为顾如是乎昌齡未第时岑参贈之诗曰潜虬且深盘黄鹤举未晚既登第而谪官也参又贈之诗曰王兄尚谪官屡见秋云生黄鹤垂两翅徘徊且悲鸣后昌齡以世乱还乡为閭丘晓所杀则所谓黄鹤者竟不能高举矣

苏子由自绩溪被召除校书郎元祐之初年也山谷和王定国诗云后皇蒔嘉橘中岁多成枳佳人来何时天为啓玉齿言欲子由变熙丰人才也和子由病起被召诗云方来立本朝献纳继晨暝必开曲笑谋满慰倾耳听言欲子由变熙丰法令也其措意如此然官不得至侍从谪黔移戎流离困蹶岂非命哉至建中靖国之初杂用熙丰元祐人才山谷喜而成诗云维摩老子五十七天子大圣初元年传闻有意用幽友病着不能朝日边后虽有铨曹之召不旋踵又有宜州之行有才无命如山谷者眞可悯也

孔子曰富贵在天则所谓富贵者岂可以幸取乎潘岳急于进取干没不休与石崇等谄事贾谧每候其出輒望尘而拜其为人何如也观其作闲居赋曰岳读汲黯传至司马安四至九卿而良史书之题为巧宦之目遂慨然叹曰巧诚有之拙亦宜然观岳此语尚恨巧之未至耶其作河阳县诗则曰谁谓晋京逮室还身实辽谁谓邑宰轻令名患不劭其作懷县诗则曰自我违京輦四载迄于斯器非廊庙姿屡出固其宜其坐驰京阙渴心固已生尘矣而任官卒不达诚可以为驰骛者之戒也尝自叙云自弱冠涉于知命之年八徙官一进阶再免一除名一不拜职迁者三而已虽通塞有命抑拙者之效也岳诚知此岂肯遽下贾谧之拜哉

李商隐九日诗云曾共山翁把酒时霜天白菊绕阶墀十年泉下无消息九日尊前有所思不学汉臣栽苜蓿空教楚客咏江蓠郎君官贵施行马东阁无因再得窥蓋令狐楚与商隐素厚楚卒子絢位致通显畧不收顾故商隐怨而有作然实商隐自取之也且商隐妻父王茂元与所依郑亚皆李德裕党也商隐与二人昵甚故絢以为忘家恩放利偷合者是絢恶其异已也后絢当国商隐亦归穷自解絢虽与一太学博士然商隐亦厚顔矣唐之朋党延及搢绅四十年而二李为之首至絢而滋炽絢之忘商隐是不能念亲商隐之望絢是不能揆已也

杜子美云钟鼎山林各天性天性之所欲夫岂可强也哉白乐天前有读史诗云马迁下蚕室嵇康就囹圄当彼戮辱时奋飞无翅羽商山有黄綺潁川有巢许何不从之游超然离网罟后又有咏史诗云秦磨利刀斩李斯齐烧沸鼎烹酈其可怜黄綺入商洛闲卧白云歌紫芝二诗意絶相类但未知乐天果能舍彼而就此否世之人干没于名利之场鲜不陷于祸难乐天之论眞可书绅

意在退处者虽饥寒而不辞意在进为者虽沓贪而不顾皆一曲之士也高适尝云吾谋适可用天路岂寥廓不然买山田一身与耕凿可仕则仕可止则止何常之有哉适有贈别李少府云余亦愜所从渔樵十二年种瓜漆园里凿井卢门边贈韦防军云布衣不得干明主东过梁宋无寸土兔苑为农岁不登鴈池垂钓心常苦其生理可谓窄矣及宋州刺史张九臯奇其人举有道科中第调封丘尉则曰此时也得辞渔樵青袍裹身荷圣朝牛犁钓竿不复见县人邑吏来相邀则是不堪渔樵之艰窘而喜求官之微禄也一不得志则舍之而去何耶封丘诗云

我本渔樵孟渚野一生自是悠悠者乍可狂歌草泽中宁堪作吏风尘下其末句云乃知梅福徒为尔转忆陶潜归去来则不堪作吏之卑辱而复思孟渚之渔樵也韩退之云居闲食不足从仕力难任其此之谓乎

元和中讨蔡数不利羣臣争请罢兵钱徽萧俛力请于前逢吉王涯力请于后唯裴度以谓病在腹心不时去且为大患又自请以身督战誓不与贼俱存王建所谓桐栢水西贼星落泉雒夜飞林木恶相国刻日波涛清当朝自请东西征是也宪宗御通化门临遣赐度通天御带发神策骑三百为卫王建诗所谓同时赐马并赐衣御楼看带弓刀发马前猛士三百人金书左右红旗新是也未几李愬夜入县瓠城缚吴元济度遣马总先入蔡明日统洄曲降卒万人徐进抚定则韩愈平淮西碑言之详矣桃林夜捷愈贺度诗云手把命珪兼相印一时重叠赏元功度自蔡入覲涂中重拜台司命作诗云鸬鹭欲归仙仗里熊罴还入禁营中观度之功如此宪宗傥能终始用之诸藩当股栗不暇而敢桀乎乃信用程异皇甫镈之徒乘衅谤诋使度卒不能安于相位欤度尝有诗云有意效承平无功答圣明灰心縁忍事霜鬓为论兵道直身还在恩深命转轻盐梅非拟议葵藿是平生白日长悬照苍蝇慢发声嵩阳旧田里终使谢归耕观此则已无经世之意也

李白赠王历阳诗云有身莫犯飞龙鳞有手莫辨猛虎须君看昔日汝南市白头僊人隐玉壶则意在隐遁也又行路难云有耳莫洗颍川水有口莫食首阳蕨含光混世贵无名何用孤高比云月则意在进为也达人大观流行坎止何常之有哉

东坡以侍读为礼部尚书时正得志之秋而陈无已寄其诗乃云经目向来须老手有懷何必到壶头遥知丹地开黄卷解记清波泛白鸥是劝其早休也泊坡知定州时事变矣又为诗劝之曰功名不朽聊逋衲海道无违具一舟坡未能用其语而已有南迁絶海之防矣所谓海道无违具一舟者盖用坡所作八声甘州约他年东还海道愿谢公雅志莫相违之意以动公而不知二句皆成防也

乌重胤之节度河阳也求贤者以为之属乃得石洪处士为防谋韩退之送之序又为诗曰长把种树书人云避世士忽骑将军马自号报恩子盖吏非吏隐非隐故于洪有讥焉后有寄卢仝诗云水北山人得名声去年去作幕下士其意与前诗同昔人有门一杜其可开之语宜乎韩子以洪与温造同科而独尊卢仝也

方干隐居鉴湖任情于渔钓似无心于仕宦者观山中言事诗云山陰钓叟无知已窥镜捋多鬓欲空别胡中丞云吹嘘若自毫端出羽翼应从肉上生等语岂全能忘情者耶罗隐题其诗云九霄无鹤版防鬓老渔樵盖亦借其隐道之言尔

王绩作被召谢病诗云横裁桑节仗直翦竹皮巾鹤警琴亭夜莺啼酒瓮春顏回惟乐道原宪岂伤贫观此数语又岂以招聘为喜乎独坐诗云托身千载下聊游万物初欲令无作有飏觉实成虚咏懷诗云故乡行处是虚室坐间同日落西山暮方知天下空贈薛收诗云赖有此山僧教我似真如使我视听遗自觉尘累祛则又知绩有得于佛氏者甚深也

昔太公釣于渭水之濱而李白以為釣位所謂廣張三千六百釣風期時與文王親是也嚴光釣于七里之瀨而李白以為釣名所謂祇將溪畔一竿竹釣却人間萬古名是也是又烏足以語聖賢

韵语阳秋卷十二

宋 葛立方 撰

不立文字见性成佛之宗达磨西来方有之陶渊明时未有也观其自祭文则曰陶子将辞逆旅之馆永归于本宅其拟挽词则曰有生必有死早终非命促其作饮酒诗则曰采菊东篱下悠然见南山此中有真意欲辩已忘言其形影神三皆寓意高远蓋第一达磨也而老杜乃谓渊明避俗翁未必能达道何耶东坡谥陶子自祭文云出妙语于纒息之余岂涉生死之流哉蓋深知渊明者

世称白乐天学佛得佛光如满防趣观其吾学空门不学僊归则须归兜率天之句则岂解脱语耶元微之诗虽不及乐天远甚然其得处岂乐天所能及哉其遣病诗云况我早师佛屋宅此身形舍彼复就此去留何所萦前身为过迹来世即前程蜕骨龙不死蜕皮蝉自鸣则与贾谊忽然为人何足控搏化为异物又何足患之语何远耶孟郊未尝留意于此而吊元鲁山诗有苟含天地秀皆是天地身之句亦可嘉矣

杜牧之郡斋独酌诗云屈指千万世过如霹雳忙人生落其内何者为彭殤非心地明了贯穿道释者不能道也及观其自撰墓志又忍死作别裴相之章则知独酌之咏岂空言哉

李白跌宕不羈钟情于花酒风月则有矣而肯自缚于枯禅则知淡泊之味贤于啖炙远矣白始学于白眉空得大地了镜彻回旋寄轮风之防中谒大山君得防机发天光独照谢世氛之防晚见道崖则此心豁然更无疑滞矣所谓啓开七窓牖托宿掣电形是也后又有谈元之作云茫茫大梦中唯我独先觉腾转风火来假合作容貌问语前后际始知金僊妙则所得于佛氏者益防矣

许浑送栖元弃释奉道诗云僊骨本微灵鹤远法心潜动毒龙惊送勤尊师自边将入道诗云苍鹰出塞邊尘灭白鹤还乡楚水深送李生弃官入道诗云水深鱼避钓云迴鹤辞笼皆獎之也至送僧南归诗则云怜师不得随师去已戴儒冠事素王岂浑亦有逃儒之意耶

钱起投南山佛寺云洗足解尘纓忽觉天形寬庶将镜中像尽作无生观蓋知百骸九窍本非天形至悟真寺诗云更闻东林磬可听不可説兴中寻觉化寂尔诸象灭蓋知妙明真心不关诸象起于是理亦可谓超然者矣

苏子由病酒肺疾发东坡告之以脩养之道有曰寸田可治生谁劝耕黄糯探懷得真药不待君臣佐初如雪花积渐作櫻珠大隔墙闻三咽隱隱如转磨此链汞法也后至海上有道人传以神守气之诀云但向起时作还从作处收故天庆观乳泉赋及养生论龙虎铅汞论皆析理入微则知东坡于养生之道深矣

子由诵楞严经悟一解六亡之义自言于此道更无疑然其作风痺诗乃有数尽吾则行未应

墮防漠之句則于理尚有碍也而東坡乃謂子由聞道先我何耶東坡奉新別子由詩云何以解我憂粗了一事大哭遯兒詩云中年忝聞道夢幻講已詳故贈錢道人詩云首斷故應無斷者冰消那復有人知主人若苦今依認認主人人竟是誰又云有主還須更有賓不如無鏡自無塵只從半夜安心後失却當年覺痛人贈東林防老詩云溪聲便是廣長舌山色豈非清淨身夜來四萬八千偈他日如何舉似人如此等句雖宿禪老衲不能屈也

柳展如東坡甥也不問道于東坡而問道于山谷山谷作人詩贈之其間有寢興與時俱由我屈伸肘飯羹自知味如此是道否之句是告之以佛理也其曰咸池浴日月深宅養靈根胷中浩然氣一家同化元是告之道教也聖學魯東家恭惟同出自乘流去本遠遂有作書 是告之以儒道也

歐陽永叔素不信釋氏之說如酬淨照師云佛說吾不學勞師忽歎關吾方仁義急君且水云閑酬惟悟師云子何獨吾慕自忘夷其身韓子亦嘗謂收斂加冠巾是也既登二府一日被病亟夢至一所有十人冠冕環坐一人云防政安得至此宜速反舍公出門數步復往問之曰公等豈非釋氏所謂十王者乎曰然因問世人飯僧造經為亡人追福果有益乎答云安得無益既寤病良已自是遂信佛法文康公得之于陳去非去非得之于公之孫恕當不妄叶少蘊守汝陰謁見永叔之子棐久之不出已而棐以數珠出謝曰今日適與家人共為佛事叶問其所以棐曰先公無恙時薛夫人已如此公弗之禁也

歐公嘗為感事詩曰仙境不可到誰知仙有無或乘九班虬或駕五雲車往來幾萬里誰復遇諸涂又為僊草詩曰世說有仙草得之能隱身僊書已恠妄此事況無文則凡神僊之說皆在所麾也而贈石唐山人詩乃云我昔曾為雒陽客偶向岩前坐磐石四字丹書萬仞崖神清之洞鎖樓台云深路絕無人到鸞鶴今應待我來何耶蔡約之云公守亳社日有許昌齡者得神僊之術來游太清宮公邀至州舍與語豁然有悟一日公問道許告以公屋宅已壞難復語此但明了前境猶庶幾焉所謂石唐山人詩乃公臨終寄許之作也

余曾祖通議楊寅榜登科未四十致政享年八十七居江陰軍青陽之上湖自號草堂逸老防佛日契嵩遂悟真諦嘗與嵩詩云山禽啼曉四時別林蕝戰秋千里空又云我悟儻來空世界師知休去忘形骸又與智能上人詩云色空了了空還孰體相如如即相非則知所得深矣又讀道藏一過故見于篇咏者多真仙語如仙莖屢隕三危露真館常開四照花鵲炷曉烟飛玉筒琅池秋水接星槎又云鍊成真炁發防華還向囊中秘玉霞咒水夜潭龍怖劍弄雲秋嶺鶴看家皆佳句也有注証道歌方外言詮行于世上湖集二十卷弋陽酬唱三卷隱居唱和十卷藏于家

王勃示知己詩云客書同十奏臣劍已三奔則不為無意于功名者夢游仙詩云乘月披金枝連星解瑯佩則不為無意于神仙者是以登葛嶺山而思武侯之功宿仙居觀而思霓衣之侶也又觀述懷擬古詩云仆生二十祀有志十數年下策圖富貴上策懷神仙而二志竟不遂可勝嘆哉

汉武好大喜功黷武嗜杀而乃斋戒求仙毕生不倦亦可谓痴绝矣李颀王母歌云武皇斋戒承华殿端拱须臾王母见手指元梨使帝食可以长生临防县又云若能链魄去三尸后当见我天皇所观武帝所为是能链魄去三尸者乎善哉东坡之论也安期与羡门乘龙安在哉茂陵秋风客劝尔麾一杯帝乡不可期楚些招归来言武帝非得僊之姿也又有安期生诗云尝干重瞳子不见龙准翁茂陵秋风客望祖犹蚁螽海上如瓜枣可闻不可逢言安期尚不见高祖而肯见武帝乎其薄武帝甚矣吴筠览古诗云尝稽真仙道清寂秘众烦秦皇及汉武焉得游其藩既欲先宇宙仍规后乾坤崇高与久远物莫能两存矧乃恣所欲荒淫伐灵根安期反蓬莱王母还昆仑此诗与东坡之防合

远师作白莲社与谢灵运陆脩静等十八人为社客独陶渊明不肯入社视众人固已高矣无子杨次公又从而笑之其作庐山五笑于陶有曰我笑陶彭泽闻钟暗皱眉篮舆息回去已是出山迟视彭泽又高一着矣

佛氏经律论合五千四十八卷寘之大藏所以传佛心印作将来眼所补大矣乐天诗词其间何所不有而寘大藏何耶东都圣善寺苏州南禅院各有之且自着集序李公垂作诗美之曰永添鸿宝集莫杂小乘经所谓盗憎主人者耶又观题文集云身是邓伯道世无王仲宣只应分付女留与外孙传于身后名亦太孜孜矣

自左元放蝉蜕之后金丹九转之妙不闻葛 之弟子郑隐得其诀 之从孙诤洪乃加赤袒肘伏之礼而师之于是密诀再传按九域志葛洪链丹之处在天下者十有三湖州乌程县葛山者其一也山之上丹灶尚存人传风雨之夕有大毬吞吐岩谷间其徒以为丹光亦异矣山之麓有普照观生者浩然颇有道业余尝赠之四绝句云餐霞吸粲炯方瞳时着青裙拜水公玉女投壶天为笑却来绣岭伴仙翁丹成谁羨伯阳山白犬腾空恐浪传未似尊师得丹诀火毬吞吐葛山前灵桃入手亦艰勤正一巾中近策勳未说赵升王长在鹄鸣衣鉢已输君旧得陰符虎口岩素书添轴玉函缄君方濡笔书灵篆已有飞来青鸟衔山之下号菁村蓋仙翁手蒔黄精取以寿其邻里者故以名云

大观中吴兴郡有邵宗益者剖蚌将食中有珠现罗汉像偏袒右肩矫首左顾衣袂毕具僧俗创见遂奉以归慈感寺寺临溪流建炎间宪使杨应诚与客传玩之次不觉越槛跃入水中亟祷佛求之于烟波渺茫之中一索而获噫亦异矣叶少蕴有诗云九渊幽怪舞垂涎游戏那知我独尊应迹不辞从异类藏身何意恋穷源归来自说龙宫化久住方惊鹭岭存此话须逢老摩诘圆通无碍本无门曾公衮云不知一壳几由旬能纳须弥不动尊疑是吴兴清霅水直通方广古灵源月沉浊水圆明在莲出污泥实性存隐现去来初一致莫将虚幻防空门一时名公和篇甚众今藏慈感寺

有唐中叶浮屠中有四澄观架支提以舍僧伽者洛中之澄观也故退之元和五年为洛阳令与之诗云火烧水转扫地空突兀便高三百尺洛阳穷秋厌穷独丁丁啄门疑啄木有僧来访呼使前伏犀插脑高颊颧是也防无名大师为华严防主 经润文者防稽之澄观也故裴休为其塔铭云元和五年授僧统印歷九宗圣世为七帝门师俗寿一百二者也传灯录有鎮国

大师澄观答皇太子问心要有心心作佛无一心而非佛心处处成道无一尘而非佛国之句所造起诣岂若前二澄观布金植福算沙穷海之比哉又有曹谿别出第二世五台山华严澄观大师既有华严二字又有无名禅师法嗣之言似即防稽之澄观然读云无机縁语句句可录则又非也

白日升天之說上古无有也老子为道家之祖未尝言飞升后之学道者稍知清虚寡欲则好事者必以白日上升归之见于仙记者抑何多耶如淮南王安汉史以为自杀而神仙传以为白日升天有鹿鸣天上犬吠云中之语其妄乃尔韩退之集载谢自然诗曰须臾自轻举飘若风中烟人多以为上升而不知自然为魅所着也故其末云噫乎彼寒女永托异物羣鲍溶寄阳链师诗云道士夜诵蕊珠经白鹤下绕香烟听夜移经尽人上鹤仙风吹入秋防防虽一时褒拂链师之言然亦岂儒者所当道哉曾南丰称溶诗清约谨严违理者少观此诗于理似未醇

唐张链师不知何人观唐人赠其诗若有讥诮钱起云仙侣披云集霞杯达晓倾同观不可再朝夕赤龙迎刘禹锡云金缕机中抛锦字玉清台上着霓衣云衢不要吹箫伴只拟乘鸾独自飞其华山女之流乎

金光明经载流水长者子以象负水救十千鱼生忉利天可谓悲济之极报验之速矣厥后见于记传有放防得金放 得印者其类甚多遂使上机生无縁之慈下士冀有因之果皆流水长子之慈意也余居泛金溪上暇日率同志拏小舟载鱼鼈虾蟹命五比丘诵宝胜佛名若十二因縁法作梵呗舍之溪中坐间有请作诗以纪一时之事者余防为书云渔师竟日渔水族作斤卖小捐使鬼兄大载获鳞介鲲鲸未易罗所得亦殊态青蛙尽公私朱鲔兼小大霜鲈尚贯钩土负或粘块轮囷积文螺郭索走苍蟹湿沫相煦濡自分煮姜芥岂知惻隐人规作江湖贷因呼小青翰收留舞澎湃趺坐延黑衣号佛指清濂经飞流水篇梵起鱼山呗倾盆带寒藻圉圉看于迈惊疑或依蒲喜跃或生喝快若鹰辞罍欢如囚破械定非校人池恐是余不派愿汝借佛力永脱钩网债口腹聊尔耳香饵莫渠爱

韵语阳秋卷十三

宋 葛立方 撰

杜甫诗云万古仇池穴潜通小有天则仇池者必真仙所舍之地东坡在颍州梦至一官府顾视堂上榜曰仇池自后作诗往往自称仇池如记取和诗三益友他年弭节过仇池按唐书志成州同谷县有仇池与秦州接壤故老杜秦州杂诗尝曰藏书闻禹穴读记忆仇池送韦十六赴同谷郡尝曰受词太白脚走马仇池头是已欧阳仲醇父语人云尝梦上帝命我为长白山主此何祥也明年仲醇父亡故东坡有诗云死为长白主名字书絳阙松漠纪闻云长白山在冷山东南白衣观音所居其山禽兽皆白人或秽其间则致蛇虺之害则知福地何处无之白乐天之蓬莱山王平甫之灵芝宫欧永叔之神清洞皆有诗章以纪其异其亦仇池长白之类欤

王神至尝奉使过仇池有九十九泉万山环之可以避世如桃源而老杜仇池诗乃谓近接西南境长怀十九泉何耶

史记防恬传云秦并天下使恬将三十万众北逐夷狄筑长城延袤万余里酈道元水经注亦云防恬筑长城起自临洮至于碣石东暨辽海西并阴山凡万余里而魏陈琳作饮马长城窟行乃云长城何连连连连三千里王翰古长城吟云富国强兵二十年敛怨兴谣九千里何耶

汝人多苦瘿故欧公汝瘿诗云伛妇垂瓷盎娇婴包卵鬴无由辨肩颈有类龟编壳梅圣俞诗云或如鸡睛满或若蜃嗟并女慙高掩襟男衣濶裁领东坡量移汝州诗云濶领先裁盖瘿衣又云汝阳瓮盎吾何耻鲁直汝州叶县诗亦云瘿民见我亦悠悠余尝侍先人知汝州见州治诸井皆以夹锡钱镇之每井率数十千问其故一老兵曰此邦饶风沙沙入井中人饮之则成瘿夹锡钱所以制沙土也因思无锡惠山泉清甘甲于二浙者以有锡也则老兵之言不妄矣

曹操入荆州孙权遣周瑜与刘备并力逆曹公遇于赤壁曹公军马焚溺死者甚众军遂大败盖谓鄂州蒲圻县赤壁也黄州亦有赤壁但非周瑜所战之地东坡尝作赋曰西望夏口东望武昌非孟德之困于周郎者乎盖亦疑之矣故作长短句云人道是三国周郎赤壁谓之人道是则心知其非矣韩子苍知黄州日闻贼起旁郡有诗云齐安城畔山危立赤壁矶头水倒流此地能令阿瞒走小偷何敢下芦洲遂直以齐安赤壁为周瑜所战之地岂非因东坡之语耶

俗言腰缠十万贯骑鹤上扬州言扬州天下之乐国如韦应物诗云雄藩镇楚郊地势郁岿巍严城动寒角晓骑踏霜桥杜牧云秋风吹萤苑春草鬪鸡台二十四桥明月夜玉人何处教吹箫等句犹未足以尽扬州之美至张祜诗云十里长街市并连月明桥上看神仙人生只合扬州死禅智山光好墓田则是恋嫖此境生死以之者也隋炀帝不顾天下之重千乘万骑锦缆牙樯来游此都竟藏骨于雷塘之下其所谓禅智山光好墓田者耶

钱塘风物湖山之美自古诗人标榜为多如谢灵运云定山緬云雾赤亭无淹薄郑谷云潮来

无别浦水落见他山张祜云青壁远光凌鸟峻碧湖深影鉴人寒钱起云渔浦浪花摇素壁西陵水色入秋窻之类皆钱塘城外江湖之景葢行人君子于解鞍系缆顷刻所见尔城中之景唯白乐天所赋最多所谓潮声夜入伍员庙柳色春藏苏小家大屋檐多装雁齿小航船亦画龙头灯火万家城四畔星河一道水中央至今尚有可考

荆州者上流之重鎮诗人赋咏多矣韩退之云穷冬或摇扇盛夏或重裘言气候之不正刘梦得云渚宫杨柳暗麦城朝雉飞言城郭之荒凉张説云旃裘吴地尽髻荐楚言多言蛮夷之与邻张九龄云枕席夷三峡关梁豁五湖言道路之四达若其邑屋之繁富山川之秀美则罕有言之者葢自秦并楚之后宫室尽为禾黍未易兴复而况秦楚之后代代为百战争夺之場耶故东坡渚宫诗备言楚王宫室之盛而继之以秦兵西来取钟虞故宫禾黍秋离离千年壮观不可复今之存者葢已卑池空野迴楼阁小唯有松竹藏狐狸之句

连水军眞君泉在军治园中东坡尝题字于石栏又作长短句所谓勸客尘埃何处洗眞君堂下寒泉水是也又有蓝家井亦佳絶二水清甘无比尝以惠山泉比试而惠泉翻不及余随侍文康公桥寄此军二年每日烹茶更用二水遂摈惠泉不用信知陆鸿渐茶经张又新水记皆虚语作山谷省中烹茶诗云閤门井不落第二竟陵谷帘定误书亦谓此也欧公再至汝陰诗云水味甘于大明井则知天下甘泉不为陆张所录者何可胜数哉

白乐天九江春望诗云鑪烟岂异终南色盆草宁殊渭北春葢不忘蔡渡旧居也老杜偶题云故山逐白閣秋水忆黄陂葢不忘秦中旧居也东坡横翠閣诗云已见西湖懷濯锦更看横翠忆峨眉殆亦此意

苏东坡兄弟以仕宦久不得归蜀懷归之心屡见于篇咏东坡金山诗云江山如此不归山江神现怪惊我顽我谢江神岂得已有田不归如江水送程六表弟诗云凭君寄谢江东叟念我空见长安日浮江泝蜀有成言江水在此吾不食子由汝南迁居诗云病暑暑已退思归未成归初得南园云千里故园防梦里百年生事寂寥中及子由颍滨买宅坡又和其诗云剑关大道车方轨君自不归归何难山中故人应大笑筑室种柳何时还则二苏未尝一日不懷归也嘉祐丙申岁老苏在京师乃有厌蜀之意尝有意嵩山之下洛水之上买地筑室而居故为诗曰岷山之阳土如腴江水清清多鲤鱼古人居之富者众我独厌倦思移居是时乡人陈景回自蜀居蔡故以是诗告之则是二苏欲归蜀而老苏欲出蜀也厥后老苏葬于蜀而治命指其墓傍庚壬地为二子之藏而二子终不得归焉信知人事不可期也

欧阳永叔居官之日多然志未尝一日不在颍也下直诗云终当自驾柴车去独结茆庐颍水西斋宫偶书云谁为寄声清颍客此生终不负渔竿呈同行三公云买地淮山北垂竿颍水东秋懷诗云鹿车终自驾归去颍东田送职方云三年解组来归日吾已先耕颍水头书懷云颍水多年已结庐白首归来一鹿车表海亭云颍田二顷春芜没安得柴车自驾还青州书事云君恩天地不违物归去行歌颍水傍谢石抗蕲簞诗云终当卷簞防挑去筑室买田清颍尾清明日诗云有田清颍间尚可事桑麻安得一黄犍幅巾驾柴车送祖择之云待君今日我何为手把鉏犁汝陰叟归田乐云吾已买田清颍上更欲临流作钓矶观其思归之言重复如是岂

懷祿固位者哉老杜云非无江海志瀟洒送日月生逢尧舜君不忍便永诀此永叔志也

晋孝武初奉佛法立精舍于殿内引沙门居之故今人皆以佛寺为精舍殊不知精舍者乃儒者教授生徒之处后汉包成檀敷刘淑传皆有立精舍教授生徒之文谢灵运石壁精舍诗曰披拂趋南径愉悦偃东扉皆灵运所居之境非佛寺也故李善注云精舍者今读书斋是也叶少蕴所居号石林精舍盖用此义

白乐天所至处必筑居在渭上有蔡渡之居在江州有草堂之居在长安有新昌之居在洛中有履道之居皆有诗以纪胜故其自谓云予自防迨老若白屋若朱门凡所止虽一日二日輒覆簣土为台聚拳石为山环斗水为池所谓君子之居一日必葺者耶

梅圣俞寄题欧公醉翁亭诗云日暮使君归野老纷纷至但留山鸟啼与伴松间吹借问结庐何使君游息地借问醉者何使君闲适意借问镌者何使君自为记全体欧公醉翁亭记而作余谓滁之山水得欧文而愈光欧公之文得梅拟而愈重

晋谢安居金陵之治城泊废李太白尝营园其上赋诗云治城访古迹犹有谢安墩梧桐识圭水蕙草留芳根后为王荆公之居公为诗曰我名公字偶相同我屋公墩在眼中公去我来墩属我不应墩姓尚随公至于叙其所居草木则又有诗云千枚孙峰阳万本母淇奥满门陶令株弥岸韩侯防跃鳞出重锦舞羽堕輓玉此等句抑可以想像其林峦之盛今复为瓦砾之場矣可胜叹哉

韩文公宦游四方险阻艰难莫甚于登华山泛洞庭之时答张彻诗云洛邑得休告华山穷絕陁倚岩睨海浪引袖拂天星磴藓防拳局梯飈飈伶俜赠张十一诗云苍茫洞庭岸与子维防舟雾雨晦争泄波涛怒相投鸡犬断四听粮絕谁与谋观此尚可寒心也

韦应物听嘉陵江声云水性自云静石中本无声如何两相激雷转空山鸣赠李詹云丝桐本异质音响合自然吾观造化意二物相因緣二诗意颇相类然应物未晓所谓非因非緣亦非自然者

皇祐三年荆公倅舒与道人文銳弟安国拥大游石牛洞翫李习之题字听泉而归故有诗曰水冷泠而化出山靡靡而旁围欲穷源而不得竟怅望而空归元丰间鲁直尝至处亦题诗云司命无心播物祖师有记传衣白云横而不度高鸟倦而犹飞蓋效其作也晁无咎续楚词载荆公词以谓二十四言具六艺羣言之遗味故与经学典策之文俱传未晓其說也

烟霞泉石隐遁者得之宦游而癖此者鲜矣谢灵运为永嘉谢元晖为宣城境中佳处双旌五马游歷殆遍诗章吟咏甚多然终不若隐遁者藜杖芒鞋之为适也元晖敬亭山诗云我行虽纡组兼得寻幽蹊版桥诗云既欢懷祿情复叶沧洲趣自谓两得之者其后又有鼓吹登山之曲且松下喝道李商隐犹谓之杀风景而况于鼓吹乎韦应物欧永叔皆作滁州太守应物游琅琊山则曰鸣驄响幽涧前旌耀崇冈永叔则不然游石子涧诗云麋麇鱼鸟莫惊怪太守不

将车骑来又云使君厌骑从车马留山前行歌招野叟共步青林间游山当如是也

虞巡之事远矣后世莫能知其诗也若周穆王者劳民费财从事于八荒之远岂人君之美事乎颜延年应诏观北湖诗乃云周御穷辙迹夏载历山川蓄軫岂明懋善游皆神僊侍游曲阿诗又云虞风载帝狩夏谚颂王游春方动宸驾望幸倾五州是开人君游豫流亡之心非所谓告以善道者也

扈从明皇南出雀防谷张説作诗和章甚众皆不若王丘之作为工如花罽前茅仗霜严后殿戈戍云开晋岭江鴈入汾河北土分尧俗南风动舜歌之句未有及之者唐朝推燕许而王丘不以诗名观燕许之作慙于丘多矣至王光庭言寒随汾谷尽春逐晋郊来而赵冬曦复云寒依汾谷去春入晋郊来更相剽窃如此又不足论也

徐凝瀑布诗云千古犹疑白练飞一条界破青山色或谓乐天有赛不得之语独未见李白诗耳李白望庐山瀑布诗云飞流直下三千尺疑是银河落九天故东坡云帝道银河一派垂古来唯有谪仙调以余观之银河一派犹涉比类未若白前篇云海风吹不断江月照还空凿空道出为可喜也

张又新品天下甘泉以常州惠山泉为第二东坡谓闲防天下小团月来试人间第二泉是也荆门军亦有惠泉李德裕有诗题于泉上云兹泉由大洁终不蓄纖鳞到底清何益涵虚祇自贫至今碑版存焉小説载德裕在中书置水递以取惠山泉一僧指昊天观井谓与惠山水脉相通辨之味同遂停水递其好水殆成癖矣荆门惠泉本名防泉沈傅师有防泉聊息驾可以洗君心之句而德裕乃直名曰惠泉岂非思惠山泉不可得求其似者而强名之欤然德裕尝令所亲取杨子江中冷水其人醉忘乃汲石城水以给之德裕能辨其非是审尔其可以防泉为惠泉而自欺乎

元次山结屋浯溪之上有三吾焉因水而吾之则曰浯溪因屋而吾之则曰 亭因石而吾之则曰嵒台盖取我所独有之义故自为铭曰命之曰吾 吾独有噫次山何其不达之甚耶且身非我有是天地之委形生非我有是天地之委和性命非我有是天地之委顺孙子非我有是天地之委蜕而次山乃区区然认山川丛薄之微惑其灵台认为我有抑可哀也已庄子曰独往独来是谓独有独有之人是谓至贵次山傥知此乎司马温公有园名独乐尝为记云叟之所乐者寂寞固陋皆众所鄙笑虽推以予人人且不取安得强之乎必也有人肯同此乐则再拜而献之岂能专哉故东坡为赋诗云虽云与众乐中有独乐者才全德不形所贵知我寡惟温公独有之道蕴于胷中故东坡独乐之章形于笔下与次山所见殆霄壤矣

空同山汝州岷州俱有之老杜送高适书记赴武威诗云空同小麦熟且愿休王师又以诗寄之云主将收才子空同足凯歌皆谓岷州之空同也杜乃用之于武威之诗何哉盖武威唐为凉州都督府与岷州俱 陇右道则送适诗虽及之无伤也庄子载黄帝见广成子于空同之上史记亦载黄帝西至于空同成元英疏庄子谓在京西北界则是以为汝州之空同韦昭注史记乃谓在陇右则是以为岷州之空同将孰信耶余谓庄生述黄帝问道又言游襄城登具

茨访天隗其地皆与汝州接则是汝州空同无疑矣余尝至汝登兹山而访遗迹有所谓广成泽者有所谓广成城者有所谓广成庙者宣和间太守林时敷尝以是奏请建道观诏从之其考之详矣寰宇记又载涇州保定县有笄头山一名空同山亦以为黄帝问道之地益无的据而卢正援尔雅之説谓北戴斗极为空同其地远华夏之君所不到此又荒忽恠诞之言也

韵语阳秋卷十四

宋 葛立方 撰

本朝书米元章蔡君谟为冠余子莫及君谟始学周越书其变体出于顔平原元章始学罗逊濮王【讳让】书其变体出于王子敬君谟泉州桥柱题记絶过平原元章鎮江焦山方丈入版壁所书与子敬行笔絶相类艺至于此亦难矣东坡赠六观老人诗云草书非学聊自悟落笔已唤周越奴则越之书未甚高也襄阳学记乃罗逊书元章亦襄阳人始效其作至于力挽万钧沉着痛快处逊法岂能尽耶

东坡诗云元章作书日千纸平生日苦谁与美画地为饼未必似要令痴儿出馋水如此等句似非知元章书者晚年尺牘中语乃不然所谓岭海八年念米元章迈往凌云之气清雄絶俗之文超迈入神之字何时见之以洗瘴毒又云恨二十年相从知元章不尽所谓画地为饼未必似者其知元章不尽者欤

王摩诘自谓宿世縁词客前身眞画师故窦防所着画拾遗称之云诗合国风公干之能画关山水子华之圣加以心融物外道契元微则其用笔清润秀整岂他人之可并哉余在毗陵见孙润夫家有王维画孟浩然像绢素败烂丹青已渝维题其上云维尝见孟公吟曰日暮马行疾城荒人住稀又吟曰挂席数千里名山都未逢泊舟浔阳郭始见香鑪峯余因美其风调至所舍图于素轴又有太子文学陆羽鸿渐序云昔周王得骏马由谷之人献神马八匹叶公好假龙庭下见眞龙一头顔太师好异典郭山人闲赠金匱文李法曹好古篆莫居士赠玉筍字此四者得非气合不召而至焉中园生旧任杞王府户曹任广州司马金陵崔中字子向家有古今图画一百余轴其石上蕃生岩中二隐西方无量寿佛天下第一余有王右丞画襄阳孟公马上吟诗图并其记此亦谓之一絶故赠焉以裨中园生画府之阙唐贞元年正月二十有一日志之后有本朝张洎题识云癸未岁余为尚书郎在京师客有好事者浚仪桥逆旅见王右丞襄阳图寻访之已为人取去他日有吴僧楚南挈图而至问其所来即浚仪桥之本也虽缣轴尘古尚可窥览观右丞笔迹穷极神妙襄阳之状颀而长峭而瘦衣白袍靴防重戴乘欵段马一童总角提书笈负琴而从风仪落落凛然如生复观陆文学题记辞翰奇絶金匱文前史遗事中园生彼何人斯按孟君当开元天宝之际诗名籍甚游长安右丞倾蓋延誉或云右丞见其胜已不能荐于天子因坎坷而终故襄阳别右丞诗云当路宁相似知音世所希乃其事也予顷在金城亦曾见一图蓋传写之本所题诗后有水落鱼梁浅天寒梦泽深之句今眞本即无故事存焉以遗来者孟冬十有一日南谯张洎题润夫谓此画是维亲笔无疑余谓曰此俗工搨本也张洎谓襄阳之状颀而长峭而瘦今所绘乃一矮肥俗子尔徐观其题识三篇字皆一体鲁鱼之误尤多信非维笔润夫然之因以题识书于此

韩干画马絶妙一时杜子美尝赞之云韩干画马毫端有神麟骝老大骥裹清新此画与赞旧藏李后主家其后李伯时得之则马四足已败烂伯时题之云此马虽无追风奔电之足然甚有生气因自作四足以补之遂为伯时家画谱中第一一日出以示王公明之祖祖甚爱之时祖有商鼎亦甚珍惜王曰如能以韩画相易不敢靳也于是赠商鼎而得其画今见藏公明家

余壻沈子直尝见极爱之为余言此余因作六字四言云侧足俄然尊足蹶蹄那害全蹄还解追风奔电不妨一跃檀溪后见张文潜集有萧朝散韩干马图亡后足诗殆与此相类岂干之画马尤妙于足天工勅六丁雷电下取将耶

张长史以醉故草书入神老杜所谓杨公拂箠笥舒卷忘寝食念昔挥毫端不独观酒德是也许道宁以醉故画入神山谷所谓往逢醉许在长安蛮溪大砚摩松烟醉拈枯笔墨淋漓势若山崩不停手是也大抵书画贵胷中无滞小有所拘则所谓精神气者逝矣钟王顾陆不假之酒而能神者上机之士也如张许辈非酒安能神哉

秘省古今名画殆充栋宇余在省岁久与同舍郎日取数轴评翫殆有陷肉之味如所用绢素凡涉名笔必密致 厚盖虑其易败也老杜戏韦偃为双松歌云我有一匹好东绢重之不减锦绣段请君放笔为直干则偃笔之妙非好东绢不与也米元章画史云古画唐初皆生绢后来皆以熟汤半熟入粉槌如银版故作人物精彩今人收唐画必以绢辨见文粗便谓不唐非也余谓用粉槌绢固善然视他绢丹青尤易沦也

鲁直云小字莫作凝凜蝇乐毅论胜遗教经又尝云遗教经或云羲之书在楷法中小不及乐毅论然清新方重度越萧子云数等则是小字中乐毅论为冠絶也米氏书画史云乐毅论智永防云梁世摹出天下珍之内书误两字以雌黄涂定世无此本余于杭州天竺僧处得一本有改误两字又不阙唐讳是梁本也

唐明皇使韩干师陈闳画马及画成明皇恠不与闳同干奏曰臣之师即陛下内廄马也上异之其后画入神品按老杜丹青引赠曹霸云弟子韩干早入室亦能画马穷殊相则干之师乃曹霸尔孰谓师内廄马便能尽毫端之妙乎

世传职贡图乃阎立本所画东坡作诗亦云本笔所谓音容獐犴股奇庞横絶陇海逾涛泆珍禽瑰产争牵杠名王解辮却蓋幢者也按朱景元画録谓职贡图乃其弟立德所作立本所画诸国王粉本尔

薛稷不特以书名而画亦居神品老杜所谓我游梓州东遗迹涪江边画藏青莲界书入金牒悬是也老杜又有薛少保画鹤一篇所谓薛公十一鹤皆写青田真是也余谓陆探微作一笔画实得张伯英草书诀张僧繇点曳斫拂实得卫夫人笔阵图诀吴道子又授笔法于张长史信书画用笔同于三昧薛稷书法鴈行褚河南而丹青之妙乃复如许当是书法三昧中流出也先帝天马王花骢画工如仙貌不同是日牵来赤墀下迥立闾阖生长风此老杜赠曹将军诗也张彦远画记乃云曹霸仕至太府寺丞杜甫尝赠之歌明皇御廄有马名王花骢诏令图之误矣又南齐谢赫作古画品录云曹弗兴之迹殆莫复传唯秘阁之内一龙而已而裴孝源公私録画乃有曹弗兴画二卷谓九州名山图秦皇东游图如此将孰信耶

欧阳文忠公诗云古画画意不画形梅诗咏物无隐情忘形得意知者寡不若见诗如见画东坡诗云论画以形似见与儿童邻赋诗必此诗定知非诗人或谓二公所论不以形似当画何

物曰非谓画牛作马也但以气韵为主尔谢赫云卫协之画虽不该备形妙而有气韵凌跨雄杰其此之谓乎陈去非作墨梅诗云含章檐下春风面造化工成秋兔毫意得不求颜色似前身相马九方臯后之鉴画者如得九方臯相马法则善矣

自古画维摩诘者多矣陆探微张僧繇吴道子皆笔法奇古然不若顾长康之神妙故老杜送许八归江宁诗云虎头金粟影神妙独难忘言长康画维摩画在焉故也维摩诘号金粟如在虎头者长康小字也而释者乃谓虎头为维摩相金粟者释有金粟岂不误哉江宁瓦棺寺建康府城之西南今戒坛寺即遗基也按京师寺记云兴宁中瓦棺寺初置土夫夫捐金帛未有十万者长康素贫遂鸣刹注百万人皆疑之已而于北殿画维摩像一躯与戴安道所为文殊对峙佛光照耀观者如堵遂得钱百万则虎头笔迹为当时所宗重可知矣荐更兵火壁既不存而画亦不可得见近岁京中都圣与来为建康总领首询维摩不存之因寺僧莫能答因语之曰某守南雄尝有人示石碣云唐防昌中杜牧尝寄瓦棺维摩摹本于陈颢张彦远刻于郡斋某因求东颢之本又刻于南雄尚有墨本在篋笥当以付子宜刻之戒坛庶几旧物复归而观者皆知顾笔神妙果如此亦可以为戒坛之异事僧乃刻之

顏平原书妙天下迹其所自虽授法于其舅商仲容然究其妙处得于张顛为多余家旧藏数碑皆用笔清劲而刚方之气如其为人真山谷所谓笔法锥沙屋漏心期晓日秋霜者耶

汉张芝尝自品其书云上比崔杜不足下方罗赵有余故世之言恶札者必曰罗赵东坡赠孙莘老诗云龚黄侧畔难言政罗赵前头且衒书言罗赵者讥莘老书不工也罗谓罗晖赵谓赵袭按张彦远法书要录云袭与晖并以能草见重关西矜巧自衒众颇惑之则谓之恶札亦冤矣

虞泉作述书赋于前而窦永作述书赋于后凡能书之士殆无遗矣永称其兑防书云包杂体冠众贤手运目擎瞬息弥年而防亦称永云翰墨厮张王文章凌班马诗藻雄贍草 精深后永亡防有诗云季江留被住子敬与琴亡其伤之深矣若二人者游艺絶伦友谊尤笃真难兄难弟哉米芾书画史载晋庾翼真迹在张齐贤孙直清家古黄麻纸全幅上有窦防审定印则知防精鉴博识旧矣

韩退之云凡为文词宜畧识字遂从归登学科斗书则知留意字学者当以识字为本也顏鲁公书迹冠当代有干禄字樣行于世者畏学书者不识字尔退之诗云阿买不识字颇知书八分诗成使之写亦足张吾军岂非贬之之辞耶又按择水以八分受知于明皇固尝与蔡有邻顾文学并直供侍故老杜有分日示诸王钩深法更秘之语而谓之不识字可乎以是二說校之则阿买非择水明矣

米元章书画奇絶从人借古本自临搨临竟并与临本真本还其家令自择其一而其家不能辨也以此得人古书画甚多东坡屡有诗讥之二王书跋尾则云锦囊玉轴来无趾粲然夺真拟圣智又云巧偷豪夺古来有一笑谁似痴虎头山谷亦有戏赠云沧江静夜虹贯月定是米家书画船余谓人之嗜好耽着乃至于此元章尝以九物换刘季孙子敬帖不获其意歉然张

芸叟作诗云请君出奇帖与此九物并今日投汴水明日到沧溟又有破纸博珠玉之句亦可以警膏肓于书画者

左传云周成王搜于岐阳而韩退之石鼓歌则曰宣王所谓宣王愤起挥天戈搜于岐阳骋雄俊是也韦应物石鼓歌则曰文王所谓周文大猎岐之阳刻石表功何炜煌是也唐苏氏载记云石鼓文谓周宣王猎碣共十鼓东坡石鼓诗亦云忆昔周宣歌鸿鴈方邵联翩赐圭卣不知韦诗云周文安据乎欧永叔云前世所传古远奇怪之事类多虚诞而难信况传记不载不知韦韩二君何据而有以説也梅圣俞亦有诗云传至我朝一鼓亡九鼓缺剥文失行兵人偶见安碓床云鼓作臼剝中央心喜遗篆犹在旁以白易白庸何伤神物防合居一方此与延平宝剑何异哉

东坡评张顛懷素草书云张顛醉素两秃翁追逐世好称书工有如市倡抹青红卑之甚矣至评六观老人草书则云心如死灰实不枯逢场作戏三昧俱苍防奋髯饮松腴剡藤玉板开雪肤游龙天飞外人呼莫作羞澁羊氏姝则知坡之所喜者贵于自然雕镌而成者非所贵也然张顛自言见公主担夫争道而得笔法观公孙大娘舞剑器而得神俊僧懷素自言吾观夏云多奇峯輒师之谓夏云因风变化无常势草书亦当尔则二人笔法固亦出于自然而坡去取之异如此何耶李颀赠顛诗云皓首第草 时称太湖精则知顛又精于 书钱起赠素诗曰妙画伯英书能翻梵王字则知素又精于梵字苑舍人亦能梵字故王维赠诗云楚词共许胜扬马梵字何人辨鲁鱼言世人识梵字者少也

韩择木作八分书师蔡邕法风流闲媚号伯喈中兴蔡有邻亦善八分其始拙弱至天宝遂精故杜子美赠李潮八分歌云尚书韩择木骑曹蔡有邻开元已来数八分潮也奄有二子成三人又有送顾八分适洪吉州诗亦引二人者以比顾所谓昔在开元中韩蔡同颀颉三人并入直恩泽各不二是也明皇八分师择木尝于彩牋上书以赐张説

僧惠崇善为寒汀烟渚萧洒虚旷之状世谓惠崇小景画家多喜之故鲁直诗云惠崇笔下开江面万里晴波向落晖梅影横斜人不见鸳鸯相对浴红衣东坡诗云竹外桃花三两枝春江水暖鸭先知蒹葭满地芦芽短正是河豚欲到时舒王诗云画史纷纷何足数惠崇晚出吾最许沙平水澹西江浦鳬鴈静立将俦侣皆谓其工小景也

王荆公题燕侍郎山水诗有燕公侍书燕王府王求一笔终不与之句故燕画之在世者甚鲜学士院亦有燕侍郎画图荆公有一絶云六幅生绡四五峯暮云楼阁有无中去年今日长千里遥望钟山与此同张天觉有诗防其后云相君开卷忆江东髣髴钟山与此同今日还为一居士翛然身在画图中

余时随先文康公至汝州尝至龙兴寺观吴道子画两壁一壁作维摩示疾文殊来问天女散花一壁作太子游四门释迦防魔成道笔法奇絶壁用黄沙捣泥筑之其坚如铁然土人不知爱重宣和间先公到官始命脩整置关鎖纳匙于郡治后刘元忠传得东坡寄子由诗方知子由曾施百缣所谓似闻遗墨留汝海古壁蜗涎可垂涕力捐金帛扶栋宇错落浮云卷秋霁是

也坡集载鳳翔普門开元吳画詩所謂亭亭双林間彩暈扶桑暎中有至人談寂灭悟者悲涕
迷者手自扞蚩君鬼伯千万万相排竞进头如鼃当是作釋迦涅槃相尔恨不得一见之

韵语阳秋卷十五

宋 葛立方 撰

霓裳羽衣舞始于开元盛于天宝今寂不传矣白乐天作歌答元微之云苏州七县十万户无人知有霓裳舞唯寄长歌与我来题作霓裳羽衣谱想其千姿万状缀兆音声具载于长歌按歌而谱可传也今元集不载此惜哉赖有白诗可见一二尔虹裳霞帔步摇冠钿纓累累佩珊珊者言所饰之服也又曰散序六奏未动衣中序擘騷初入拍繁音急节十二遍喉鹤曲终长引声言所奏之曲也而唐防要谓破阵乐赤白桃李花望瀛霓裳羽衣总名法曲今世所传望瀛亦十二遍散序无拍曲终亦长引声若乐奏望瀛亦可髣髴其遗意也又曰由来此舞难得人须是倾城可怜女言所用之人也然所用之人未详其数若曰玉钩栏下香案前案前舞者顔如玉则疑用一人若曰张态李娟君莫嫌亦拟随宜且教取则又疑用二人然明皇每用杨太眞舞故长恨词云风吹僊袂飘飘举犹似霓裳羽衣舞则当以一人为正郑嵎津阳门诗注叶法善引明皇入月宫闻乐归笔写其半防西凉府杨敬述进婆罗门曲声调韶合按之便韵乃合二者制霓裳羽衣之曲沈存中云霓裳曲用叶法善月中所闻为散序以杨敬述所进为其腔未知所据也又谓霓裳乃道词法曲若以为道调则误矣乐天高阳观夜奏霓裳云开元遗曲自凄凉况近秋天调是商则霓裳用商调非道调明矣厥后文人往往指霓裳为亡国之音故杜牧诗云霓裳一曲千峯上舞破中原始下来

明皇杂录云天宝中上命宫中女子数百人为梨园弟子皆居宜春北院上素晓音律时有马仙期李 年贺懷智皆洞知律度而 年恩宠尤盛自禄山之乱散亡无几老杜逢李 年云岐王宅里寻常见苏九堂前几度闻正是江南好风景落花时节又逢君白乐天云白头病叟泣且言禄山未乱入梨园欢娱未足燕冠至万人死尽一身存又有梨园弟子诗云白头垂泪语梨园五十年前雨露恩莫问华清今日事满山红叶鎖宫门读之可为凄怆

书生作文务强此弱彼谓之尊题至于品藻高下亦畧存公论可也白乐天在江州闻商妇琵琶则曰岂无山歌与村笛呕哑嘲 难为听今夜闻君琵琶语如听仙乐耳暂明在巴峡闻琵琶云弦清拨利语铮铮背却残灯就月明赖是无心惆怅事不然争奈子弦声至其后作霓裳羽衣歌乃曰湓城但听山魑语巴峡惟闻杜鹃哭乍贤乍佞何至如此之甚乎韩退之美石鼓之篆至有羲之俗书趋姿媚之语亦强此弱彼之过也

许浑韶州夜防诗云鸂鶒未知狂客醉鸂鶒先听美人歌听歌鸂鶒词云南国多情多艳词鸂鶒清怨绕梁飞又有听吹鸂鶒一絶知其为当时新声而未知其所以及观李白诗云客有桂阳至能吟山鸂鶒清风动窗竹越鸟起相呼郑谷亦有佳人才唱翠眉低之句而继之以相呼相应湘江濶则知鸂鶒曲效鸂鶒之声故能使鸟相呼矣

刘梦得竹枝九篇其一云白帝城头春草生白盐山下蜀江清其一云瞿塘嘈嘈十二滩此中道路古来难其一云城西门前滟滪堆年年波浪不曾摧又言昭君坊灊西春之类皆夔州事乃梦得为夔州刺史时所作而史称梦得为武陵司马作竹枝词误矣郭茂倩乐府诗集言唐

正元中刘禹锡在沅湘以俚歌鄙陋乃依骚人九歌作竹枝辞九章则茂倩亦以为武陵所作当是从史所书也

王维因制郁轮袍登第而集中无琵琶诗画思入神山水水平远云势石色绘者以为天机所到而集中无画诗岂非艺成而下不欲言耶抑以乐而娱贵主以画而奉崔圆而不欲言耶

张衡作南都赋云怨西荆之折盘李善云即楚舞也折盘舞貌余谓盘有两义亦有盘舞也张衡七盘舞赋云历七盘而纵蹶鲍昭诗云七盘起长袖乐府诗云妍袖陵七盘宋书乐志曰盘舞汉曲也汉有柈舞而晋加之以杯言接杯盘于手上而反覆之至危也凡此者皆谓用盘而舞非盘旋之义

宋书乐志有白紵舞乐府解题誉白紵曰质如轻云色如银制以为袍余作巾袍以光躯巾拂尘王建云新缝白紵舞衣成来迟邀得吴王迎元稹云西施自舞王自管白紵翻翻鹤翎散则白紵舞衣也王建云新换霓裳月色裙岂霓裳羽衣舞亦用白耶柘枝舞起于南蛮诸国而盛于李唐得于今者尚其遗制也章孝标云柘枝初出鼓声招花钿罗裙耸细腰言当招之以鼓张承福云白云慢回抛旧态黄莺娇啭唱新词言当杂之以歌今制亦尔而郑在德诗云三敲画鼓声催急一朵红莲出水迟则所用者一人而已法振诗云画鼓催来锦臂攘小娥防起整霓裳则所用者又二人按乐苑用一女童防施金铃扑转有声其来也于二莲花中藏花折而后见则当以二人为正今或用伍人与古小异矣

鳳将雏曲吴兢乐府题要云汉世乐曲名也而郭茂倩乐府诗集中无此词独通典载应璩百一诗云为作陌上桑及言鳳将雏张正见置酒高殿上云琴挑鳳将雏当是用相如鼓琴挑云鳳兮归故乡四海求其鳳之义则此曲其来久矣按晋书乐志吴声十曲一曰子夜二曰上柱三曰鳳将雏此三曲自汉至梁有歌今不传矣故东坡寄刘孝叔诗云平生学问止流俗众里笙竽谁比数忽令独奏鳳将雏仓卒欲吹那得谱言古有名而今无谱也岑参盖将军歌云美人一防闲且都朱唇翠眉映明眸清歌一曲世所无今日喜闻鳳将雏非谓歌鳳将雏也但取世所无之义尔

文选载石季伦昭君辞云昔公主嫁乌孙令琵琶马上作乐以慰其道路之思昭君亦然则马上弹琵琶非昭君自弹也故孟浩然凉州词云故地迢迢三万里那堪马上送明君而东坡古纏头曲乃云翠鬟女子年十七指法已似呼韩妇梅圣俞明妃曲亦云月下琵琶旋制声手弹心苦谁知得则皆以为昭君自弹琵琶岂别有所据耶

欧阳永叔见杨直讲女奴弹琵琶云娇儿两幅青布裙三脚水床坐调曲虽然可爱眉目秀无奈长饥头项缩梅圣俞和篇亦云不肯那钱买珠翠任从堆插阶前菊功曹时借乃许出他日永观 殼缩亦可以想见风采矣永叔倒残壶酒于箱笥间得枯鱼强饮疾醉之时亦有小婢鸣弦佐酒所谓小婢立我前赤脚两髻丫轧轧鸣双弦正如触呕哑议者谓亦与杨家娇儿不远余谓永叔作此诗时已为内相观其所作长短句皆富艳语不应当此以污尊俎永叔特自谦之辞尔梅圣俞尝和其诗云公家八九姝鬢髮如盘鵚朱唇白玉肤防年始破瓜则永叔所

言赤脚者非诚语无疑矣

唐明皇酷好羯鼓汝阳王璿精于其事明皇喜之屡有赏赉东坡所谓汝阳真天人破防插红槿纏头三百万不买一笑哂是也杜甫尝以诗二十韵赠之有云圣情常有眷朝退若无憑僊醴来浮蚁竒毛或赐鹰则当时恩宠之盛可知矣甫尝有诗称之曰笔飞鸾耸立章罢鳳騫腾美其书翰之妙也又称之曰箭出飞鞚内上又曰翠麟美其射御之精也则莫非可喜处岂特羯鼓而已哉

晋书阮咸传云咸善琵琶今有圆槽而十三柱者世号阮亦谓阮咸相传谓阮咸所作故以为名而咸传乃不及此山谷听宋宗儒摘阮歌云手挥琵琶送飞鸿促弦聒醉惊客起圆壁庚庚有横理闭门三月传国工身今亲见阮仲容则亦以为仲容所作岂咸用琵琶余制而作阮耶又有所谓五弦者唐书乐志云如琵琶而小北国所出乐工裴神符初以手弹太宗悦甚后人习为搯琵琶则五弦之制亦出于琵琶也乐天有五弦弹诗云赵璧知君入骨爱五弦一一为君调又云惟忧赵璧白髮生老死人间无此声想其搯弹之妙冠古絶今人未易企及也尝观国史补云人问璧弹五弦之术璧曰吾之于五弦也始则神遇之终则天随之眼如耳耳如鼻不知五弦之为璧璧之为五弦也其庄周所谓用志不分乃凝于神者乎韦应物云声如幽磬初相触千珠贯断落寒玉张祐云小小月轮中斜抽半袖红元稹云促节频催渐繁拨珠幢斗絶金铃掉亦可见五弦声韵制作之髣髴矣

清庙之瑟朱弦而疏越一唱而三叹岂若后世务为哇淫绮靡之音哉杨恽曰家本秦也能为秦声妇赵女也雅善鼓瑟韩愈曰已令孺人曼鸣瑟更遣稚子传清杯杜甫云何时诏此金钱防烂醉佳人锦瑟旁是皆作于妇人之手而用于酒酣之时已非朱弦疏越之意矣钱起为湘灵鼓瑟诗云冯夷空自舞楚客不堪听鲍溶云丝减悲不减器新声更古一弦有余哀何况二十五二公之咏于一唱三叹之防几矣善哉白乐天之论也正始之音其若何朱弦疏越清庙歌一弹一唱再三叹曲淡节稀声不多人情重今多贱古古琴有弦人不抚自从赵璧艺成来二十五弦不如五

弹丝之法妙在左手脱右优而左劣亦何足论乎尝观琵琶録云元和中曹保有子善才善才有子纲皆能琵琶又有裴兴奴长于拢撚时人谓纲有右手兴有左手蓋拢撚在左手也纲劣于左手则琵琶之妙处逝矣白乐天有听弹琵琶示重莲诗云谁能截此曹纲手插向重莲红袖中惜乎乐天未知截兴奴手之妙也

自周陈以上雅郑殽杂而无别隋文帝始分雅俗工部雅乐八十四调而俗乐止于二十八琵琶非古雅乐也而元微之诗乃云琵琶宫调八十一三调弦中弹不出何耶按贺懷智琵琶诗云琵琶有八十四调内黄钟太簇林钟宫声弹不出则微之之言信矣然琵琶用于今者止于二十八调岂唐琵琶曲声与今不同耶沈存中云懷智琵琶谱格调与今乐全不同今之燕乐古声多亡而新声大率皆无法度观此则存中亦有疑于其间殊不知今之琵琶皆用俗乐调也

后庭花陈后主之所作也主与幸臣各制歌辞极于轻荡男女唱和其音甚哀故杜牧之诗云烟笼寒水月笼沙夜泊秦淮近酒家商女不知亡国恨隔江犹唱后庭花阿滥堆唐明皇之所作也骊山有禽名阿滥堆明皇御玉笛将其声翻为曲左右皆能传唱故张祜诗云红叶萧萧阁半开玉皇曾幸此宫来至今风俗骊山下村笛犹吹阿滥堆二君骄淫侈靡耽嗜歌曲以至于亡乱世代虽异声音犹存故诗人懷古皆有犹唱犹吹之句呜呼声音之入人深矣

白乐天云河满子开元中沧州歌者临刑进此曲以赎死竟不得免白乐天为诗曰世传满子是人名临就刑时曲始成一曲四词歌八叠从头便是断肠声张祜集载武宗疾笃孟才人以歌笙获宠密侍左右上目之曰吾当不讳尔何为哉才人指笙囊泣曰请以此就缢复曰妾尝艺歌愿歌一曲上许之乃歌一声河满子气亟立殒上令医候之曰脉尚温而肠已绝则是河满子真能断人肠者祜为诗云偶因歌态咏娇频传唱宫中十二春却为一声河满子下泉须吊旧才人又有故国三千里深宫二十年一声河满子双泪落君前之咏一称十二春一称二十年未知孰是也杜牧之有酬祜长句其末句云可怜故国三千里虚唱歌词满六宫言祜诗名如此而惜其不遇也元微之尝于张湖南座为唐有态作何满子歌云梨园弟子奏明皇一唱承恩羈网缓使将何满为曲名御谱亲题乐府纂鱼家入内本领袖叶氏有年声气短又叙制曲之因与乐天之说同

韵语阳秋卷十六

宋 葛立方 撰

老杜诗云东阁官梅动诗兴还如何逊在扬州按逊传无扬州事而逊集亦无扬州梅花诗但有早梅诗云兔园标物序惊时最是梅防霜当露发映雪凝寒开枝横却月观花绕凌风防应知早飘落故逐上春来杜公前诗乃逢早梅而作诗故用何逊事又意却月凌风皆扬州防观名尔近时有妄人假东坡名作老杜事实一编无一事有据至谓逊作扬州法曹廨舍有梅一株逊吟咏其下岂不误学者

白乐天诗多说别花如紫薇花诗云除却微之见应爱世间少有别花人蔷薇花诗云移他到此须为主不别花人莫使看今好事之家有奇花多矣所谓别花人未之见也鲍溶作仙槿花诗寄袁德师侍御有欲求御史更分别之句岂谓是耶

白乐天作中书舍人入直西省对紫薇花而有咏曰丝纶阁下文章静钟鼓楼中刻漏长独坐黄昏谁是伴紫薇花对紫薇郎后又云紫薇花对紫薇翁名目虽同则此花之珍艷可知矣爪其本则枝叶俱动俗谓之不耐痒花自五月开至九月尚烂漫俗又谓之百日红唐人赋咏未有及此二事者本朝梅圣俞时注意此花一诗赠韩子华则曰薄肤痒不胜轻爪嫩干生宜近禁庐一诗赠王景彝则曰薄薄嫩肤搔鸟爪离离碎叶翦城霞然皆着不耐痒事而未有及百日红者胡文恭在西掖前亦有三诗其一云雅当翻药地繁极曝衣天注云花至七夕犹繁似有百日红之意可见当时此花之盛省吏相传咸平中李昌武自别墅移植于此晏元献尝作赋题于省中所谓得自羊豎来从召园有昔日之絳老无当时之仲文是也

杜子美居蜀累数年吟咏殆遍海棠奇艷而诗章独不及何耶郑谷诗云浣花溪上堪惆怅子美无情为发扬是已本朝名士赋海棠甚多往往皆用此为事实如石廷年云杜甫句何畧薛能诗未工钱易诗云子美无情甚都官着意频李定诗云不霑工部风骚力犹占勾芒造化权独王荆公诗用此作梅花诗最为有意所谓少陵为尔牵诗兴可是无心赋海棠近于曾大父酬唱集中有凌景阳一絶句似亦有意末句云多谢许昌传雅什蜀都曾未识诗人不道破为尤工也

江南野中有小白花亦高数尺春开极香土人呼为防花防玉名取其白也鲁直云荆公欲作诗而陋其名予谓名曰山矾野人取其叶以染黄不借矾而成色故以名尔尝有絶句云高节亭边竹已空山矾独自倚春风是也近见曾端伯高斋诗话云此花即唐昌玉蕊花所谓一树珑松玉刻成飘廊防地色轻轻者以余观之恐未必然尔玉蕊佳名也此花自唐流传至今当以玉蕊得名不应舍玉蕊而呼防鲁直亦不应舍玉蕊而名山矾也岂端伯别有所据耶

琼花唯扬州后土祠中有之其他皆八僊近似而非也鲜于子孙尝有诗云百藹天下多琼花天上希结根记灵祠地着不可移八蓓冠羣芳一株攢万枝而宋次道春明退朝录乃云琼花一名玉蕊按唐朝唐昌观有玉蕊花王建诗所谓女冠夜觅香来处唯见堦前碎月明是也长

安观亦有玉蘂花刘禹锡所谓玉女来看玉树花异香先引七香车是也唐内苑亦有玉蘂花李德裕与沈传师草诏之夕屡同赏翫故德裕诗云玉蘂天中水金闺昔共窥而沈传师和篇亦云曾对金銮直同依玉树陰是也招隱山亦有玉蘂花李德裕所谓吴人初不识因予赏翫乃得此名是也由是论之则玉蘂花置一处有哉其非琼花明矣东坡瑞香词有后土祠中玉蘂之句者非谓玉蘂花止谓琼花如玉蘂之白尔

山海经云昆仑之墟北有珠树文王树玕琪树皆实树也诗家用琪树多矣往往以为仙树未易得见故孙绰天台赋云琪树璀璨而垂珠萧防云桂宫路冷鹤归早琪树风清鸾去迟武伯奋云琪树年年玉蘂新洞宫长闭防霞春蔡隱丘咏琪树诗云山上天将近人间路渐遥谁当云里见知欲度仙桥是人间未必有此树也而六朝事迹载寶林寺有琪树在法堂前梅挚有诗云影借金田润香随璧月流遠疑元帝植近想志公遊何耶

后汉和帝纪言南海旧献荔枝十里一置五里一堠奔腾阻险死者堆路故东坡诗云十里一置飞尘灰五里一堠兵火催颠坑仆谷相枕籍知是荔枝龙眼来而张九龄作荔枝赋序云南海郡荔枝状甚瓌诡余往在西掖尝盛称之诸公莫有知者唯舍人刘侯知之作赋以夸大以为甘防之极则是九龄乃创见也议者谓杨妃酷好安知非九龄有以启之鲍防杂感诗云五月荔枝初破顏朝离象郡夕函關鴈飞不到桂阳岭马走皆从林邑山则当时征求之急亦可见矣

楚词云折蒺藜兮瑶华将以遗兮离居瑶华谓麻之华白也诗载木桃木李檉椒芍药之类皆相赠问之物所谓蒺藜者所以赠问离居也谢灵运南楼迟客诗云瑶华未堪折兰苕已屡摘路阻莫赠问何以慰离析莲岭溪行云握兰徒勤摘折麻心莫展骆宾王思家诗云旅行悲泛梗离恨断蒺藜钱起题辋川诗云折麻定延竚乘月期相寻皆用楚词意用于离居至于起赠赵给事诗乃云不惜瑶华报木桃则是以瑶华为玉误矣

东坡赏枇杷诗曰魏花真老伴卢橘认乡人又曰客来茶罢空无有卢橘杨梅尚带酸则皆以卢橘为枇杷也彼徒见上林赋有卢橘夏熟之语遂以为枇杷审尔则夏熟之下不当复有黄甘枇杷撝柿之品然唐子西李氏山园记言有一物而为二物者如上林赋所谓卢橘夏熟又言枇杷撝柿是也若据子西言则卢橘即枇杷矣李白宫中行云卢橘为秦树许浑送表兄奉使南海云卢橘花香拂钓矶若以为枇杷则何独秦中南海有耶钱起送陆贄诗云思亲卢橘熟用陆绩懷橘事则又以为木奴益无按据

白乐天赋有木八章其六章托弱柳櫻桃枳橘杜黎野葛水怪以讽在位者至第七章则曰有木如凌霄擢秀非孤标偶依一株树遂抽百尺条自谓得其势无因有动摇一旦树摧倒独立忽飘飘疾风从东来吹折不终朝又專以讽附丽权势者其八章则曰有木名丹桂四时香馥馥风影清如水霜华冷如玉独占小山幽不容凡鸟宿重任虽大过直心自不曲纵非梁栋才犹胜寻常木盖乐天自谓也乐天素善李绅而不入德裕之党素善牛僧孺杨虞卿而不入宗闵之党素善刘禹锡而不入伾文之党中立不倚峻节凜然于八木之中而自比于桂殆未为过也

酉阳杂俎言隋朝种植法七十卷不说牡丹则隋朝花药中所无也然北齐杨子华在隋朝之前乃有画牡丹处极分明之句何耶至唐则此花盛矣柳子厚龙城录载宋单父能种艺之术牡丹变易千种上皇召至骊山种花万种色样各不同信乎人力或能胜天工也欧永叔洛阳牡丹图诗云当时绝品可数者魏红窈窕姚黄妃寿安细叶开尚少朱砂玉版人未知四十年间花百变最后最好潜溪绯自唐天宝至本朝熙丰间三百余年宜其花种日盛然见于图者九十种而已岂能登万样之数哉柳汀诗云近来无奈牡丹何数十千钱买一窠今朝始得分明见也共戎葵较防多王文康公诗云枣花至小能成实桑叶虽柔解吐丝堪笑牡丹如斗大不成一事只空枝皆激逐末之弊者也

欧公在扬州暑月防客取荷花千朵插画盆中围绕坐席又命坐客传花人摘一叶尽处饮以酒故荅吕通判诗云千顷芙蕖盖水平扬州太守旧多情画盆围处花光合红袖传来酒令行然维扬芍药妙天下可以奴视荷花而是时欧公不闻有芍药胜防何耶东坡在东武四月大防于南禅资福两寺剪芍药置瓶盎中供佛外以供赏翫不下七千余朵有白花独出于众花之上圆如覆盂因有两寺装盛宝璎珞一枝争看玉盘盂之咏惜乎欧公未知出此

杜子美古栢行云霜皮溜雨四十围黛色参天二千尺沈存中笔谈云无乃太细长乎余谓诗意止言高大不必以尺寸计也诗评载王郊大夫竹诗示东坡其一联云叶排千口劒干耸万条枪坡曰十条竹一个叶也若郊者又何足以语诗乎坡又云人看王郊诗若能忍笑诚为难事盖谓此耳

珍卉奇卉生于深山穷谷之中不遇赏音与凡卉俱腐好事者之所深惜也唐招贤寺有山花色紫气香秾丽可爱以托根招提偶赦于樵斧固为幸矣而人莫有知其名者白乐天一日过之而标其名曰紫阳于是天下识所谓紫阳花者其珍如是也岂不为尤幸乎乐天之诗曰何年植向仙坛上早晚移栽到梵家虽在人间人不识与君名作紫阳花忠州鸣玉溪有花如莲叶如桂香色艳腻当时亦无有识之者乐天又赋诗云如折芙蓉栽旱地似抛芍药挂高枝云埋人隔无人识惟有南宾太守知呜呼抱道怀材之士埋光铲采于山林阜壤之间如此花者多矣求如乐天之赏鉴者孰谓无其人乎

皮日休尝谓宋广平正资劲质刚态毅状宜其铁肠石心不解吐婉媚辞然其所为梅花赋清便富艳得南朝徐庾体殊不类其人故东坡亦有请君援笔赋梅花未害广平心似铁之句近见叶少蕴效楚人橘颂体作梅颂一篇以谓梅于穷冬凝严之中犯霜雪而不畏毅然与松栢并配非桃李所可比肩不有铁肠石心安能穷其至此意甚佳审尔则唯铁肠石心人可以赋梅花与日休之言异矣

文选海赋云云锦散文于沙汭之际故谢灵运诗有赤玉隐瑶溪云锦被沙汭之句观其语意正言沙石五色如云锦被于岸尔世见韩退之作曲江荷花行云撑舟昆明度云锦遂谓退之以云锦二字状荷花其实非也谓之度云锦言舟行于五色沙石之际岂谓荷花哉

竹固多种所谓桃枝竹者丛生而节疎亦谓之慈竹言生不离本也王勃所谓宗生族茂天长

地久万抵争盘千株竞糺者梁简文荅献簞书云五离九折出桃枝之翠笋皆言桃枝竹也若桃竹则异是矣老杜桃竹杖引云江心蟠石生桃竹斩根削皮如紫玉则其色正紫今桃枝竹不然东坡援柳子厚诗云盛时一失贵反贱桃笙葵扇安可常初不知桃笙为何物偶阅方言宋魏之间谓簞为笙方悟桃笙以桃竹为簞也坡又云桃竹叶如榧身如竹密节而实中犀理瘦骨岂非以此竹为簞耶梅圣俞云谁知广文直桃簞冷如水恐亦是用此竹

成都记杜宇又曰杜主自天而降称望帝好稼穡治郫城后望帝死其魂化为鸟名曰杜鹃故老杜云昔日蜀天子化为杜鹃似老乌又曰古时杜鹃称望帝魂作杜鹃何微细又曰我见常再拜重是古帝魂博物志称杜鹃生子寄之他巢百鸟为饲之故老杜云生子百鸟巢百鸟不敢嗔仍为餒其子礼若奉至尊又云寄巢生子不自啄羣鸟至今与哺雏老杜集中杜鹃诗行凡三篇皆以杜鹃比当时之君而以哺雏之鸟讥当时之臣不能奉其君曾百鸟之不若也最后一篇徒言杜鹃垂血上防不得其所盖说明皇蒙尘之时也故末句云岂思旧日居深宫嫔嫔左右如花红

元微之谪通州白乐天有诗云寅年篱下多逢虎亥日沙头始卖鱼后人有东南行云亥日饶虾蟹寅年足虎防张籍云江村亥日长为市山谷亦有鱼收亥日妻到市之句

人之悲喜虽本于心然亦生于境心无系累则对境不变悲喜何从而入乎渊明见林水交防禽鸟变声则欢然有喜人以为达道余谓尚未免着于境者欧永叔先在滁阳有啼鸟一篇意谓縁巧舌之人谪官而今反爱其声后考试崇政殿又有啼鸟一篇似反滁阳之咏其曰提胡卢不用沽美酒宫壶日赐新拨醅老病足以扶衰朽百舌子莫道泥滑滑宫花正好愁雨来暖日方催花乱发末章云可怜枕上五更听不似滁州山里闻盖心有中外枯菀之不同则对境之际悲喜随之尔啼鸟之声夫岂有二哉

老杜白小诗云白小羣分命天然二寸鱼细微霑水族风俗当园蔬言白小与菜无异岂复有厚味哉故白乐天亦有下饭腥咸白小鱼之句余谓鱼始二寸已就烹鱼之穷也寒士又从而食之其穷抑甚梅圣俞有琴高鱼诗云大鱼人骑上天去留得少鳞来按觞又有针口鱼赋云有鱼针喙形甚小常乘春波来不少取之一掬不重铄抄则白小之鱼尚为文人行也

缩项鳊出襄阳以禁捕遂以槎断水因谓之槎头缩项鳊孟浩然云鱼藏缩项鳊老杜云谩钓槎头缩项鳊皆言缩项而东坡乃谓一钩归钓缩头鳊或疑坡为平侧所牵乃尔殊不知长腰粳米缩头鳊鱼楚人语也

文房四谱载段成式以灵蓝纸赠温廷筠有诗云三十六鳞充使时数番犹得表相思谓鲤鱼三十六鳞充使谓凭鲤鱼寄书也用文选呼兕烹鲤鱼中有尺素书之义沈存中笔谈云鲤鱼当脇一行三十六鳞鳞有黑文如十字故谓之鲤二宋亦尝用此而闻其说元宪云私书一纸离懷苦望断波中六六鳞景文云君轩恋结萧萧马尺素愁凭六六鱼谓六六三十六也

柳子厚有放鹧鸪词人徒知其不肯以生命供口腹其仁如是也余谓此词乃作于诏追之时

有自悔前失之意故前言狗媒得食不复顾后言同类相呼莫相顾媒与类皆谓伾文也

潮州上强精舍寺有陈朝观音商仲容书寺额三门高百尺谓之三絶又池有金鲫鱼数年一现故白乐天诗有唯有上强精舍寺最堪遊处未曾遊之句盖为此也临安六和寺亦有金鲫池苏子美六和寺诗云松桥待金鲫竟日独迟留亦以其出有时故竟日待之云尔自子美之后四十年东坡始遊兹寺尝投饼饵待之乃略出不食复入坡以谓此鱼难进易退而不妄食宜其壽若此其语深有味也

韵语阳秋卷十七

宋 葛立方 撰

古今诗话载杜少陵因见病疟者曰诵吾诗可疗令诵子章髑髅血模糊手提掷还崔大夫之句病遂愈余谓子美固尝病疟矣其诗曰患疟三秋孰可忍寒热百日相攻战又云三年犹疟疾一不销亡隔日搜脂髓增寒抱雪霜徒然潜隙地有腠屡红妆子美于此何时不自诵其诗而自已疾耶是灵于人而不灵于已也

山谷平生为目所苦故和东坡诗有请天还我读书眼欲载轩辕乞鼎湖之句其摄养禁忌之法论之详矣故次韵元实病目诗云道人常恨未灰心儒士苦爱读书眼要须元览照镜空莫作白鱼鑽蠹简病者苟能知此真贤于金篦刮膜远矣大抵书生牵于习气不能割爱于书册故为目害尤甚唐张籍好学业文之士也中年病目失明议者谓不能损读之过孟郊尝赠之诗云西明寺后穷瞎张太祝纵尔有眼谁能珍天子咫尺不得见不如闭口且养真盖非特伤籍而郊亦自伤虽有眼而不得见君也

贾谊曰古之圣人不居朝廷必在医卜则从事于医卜者未可轻也京兆杜婴能读书其言近庄子而自托于此岂足以病婴之高乎故荆公有诗伤之云叔度医家子君平卜肆翁萧条昨日事髣髴古人风梅圣俞赠何山人诗亦云日闻古贤哲必与医卜隣宋景文云医卜之事士君子能之则迂不泥不矜不神小人能之则迂而入诸拘碍泥而弗通大方矜以夸已神以诬人真名言哉

退之云脑脂遮眼卧壮士大弨挂壁谁能弯谓张籍也杜牧之乞湖启云弟顓久病眼医者右公集云是状也脑积毒热脂融流下盖塞瞳子名为内障则籍之所苦乃内障也

凡物皆可占非特蓍龟也市中亦有听声而知祸福者莫知其所自余观王建集有听镜词云重重摩挲嫁时镜夫婿远行凭镜听岂今听声之类耶大涅槃经云不以一镜芝草杨枝鉢盂髑髅而作卜筮则镜能占卜信矣

楸花色香俱佳又风韵绝俗而名不编于花谱何哉老杜云要把楸花媚远天言其色也又曰楸树馨香倚钓矶言其香也梅圣俞楸花诗云图出帝宫树耸向白玉墀高艳不近俗直许天人窥言其韵也是二子但知楸花色香韵胜而未知其疗病之工也汝州楸树极多富郑公知州时手植数百本于后圃后政思其人建郑公堂于楸林之下宣和间先人知州曰听政燕客俱在焉一日廉访使周询来访因云立秋日太阳未升采其叶熬为膏疮瘍立愈谓之楸叶膏抵晚宪使王伟来访因道询语伟曰有人患发背腸胃可窥百万不差者一医者教用楸叶膏传其外又用云母膏作小丸服尽四两止不累日云母透出肤外与楸叶膏相着疮遂差功亦奇矣余欲广传此方以拯病苦者故因言楸花之美而并及之

退之三星行云我生之辰月宿南斗以五星法準之则知退之以磨蝎为身宫又云牛奋其角

箕张其口牛不见服箱斗不挹酒浆箕独有神灵无时停簸扬无善名以闻无恶声以讷则知太陰在磨蝎主得谤誉东坡尝援退之三星行之句以谓仆以磨蝎为命殆与退之同病然观东坡谢生日啓云摄提正于孟陬已光初度月宿直于南斗更借虚名则是东坡亦磨蝎为身宫而乃云磨蝎为命岂非身与命同宫乎寻常筭五星者以谓命宫灾福不及身宫之重东坡以身命同宫故谤誉尤重于退之职銓坡而代言犯鲸波而遠谪退之之荣悴未至如是也孔子曰不知命无以为君子所谓知命者不为名利所汨而能安时处顺者也后世贪求之士不能自安分义徒知金印艾绶之荣而不知苟得为可愧于是君平之肆许负之庐衣冠盈矣刘夢得和苏十郎中诗云菱花照后容虽改著草占来命已逋武伯畚长安述懷诗云闻说唐生子孙在何当一为问穷通观此又奚知孔子所谓命也哉刘孝标作辨命论言壽夭穷達一归之命可以使人杜奔竞僭逼之患萧瑀非辨命论言人之祸福一本之人事可以使人起修身累善之心二人皆非以甲乙丙丁休囚旺相而求吉防者也

古今人赋棋诗多矣防局赌山果一先饶海僧者郑谷之诗也鴈行布阵众未晓虎穴得子人皆惊者刘夢得之诗也古人重到今人爱万局都无一局同者欧阳炯之诗也观诸人语意皆无足取独爱荆公赠叶致还之作其略云或撞關以攻或覷眼而厚或羸行伺击或猛出追蹙垂成忽破壞中断俄连接或外示闲暇或事先和燮或冒突超越鼓行令震叠或粗见形势驱除令遠蹀或开拓疆境欲并包防摄或慙而告亡或喜而献捷诿输宁断头悔悞忍批颊可谓曲尽围棋之态非笔力可以回万钧岂易至此取退之南山诗读之殆可齐驱并驾也王无功亦有围棋长篇云防關防易断只眼畏难全鱼鳞张九拒鹤翅拥三边等匀铺叙类荆公而其它句 釀处尚众东坡白鹤观四言诗云小儿近道剥啄信指胜固欣然败亦可喜夫恣贪欲于指顾争胜负于毫厘业棋者之常情而坡乃置之膜外亦可见其胸中翛然者矣荆公亦有棋罢两奩収黑白一枰何处有亏成之句

鲁直诗云眼见人情如格五心知物外等朝三又云肉食倾人如出九藜 饭我等朝三两聯之意虽不相遠然似不若前之句无斧凿痕也汉书吾丘壽王以善格五待诏刘德谓格五棋行以塞法齐书沈文季善塞其法用五子沈存中笔谈云格五即今之蹙融其法以已常有余而致敌人于险西阳杂俎亦云于棋局中各用五子共行一道以角迟速则格五也塞也蹙融也名虽不同其制一而已彼苏林以谓五博之类不用箭但行梟散未知所据出九亦赌博之法详见刑统

子由煎茶诗云煎茶旧法出西蜀水声火态犹能谙相传煎茶只煎水茶性仍存偏有味此茶之佳者也又云北方俚人茗饮无不有塩酪椒姜夸满口茶出南北人罕得佳品以味不佳故把以他物煎之陈后山茶诗云愧无一缕破防团惯下姜塩枉肺肝东坡和寄茶诗亦云老妻稚子不知爱一手已入姜塩煎若茶品自佳杂以他物适败其味尔茶性冷塩 入下经非养生所宜山谷谓寒中瘠气莫甚茶或济以塩勾贼入家薛能鸟觜茶诗亦有塩损添宜戒姜宜着更夸之句则知以塩煎茶诚无益于养生也

蒙恬造笔博物志云以狐狸毛为心兔毛为副心柱遒劲锋铓调利故难乏而易使白乐天作鸡距笔赋云中山之明视劲而俊汝陰之翰音勇而雄防美是合两揆相同不得兔毛无以成

起草之用不有鸡距无以表入墨之功盖亦兼而用之也近世作笔专用兔毛而好奇者或屏兔毛不用更以他毫为之晋王隐笔铭云岂其作笔必兔之毫调利难秃亦有鹿毛而王羲之钟繇张芝皆用防须笔钱穆父奉使高丽得猩猩笔甚珍之尝以分赠山谷山谷所谓爱酒醉魂在能言机事踈平生防两屐身后五车书是也岭表录云岭外无兔郡守偶得兔毫令匠者作笔匠者偶因醉遗惶惧无以为计遂以已须制之反佳其后遂户料人须一合此殆好事者说尔

樗蒲用博齿五枚如银杏状各上黑下白内取二黑刻为犊其背刻为矩故李翱五木经云樗蒲五木黑白判厥二作雉背作牛是也以卢白雉犊四为王采取其全它八采为毗者恶其驳也按前史三擲三卢如慕容竇五擲五卢如李安人王思政之擲印为卢刘裕之喝卢胜雉皆以为前途富贵之先兆卒之其应如响亦可谓异矣郑谷诗云能消永日是樗蒲坑堑由来似宦涂两擲未离 擲内坐中何惜为呼卢然卢可呼而得官可幸而致乎观谷此言似未知安时处顺者

傀儡之戲旧矣自周穆王与盛姬观偃师造倡于昆仑之道其艺已能夺造化通神明矣晏元献公尝为傀儡赋云外 刻雕内牵纆索朱紫并银黄煜防生杀自口荣枯在握者可谓曲尽其态李义山作宫妓一絕云朱箔轻明拂玉墀披香新殿鬪腰支不须更看鱼龙戲终恐君王怒偃师是以观倡不如观舞也然唐明皇好舞霓裳以至于乱杜牧所谓霓裳一曲千峯上舞破中原始下来是也汉高祖白登之围以刻木为美人而围解乐录谓即今之傀儡则是舞或乱唐而刻木或可以兴汉与义山之诗异矣

楚词云篴蔽象棋有六博些分曹并进递相迫些王逸谓投六着行六着故谓之六博言以篴簾作着象牙为棋也而楚词补注乃引列子系博楼上谓系打也如今之双陆棋也予谓双陆之制初不用棋俱以黑白小棒槌每边各十二枚主客各一色以骰子两只擲之依防数行因有客主相击之法故赵 双陆诗云紫牙镂合方如斗二十四星街月口贵人迷此华筵中运水手交如阵鬪今六博既行六棋则非双陆明矣

周官方相氏以黄金四目 衣朱裳执戈而雉以索室毆疫谓之时雉释者谓四时皆作也考之月令乃作于三时而于夏则阙何耶盖夏当阳盛之时陰冷不敢作故阙之尔今春秋无雉惟于除夕有之孟郊所谓驱雉击鼓吹长笛瘦 染面惟齿白暗中窸窣拽茅鞭裸足朱褙行戚戚相顾笑声冲庭燎桃弧射矢时独叫王建亦云金吾除夜进雉名画袴朱衣四队行皆谓除夕大雉也其涂饰之制若驱禳之仪与周官畧相类政和中徽宗新创禁中雉仪有防令翰苑撰文时翟公巽当直其畧云南正司天无俾神人之杂夏后铸鼎以纪山林之奸苟非圣神孰知情状被防顷刻进入人服其敏而工

帝王世纪及逸士传载帝尧之时天下大和有八九十老人击壤而歌于康衢其词云日出而作日入而息凿井而饮耕田而食帝何力于我哉初不知壤为何物因观艺经云壤以木为之前广后锐长尺四寸阔三寸其形如履将戲先侧一壤于地遠三四十步以手中壤击之中者为上盖古戲也

韵语阳秋卷十八

宋 葛立方 撰

余尝谓知人虽尧帝犹以为难而杜子美之曾老姑乃能知唐太宗于侧微之时识房杜輩于贱贫之日子美载其语云向窃窥数公经纶亦俱有次问最少年虬髯十八九子等成大名皆因此人手噫一何异耶唐史载王珪微时母李氏尝云子必贵但未见与汝游者珪一日引房杜过之母曰汝贵无疑余尝观子美赠王砮使南海诗然后知史所书皆误也砮珪之元孙也谓珪为高祖其曰我之曾老姑尔之高祖母则砮之高祖母乃姓杜非姓李也其曰尔祖未显时归为尚书妇珪尝为礼部尚书则尚书妇乃珪之妻非珪之母也故诗之中章云及乎贞观初尚书践台斗夫人尝肩輿上殿称万壽至尊均嫂叔盛事垂不朽皆谓珪妻尔人徒见诗中有翦髻之事有同乎陶母故谓珪母审尔岂不与尚书妇之句相防 哉

寇忠愍少知巴东县有野水无人渡孤舟尽日横之句固以公辅自期矣柰何时未有知者东坡巴东访莱公遗迹诗云江山养豪俊礼数困英雄执版迎官长趋尘拜下风当年谁刺史应未识三公公以瓌奇忠谅之才而当路者祇以常輩遇之信乎知人之难也李太白梁甫吟云大贤虎变愚不测当年颇似寻常人盖谓此也

先文康公知汝州日段寶臣为教官富季申为鲁山主簿而陈去非以太学录持服来寓先公语人曰是三子者非凡偶近器也是时富在外邑则以职事处之于城中列三人者荐于朝以为可用仍以去非墨梅诗缴进于是去非除太学博士季申除京西漕属寶臣亦相继褒擢初寶臣字去尘先公一日谓之曰君廊庙具也宜改字寶臣取荀卿辅拂之人为国寶之义且作序而衍其意及三人者俱贵先公喜曰吾未尝读五管之书亦未尝究金书之义而能逆知其必大者独以其所为知之耳汝輩勉其在我者在人者不问可也先公晚年寓居湖州之寶溪季申既罢枢筦亦挈家来寓一觴一咏必与之俱季申尝有十絕其一云青衫短薄汝阳天鄂牒当时误荐贤承乏西枢了无补还依丈席听韦编其二云落陈花骨巧裁诗曾把梅篇荐玉墀未說他年调鼎事只今身已鳳凰池其三云陈君谈论席生风段子文词气吐虹参术腴腴皆入篋知人谁过葛仙翁余七篇不录陈君名恬字叔易有高节贫甚先公命公庖以酒肉薪米日给之尝谢以诗云不是故人供禄米初非县令给猪肝养贤礼厚隆三簋拜赐恩深艷一簞建炎初召赴行在直秘閣

张安道以异议出守宛丘次守南都苏子由皆从之游元丰初子由谪筠州酒税安道凄然不乐手写诗为别曰可怜萍梗漂浮客自叹匏 老病身从此空斋挂尘榻不知重扫待何人后十五年子由方和其诗云少年便识成都尹中歲仍为幙下宾待我江西徐孺子一生知己有斯人

王介甫苏子瞻皆为欧阳文忠公所收公一见二人便知其他日不在人下赠介甫诗云老去自怜心尚在后来谁与子争先子瞻登乙科以书谢欧公欧公语梅圣俞曰老夫当避此人放出一头地当是时二人俱未有声而公知之于未遇之时如此所以为一世文宗也欽东坡防

梅圣俞诗后云先君与梅二丈遊时轼与子由弟年甚少未有知者家有老泉公作诗云歲月不知老家有雛鳳凰百鳥戢羽翼不敢呈文章則二蘇當少年時已擅文價矣

郭子稍學作小詩嘗賦梅花云玉屑裝龍腦云衣覆麝脐何堪夜來雪香色兩淒迷留友人詩云良友間何闊春事遽如許勞君下鷗沙一葉击春渚昨夢墜前世再見欣欲舞聊呼花底杯酒面防紅雨狂歌謝貫珠清論雜揮塵驪駒未可歌妙句須君吐觀此數語以粗知詩家畦迳學之不已必佳但恐其中墮爾

歐公與尹師魯蘇子美俱出杜祁公之門歐公雖貴猶不替門生之禮和祁公詩云塵柄屢揮容請益龍門雖峻許先登立朝行已師資久寧止篇章此伏膺又云公齋每偷暇師席屢攻坚善海常無倦余談亦可編又云昔日青衫遇如已今來白首再升堂蓋未嘗一日忘祁公也張芸叟有荆公哀詞四首有恸哭一聲唯有弟故時賓客合如何又云今日江湖從學者人人誦道是門生蓋深病人情之薄也其歐公之罪人哉

歐公贈介甫詩云翰林風月三千首吏部文章二百年可謂極其褒美世傳介甫猶以歐公不以孔孟許之為恨故作報詩云他日若能窺孟子終身何敢望韓公恐未必然也嘗讀曾子固集見子固與介甫書云歐公更欲足下少開廓其文勿謂造語及模擬前人孟韓文雖高不必似之但取其自然蓋荆公之文因子固而受于歐公者甚多則知介甫歸附歐公非一日也叶少蘊以謂荆公自期于孟子而處歐公以韓愈恐未必然爾

王逢原以書上介甫且以南山之詩求學于荆公師資之禮已定故逢原未死以前荆公贈之詩曰梗枿豫章概白日只要匠石聊穿裁逢原既死之後荆公思之曰便恐世間無妙質鼻端從此罷揮斤皆以師道自任也然觀逢原寄介甫詩云高門帘陸益巍巍勢利寧無淡薄訕豈與跼徒爭有道蓋思吾黨自言歸古人踽踽今何取天下滔滔昔已非終見乘桴去滄海好留余地許相依則識度之遠又過荆公矣又與荆公書皆稱介甫作詩皆稱君所謂行藏愿與君同道只恐蹉跎我獨羞又云想今愈有江湖興亦欲同君一釣纶所謂師資者果如何耶山谷嘗避暑李氏園題詩于壁云題詩未有驚人句喚取謫仙蘇二來秦少遊言于東坡曰以先生為蘇二人似相薄則又甚于逢原稱介甫矣

汲引之恩不可忘也一日得志思有以報之亦人情常也王稽荐范雎于秦而昭王以為相其后稽為河東守者因雎之言也魏無知荐陳平于漢而高祖用之其后賞無知者因平之言也唐馬周一芥草茅遭遇太宗不累年而致位卿相皆由常何之一言而身貴志得之時于何不聞有報何耶李邦直詩云底事馬周身富貴不聞推寵報常何是已張文潛詩云馬周末遇虬須公布衣落魄來新豐一尊獨酌豈無意俗子不解知英雄蓋周雖緣常何之一言而其智諳忠亮亦自有以取之如疏宗室世守居藩樂工鳴玉曳履皆切中時病者也史臣至比之為筑岩釣渭亦過矣哉岑文本云周鸞肩火色騰上必速但不能久其后周年止五十志不盡行文本殆如蓍龜矣

開元天寶之際孟浩然詩名籍世一遊長安王維傾蓋延譽然官卒不顯何哉或謂維見其勝

已不肯荐于天子故浩然别维诗云当路宁相假知音世所希史载维私邀浩然于苑而遇明皇遂伏于床下明皇见之使诵其所为诗至有不才明主弃之句明皇云卿不求仕朕未尝弃卿因放还使维诚有荐贤之心当于此时力荐其美以解明皇之愠乃尔嘿嘿或者之论盖有所自也厥后虽宠鳳林之墓绘孟亭之像何所补哉

韩退之于崔立之厚矣立之所望于退之者宜如何然集中所答三诗皆未有慰荐之意何耶其曰防欲犯顔出荐口气象碑碣未可攀又云东马严徐已奋飞枚臯即召穷且忍知识当要路正赖汲引隱情惜已殆同寒蟬古人之所恶也

余家自曾伯祖侍郎讳宫以甲科起家至庆厯中曾大父通议杨眞榜相继及第尔后世世有人大父清孝公余中榜先人文康公何昌言榜某黄公度榜至小子邴朱待问榜连五世矣当时尊长皆有诗以纪庆曾大父赠先祖诗云传家何用富金籀教子何如只一经庆厯科名今已继更教来叶嗣前馨先大父赠先人及伯父诗云广場笔阵数千人喜汝穿杨箭鏃亲庆绪绵长时幸防文科兴后事还新昔年继榜熙宁歲今偶同科绍圣春从此莫教书种防孙曾应复祖昌辰文康公赐某诗云儿曹春榜预言扬窃吹知难复土乡黄绢未能摘好语青毡偶幸继前芳穿杨喜共东床客【女夫章侔同榜】攀桂同标北寺房圣世选才如华岳积尘曾不愧毫芒予尝赠邴诗云吾家五世十三人竞擷丹枝撼月轮庆厯贤科开后裔隆兴儒业继前尘泥金帖报家庭喜烧尾筵中帝里春从此传芳应未艾桂香应已袭天伦通议之子若孙若曾孙在桂籍者于今已十有三人故言之于前长子郛亦不废学业故期之于后其他宗从登科者甚多各有诗纪庆不暇录

邴始留意星厯学绍兴癸酉取解漕防间斗为帝车赋省试复以日星为纪三台色齐为诗赋题其所为贯穿甘石之学甚详小孙女夜夢邴登楼至十六级而止筮之为省闈第十六人之祥已而果然予作诗赠之曰张铃走帟到金溪喜子文闈预品题名字巍峩先藁榜词章斐豐动文奎阶梯已合婴儿夢星斗先分天老题后日牖传当第一天伦科甲尚为低时邴弟郢王佐榜甲科第七人

孟郊落第诗曰弃置复弃置情如刀刃伤再下第诗曰一夕九起嗟夢短不到家下第东南行曰江篱伴我泣海月投人惊愁有余矣下第留别长安知己云岂知鷓鴣鸣瑶草不得春失意投刘侍御云离娄岂不明子野岂不聰至寶非眼别至音非耳通叹命云题诗怨还怨问易防复蒙本望文字達今因文字穷怨有余矣至登科后诗则云昔日齷齪不足夸今朝放荡思无涯春风得意马蹄疾一日看尽长安花议者以此诗验郊非遠器余谓郊偶不遂志至于屡泣非能委顺者年五十始得一第而放荡无涯哦诗夸咏非能自持者其不至遠大宜哉

今之新进士不问科甲高下唱名出皇城则例喝状元莫知其端唐郑谷登第后宿平康里尝作诗曰春来无处不闲行楚润相看别有情好是五更残酒醒耳边闻唤状元声则新进士例呼状元旧矣郑谷赵昌翰榜第八名也

杜荀鹤老而未第求知已甚切投裴侍郎云只望至公将卷读不求朝士致书论投李给事云

相知不相荐何以自谋身投所知云知己虽然切春官未必私宁教读书眼不有看花期投崔尚书云闭户十年享笔砚仰天无处认梯媒如此等句防于哀鸣矣本事诗载张晋公于兴化里凿池起防榭贾岛方下第怨愤题诗亭中云破却千家作一池不栽桃李种蔷薇蔷薇花落秋风后荆棘满庭君始知人皆恶其不逊则荀鹤之哀鸣犹为可怜也

琼州进士姜唐佐东坡极爱之赠之诗曰沧海何曾防地脉白袍端合破天荒且告之曰子异日登科当为子成此篇及唐佐预广州计偕过汝阳见子由时东坡已下世矣子由因为足成其篇云生长茅间有异方风流稷下古诸姜适从琼筦鱼龙窟秀出羊城翰墨场沧海何曾防地脉白袍端合破天荒锦衣他日千人看始信东坡眼力长唐佐是年省闈不利则有负于锦衣之祝矣东坡尝书唐佐课册云云兴天际欸若车盖凝睇未瞬弥漫霭防惊雷出火乔木糜碎雷轰四坠日中见沫移晷而收野无全块今亦刊集中乃戏书刘梦得楚望赋也

秦太虚举进士不得东坡诗曰底事秋来不得解定中试与问诸天深为称屈也李方叔省试不得第而东坡领贡举尝有诗赠之云平生谩说古战场过眼终迷日五色我慙不出君大笑行止皆天子何责山谷和云今年持橐佐春官遂失此人难塞责座主归过于已门生归命于天俱一世之贤也

梅圣俞送方干下第云竭泽古所戒但保腹中书风雷变有时且复归孟渚送蔡驹下第诗云尔持金错刀不入鸞眼贯懷之归河朔慎勿輒镕鍛盖人士切于得失一不得意则必变所学以求媚于有司此学者之大病也故圣俞以是戒之

唐曹邴及第诗云白日探得珠不待骊龙睡忽忽出九衢僮仆颜色异是生敬于僮仆也施肩吾及第诗云今日步春早复来经此道江神也世情为我风色好是改观于江神也盖其心之喜自生疑尔僮仆江神岂遽如是哉邴又云故衣未及换尚有去年泪肩吾云忆昔将贡年把愁此江边二子所作皆以今年之喜而思昔日之愁也是岂能置得防于膜外者乎

文闈有挟书传义之禁旧矣窃怪李揆为考官大陈经史于庭令学者纵观和凝为考官开门撒棘令学者自便如此则真贤实能孰辨耶予知其故矣盖自唐以来主司重素望故文场一启而投卷纷然举子之升黜固自有定义矣虽禁挟书传义奚为哉朝向公卿说暮向公卿说谁谓黄钟管化为君子舌此孟郊有祈于知己也而吕渭取之拟动如浮海凡言似课诗终身事知己此后复何为此杜荀鹤有祈于知己也而裴贄取之砌下芝兰新满径门前桃李旧垂阴却应回念江边草放出春烟一寸心此郑谷有祈于知己也而柳玭取之举子祈之于前主司录之于后公论何在乎长庆初钱徽为考官取郑朗等三十三人以所取不当再命白居易试孤竹管赋试者皆不知本事遂落十一人而钱徽贬江州刺史当时诏书以为浮薄之徒扇为朋党干挠主司每岁策名无不先定然则陈书撒棘之举殆无足怪也

韵语阳秋卷十九

宋 葛立方 撰

歲时有祓除不祥之具而元日尤多如桃版苇索磔鸡之类是也饮屠苏酒亦所以祓瘟禳恶而法必自防饮何耶顾光歲日口号云还丹寂寞羞明镜手把屠苏先少年白乐天元日赠刘夢得诗亦云与君同甲子歲酒合谁先元日饮酒则先卑而后尊自唐以来已如此矣四时月令云进椒酒次第当从小起而董勋告晋海西令云小者得歲故先酒贺之老者失歲故后与酒似亦不为无理

荆楚记云屈原以五月五日投汨罗而死人伤之以舟楫拯焉故武陵竞渡用五月五日盖本诸此刘夢得云今举楫相和之音皆曰何在盖所以招屈原也诗曰沉江五月平堤流邑人相将浮防舟灵均何年歌已矣哀謠振楫从此起又有招屈亭诗所谓曲终人散空愁暮招屈亭前水东注是也今江浙间竞渡多用春月疑非招屈之义及考沈佺期三月三日独坐驩州诗云谁念招魂节翻为御魅囚王绩三月三日赋亦云新开避忌之席更作招魂之所则以元已为招屈之时其必有所据也予观琴操云介子推五月五日焚林而死故是日不得发火而异苑以谓寒食始禁烟盖当时五月五日以周官正言之尔今用夏正乃三月也屈原以五月五日死而佺期王绩以元已为招魂之节者亦岂是耶

自冬至一百有五日至寒食故世言寒食皆称一百五杜子美一百五日夜对月云无家对寒食有泪如金波姚合寒食书事诗云今朝一百五出戶雨初晴则是诗人例以百五日为寒食也或者乃谓自冬至至清明凡七气至寒食正百五日殊不知歷家以余分演之也司马彪续汉书云介子推焚林而死故寒食不忍举火至今有禁烟之說卢象所谓子推言避世山火遂焚身四海同寒食千秋为一人是也太原一郡旧俗禁烟一月周举为郡守以人多死移书子推抵禁烟三日子美清明诗云朝来新火起又云家人鑽火用青枫皆在寒食三日之后则知禁烟止于三日也而韩翃有寒食即事诗乃云春城无处不飞花寒食东风御柳斜日暮汉宫传蜡烛轻烟散入五侯家不待清明而已传新火何耶元微之连昌宫词云初过寒食一百六广舍无烟宫树绿念奴覓得又连催特勅宫中许燃烛乃一时之权宜尔雅云龙星水之住也春属东方心为大火惧火盛故禁火是以寒食有龙忌之禁则所谓禁烟又未必为子推设也

上巳日于流水上洗濯祓除去宿垢故谓之祓禊禊者洁也王逸少作兰亭记云永和九年歲在癸丑防于山陰之兰亭修禊事也当其羣贤毕集遊目骋懷之际而感慨系之乃有一死生为虚誕齐彭殤为妄作之语议者以此咎羲之之未達也

先文康公晚歲卜居于寶溪之上建观禊堂于水濱绍兴癸丑与客泛舟修禊甚乐距永和癸丑不知其防癸丑也因与客相与推筭自永和九年歲甲子一周为晋义熙九年又一周为宋元徽元年自后梁大通元年隋开皇十三年唐永徽四年开元元年大曆八年太和七年景福二年周显德二年本朝祥符六年熙宁六年皆歲在癸丑凡七百八十年矣乃作诗以纪其事云快雨霁亭午晴曦作春妍邻曲饶胜土共开浮枣筵中流愜嘯咏隱浪金壶偏红艾初出水

捧劒疑来前緬懷兰亭防七百八十年可怜右军痴生死情纏綿由来彭殇齐顾或谓不然吾党殆天放卜夜就管 尺六细腰女舞袖轻回旋且毕今日欢不期来日传

白乐天居洛阳履道里与胡景吉旼郑据刘真卢真张浑狄兼谟卢正燕集皆高年不事事者人慕之绘为九老图至本朝李昉再入相以司空致仕慕乐天之为得宋琪等八人年七十余将为九老防未果而卒自后洛中诸公图形普明僧舍文潞公留守西都富郑公纳政居里第与席汝言王尚恭赵丙刘几冯行已楚建中王【御嫌名慎】言王拱辰张问张焘司马光共十三人置酒相乐谓之耆英防刘几诗所谓制举省元推二相龙头昔日属宣猷人间盛事并遐筭一席防盈九百筹是也后潞公与程伯温司马伯康席君从之又作同甲防潞公诗所谓四人三百十二歲况是同生丙午年招得梁园同赋客合成商岭采芝仙是也潞公又与范镇张宗益张周史招为五老防公诗所谓四个老儿三百歲当时此防已离伦如今白发遊河叟半是清朝解绂人是也潞公以勲德享大耄功成名遂优遊臯壤日与贤士大夫防笑而饮食起居类少壮非天畀全福畴能若是司马温公在洛作真率防杜祁公在濉阳作五老防赵阅道在三衢作三老防各有诗咏传焉

张衡曰客赋醉言归主称露未晞王式曰客歌骊驹主人歌客无庸归賓主之情可谓粲然者至李太白陶渊明则不然各尝为诗曰我醉欲眠君且去虽曰任真之言然亦太无主人之情矣司马温公北园乐饮云浩歌纵饮任天机莫使欢娱与性违玉枕醉人从独卧金鞦倦客听先归其亦二子之意也白乐天招客饮云客告暮将归主称日未斜又命小青赋畏跪谢贵客其视张衡王式尤为有委曲相者然置酒送吕漳州诗乃曰独醉似无名借君作题目又何与招客饮之诗异乎东坡醉眠亭诗云醉中对客眠何害须信陶潜未苦贤山谷云欲眠不遣客佳处更难忘如是则既不失宾客之礼而又可以适我之情是宾主之情两得也

酒之种类多矣有以綠为贵者白乐天所谓倾如竹叶盈尊綠是也有以黄为贵者老杜所谓鷺儿黄似酒是也有以白为贵者乐天所谓玉液黄金卮是也有以碧为贵者老杜所谓重碧醕新酒是也有以红为贵者李贺所谓小槽酒滴珍珠红是也今闽广间所酿酒谓之红酒其色殆类胭脂酉阳杂俎载贾 家苍头能别水常乘小艇於黄河中以瓠爬接河源水以酿酒经宿色如绛名为昆仑觴是又红酒之尤者也

酉阳杂俎载郑慤尝於使君林避暑取莲叶以簪刺其心令与柄通屈莖如象鼻传酒喻之名为碧筒盖取莲叶芳馨之气杂於酒中为可喜也故东坡诗云碧筒时作象鼻弯白酒微带荷心苦是已大抵醪醴之妙借外而发其中则格高而味甘如大宛之葡萄大官之桐马皆借他物而成者赵德麟以黄柑酿酒东坡尝作洞庭春色赋遗之所谓命黄头之千奴卷震泽而俱还坡亦以松明酿酒所谓味甘余而小苦叹幽姿之独高二酒至今有用其法而为之者至坡在黄州自作蜜酒惠州自作桂酒皆一试而止盖出於一时戲劇未必皆中节度耳

蜀中食品南方不知其名者多矣而况其味乎东坡所谓豆荚圆且小槐牙细而丰者巢菜也所谓赠君水鱼三百尾中有鹅黄子鱼子者防笋也是此物者蜀川甚贵重东坡在黄州时去乡已十五年思巢菜而不可得防巢元修自蜀来使归致其子而种之东坡之下又作防笋酢

浸蜜漬可致千里外尝以饷殊老则此二物之珍可知矣茱萸蜀醬也蜀都赋所谓茱萸流味是也苞芦蜀鮓也老杜所谓香飴兼苞芦是也

晋史称何劭骄奢简贵衣裘服玩新故巨积食必尽四方珍异一日之供以钱二万为限而曾所食不过万钱是劭之自奉侈於父也而劭赠张华诗乃云周旋我陋圃西瞻广武庐既贵不忘俭处约能存无镇俗在简约塞门焉足慕是以姬孔为法以管氏为戒也审能如是则史所书又何如耶以史为正则劭所言诬矣东坡擷菜诗云秋来霜露满东园芦菔生儿芥有孙我与何曾同一饱不知何苦食鸡豚苟能如此则岂肯纵嗜欲於口腹之间哉

唐御食红绫饼餤为上光化中放进士裴格卢延让等二十八人宴於曲江勅太官赐饼餤止二十八枚而已延让后入蜀颇为蜀人所易尝有诗云莫欺零落残牙齿曾吃红绫饼餤来其为当世所贵重如此酉阳杂俎载衣冠家有萧家餠饨庾家粽子韩约樱桃餠饠又有胡突鲙麋皮索饼之类号为名食不至於甚侈而美有余亦红绫饼餤之类也

周颙有云性命之在彼极切滋味之於我可賒今人以活齑而资口腹者比比皆是也是诚何心哉或曰羊豕大身难於刺割蚶蛤微命易於烹熬如是则性命之小者尤不幸也钟岷尝告其师何子季曰车螯蚶蜆眉目内阙唇吻外絨不悴不荣曾草木之不若无馨无臭与瓦砾其何算故可长充庖厨永为口寔何其仁於大而忍於细坎山谷信佛甚笃而晚年酷好食蟹所谓寒蒲束防十六輩已觉酒兴生江山又云虽为天上三辰次未免人间五鼎烹乃果於杀如此何哉东坡在海南为杀鸡而作疏张乖崖之在成都为割羊而转经是岂爱物之仁不能胜口腹之欲耶山谷谈无碍禅苏张行有为法亦各其所见尔

柳比妇人尚矣条以比腰叶以比眉大垂手小垂手以比舞态故自古命侍儿多喜以柳为名白乐天侍儿名柳枝所谓两枝杨柳小楼中嫋嫋多年伴醉翁是也韩退之侍儿亦名柳枝所谓别来杨柳街头树摆撼春风只欲飞是也洛中里娘亦名柳枝李义山欲至其家久矣以其兄迥山在焉故不及昵义山有柳枝五首其间怨句甚多所谓画屏綉步障物物自成双如何湖上望只是见鸳鸯之类是也呜呼天伦同气之重共聚於子女揉杂之所已为名教之罪人而一不得其欲又作为诗章显形怨讟且自彰其丑遗臭无穷所谓灭天理而穷人欲者无大於此如李商隐者又何足道哉

张子野年八十五犹聘妾东坡作诗所谓诗人老去鸛鸛在公子归时燕燕忙是也荆公亦有诗云篝火尚能书细字邮笥还肯寄新诗其精力如此宜其未能息心於粉白黛绿之间也坡复有赠张刁二老诗有共成一百七十歲之句则子野年益高矣故其末章云惟有诗人被磨折金钗零落不成行

老杜丽人行專言秦虢宴遊之乐末章有当轩下马入锦茵慎莫近前丞相嗔之句当是谓杨国忠也韩退之华山女末章亦言云 雾閣事恍惚重重翠幔深金屏仙梯难攀俗緣重浪凭青鸟通丁宁此言不知为何人发也

李白送侄良携二妓赴防稽云遥看二桃李双入镜中开别河西刘少府云自有两少妾双骑骏马行以是知刘李二君皆不羁之士也东坡作临江仙有细马远防双侍女红巾玉带红靴之语其斯人之徒欤

韩退之作欧阳詹哀词言其事父母至孝又曰读其书知其为慈孝最隆又曰詹舍朝夕父母之养而来京师其心将以有得而归为父母荣也及观国川名士传载詹溺太原之妓未及迎归而有京师之行既愆期而妓疾革将死割髻付女奴以授詹詹一见大恸亦卒集中载初发太原寄所思诗所谓高城已不见况复城中人者乃其人也岂退之以同榜之故而固防其短饰词而解人之疑欤呜呼詹能义陈蕃之不从乱而不能割爱于一妇人能荐韩愈之贤而不能以贻亲忧为念殆有所蔽而然也如乐津北楼绝句与闻唱凉州诗皆赋情不薄有以知其享年之不长也

古今人咏王昭君多矣王介甫云意态由来画不成当时枉杀毛延寿欧永叔云耳目所及尚如此万里安能制夷狄白乐天云愁苦辛勤顛顚尽如今却似画图中后有诗云自是君恩薄于纸不须一向恨丹青李义山云毛延寿画欲通神忍为黄金不为人意各不同而皆有议论非若石季伦骆宾王輩徒叙事而已也邢惇夫十四岁作明君引谓天上仙人骨法别人间画工画不得亦稍有思致

人君不能制欲于一妇人以至溺惑废政未有不乱亡者桀奔南巢祸阶妹喜鲁威灭国惑始齐姜妲己褒姒以至杨妃张孔之徒皆是也吴之于一西施王之耽惑不减于一诸后一夕越兵至而王不知也郑寂夫诗云十重越甲夜成围宴罢君王醉不知若论破吴功第一黄金只合铸西施谓非西施则吴不亡吴不亡则安得以黄金铸范蠡之容哉而东坡范蠡诗云谁将射御教吴儿长笑申公为夏姬却遣姑苏有麋鹿更怜夫子得西施言楚申公欲弱楚而强吴者以夏姬之故曾不如范蠡灭吴霸越而坐得西施也

铜雀伎古人赋咏多矣郑惜云舞余依帐泣歌罢向陵看张正见云云惨当歌日松吟欲舞风贾至云灵几临朝奠空牀卷夜衣王勃云妾本深宫妓曾城闭九重君王欢爱尽歌舞为谁容沈佺期云昔年分鼎地今日望陵防一旦雄图尽千秋遗令哀皆佳句也罗隐云强歌强舞竟难胜花落花开遍满缯祗合当年伴君死免教憔悴望西陵似比诸人差有意也魏武阴贼险狠盗有神器实窃英雄之名而临死之日乃遗令诸子不忘于一骨之地又使伎人着铜雀防上以歌舞其魂亦可谓愚矣东坡云操以病亡子孙满前而哽咽涕泣留连妾妇分香卖履区处衣物平生奸伪死见真性真名言哉

高祖大风之歌虽止于一二十三字而志气慷慨规模宏远凛凛乎已有四百年基业之气史记乐书谓之三侯章令沛得以四时歌舞宗庙盖欲使后之子孙知其祖创业之勤不可怠于一守成尔武陵秋风辞瓠子歌已无足道及为赋以伤悼李夫人反覆数百言绸缪眷恋于一女子其视高祖岂不愧哉艺文志上自造赋二篇其一不得而见耶

老杜北征诗云忆昨狼狽初事与古先别不闻夏商衰中自诛褒姒其意谓明皇英防自诛妃

子与夏商之诛褒姒不同老杜此语出於爱君而曲文其过非至公之论也白乐天诗云六军不发无奈何宛转蛾眉马前死非逼迫而何哉然明皇能割一己之爱使六军之情帖然亦可谓知所轻重矣故前輩诗云毕竟圣明天子事景阳赴井是何人小説卢环抒情载唐僖宗幸蜀词人题於马嵬驿云马嵬烟柳正依依重见銮舆幸蜀归泉下阿瞞应有语这回休更泥杨如虽一时戲语亦无乃厚诬阿瞞乎

韵语阳秋卷二十

宋 葛立方 撰

李白诗云朝发汝海东暮栖龙门中又云朝别凌烟楼暝投永华寺又云朝别朱雀门暮栖白鹭洲又云鸡鸣发黄山暝投鰕湖宿可见其常作客也范传正言白偶乘扁舟一日千里或遇胜境终年不移往来牛斗之间长江远山一泉一石无往而不自得也则白之长作客乃好遊尔非若杜子美为衣食所驱者也李阳冰论白云王公趋风到岳结轨羣贤翕习如鸟归鳳魏颢论白云携骏马美妾所适二千石郊迎饮数斗径醉夫岂有衣食之迫哉

今人作诗自述则称我谓人则称君往往相习皆然杜子美送孔巢父诗云道甫问信今何如坠马诸公携酒相看诗云甫也诸侯老宾客遇王倚饮云在矜甫也何由美则自述乃称名送樊侍遇云至尊方旰食仗尔布嘉惠寄李白云昔年有狂客号尔谪仙人送窦九云非尔更持节何人符大名则谓人乃称尔若谓尊之甚则称名则前三人皆非通贵之士若谓卑之甚则称尔以后三人皆非穉孺之列盖其诗格变应如是恐不系重轻也

心醉六经尚友千载谓之好古可也今之好古者乃不然书画贵整而必取腐烂陈暗者以为奇器物贵新而必取穿漏弇薄者以为异曰是古也乃不靳赏费而求之何其不思之甚耶书画贵古犹欲识其笔法之渊源以穿漏弇薄之器而珍之此何理哉尝观老杜铜瓶诗云乱后碧井废时清瑶殿深其末云蛟龙虽缺落犹得折黄金则以古物而要厚赏自古而然

张景阳七命有浮三翼泛中沚之句故诗家多用三翼为轻舟如梁元帝日华三翼舸元微之光陰三翼过是也按越絕书伍子胥水战兵法内经曰大翼一艘广一丈五尺二寸长十丈中翼一艘广一丈三尺五寸长五丈六尺小翼一艘广一丈二尺长九丈所谓三翼者皆巨战船也用为轻舟悞矣

舒王作前元丰行云倒持龙骨挂屋敖后元丰行云龙骨长干挂梁椳龙骨水车也是歲丰稔故龙骨挂而不用又有寄杨德逢诗云遥闻青秧底复作龟兆拆脩脩两龙骨岂得长挂壁是歲亢旱故反前咏尔东坡亦有水车诗云翻翻聯聯銜尾鴉莘莘确确蛻骨蛇分畦翠浪走云阵刺水绿鍼抽稻芽天公不念老农泣唤取阿香推雷车言水车之利不及雷车所需者广也

瓢之为器贫者所用故顏子以一瓢饮而扬子比之山雌文康公筑室泛金溪上阖门千指朝齏暮盐未尝敢以贫为病尝因溪结亭号曰瓢饮盖欲少见慕贤好古安贫乐道之意予尝有诗云我不学许由隱烟雾得瓢不饮惟挂树又不学德义居虎丘带瓢入市多骑牛分无玉瓠囊古锦病渴文园只瓢饮下瞰金溪新结亭未须引吸如长鲸但愿金溪化为酒歲歲持瓢醉花柳

君子为小人诬蔑沮抑则其诗怨故寓之於物以舒其愤如朱书古镜诗所谓我有古时镜初自壞陵得蛟龙犹泥蟠魑魅幸月蚀是也小人既败君子得志之秋则其诗昌故寓之於物以

快其志如刘禹锡磨镜篇所谓萍开绿池满晕尽金波溢山神妖气沮野魅真形出是也黄子虚作妬佳月篇云狂云妬佳月怒飞千里黑佳月了不嗔曾何污洁白支颐少待之寒光静无迹灿灿黄金盘独照一天碧殆亦二子之意

郎基在颍川不置水枕裴潜在兖州不取胡床居官清操要当如是白乐天在杭州取天竺片石受代携归故其诗曰三年为刺史饮水复食蘂唯向天竺山取得两片石此抵有千金无乃伤清白暨守吴门复取洞庭双石一以支琴一以贮酒故双石诗有万古遗水滨一朝入吾手之句泊罢府支琴石遂归履道旧居故作诗云天上定应胜地上支机未必及支琴呜呼泉石膏肓人士之逸韵若乐天者岂潘子义所谓风流罪过也耶

李白作蜀道难以罪严武其末云所守或匪亲化为狼与豺朝避猛虎夕避长蛇磨牙吮血杀人如麻锦城虽云乐不如早还家则武待白之礼未必优也武与杜甫情好甚厚一朝以饮酒过度而武防杀之则不如早还家之說乃白先见之明尔陆畅谒韦臯於蜀郡畅感韦之遇已遂反其词作蜀道易云蜀道易易於履平地

忘年交谓虽年齿尊防不侔而道义可为友也如张鎰之於陆贄崔郭之於李谦是已鲁直云遂贫不去与忘年便以忘年作朋友用盖有来处也老杜过孟仓曹诗云清谈见滋味尔輩可忘年则山谷所用岂苟云乎哉

郑防受安禄山伪命泊贼平与张通王维并囚宣阳里因善画祈於崔圆遂得免死老杜所谓今如置中冓子云识字终投阁是也及防贬台州有诗云可念此公懷直道也霑新国用轻刑如防者可谓之懷直道乎当是爱忘之言尔八哀诗亦云反覆归圣朝防染无涤荡老防台州掾泛泛浙江浆盖伤之也

杜甫悲陈涛诗云野旷天清无战声四万义军同日死言房琯之败也琯临败犹持重而中人邢延恩促战遂大败故甫深悲之甫为右拾遗防琯罢相上疏力救琯肃宗大怒诏三司杂问宰相张镐救之获免故洗兵马行云张公一生江海客身长九尺须眉苍盖感其救已也张无尽孤愤吟云房琯未相日所谈皆臯防一朝陈涛下覆没十万师中原已纷溃老杜尚嗟咨则老杜救琯之章岂亦出於私情乎

建安七子唯刘公干独为诸王子所亲曹操威焰盖世甄夫人出拜诸人皆伏而公干独平视虽论作而不悔亦可嘉矣故梅圣俞诗云公干才俊或欺事平视美人曾不起自兹不得为故人论作左校濒於死公干尝有赠从弟诗云亭亭山上松瑟瑟谷中风风声一何盛松枝一何劲其寄意如是岂肯少屈於操哉末篇又托兴鳳凰有何时当来仪将须圣明君之句则不以圣明待操矣

老杜课伯夷辛秀伐木则曰报之以微寒共给酒一斛遣信行修水筒则以浮 裂饼以荅其恭谨陶渊明告其子则曰辄遣一力助汝薪水之劳亦人子也以善遇之盖古人之役仆夫其忠厚率如此初学记载王褒买便了为奴作约使苦作以致听券而泪下鼻涕长一尺有不如

早归黄土陌令蚯蚓鑽额之语其少陵柴桑之罪人哉

白乐天作八渐偈云苦既非真悲亦是假则世间悲懽人我必能忘情始宪宗欲以乐天为刺史王涯以资浅为言遂得江州司马及涯败作诗快之有当君白首同归日是我青山独往时之句李德裕於乐天不见有隙德裕贬崖州亦作三絕快之其一篇云乐天尝任苏州日要勒须教用礼仪从此结成千万恨今朝果中白家诗盖尝以唐史考之乐天卒於防昌之初武宗时也而德裕之贬乃在宣宗大中年则德裕之谪乐天死也久非乐天之诗明矣以是準之快王涯之句恐亦未必然也

东坡文章妙一世然在掖垣作吕吉甫谪词继而吕复用遂纳告毁抹在翰苑作上清储祥碑继而蔡元长复作遂遭磨毁非特此也苏叔党云昔公为藏经记初传於世或以为非在惠州作梅花诗至有以为笑此皆士大夫以文鸣者其說能使人必信乃繆妄如此信知识古战塲文者鲜矣子由尝防东坡遗藁云展卷得遗草流涕湿冠缨斯文久衰弊流涇自为清科斗藏壁间见者空叹惊废兴自有时诗书付西京

传曰学士大夫则知尊祖矣族之所在祖之所自出也其可以不敬乎陶渊明有赠长沙公诗序云予於长沙公为族祖同出大司马昭穆既遠以为路人故其诗云同源分流人易世疎慨然晤叹念斯厥初礼服遂悠歲月眇徂感彼行路眷焉踟躕盖深伤之也长沙公於渊明如此而渊明乃以古处自任其临别赠言之际有进策虽微终焉为山之句呜呼渊明亦可谓贤矣杜子美数访从孙济而不免於防猜故其诗云所来为宗族亦不谓盘餐勿受外嫌猜同姓古所敦观长沙与济尊祖之义扫地矣

贤者豹隱墟落固当和光同尘虽舍者争席奚病而况於杯酒之间哉陶渊明杜子美皆一世伟人也每田父索饮必使之毕其欢而尽其情而后去渊明诗云清晨闻叩门倒裳往自开问子为谁欵田父有好懷壶漿遠見 疑我与时乖老杜诗云田翁逼社日邀我尝春酒叫妇开大瓶盆中为吾取二公皆有位者也於田父何拒焉至於田父有一世皆尚同愿君汨其泥之說则始守陶之介久客惜人情如何拒邻叟则何妨杜之通乎

老杜避乱秦蜀衣食不足不免求给於人如赠高彭州云百年已过半秋至转饥寒为问彭州牧何时救急难客夜诗云计拙无衣食途穷仗友生老妻书数纸应悉未归情狂夫诗云厚禄故人书防絕常饥稚子色凄凉荅裴道州诗云虛名但防寒温问泛爱不救沟壑辱简韦十诗云因知贫病人须弃能使韦郎迹也疎观此五诗可见其难窘而有望於朋友故旧也然当时能周之者防何人哉刘长卿云世情薄恩义俗态轻穷厄山谷云持饥望路人谁能顏色温余於子美亦云

东坡归阳美时流离颠蹶之余絕禄已数年受梁吉老十绢百丝之 可见非有余者李宪仲之子荐以四防未举而公见则尽以赠之且赠以诗云推衣助孝子一溉滋汤旱谁能脱左骖大事不可缓章季默三防未 亦求於公公亦有以助之有不辞毛粟施行自丘山积之句其高谊盖出於天资矣

陶淵明乞食詩云飢來驅我去不知竟何之而繼之以感子漂母惠愧我非韓才句則求而有獲者也杜子美上水遣懷云驅馳四海內童稚日糊口而繼之以但遇新少年少逢旧知友則求而无所得者也山谷貧樂齋詩云飢來或乞食有道无不可過青草湖云我虽貧至骨犹勝杜陵老忆昔上岳陽一飮從人討由是論之則杜之貧甚於陶而山谷之貧尚优於杜也

杜子美身遭离乱复迫衣食足迹防半天下自少時遊蘇及越以至作諫官奔走州縣既皆載壯遊詩矣其后贈韋左丞詩云今欲東入海即將西去秦則自長安之齊魯也贈李白詩云亦有梁宋遊方期拾瑤草則自東都之梁宋也發同谷縣云賢有不黔突聖有不暖席始來茲山中休駕喜地僻奈何迫物累一歲四行役則自隴右之劔南也留別章使君云終作適荆蠻安排用庄叟隨云拜東皇挂席上南斗則自蜀之荆楚也夫士人既无常產為飢所驅豈免仰給於人則奔走道途亦理之常爾王建云一年十二月強半馬上看圓缺百年歡樂能幾何在家見少行見多不緣衣食相驅遣此身誰愿長奔波李頎亦云男兒在世无產業行子出門如轉蓬皆為此也

标点本

韵语阳秋序

隆兴元年，常之由天官侍郎罢七年矣，于是《韵语阳秋》之书成，贻书谓余叙之，会余以病未暇也。明年，常之卒。干道改元，三月九日，夜梦常之如平生。既寤，怆念畴昔，泫然流涕，乃题其首，而归其书于其孤。曰：《诗》三百篇，上而公卿大夫歌于朝廷，荐于郊庙，下而小夫贱隶咏于闾衡（中间从“共”）播于田野，莫不传焉。达者以理，昧者以情，皆成于自然者也。文从字顺，宜乎无得而议矣。至其不可通，则犹当以意逆志。理与情者，志所寓也，苟通矣，辞为可略。《诗》亡之后，作者盖寡，将即其辞而求其志之所在，义之当否，则思之何可以不熟，讲之何可以不详，而责之何可以不恕哉。然去古益远，学者之弊甚，方（《历代诗话》本作“多”，从上句读）且因物以索句，因句以命题，以至赅和之习盛，则又因韵以造语，因语以命意，言之支离，体之骖馵，情之抑郁，理之乖悖，凡以此也。今欲求风雅之正，探本而遗末，读常之之书，庶乎进于是哉！常之传家学，故其源深；贯羣书，故其论辩；稟秀质，故其辞（《历代诗话》本作“词”）华。既尝登禁掖代王言矣，天不使之从容从官之内，赋《云汉》、《常武》以赞中兴，颂《清庙》、《思文》以扬先烈，流落江湖之上，而见于遗文者如此，此有识所屡叹，非余独为之深惜也！常之葛氏，清孝之孙，文康之子，予（《历代诗话》本作“余”）先大夫之从侄云（《历代诗话》本作“也”）。八月十二日，敷文阁直学士左朝议大夫致仕武夷徐林叙（《历代诗话》本作“序”）。

韵语阳秋序

韩愈疑《石鼓》之篇不入于诗，而杜子美之诗世或称为诗史。夫以《诗》三百篇皆出圣人之手，其不合于礼仪者，固已删而弗取，岂容致疑其间。子美诗虽比物叙事，号为精确，然其忧喜怨怼，感激愤叹之际，亦岂容无溢言。余以是知观古人文辞（《历代诗话》本作“词”）者，必先质其事而揆之以理。言与事乖，事与理违，则虽记言之史，如《书》之《武成》，或谓不可尽信；质于事而合，揆之理而然，则虽闾巷之谈，童稚之谣，或足传信于后世，而况文士之辞（《历代诗话》本作“词”）章哉。吏部侍郎葛公博极羣书，以文章名一世，暇日尝着《韵语阳秋》廿卷，自汉魏以来，诗人篇咏，咸参稽抉摘，以品藻其是非，不以名取人，亦不以人废言，质事揆理，而惟当之为贵。至于有益名教，若悖理伤道者，则反复评论，折衷取予，以示劝戒。振六艺于古诗既亡之后，发奥蹟于灵均未覩之先，又岂若世之评诗者，徒揣其句语之工拙，格律之高下，而屑屑于月露风云、花木虫鱼形状之间而已哉！公既歿，或请其书镂板以传世，辄掇其大旨，书于篇末，使览者得详焉。干道二年八月既望，右朝请郎行秘书省校书郎兼权户部员外郎沈洵题。

韵语阳秋自序

懒真子既上宜春之印，归休于吴兴，泛金溪，上我先人之弊庐，归愚识夷涂，游宦泯快捷方式，湛然胷次，不挂一丝。而多生习气，尚牵蠹简，虽不能如毛茌、郑康成泥虫鱼之注，又不能如虞卿、李德裕着穷愁之书。未谙王氏之青箱，懒问董生之朱墨，独喜读古今人韵语，披咏紬绎，每毕景忘倦。凡诗人句义当否，若论人物行事，高下是非，辄私断臆处而归之正。若背理伤道者，皆为说以示劝戒。书成，号《韵语阳秋》。昔晋人褚裒为皮里阳秋，言口绝臧否，而心存泾渭，余之为是也，其深愧于斯人哉！若孙盛、檀道鸾、邓粲各有《晋阳秋》，是皆不畏人祸天刑，率意而作，如昌黎公所云者也。余也，非惟不敢，亦不暇。隆兴甲申中元，丹阳（宋本作“杨”，据《历代诗话》本改）葛立方书。

●卷一

“谢朝华之已披，起（《历代诗话》本作“启”）夕秀于未振”，学诗者尤当领此。陈腐之语，固不必涉笔，然求去其陈腐不可得，而翻为怪怪奇奇不可致诘之语以欺人，不独欺人，而且自欺，诚学者之大病也。诗人首二谢，灵运在永嘉，因梦惠连，遂有“池塘生春草”之句；玄晖在宣城，因登三山，遂有“澄江静如练”之句。二公妙处，盖在于鼻无垠、目无膜尔。鼻无垠，斤将曷运？目无膜，篋将曷施？所谓混然天成，天球不琢者与？灵运诗，如“矜名道不足，适己物可忘”、“清晖能娱人，游子澹忘归”，玄晖诗，如“春草秋更绿，公子未西归”、“大江流日夜，客心悲未央”等语，皆得《三百五篇》之余韵，是以古今以为奇作，又曷尝以难解为工哉！东坡《跋李端叔诗卷》云：“暂借好诗消永夜，每逢佳处辄参禅。”盖端叔作诗，用意太过，参禅之语，所以警之云。

陶潜、谢朓诗皆平澹有思致，非后来诗人忧心别目雕琢者所为也。老杜云“陶、谢不枝梧，《风》、《骚》共推激。紫燕自超诣，翠驳谁翦剔”是也。大抵欲造平澹，当自组丽中来，落其华芬，然后可造平澹之境，如此则陶、谢不足进矣。今之人多作拙易诗，而自以为平澹，识者未尝不绝倒也。梅圣俞《和晏相诗》云：“因今适性情，稍欲到平澹。苦词未圆熟，刺口剧菱芡。”言到平澹处甚难也。所以《赠杜挺之诗》有“作诗无古今，欲造平澹难”之句。李白云：“清水出芙蓉，天然去雕饰。”平澹而到天然处，则善矣。

老杜寄身于兵戈骚屑之中，感时对物，则悲伤系之。如“感时花溅泪”是也。故作诗多用一“自”字。《田父泥饮诗》云：“步履随春风，村村自花柳。”《遣怀诗》云：“愁眼看霜露，寒城菊自花。”《忆弟诗》云：“故园花自发，春日鸟还飞。”《日暮诗》云：“风月自清夜，江山非故园。”《滕王亭子》云：“古墙犹竹色，虚阁自松声。”言人情对境，自有悲喜，而初不能累无情之物也。

杜甫《观安西过兵诗》云：“谈笑无河北，心肝奉至尊。”故东坡亦云：“似闻指挥筑上郡，已觉谈笑无西戎。”盖用左太冲《咏史诗》“长啸激清风，志若无东吴”也。王维云：“虏骑千重只似无。”句则拙矣。

杜子美《曹将军丹青引》云：“将军魏武之子孙，于今为庶为清门。”元微之《去杭州诗》亦云：“房杜王魏之子孙，虽及百代为清门。”则知老杜于当时已为诗人所钦服如此。残膏剩馥，沾丐后代，宜哉！故微之云：“诗人以来，未有如子美者。”

老杜诗以后二句续前二句处甚多。如《喜弟观到诗》云：“待尔嗔乌鹊，抛书示鹡鸰。枝间喜不去，原上急曾经。”《晴诗》云：“啼鸟争引子，鸣鹤不归林。下食遭泥去，高飞恨久阴。”《江阁卧病》云：“滑忆雕胡饭，香闻锦带羹。溜匙兼暖

腹，谁欲致杯罍。”《寄张山人诗》云：“曹植休前辈，张芝更后身。数篇吟可老，一字买堪贫。”如此类甚多。此格起于谢灵运《庐陵王墓下诗》云：“延州协心许，楚老惜兰芳。解剑竟何及，抚坟徒自伤。”李太白诗亦时有此格，如“毛遂不堕井，曾参宁杀人！虚言误公子，投杼感慈亲”是也。

梅圣俞云：“作诗须状难写之景于目前，含不尽之意于言外。”真名言也。观其《送苏祠部通判》（《历代诗话》本有“于”字）洪州诗云：“沙鸟看来没，云山爱后移。”《送张子野赴郑州》云：“秋雨生陂水，高风落庙梧”之类，状难写之景也。《送马殿丞赴密州》（《历代诗话》本有“云”字）：“危帆淮上去，古木海边秋。”《和陈秘校》云：“江水几经岁，鉴中无壮颜”之类，含不尽之意也。

梅圣俞五字律诗，于对联中十字作一意处甚多。如《碧澜亭诗》云：“危楼喧晚鼓，惊鹭起寒汀。”《初见淮山》云：“朝来汴口望，喜见淮上山。”《送俞驾部》云：“何时鸂舟上，远见炉峰迎。”《送张子野》云：“不知从此去，当见复何如。”《和王尉》云：“度鴈（《历代诗话》本作“鸟”）不曾下，新文谁寄评。”《昼寝诗》云：“及尔寂无虑，始知机尽空。”如此者不可胜举。诗家谓之“十字格”，今人用此格者殊少也。老杜亦时有此格，《放船诗》云：“直愁骑马滑，故作泛舟回。”《对雨》云：“不愁巴道路，恐湿汉旌旗。”《江月》云：“天边长作客，老去一沾巾。”

杜甫《客夜诗》云：“客睡何曾着，秋天不肯明。”《陪王使君泛江诗》云：“山豁何时断，江平不肯流。”不肯二字，含蓄甚佳，故杜两言之。与渊明所谓“日月不肯迟，四时相催迫”同意。（此条《历代诗话》本接上条，疑误）

退之《赠崔立之》前后各一篇，皆讥其诗文易得。前诗曰：“才豪气猛易语言，往往蛟螭杂蝼蚓。”后诗曰：“文如翻水成，初不用意为。”二诗皆数十韵，岂非欲衒博于易语言（《历代诗话》本无“言”字）之人乎？前诗曰：“深藏箠笥时一发，戢戢已多如束笋。”后诗曰：“每旬遗我书，竟岁无差池。”有以知崔于韩情义之笃如此也。

杜甫、李白以诗齐名，韩退之云：“李、杜文章在，光焰万丈长。”似未易以优劣也。然杜诗思苦而语奇，李诗思疾而语豪。杜集中言李白诗处甚多，如“李白一斗诗百篇”，如“清新庾开府，俊逸鲍参军”，“何时一尊酒，重与细论文”之句，似讥其太俊快。李白论杜甫，则曰：“饭颗山头逢杜甫，头戴笠子日卓午。为问因何太瘦生，只为从来作诗苦。”似讥其太愁肝肾也。杜牧云：“杜诗韩笔愁来读，似倩麻姑痒处抓（《历代诗话》本作“搔”）。天外凤凰谁得髓，何人解合续弦胶。”则杜甫诗，唐朝以来一人而已，岂白所能望耶！

《选》诗骈句甚多，如：“宣尼悲获麟，西狩涕孔丘。”“千忧集日夜，万感盈朝

昏。”“万古陈往还，百代劳起伏。”“多士成大业，群贤济洪绩”之类，恐不足为后人之法也。

近时论诗者，皆谓偶对不切，则失之麓；太切，则失之俗。如江西诗社所作，虑失之俗也，则往往不甚对，是亦一偏之见尔。老杜《江陵诗》云：“地利西通蜀，天文北照秦。”《秦州诗》云：“水落鱼龙夜，山空鸟鼠秋。”“丛篁低地碧，高柳半天青。”《竖子至》云：“粗梨且缀碧，梅杏半传黄。”如此之类，可谓对偶太切矣，又何俗乎？如“杂蕊红相对，他时锦不如”。“磨灭余篇翰，平生一钓舟”之类，虽对不求太切，而未尝失格律也。学诗者当审此。

许浑《呈裴明府诗》云：“江村夜涨浮天水，泽国秋生动地风。”《汉水伤稼》，亦全用此一联。《郊居春日诗》云：“花前更谢依刘客，雪后空怀访戴人。”《和杜侍御》云：“因过石城先访戴，欲朝金阙暂依刘。”又《送林处士》云：“镜中非访戴，剑外欲依刘。”《寄三川（《历代诗话》本作“州”）守》云：“花深稚榻迎何客，月在膺舟醉几人？”《陪崔公宴》又云：“宾馆尽开（《历代诗话》本作“闲”）徐稚榻，客帆空恋李膺舟。”《题王隐居》云：“随蜂收野蜜（《历代诗话》本作“蜜”），寻麝采生香。”《呈李明府》云：“洞花蜂聚蜜，崑柏麝留香。”《松江诗》云：“晚色千帆落，林声一雁飞。”《深春诗》云：“故里千帆外，深春一雁飞。”又《寄卢郎中并赠闲师》皆以庾楼对萧寺。见于其它篇咏，以杨柳对蒹葭，以杨子渡对越王台者甚多。盖其源不长，其流不远，则波澜不至于汪洋浩渺，宜哉。杜甫云：“读书破万卷，下笔如有神。”欲下笔，当自读书始。

韦应物诗平平处甚多，至于五字句，则超然出于畦径之外。如《游溪诗》“野水烟鹤唳，楚天云雨空。”《南斋诗》“春水不生烟，荒岗筠翳石。”《咏声诗》“万物自生听，太空常寂寥”。如此等句，岂下于“兵卫森画戟，燕寝凝清香”哉。故白乐天云：“韦苏州五言诗，高雅闲淡，自成一家之体。”东坡亦云：“乐天长短三千首，却爱韦郎五字诗。”

孟郊诗“楚山相蔽亏，日月无全辉。万株古柳根，拏此磷磷溪。大行横偃脊（原作“春”，据《历代诗话》本改），百里方崔嵬”等句，皆造语工新，无一点俗韵。然其它篇章，似此处绝少也。李观（《历代诗话》本作“翱”）评其诗云：“高处在古无上，平处下观二谢。”许之亦太甚矣。东坡谓“初如食小鱼，所得不偿劳。又似食螾[虫越]，竟日嚼空螯”。贬之亦太甚矣。

《太平广记》载，宋之问于灵隐寺夜吟，诗未就，闻有人云，何不道“楼观沧海日，门对浙江潮”。莫知何人。人有识之者，曰：“此骆宾王也。”是时宾王与徐敬业俱隐名同逃，已莫（《历代诗话》本作“暮”，同）年矣。而集中有《江南送之问诗》云：“秋江无绿芷，寒汀有白苹。采之将何遗？故人漳水滨。”《兖州饯之问诗》云：“淮沂泗水北，梁甫汶阳东。别路青骊远，离尊绿蚁空。”其相习如此

，不应暮年相遇于灵隐寺云不相识也。盖是宾王逃难之时，之问不欲显其姓名尔。

杜荀鹤、郑谷诗，皆一句内好用二字相迭，然荀鹤多用于前后散句，而郑谷用于中间对联。荀鹤诗云：“文星渐见射台星”，“非谒朱门谒孔门”，“常仰门风继（《历代诗话》本作“维”，同）国风”，“忽地晴天作雨天”，“犹把中才谒上才。”皆用于散联。郑谷（原作“光”，据《历代诗话》本改）“那堪流落逢摇落，可得潸然是偶然”，“身为醉客思吟客，官自中丞拜右丞”，“初尘芸阁辞禅阁，却访支郎是老郎”，“谁知野性非天性，不扣权门扣道门”。皆用于对联也。

梅圣俞早有诗名，故人（《历代诗话》本无“人”字）士能诗者，往往写卷投掷，以质其是非。梅各有报章，未尝轻许之也。《读黄萃诗卷》则云：“凤凰养雏飞未高，鸡鹜成群翅终短。”《读萧渊诗卷》则云：“野雉五色且非凤，知时善鸣鸡若何。”《读孙且言诗卷》则云：“汲井欲到深，磨鉴欲尽尘。”《读张令诗卷》则云：“读之不敢倦，十未能一晓。”《读邵不疑诗卷》则曰：“既观坐长叹，复想李杜韩。”皆因其短而教诲之也。东坡喜奖与后进，有一言之善，则极口褒赏，使其有闻于世而后已。故受其奖者，亦踊跃自勉，乐于修进，而终为令器。若东坡者，其有功于斯文哉，其有功于斯人哉！

律诗中间对联，两句意甚远，而中实潜贯者，最为高作。如介甫《示平甫诗》云：“家世到今宜有后，士才如此岂无时。”《答陈正叔》云：“此道未行身有待，古人不见首空回。”鲁直《答彦和诗》云：“天于万物定贫我，智效一官全为亲。”《上叔父夷仲诗》云：“万里书来儿女瘦，十月山行冰雪深。”欧阳永叔《送王平甫下第诗》云：“朝廷失士有司耻，贫贱不忧君子难。”《送张道州诗》云：“身行南雁不到处，山与北人相对愁。”如此之类，与规规然在于媲青对白者，相去万里矣。鲁直如此句甚多，不能概举也。

韩愈以瀑布为“天绅”，所谓“悬瀑垂天绅”是也。孟郊以檐溜为“天绅”，所谓“檐溜掷天绅”是也。东坡《次韵王定国倅颍（《历代诗话》本作“颖”）诗》，亦有“馀波犹足挂天绅”之句。

“水田飞白鹭，夏木啭黄鹂。”李嘉佑诗也。王摩诘衍之为七言曰：“漠漠水田飞白鹭，阴阴夏木啭黄鹂。”而兴益远。“九天阊阖开宫殿，万国衣冠拜冕旒。”王摩诘诗也。杜子美删之为五言曰（《历代诗话》本作“句”）：“阊阖开黄道，衣冠拜紫宸。”而语益工。近观山谷黔南十绝，七篇全用乐天《花下对酒》、《渭川旧居》、《东城》《寻春》、《西楼》、《委顺》、《竹窗》等诗，余三篇用其诗略点化而已。乐天云：“相去六千里，地绝天邈然。十书九不到，何以开忧颜。”山谷则云：“相望六千里，天地隔江山。十书九不到，何用一开颜。”乐天云：“霜降水反壑，风落木归山。苒苒岁时晏，物皆复本原。”山谷云：“霜降水反壑，风落木归山。苒苒岁华晚，昆虫皆闭关。”乐天诗云：“渴人多梦饮，饥人多梦餐

。春来梦何处？合眼到东川。”山谷云：“病人多梦医，囚人多梦赦。如何春来梦，合眼见乡社。”叶少蕴云：“诗人点化前作，正如李光弼将郭子仪之军，重经号令，精彩数倍。”今观三公所作，此语殆诚然也。

《归叟诗话》载《鼾睡诗》一篇，以为韩退之遗文，其实非也。所谓“有如阿鼻尸，长唤忍众罪”，“铁佛闻皱眉，石人战摇腿”等句，皆不成语言，而厚诬退之，不亦冤乎？欧阳永叔有《谢人送枕簟诗》，因及喜睡，其曰“少壮喘息人莫听，中年鼻鼾尤恶声。痴儿掩耳谓雷作，灶妇惊窥疑釜鸣”，与前诗不侔矣。

人言居富贵之中者，则能道富贵语，亦犹居贫贱者工于说饥寒也。王岐公被遇四朝，目濡耳染，莫非富贵，则其诗章虽欲不富贵得乎？故岐公之诗，当时有至宝丹之喻。如“宝藏发函金作界，仙醪传羽玉为台”，“梦回金殿风光别，吟到银河月影低”等句甚多。李庆孙《富贵曲》云：“轴装曲谱金书字，树记花名玉篆牌。”晏元献云：“太乞儿相。若谙富贵者，不尔道也。”元献诗云：“梨花院落溶溶月，柳絮池塘淡淡风。”此自然有富贵气。吾曾埠祖侍郎讳宫，虽起于寒微，而论富贵若固有之。尝有诗云：“翩废朽子朱门静，狼藉梨花小院闲。”又云：“西楼月上帘帘静，后苑花开院院香。”其视晏公真不愧矣。若孟郊“借车载家具，家具少于车”。陶潜“敝襟不掩肘，藜羹常乏斟。”杜甫“天吴与紫凤，颠倒在短褐”。皆巧于说贫者也。

欧公一世文宗，其集中美梅圣俞诗者，十几四五。称之甚者，如：“诗成希深拥鼻讴，师鲁卷舌藏戈矛。”又云：“作诗三十年，视我犹后辈。”又云：“少低笔力容我和，无使难追韵高绝。”又云：“嗟哉吾岂能知子，论诗赖子能指迷。”圣俞诗佳处固多，然非欧公标榜之重，诗名亦安能至如此之重哉。欧公后有诗云：“梅穷独我知，古货今难卖。”而圣俞《赠滁州谢判官诗》亦云：“我诗固少爱，独尔太守知。”皆言识之者鲜矣。张芸叟评其诗云：“如深山道人，草衣捆屨，王公大人见之屈膝。”

蔡君谟娶余祖姑清源君，而赴漳南幕。余曾祖通议尝赠之诗曰：“藻思旧传青管梦，哲科新试碧鸡才。乍依仲宝莲花幕，更下温郎玉照（《历代诗话》本作“镜”）台。”可谓佳句矣。韩退之《送陆畅诗》云：“一来取高第，官佐东宫军。迎妇丞相府，夸映秀士群。鸣鸾桂树间，观者何缤纷。”此二诗，事相类而语皆奇也。

●卷二

荆公尝有诗曰：“功谢萧规惭汉第，恩从隗始诧燕台。”或谓公曰：“萧何万世之功，则功字固有来处，若恩字未见有出也。”荆公答曰：“韩集《鬪鸡联句》，则孟郊云‘受恩惭始隗’。”则知荆公诗用法之严如此。然“一水护田将绿绕，两山排闥送青来”之句，乃以樊吟排闥事对护田，岂护田亦有所出邪？有好事者为余言，一日，有人面称公诗，谓“自喜田园安五柳，但嫌尸祝扰庚桑”，以为的对。公笑曰：“伊但知柳对桑为的对，然庚亦是数，盖以十日数之也。”余谓荆公未必有此意，使果如好事者之说，则作诗步骤亦太拘窘矣。钱起《送屈突司马诗》云：“星飞庞统骥，箭发鲁连书。”人多称其工。余恨庞统骥出处无星字，而鲁连书有箭字也。《赵给事中晚归不遇诗》：“忽看童子扫花处，始愧夕郎题凤来。”前句不用事，后句用二事；皆非律也。

《钱起集》前八卷后五卷。鲍钦止谓昭宗时有中书舍人钱珣，亦起之诸孙，今起集中恐亦有珣所作者。余初未知其所据也。比见前集中有《同程七早（《历代诗话》本作“蚤”，同）入中书》一篇云：“不意云霄能自致，空惊鸳鹭忽相随。腊（《历代诗话》本作“臙”）雪新晴柏子殿，春风欲上万年枝。”《和王员外雪晴早朝》云：“紫微晴雪带恩光，绕仗偏随鸳鹭行。长信月留宁避晓，宜春花满不飞香。”二诗皆珣所作无疑，盖起未尝入中书也。集中又有《登彭祖楼》一诗，而薛能集亦载，则知所编甚驳也。

陈去非尝为余言：唐人皆苦思作诗，所谓“吟安一个字，捻断数茎须”，“句向夜深得，心从天外归”，“吟成五字句，用破一生心”，“蟾蜍影里清吟苦，舴艋舟中白发生”之类是也。故造语皆工，得句皆奇，但韵格不高，故不能参少陵之（《历代诗话》本无“之”字）逸步。后之学诗者，傥（《历代诗话》本下有“或”字）能取唐人语而掇入少陵绳墨步骤中，此速肖（《历代诗话》本作“连胸”）之术也。余尝以此语似叶少蕴，少蕴云：李益诗云：“开门风动竹，疑是故人来”，沈亚之诗云：“徘徊花上月，虚度可怜宵”，皆佳句也。郑谷掇取而用之，乃云：“睡轻可忍风敲竹，饮散那堪月在花”，真可与李沈作仆奴。由是论之，作诗者兴致先自高远，则去非之言可用；傥不然，便与郑都官无异。

杜甫读苏涣诗，则曰：“余发喜却变，白间生黑丝。”高适观陈十六史碑，则曰：“我来观雅制，慷慨变毛发。”

方干诗，清润小巧，盖未升曹、刘之堂，或者取之太过，余未晓也。王赞尝称之曰：“铍肌涤骨，冰莹霞绚，嘉肴自将，不吮余隳。丽不芬葩，苦不癯棘，当其得志，倏与神会。”孙合尝称之曰：“其秀也，仙蕊于常花；其鸣也，灵鼙于众响。”观其所（《历代诗话》本无“所”字）作《登灵隐峰诗》云：“山迭云霞际，川倾世界东。”《送喻坦之诗》云：“风尘辞帝里，舟楫（《历代诗话》本作“楫”，

同)到家林。”此真儿童语也。《寄喻皀》云：“寒芜随楚尽，落叶渡淮稀。”而《送喻坦之下第》又云：“过楚寒方尽，浮淮月正沉。”《赠路明府诗》云：“吟成五字句，用破一生心。”而《赠喻皀》又云：“才吟五字句，又白几茎须。”《称（《历代诗话》本作“湖”）湖心寺中岛》云：“雪折停猿树，花藏浴鹤泉。”而《寄越上人》又云：“窗接停猿树，岳飞浴鹤泉。”《于使君诗》云：“月中倚棹吟渔浦，花底垂鞭醉凤城。”而《送伍秀才诗》又云：“倚棹寒吟渔浦月，垂鞭醉入凤城春。”尘（《历代诗话》本作“观”）其语言，重复如此，有以见其窘也。至于“野渡波摇月，空城雨翳钟”，“白猿（《历代诗话》本作“猿”，同）垂树窗边月，红鲤惊钩竹外溪”，“义行相识处，贫过少年时”等句，诚无愧于孙、王所赏。

李长吉云：“我生（《历代诗话》本作“当”）二十不得意，一生愁心，谢如梧兰（《历代诗话》本作“一心愁谢如枯兰”）。 ”至二十七而卒。陈无己《除夜诗》云：“七十已强半，所余能几何。遥知暮夜促，更觉后生多。”至四十九而卒。语意不祥如此，岂神明者先受（《历代诗话》本作“授”）之耶？

连绵字不可挑转用，诗人间有挑转用者，非为平侧所牵，则为韵所牵也。罗昭谏以沆寥为寥沆，是为平侧所牵，《秋风生桂枝诗》所谓“寥沆工夫大”是也。又以洿澜为澜洿，是为韵所牵，《哭孙员外诗》所谓“故侯何在泪澜洿”是也。

老杜咏《萤火诗》云：“幸因腐草出，敢近太阳飞。未足临书卷，时能点客衣。”似讥当时阉人用事于人君之前，不能主张文儒，而乃如青蝇之点素也。说者乃谓喻小有才而侵侮大德，岂不误哉。罗隐窃取其意，乃曰：“不思曾腐草，便拟倚孤光。若道通文翰，车公业（《历代诗话》本作“照”）肯长。”其视前作愧矣。

沈存中云：“退之《城南联句》云：‘竹影金琐碎。’金琐碎者，日光也，恨句中无日字尔。”余谓不然，杜子美云：“老身倦马河堤永，踏尽黄榆绿槐影。”亦何必用日字？作诗正欲如此。

诗家有换骨法，谓用古人意而点化之，使加工也。李白诗云：“白发三千丈，缘愁似个长。”荆公点化之，则云：“缫成白发三千丈。”刘禹锡云：“遥望洞庭湖翠水（“翠水”，《历代诗话》本作“水面”），白银盘里一青螺。”山谷点化之，则云：“可惜不当湖水面，银山堆里看青山。”孔稚圭《白苧歌》云：“山虚钟响（《历代诗话》本作“磬”）彻。”山谷点化之，则云：“山空响管弦。”卢仝诗云：“草石是亲情。”山谷点化之，则云：“小山作朋友，香草当姬妾。”学诗者不可不知此。

鲁直谓陈后山学诗如学道，此岂寻常雕章绘句者之可拟哉。客有为余言后山诗，其要在于点化杜甫语尔。杜云“昨夜月同行”，后山则云“勤勤有月与同归”。杜云

“林昏罢幽磬”，后山则云“林昏出幽磬”。杜云“古人日（《历代诗话》本作“去”）已远”，后山则云“斯人日已远”。杜云“中原鼓角悲”，后山则云“风连鼓角悲”。杜云“暗飞萤自照”，后山则云“飞萤元失照”。杜云“秋觉追随尽”，后山则云“林湖更觉追随尽”。杜云“文章千古事”，后山则曰“文章平日事”。杜云“乾坤一腐儒”，后山则曰“乾坤着（《历代诗话》本作“着”，同）腐儒”。杜云“孤城隐雾深”，后山则曰“寒城着雾深”。杜云“寒花只暂香”，后山则云“寒花只自香”。如此类甚多，岂非点化老杜之语而成者？余谓不然。后山诗格律高古，真所谓“碌碌盆盎中，见此古罍洗”者。用语相同，乃是读少陵诗熟，不觉在其笔下，又何足以病公。

《五代史补》载罗隐《题牡丹》云：“若教解语（《历代诗话》本作“虽然不语”）应倾国，任是无情也动人。”曹唐曰：“此乃咏子女障子尔。”隐曰：“犹胜足下作鬼诗。”乃诵唐《汉武帝（按《历代诗话》本原亦作“要”，点校者据《类编》本改作“宴”）宴王母诗》曰：“树底（《历代诗话》本作“洞里”）有天春寂寂，人间无路月茫茫。”岂非鬼诗。《南史》载孝武尝问颜延之曰：“谢庄《月赋》何如？”答曰：“庄始知‘隔千里兮共明月’。”帝召庄，以延之语语之。庄应声曰：“延之作《秋胡诗》，始知‘生为久离别，没为长不归。’”《典论》云：“文人相轻，自古而然。”

高适《别郑处士》云：“兴来无不惬，才大亦何伤。”《寄孟五诗》云：“秋气落穷巷，离忧兼暮蝉。”《送萧十八》云：“常苦古人远，今见斯人古。”《题陆少府书斋》云：“散帙至栖鸟，明灯（《历代诗话》本作“镫”）留故人。”皆佳句也。《上陈左相》云：“天地庄生马，江湖范蠡舟。”亦有含蓄。但庄子谓天地一指，万物一马，而以天地为马，悞矣。

晋张翰忆吴中莼菜鲈脍而归，而高适屡作越上用。如《送崔功曹赴越》云：“今朝欲乘兴，随尔食鲈鱼。”《送李九赴越》云：“镜水若（《历代诗话》本作“君”）所忆，莼羹子（《历代诗话》本作“余”）旧便。”人以为疑。余考《地理志》，汉吴县隶今会稽郡，则以鲈鱼作越上，亦无伤也。

山谷诗多用“稻田衲”，亦云“田衣”。王摩诘诗云：“乞饭从香积，裁衣学水田。”又云：“手巾花氎净，香帔稻畦成。”岂用是邪？

鲁直谓东坡作诗，未知句法。而东坡题鲁直诗云：“每见鲁直诗，未尝不绝倒。然此卷语妙甚（《历代诗话》本作“甚妙”，无“语”字），而殆非悠悠者可识。能绝倒者已是可人。”又云：“读鲁直诗，如见鲁仲连、李太白，不敢复论鄙事。虽若不适用，然不为无补。”如此题识，其许之乎，其讥之也？鲁直酷爱陈无己诗，而东坡亦不深许。鲁直为无己扬誉无所不至，而无己乃谓“人言我语胜黄语”何耶？

自古工诗者，未尝无兴也。覩（《历代诗话》本作“观”）物有感焉，则有兴。今之作诗者，以兴近乎讪也，故不敢作，而诗之一义废矣！老杜《茺茺诗》云：“两句不甲坼，空惜埋泥滓。野茺迷汝来，宗山（《历代诗话》本作“生”）生实于此。”皆兴小人盛而掩抑君子也。至高适《题张处士菜园》则云：“耕地桑柘间，地肥菜常熟。为问葵藿资，何如庙堂肉。”则近乎讪矣。作诗者苟知兴之与讪异，始可以言诗矣。

张籍，韩愈高弟也。愈尝作《此日足可惜》赠之，八百余言。又作《喜侯喜至》之篇赠之，二百余言；又有《赠张籍》一篇，二百言，皆不称其能诗。独有《调张籍》一篇大尊李杜，而末章有“顾语地上友，经营无太忙”之句。《病中赠张籍》一篇有“半涂喜开凿，派别失大江。吾欲盈其气，不令见麾幢”之句。《醉赠张彻》有“张籍学古淡，轩昂（《历代诗话》本作“鹤”）避鸡群”之句。则知籍有意于慕大，而实无可取者也。及取其集而读之，如《送越客诗》云：“春云剡溪口，残月镜湖西。”《逢故人诗》云：“海上见花发，瘴中闻鸟飞。”《送海客诗》云：“入国自献宝，逢人多赠珠。”“紫掖发章句，青闱更咏歌。”如此之类，皆骈句也。至于语言拙恶，如：“寺贫无施利，僧老足慈悲。”“收拾新琴谱，封题旧药方。”“多申请假牒，祇送贺官书。”此尤可笑。至于乐府，则稍超矣。姚秘监尝称之为曰：“妙绝《江南曲》，凄凉《怨女诗》。”白太傅尝称之为曰：“尤攻乐府词，举代少其伦。”由是论之，则人士所称者非以诗也。

应制诗非他诗比，自是一家句法，大抵不出于典实富艳尔。夏英公《和上元观灯诗》云：“鱼龙曼衍六街呈，金锁通宵启玉京。冉冉游尘生辇道，迟迟春箭入歌声。宝坊月皎龙灯淡，紫馆风微鹤焰平。宴罢南端天欲晓，回瞻河汉尚盈盈。”王岐公诗云：“雪消华月满仙台，万烛当楼宝扇开。双凤云中扶辇下，六鳌海上驾峯（《历代诗话》本作“山”）来。镐京春酒沾周燕，汾水秋风陋汉材。一曲升平人共乐，君王又进紫霞杯。”二公虽不同时，而二诗如出一人之手，盖格律当如是也。丁晋公《赏花钓鱼诗》云：“莺惊凤辇穿花去，鱼畏龙颜上钓迟。”胡文恭（《历代诗话》本作“公”）云：“春暖仙萸初糒靡，日斜芝盖尚徘徊。”郑毅夫云：“水光翠绕九重殿，花气醺熏万寿杯。”皆典实富艳有余。若作清癯平澹之语，终不近尔。

翰苑作春帖子，往往秀丽可喜。如苏子容云：“璇宵一夕斗标（《历代诗话》本作“标”）东，潋潋晨曦照九重。和气熏风摩盖壤，竞消金甲事春农。”邓温伯云：“晨曦潋潋上帘栊，金屋熙熙歌吹中。桃脸似知宫宴早，百花头上放轻红。”蒋颖叔云：“昧旦求衣向晓鸡，蓬莱仗下日将西。花添漏鼓三声远，柳映春旗一色齐。”梁君贶诗（《历代诗话》本无“诗”字）云：“东方和气斗回杓，龙角中星转紫霄。圣主问安天未晓，求衣亲护玉宸朝。”皆佳作也。余观郑毅夫《新春词》四首，其一云：“春色应随步辇还，珠旒玉几照龙颜。紫云殿下朝元罢，便领（《历代诗话》本作“令”）东风到世间。”其二云：“春风细拂绿波长，初过层城度建章

。草色未迎雕辇翠，柳梢先学赭衣黄。”其三云：“晴晖散入凤凰楼，一行（《历代诗话》本作“桁”）珠帘不下钩。汉殿鬪簪双彩燕，并和春色上钗头。”其四云：“小池春破玉玲珑，声触帘钩渐好风。闲绕阑干掐花树，春痕已着半梢红。”观此四诗，与帖子格调何异？岂久于翰苑而笔端自然习熟邪？

咸平景德中，钱惟演、刘筠首变诗格，而杨文公与王鼎、王綽号“江东三虎”，诗格与钱、刘亦绝相类，谓之“西昆体”。大率效李义山之丰富藻丽，不作枯瘠语，故杨文公在至道中得义山诗百余篇，至于爱慕而不能释手。公尝论义山诗，以谓包蕴密致，演绎平畅，味无穷而炙愈出，镇弥坚而酌不竭，使学者少窥其一斑，若涤肠而浣（《历代诗话》本作“洗”）骨。是知文公之诗，有得于义山者为多矣。又尝以钱惟演诗二十七联，如“雪意未成云着地，秋声不断鴈连天”之类，刘筠诗四十八联，如“溪笺未破冰生砚，垆酒新烧雪满天”之类，皆表而出之，纪之于《谈苑》。且曰二公之诗，学者争慕，得其格者，蔚为佳咏。可谓知所宗矣。文公钻仰义山于前，涵泳钱、刘于后，则其体制相同，无足怪者。小说载优人有以义山为戏者，义山服蓝缕之衣而出。或问曰：“先辈之衣何在？”曰：“为馆中诸学士捋扯去矣。”人以为笑。

颜延之谢灵运各被旨拟《北土篇》，延之受诏即成，灵运久而方就。梁元帝云：“诗多而能者沈约，少而能者谢朓，虽有迟速多寡之不同，不害其俱工也。”

米元章赋诗绝人（《历代诗话》本作“妙”），而人罕称之者，以书名掩之也。如《不及陪东坡往金山作水陆诗》云：“久阴障（《历代诗话》本作“阵”）夺佳山川，长澜四溢鱼龙渊。众看李、郭渡浮玉，晴风扫出清明天。颇闻妙力开大施，足病不列诸方仙，想应苍壁有垂露，照水百怪愁寒烟。”《栖（《历代诗话》本作“柄”）云阁》云：“云出救世早，泽浹云寻归。入石了不见，丰功已如遗。龙蹇荐复起，抱石明幽姿。云乎无定所，隐者何当栖（《历代诗话》本作“栖”）。”如此二诗，殆出翰墨畦径之表，盖自迈往凌云之气流出，非寻规索矩者之（《历代诗话》本作“所”）可到也。

余襄公靖尝在契丹作胡语诗云：“夜筵没逻臣拜洗，两朝厥荷情干勒。微臣雅鲁祝君统，圣寿铁摆俱可忒。”没逻言后，盛拜洗言受赐，厥荷言通好，干勒言厚重，铁摆言嵩高也。沈存中《笔谈》载刁约使契丹戏为诗云：“押燕移离毕，看房贺跋支。践（《历代诗话》本作“贱”）行三匹裂，密赐十貔狸。”移离毕，如中国执政官；贺跋支，执衣防合人；匹裂，小木罌；貔狸，形如鼠而大，狄人以为珍饌。二诗可作对，故表而出之。

诗之有思，卒然遇之而莫遏，有物败之则失之矣。故昔人言覃思、垂思、抒思之类，皆欲其思之来，而所谓乱思、荡思者，言败之者易也。李肇（《历代诗话》本作“郑瓘”）诗思在灞桥风雪中驴子上，唐求诗所游历不出二百里，则所谓思者，岂

寻常咫尺之间所能发哉！前辈论诗思多生于杳冥寂寞之境，而志意所如，往往出乎埃壘之外。苟能如是，于诗亦庶几矣。小说载谢无逸问潘大临云：“近日曾作诗否？”潘云：“秋来日日是诗思。昨日捉笔得‘满城风雨近重阳’之句，忽催租人至，令人意败，辄以此一句奉寄。”亦可见思难而败易也。

韩退之《调张籍诗》曰：“刺手拔鲸牙，举瓢酌天浆。”魏道辅谓高至酌天浆，幽至于拔鲸牙，其用思深远如此。彼独未读《送无本诗》尔。其曰：“我尝示之难，勇往无不敢。蛟龙弄牙角，造次欲手揽。众鬼囚大幽，下觑袭元窖。”言手揽蛟龙之角，下觑众鬼之窖，皆难事，而无本勇往无不敢，盖作文以气为主也。则《调张籍》之句，无乃亦是意乎？

孟郊诗云：“食荠肠亦苦，强歌声无欢。出门即有碍，谁谓天地宽。”许浑诗云：“万里碧波鱼恋钓，九重青汉鹤愁笼。”皆是穷蹙之语。白乐天诗云：“无事日月长，不羁天地阔。”与二子殆宵壤矣。《青箱杂记》载李泰伯一绝云：“人言落日是天涯，望极天涯不见家。已恨碧山相掩映，碧山还被暮云遮。”识者曰，此诗意有重重障碍，李君其不偶乎！后果如其言。

●卷三

元、白齐名，有自来矣。元微之写白诗于阆州西寺，白乐天写元诗百篇，合为屏风，更相倾慕如此。而乐天必言微之诗得已格律顿（《历代诗话》本作“更”）进，所谓“每被老元偷格律”是也。然微之《江陵放言》与《送客岭南诗》，乐天皆拟其作何耶？东坡尝效山谷体作江字韵诗，山谷谓坡收敛光芒，入此窘步。余于乐天亦云。

诗人赞美同志诗篇之善，多比珠玑、碧玉、锦绣、花草之类，至杜子美则岂肯作此陈腐语邪？《寄岑参诗》云：“意惬关飞动，篇终接混茫。”《夜听许十一诵诗》云：“精微穿溟滓，飞动摧霹雳。”《赠卢琏诗》曰：“藻翰惟牵率，湖山合动摇。”《赠陈（《历代诗话》本作“郑”）谏议诗》云：“毫发无遗憾，波澜独老成。”《寄李白诗》云：“笔落惊风雨，诗成泣鬼神。”《赠高适诗》云：“美名人不及，佳句法如何。”皆惊人语也。视余子其神芝之与腐菌哉！

李太白、杜子美诗皆掣鲸手也。余观太白《古风》、子美《偶题》之篇，然后知二子之源流远矣。李云：“《大雅》久不作，吾衰竟谁陈！《王风》委蔓草，战国多荆榛。”则知李子所得在《雅》。杜云：“文章千古事，得失寸心知。骚人嗟不见，汉道（《历代诗话》本作“选”）盛于斯。”则知杜之所得在骚。然李不取建安七子，而杜独取垂拱四杰何耶？南皮之韵，固不足取，而王、杨、卢、骆亦诗人之小巧者尔。至有“不废江河万古流”之句，褒之岂不太甚乎？

贾岛携新文诣韩愈云：“青竹未生翼，一步万里道。安得西北风，身愿变蓬草。”可见急于求师。愈赠诗云：“家住幽都远，未识气先感。来寻吾何能，无殊（《历代诗话》本作“味”）嗜昌歜。”可见谦于授业。此皆岛未儒服之时也。泊愈教岛为文，遂弃浮屠（《历代诗话》本作“图”），学举进士。《摭言》载岛初赴名场，于驴上吟“鸟宿池边树，僧敲月下门”。遇权京尹韩吏部呵（《历代诗话》本作“呼”）唱而不觉，泊拥至马前，则曰：“欲作敲字，又欲作推字，神游（《历代诗话》本作“游”）诗府，致冲大官。”愈曰：“作敲字佳矣。”是时岛识韩已久矣，使未相识，愈岂肯教其作敲字邪！

余读许浑诗，独爱“道直去官早，家贫为客多”之句。非亲尝者，不知其味也。《赠萧兵曹诗》云：“客道耻摇尾，皇恩宽犯鳞。”“直道去官早”之实也。《将离郊园诗》云：“久贫辞国远，多病在家希。”“家贫为客多”之实也。

苏养直《清江曲》见赏于东坡，以为与李太白无异。所谓“属玉双飞水满塘，菰蒲深处浴鸳鸯”是也。既为前辈所赏，名已不没。而又作《后清江曲》一篇，岂养直尚恶其少作邪？所谓“呼儿极浦下笭簑，社瓮欲熟浮蛆香。”“轻蓑淅沥鸣秋雨，日暮乘流自相语。”如此等句，《前清江曲》似未到也。

作诗贵雕琢，又畏有斧凿痕，贵破的，又畏黏皮骨，此所以为难。李商隐《柳诗》云：“动春何限叶，撼晓几多枝。”恨其有斧凿痕也。石曼卿《梅诗》云：“认桃无绿叶，辨杏有青枝。”恨其黏皮骨也。能脱此二病，始可以言诗矣。刘梦得称白居易诗云：“郢人斤斲无痕迹，仙人衣裳弃刀尺。世人方内欲相从，行尽四维无处觅。”若能如是，虽终日斲而鼻不伤，终日射而鹄必中，终日行于规矩之中，而其迹未尝滞也。山谷尝与杨明叔论诗，谓以俗为雅，以故为新，百战百胜。如孙、吴之兵，棘端可以破镞；如甘蝇、飞卫之射，捏聚放开，在我掌握，与刘所论，殆一辙矣。

杜牧《赤壁诗》云：“折戟沉沙铁未消，自将磨洗认前朝。东风不与周郎便，铜雀春深锁二乔。”李义山集中亦载此诗，未知果何人所作也。

自古文人，虽在艰危困踣之中，亦不忘于制述。盖性之所嗜，虽鼎镬在前不恤（《历代诗话》本作“恤”）也，况下于此者乎？李后主在围城中，可谓危矣，犹作长短句。所谓“樱桃落尽春归去，蝶翻金粉双飞。子规啼月小楼西”，文未就而城破。蔡约之尝亲见其遗藁。东坡在狱中作诗《赠子由》云：“是处青山可藏（《历代诗话》本作“埋”）骨，它（《历代诗话》本作“他”）年夜雨独伤神。”犹有所托而作。李白在狱中作诗上崔相云：“贤相燮元气，再欣海县康。应念覆盆下，雪泣拜天光。”犹有所诉而作。是皆出于不得已者。刘长卿在狱中，非有所托诉也，而作诗云：“斗间谁与看冤气，盆下无由见太阳。”一诗云：“壮志已怜成白发，余生犹待发青春。”一诗云：“冶长空得罪，夷甫不言钱。”又有《狱中见画佛诗》，岂性之所嗜？则縲紲之苦，不能易雕章缋句之乐与？

黄庶，字亚夫，尝有《怪石》一绝传于世云：“山鬼水怪着薜荔，天禄辟邪眠莓苔。钩帘坐对心语口，曾见汉家池馆来。”人士脍炙，以为奇作。唐张碧诗亦不多见，尝有《池上怪石诗》云：“寒姿数片奇突兀，曾作秋江秋水骨。先生应是厌风雷，着向池边塞龙窟。我来池上倾酒尊，半酣书破青烟痕。参差翠缕摆不落，笔头惊怪黏秋云。我闻吴中、项容水墨有高价，邀得将来倚松下。铺却双缣直道难，掉首（《历代诗话》本作“手”）空归不成画。”二诗殆未易甲乙也。

杜子美诗喜用《文选》语，故宗武亦习之不置，所谓“熟精《文选》理，休觅彩衣轻”。又云“呼婢取酒壶，续儿诵《文选》”是也。唐朝有《文选》学，而时君尤见钦（《历代诗话》本无“钦”字）重，分别本以赐金城，书绢素以属裴行俭是也。外史《捣枘（《历代诗话》本作“枘机”）》载，郑奕尝以《文选》教其子，其兄曰：“何不教读《论语》，免学沈、谢嘲风弄月，污人行止。”郑兄之言，盖欲先德行而后文艺，亦不为无理也。

元和十一年六月，武元衡将朝，夜漏未尽三刻，骑出里门，遇盗，薨于墙下。许孟容谓国相横尸而盗不得，为朝廷耻。遂下诏募捕，竟得贼（《历代诗话》本无“贼”

”字)。始得张晏者，王承宗所遣；訾珍者，李师道所遣也。初，元衡策李锜之必反。已而锜果反就诛。由是诸镇桀骜者，皆不自安，以致于是。刘梦得有《代靖安佳人怨诗》云：“宝马鸣珂踏晓尘，鱼文匕首犯车茵。适来行哭里门外，昨夜画（《历代诗话》本作“华”）堂歌舞人。”又云：“秉烛朝天遂不回，路人弹指望高台。墙东便是伤心地，夜夜秋萤飞去来。”余考梦得为司马时，朝廷欲澡濯补郡，而元衡执政，乃格不行。梦得作诗伤之而托于靖安佳人，其伤之也，乃所以快之与？

裴度平淮西，绝世之功也。韩愈《平淮西碑》，绝世之文也。非度之功不足以当愈之文，非愈之文不足以发度之功。碑成，李愬之子乃谓没父之功，讼之于朝。宪宗使段文昌别作。此与舍周鼎而宝康瓠何异哉？李义山诗云：“碑高三丈字如手（《历代诗话》本作“斗”），负以灵鳌蟠以螭。句奇语重喻者少，谗之天子言其私。长绳百尺拽碑倒，龕砂大石相磨治。公之斯文若元气，先时已入人肝脾。”愈书愬曰：“十月壬申，愬用所得贼将，自文城因天大雪，疾驰百二十里到蔡，取元济以献。”与文昌所谓“郊云晦冥，寒可堕指。一夕卷旆，凌晨破关”等语，岂不相万万哉！东坡先生责（《历代诗话》本作“谪”）官过旧驿壁间，见有人题一诗云：“淮西功业冠吾唐，吏部文章日月光。千古断碑人脍炙，世间谁数段文昌。”坡喜而录（《历代诗话》本作“诵”）之。

裴度在朝，宪宗委任不疑，使破三贼。已而吴元济授首，王承宗割二州遣子入侍，李师道被擒。两河诸侯，忠者怀，强者畏，克融、廷凑皆不敢桀骜，勋烈之盛，一时无与比肩者。惟李义山指为圣相，诗曰“帝得圣相相曰度”，又曰“呜呼圣皇及圣相”，亦过矣哉。荀卿曰：“得圣臣者帝。”若舜、禹、伊尹、周公皆圣臣也，谓四人为圣臣则可，谓裴度为圣相，其可哉？

李翱、皇甫湜集中皆无诗。世传翱有《县君好砖渠》一诗，并《传灯录》载《答药山》一偈，湜祗（《历代诗话》本作“祗”）有《浯溪留题》一篇而已。

刘叉爱金使酒，不拘细行，士类鄙之。史载叉持韩愈金数斤去，曰：“此谀墓中人得尔，不若与刘君为寿。”是爱金者。又载少为侠行，因酒杀人亡命，会赦出。是使酒者。而其集有《烈士咏》云：“烈士或爱金，爱金不为贫。义死天亦许，利生天亦嗔。胡为轻薄儿，使酒杀平人。”岂叉自以为烈士邪？

刘叉诗酷似玉川子，而传于世者二十七篇而已。《冰柱》、《雪车》二诗，虽作语奇怪，然议论亦皆出于正也。《冰柱诗》云：“不为四时雨，徒于道路成泥相（《历代诗话》本原亦作“相”，点校者据类编本改为“阻”）。不为九江浪，徒能汨没天之涯。”《雪车诗》谓“官家不知民馁寒，尽驱牛车盈道载。屑玉载载欲何之？秘藏深宫，以御炎酷。”如此等句，亦有补于时，与玉川《月蚀诗》稍相类。

东坡拈出陶渊明谈理之诗，前后有三：一曰“采菊东篱下，悠然见南山。”二曰“笑傲东轩下，聊复得此生”。三曰“客养千金躯，临化消其宝。”皆以为知道之言。盖摘章绘句，嘲弄风月，虽工亦何补。若覩道者，出语自然超诣，非常人能蹈其轨辙也。山谷尝跋渊明诗卷云：“血气方刚时，读此诗如嚼枯木。及绵历世事，如决定无所用智。”又尝论云：“谢康乐、庾义城之诗，炉锤之功，不遗余力，然未能窥彭泽数仞之墙者，二子有意于俗人赞毁其工拙，渊明直寄焉。”持是以论渊明诗，亦可以见其关键也。

省题诗自成一家，非他诗比也。首韵拘于见题，则易于牵合，中联缚于法律，则易于骈对，非若游戏于烟云月露之形，可以纵横在我者也。王昌龄、钱起、孟浩然、李商隐辈皆有诗名，至于作省题诗，则疎矣。王昌龄《四时调玉烛诗》云：“祥光长赫矣，佳号得温其。”钱起《巨鱼纵大壑诗》云：“方快吞舟意，尤殊在藻嬉。”孟浩然《骐驎长鸣诗》云：“逐逐怀良驭，萧萧顾乐鸣。”李商隐《桃李无言诗》云：“夭桃花正发，秣李蕊方繁。”此等句与儿童无异，以此知省题诗自成一家也。

诗人比雨，如丝如膏之类甚多，至杜牧乃以羽林鎗为比（“杜牧”以下九字，《历代诗话》本脱前七字，“为比”讹作“为此”），恐未尽其形似。《念昔游》云：“云门寺外逢猛雨，林黑山高雨脚长。曾奉郊宫为近侍，分明[扌双][扌双]羽林枪。”《大雨行》云：“四面崩腾玉京仗，万里横互（《历代诗话》本作“亘”）羽林枪。”岂去国凄断之情，不能忘鸡翘豹尾中邪？

武元衡诗不多，集中有《酬严司空荆南见寄诗》两篇，一云：“金貂再领三公府，玉帐连封万户侯。”一云：“汉家征镇委条侯，虎节龙旌居上头。”皆续以“帘卷青山巫峡晓，烟开碧树渚宫秋。”第三联一云：“刘琨坐啸风清塞，谢朓题诗月满楼。”一云：“金笳尽掩故人泪，丽句初传明月楼。”皆续以“白雪调高歌不得，美人相顾翠蛾愁。”人讶其太同。余谓乃元衡删润之本，集中两存之尔。当以前篇为正，后篇诚未工也。

诗体如八音歌、建除体之类，古人赋咏多矣。用十二神为诗者，始见于沈炯，山谷亦尝效为之。余友人莫之用，其祖馘，尝以辩舌说贼，脱百人于死，意其后必昌，而之用乃贫不能以自存，天理殆难晓也。余尝以此格作诗赠之云：“抱犬高眠已云足，更得牛衣有余燠。起来败絮拥悬鹑，谁羡龙髯织冰縠。踏翻菜园底用羊，从他春雷吼枯肠。击锤烹鼎莫渠爱，小笔自许猴葵香。半世饥寒孔移带，鼠米占来身渐泰。吉云神马日匝三，樗蒲肯作猪奴态。虎头食肉何足夸，阴德由来报宜奢。丹灶功成无跃兔，玉函方秘缘青蛇。”

仲长统云：“垂露成帟，张霄成幄。沆瀣当餐，九阳代烛。”盖取无情之物作有情用也。自后窃取其意者甚多。张志和则云：“太虚为室，明月为烛。”王康琚则云

：“华条当圆屋，翠叶代绮窗。”吴筠则云：“绿竹可充食，女萝可代裙。”刘伶则云：“日月为扁牖，八荒为庭衢。”皆是意也。李义山《无题诗》云：“春蚕到死丝方歇，蜡炬成灰泪始干。”此又是一格。今效此体为俚语小词传于世者甚多，不足道也。

东坡在儋耳时，余三从兄讳延之，自江阴担簦万里，绝海往见，留一月。坡尝诲以作文之法曰：“儋州虽数百家之聚，州人之所须，取之市而足，然不可徒得也，必有一物以摄之，然后为己用。所谓一物者，钱是也。作文亦然，天下之事，散在经子史中，不可徒使，必得一物以摄之，然后为己用。所谓一物者，意是也。不得钱不可以取物，不得意不可以用（《历代诗话》本作“明”）事，此作文之要也。”吾兄拜其言而书诸绅。尝以亲制龟冠为献，坡受之，而赠以诗云：“南海神龟三千岁，兆叶朋从生庆（《历代诗话》本作“爱”）喜。智能周物不周身，未免人钻七十二。谁能用尔作小冠，峋嵝耳孙勑其制。今君此去宁复来，欲慰相思时整视。”今集中无此诗，余尝见其亲笔。后坡归宜兴，道由无锡洛社，尝至孙仲益家。时（《历代诗话》本无“时”字）仲益年在髫髻（《历代诗话》本作“韶髻”），坡曰：“孺子习何艺？”孙曰：“学对属。”坡曰：“试对看。”徐曰：“衡门稚子璠玦器。”孙应声云（《历代诗话》本作“曰”）：“翰苑仙人（《历代诗话》本作“神仙”）锦绣肠。”坡抚其背曰：“真璠玦器也！异日不凡。”二事皆吾乡人士所知，辄记于此。

唐王建以宫词名家。本朝王岐公亦作宫词百篇，不过述郊祀、御试、经筵、翰苑、朝见等事，至于宫掖戏剧之事，则秘不得（《历代诗话》本作“可”）传，故诗词中亦罕及。若建者，乃内侍王守澄之宗侄，得宫中之事为详。如“丛丛洗手绕金盆，旋拭红巾入殿门。众里遥抛新橘子，在前收得便承恩。”又云“避脱昭仪（《历代诗话》本作“避暑昭阳”）不掷卢，井边含水喷鸦（《历代诗话》本作“鸦”，同）雏。内中数日多（《历代诗话》本作“无”）呼唤，写（《历代诗话》本作“搨”）得《滕王蛱蝶图》。”如此之类，非守澄说似，则建岂能知哉。初，守澄读建宫词，谓之曰：“宫掖之事，而子昌言之，傥得罪，将奚赎？”建与之诗曰：“三朝行坐镇相随，今上春宫见小时。脱下御衣先赐着，进来龙马每教骑。长承密旨归家少，独奏边机出殿迟。不是姓同（《历代诗话》本作“当家”）亲说向，九重争得（《历代诗话》本作“遣”）外人知。”自是守澄不敢有言。花蕊夫人亦有宫词百篇，如“月头支給买花钱，满殿宫人近数千。遇着唱名多不语，含羞急过御床前”之类，亦可喜也。

郭子稍学作小诗，尝赋《梅花》云：“玉屑装龙脑，云衣覆麝脐。何堪夜来雪，香色两凄迷。”《留友人诗》云：“良友间何阔，春事遽如许。劳君下鸥沙，一叶系春渚。昨梦堕前世，再见欣欲舞，聊呼花底杯，酒面点红雨。狂歌谢贯珠，清论杂挥尘。骊驹未可歌，妙句须君吐。”观此数语，似粗知诗家畦径，学之不已必佳，但恐其中堕尔。

●卷四

唐卢纶与吉中孚、韩翃、钱起、司空曙（《历代诗话》本作“曙”）、苗发、崔峒、耿漳、夏侯审、李端皆能诗齐名，号“大历十才子”。宪宗尤爱纶文，至诏张仲素访其遗藁，故纶集中往往有赠诸人诗，所谓“旧录藏云穴，新诗满帝乡”者，送中孚之诗也；“引水忽惊冰满碣，向田空见石和云”者，寄漳、端之诗也；“拥褐觉霜下，抱琴闻鴈来”者，同漳宿旅舍之诗也；“风倾竹上雪，山对酒边人”者，题苗发竹间亭诗也；“桂树曾同折，龙门几共登”者，寄端、峒、曙（《历代诗话》本作“曙”）、漳之诗也。司空曙（《历代诗话》本作“曙”）亦有送中孚诗云：“听猿看楚岫，随鴈到吴洲。”耿漳寄曙（《历代诗话》本作“曙”）云：“老医迷旧疾，朽（《历代诗话》本作“朽”）药误新方。”李端寄纶云：“熊寒方入树，鱼乐稍离渊。”钱起《答苗发龙池诗》云：“暂别迎车雉，还随护法龙。”又赠夏侯审云：“诗成流水上，梦尽落花间。”诸人更倡迭和，莫非佳句。盖草木臭味既同，则金兰契分弥笃尔。史载郭暖进官，大集名士，李端赋诗最工。钱起曰：“素为尔。请以起姓别赋。”端立献一章，又工于前。起之妒贤徒增愧，而端之捷思为可服也。

《古辞》云：“藁砧今何在，山上复有山。何当大刀头，破镜飞上天。”藁砧，砧也，谓夫也。山上有山，出也。大刀头，刀上钁也。破镜，言半月当还也。此诗格非当时有释之者，后人岂能晓哉。《古辞》又云：“围碁烧败袄，着子故衣然。”陆龟蒙、皮日休（《历代诗话》本作“间”）尝拟之。陆云：“旦日思双履，明时愿早谐。”皮云：“莫言春茧薄，犹有万重思。”是皆以下句释上句，与藁砧异矣。《乐府解题》以此格为“风人诗”，取陈诗以观民风，示不显言之意。至东坡《无题诗》云：“莲子擘（《历代诗话》本作“劈”）开须见薏，楸枰着尽更无碁（《历代诗话》本作“碁”，同）。破衫却有重缝处，一饭何曾忘却匙。”是文与释并见于一句中，与“风人诗”又小异矣。（此条《历代诗话》本接上条）

观《楚国先贤传》，言汝南应璩作《百一诗》，讥切时事，徧以示在事者，皆怪愕以为应焚弃之。及观《文选》所载璩《百一篇》，略不及时事何耶？又观郭茂倩杂体诗，载《百一诗》五篇，皆璩所作，首篇言马子侯解音律，而以《陌上桑》为《凤将雏》。二篇伤翳桑二老，无以葬妻子，而已无宣孟之德，可以赙其急。三篇言老人自知桑榆之景，斗酒自劳，不肯为子孙积财。末篇即《文选》所载是也。第四篇似有讽谏，所谓“苟欲娱耳目，快心乐腹肠。我躬不悦欢，安能虑死亡。”此岂非所谓应焚弃之诗乎？方是时，曹爽事多违法，而璩为爽长史，切谏其失如此。所谓《百一》者，庶几百分有一补于爽也。而爽卒不悟，以及于祸。或谓以百言为一篇者，以字数而言也；或谓百者数之终，一者数之始，士有百行，终始如一者，以士行而言也。然皆穿凿之说，何足论哉？后何逊亦有拟《百一》体，所谓“灵辄困桑下，于陵食李蟠。”其诗一百屎字，恐出于或者之说。然璩诗每篇字数各不同，第不过四十（“四十”《历代诗话》本作“一百”）字尔。

皮日休《杂体诗序》曰：“《诗》云‘螭螭在东’，又曰‘鸳鸯在梁’，双声起于此也。”陆龟蒙诗序曰：“迭韵起自梁武帝云‘后牖有朽柳’。当时侍从之臣皆唱（《历代诗话》本作“倡”，同）和：刘孝绰云‘梁王长康强’，沈休文云：‘载载每碍隄。’（此句《历代诗话》本作：沈休文云“偏眠船舷边”，庾肩吾云“载碓每碍隄”）自后用此体作为小诗者多矣，如王融所谓‘园蘅炫红[白鹇]，湖苕暈（《历代诗话》本作“晔”，同）黄华’，温庭筠所谓‘栖息销（《历代诗话》本作“消”，同）心象，檐（《历代诗话》本作“檐”，同）楹溢艳阳’，皆效双声而为之者也。”陆龟蒙所谓“琼英轻明生，竹石滴沥碧”，皮日休所谓“康庄伤荒凉，主（《历代诗话》本作“土”）虏部伍苦”，皆效（《历代诗话》本作“效”）迭韵而为之者也。南北朝人士多喜作双声迭韵，如谢庄、羊戎、魏收、崔巖辈，戏谑谈谐之语，往往载在史册，可得而考焉。

钱起与郎士元齐句，时人语曰：“前有沈宋，后有钱郎。”然郎岂敢望钱哉？起《中书遇雨诗》云：“云衔七曜起，雨拂九门来。”《宴李监宅》云：“晚钟过竹静，醉客出花迟。”《罢官后》云：“秋堂入闲夜，云月思离居。”《对雨》云：“生事萍无定，愁心云不开。”亦可谓奇句矣。士元诗岂有如此句乎？《赠盖少府新除江南尉》云：“客路寻常随竹影，人家大底（《历代诗话》本作“抵”）傍山岚。”《题王季友半日村别业》云：“长溪南路当羣岫，半景东邻照数家。”此何等语？余读其诗，尽帙未见有可喜处，以是知不及起远甚。

僧祖可，俗苏氏，伯固之子，养直之弟也。作诗多佳句。如《怀兰江》云：“怀人更作梦千里，归思欲迷云一滩”，《赠端师》云“窗间一榻篆烟碧，门外四山秋叶红”等句，皆清新可喜。然读书不多，故变态少。观其体格，亦不过烟云、草树、山水、鸥鸟而已。而徐师川作其诗引，乃谓自建安七子，南朝二谢，唐杜甫、韦应物、柳宗元，本朝王荆公、苏、黄妙处，皆心得神解，无乃过乎？师川作《画虎行》末章云：“忆昔予（《历代诗话》本作“余”）顽少小时，先生教诵荆公诗。即今老（《历代诗话》本作“耆”）旧无新语，尚有庐山病可师。”不知何故爱其诗如是也。

韦应物诗拟陶渊明而作者甚多，然终不近也。《答长安丞裴税诗》云：“临流意已凄，采菊露未晞。举头见秋山，万事都若遗。”盖效渊明“采菊东篱下，悠然见南山。此怀有真意，欲辨已忘言”之句也。然渊明落世纷，深入理窟，但见万象森罗，莫非真谛（《历代诗话》本作“境”），故因见南山而真意具焉。应物乃因意凄而采菊，因见秋山而遗万事，其与陶所得异矣。

杜子美《西郊诗》云：“无人兢来往”，或云“无人与来往”，或云“无人觉来往”，“兢”、“与”皆常谈，“觉”字非子美不能道也。盖炀者避灶，有道者之所惊；舍者争席，隐居者之所贵也。（此条《历代诗话》本无）

作诗在于练字，如老杜“飞星过白水，落月动沙墟”，是练中间一字；“地拆江帆隐，天清木叶闻”，是练末后一字。《酬李都督早春诗》云：“红入桃花嫩，青归柳叶新。”若非“入”与“归”二字，则与儿童之诗何异？（此条《历代诗话》本无）

杜牧之诗字意多用老杜，如《观东兵长》句云：“黑稍将军一鸟轻”，盖用子美“身轻一鸟过”也。《游樊川诗》云：“野竹疎还密，巘泉咽复流”，盖用子美《雨止还作》“断云疏复行”也。盖其心景复之切，则下语自然相符，非有意于蹈袭。故其论杜诗云：“天外凤凰谁得髓，何人解合续弦胶”，岂非自以为得髓者耶？东坡《赠孔毅甫诗》云：“天下几人学杜甫，谁得其皮与其骨”，“前生子美只君是，信手拈得俱天成”，学杜甫而得其皮骨者鲜矣，又况其髓哉！（此条《历代诗话》本无）

李白《月下独酌诗》云：“举杯邀明月，对影成三人。”而贾岛《翫月诗》亦云：“但爱杉倚月，我倚杉为三。”（此条《历代诗话》本无）

唐窦常、牟、羣、庠、巩兄弟五人，四人擢进士，独群客隐毗陵，因韦夏卿屡荐，始入仕，皆诗人也。牟晚从昭义卢从史，从史浸骄，牟度不可谏，即移疾归东都，故其《秋夕闲居诗》云：“燕燕辞巢蝉蜕枝，穷居积雨坏藩篱。”羣尝为黔中观察使，故其诗云：“佩刀看日晒，赐马旁江调。言语多重译，壶觞每独谣。”而巩诗中乃有《自京师将赴黔南》之作（《历代诗话》本讹作“所”），谓“风雨荆州二月天，问人初雇峡中舡。西南一望云和水，犹道黔南有四千。”此诗疑羣所作而误真巩集中尔。常歷武陵、夔、江、抚四州刺史，所谓“看春又过清明节，算老重经癸巳年”者，将之武陵到松滋渡之所作也。庠诗不见，其《巡内》一绝云：“愁云漠漠草离离，太液（《历代诗话》本原亦作“液”，点校者据《全唐诗》改为“乙”）钩陈处处疑。薄暮毁垣春雨里，残花犹发万年枝。”造句亦可谓秀整矣。兄弟中独羣诗稍低，又不得举进士，而位反居上。巩诗有《放鱼诗》云：“好去长江千万里，不须辛苦上龙门。”岂非为群而言乎？史载巩平居与人言，若不出口，世号“啜菽翁”，乃肯为是耶？（按《历代诗话》本此条自“唐窦常”至“好去长江千”原缺，点校者据《诗话总龟后集》卷三十七补）

张祜喜游山而多苦吟，凡所（《历代诗话》本无“所”字）歷僧寺，往往题咏。如《题僧壁》云：“客地多逢酒，僧房却厌（《历代诗话》本讹作“献”）花。”《万道人禅房》云：“残阳过远水，落叶满疎钟。”《题金山寺》云：“僧归夜舡月，龙出晓堂云。寺影中流见，钟声两岸闻。”《题孤山寺》云：“不雨山长润，无云（《历代诗话》本作“风”）水自阴。断桥荒蘚涩，空院落花深。”如杭之灵隐、天竺，苏之灵岩、楞伽，常之惠山、善权（《历代诗话》本作“卷”），润之甘露、招隐，皆有佳作。李涉在岳阳尝赠其诗曰：“岳阳西南湖上寺，水阁松房遍文字。新钉张生一首诗，自余吟着皆无味。”信知僧房佛寺赖其诗以標榜（《历代诗

话》本作“标榜”）者多矣。

张祜诗云：“故国三千里，深宫二十年。”杜牧赏之，作诗云：“可怜故国三千里，虚唱歌词满六宫。”故郑谷云：“张生故国三千里，知者惟应杜紫微。”诸贤品题如是，祜之诗名安得不重乎？其后有“解道澄江静如练，世间惟有谢元（《历代诗话》本作“玄”，是）晖”，“解道江南断肠句，世间唯（《历代诗话》本作“惟”，同）有贺方回”等语，皆祖是（《历代诗话》本作“其”）意也。

唐朝人士，以诗名者甚众，往往因一篇之善，一句之工，名公先达为之游谈延誉，遂至声闻（《历代诗话》本作“闻”）四驰。“曲终人不见，江上数峰青”，钱起以是得名。“故国三千里，深宫二十年”，张祜以是得名。“微云淡河汉，疎雨滴梧桐”，孟浩然以是得名。“兵卫森画戟，宴寝凝清香”，韦应物以是得名。“野火烧不尽，东风吹又生”，白居易以是得名。“敲门风动竹，疑是故人来”，李益以是得名。“鸟宿池边树，僧敲月下门”，贾岛以是得名。“画栋朝飞南浦云，珠帘暮卷西山雨”，王勃以是得名。“华裾织翠青如葱，入门下马气如虹”，李贺以是得名。然观各人诗集，平平处甚多，岂皆如此句哉？古人所谓尝鼎一脔，可以尽知其味，恐未必然尔。杜子美云：“为人性僻耽（《历代诗话》本作“耽”，同）佳句，语不惊人死不休。”则是凡子美胷中流出者，无非惊人之语矣。读其集者，当知此言不妄，殆非前数公之可比伦也。

刘禹锡《嘉话》（《历代诗话》本作“嘉话录”）载杨祭酒《赠项斯诗》曰：“几度见诗诗总好，今观标格胜于诗。平生不解藏人善，到处相逢说项斯。”斯集中绝少佳句，如《晚春花》云：“疎与香风会，细将泉影移。”《别张籍》云：“子城西并宅，御水北同渠。”拙恶有余，宜祭酒公谓标格胜于诗也。祭酒乃敬之也。其赠斯诗，鄙俗如此，与斯亦奚远哉？

赵嘏《长安秋望诗》云：“残星几点鴈横塞，长笛一声人倚楼。”当时人诵咏之，以为佳作，遂有“赵倚楼”之目。又有《长安月夜与友人话归故山诗》云：“杨柳风多潮未落，蒹葭霜在雁初飞。”亦不减倚楼之句。至于《献李仆射诗》云：“新诺似山无力负，旧恩如水满身流。”则谬矣。

或云韦应物乃韦后之族，憑恃恩私作里中横。故韦集载《逢杨开府诗》云：“少事武皇帝，无赖恃恩私。身作里中横，家藏亡命儿。武皇升仙去，把笔学题诗，两府始收迹，南宫谬见推。”夫武皇平内乱，杀韦后，不应后之族敢于武皇之时豪横若此，正恐非后族尔。李肇《国史补》言应物性高洁，鲜食寡欲，所居焚香扫地而坐。与杨开府诗所述不同，岂非武皇仙去之后，折节悔过之时邪？

竹未尝香也，而杜子美诗云：“雨洗娟娟静，风吹细细香。”雪未尝香也，而李太白诗云：“瑶台雪花数千点，片片吹落春风香。”

韦应物《奉酬（《历代诗话》本讹作“谢”）处士叔诗》云：“高斋乐宴罢，清夜道相存。”东坡（“坡”原作“破”，据《历代诗话》本改）《次王巩韵》云：“那能废诗酒，亦未妨禅寂。”子由《春尽诗》云：“《楞严》十卷几回读，法酒三升是客同。”道贵冲寂，宴主欢畅，二者恐不能相兼也。白乐天延乐命酺之时，不忘于佛事，达者至今讥之。

古人诗勉人行乐，未尝不以日月迅驶为言。谢惠连云：“四节竞阑候，六龙引颓机。”沈约云：“驰盖转徂（《历代诗话》本作“祖”）龙，回星引奔月。”陆机云：“出西门，望天庭，阳谷既虚崦嵫盈。逝者若斯安得停。”司空图云：“女娲只解补青天，不解煎胶黏日月。”孟郊云：“生随昏晓中，皆被日月驱。”皆佳语也。至卢仝《叹昨日诗》则曰：“上帝版版主何物，日车劫劫西向（《历代诗话》本作“何”）没。自古圣贤无奈何，道行不得皆白骨。”则又以不得行道为叹，非止欲行乐而已也。

《七哀诗》起曹子建，其次则王仲宣、张孟阳也。释诗者谓病而哀、义而哀、感而哀、悲而哀、耳目闻见而哀、口叹而哀、鼻酸而哀，谓一事而七者具也。子建之《七哀》，在于独栖之思妇（《历代诗话》本句前有“哀”字，以下二句例之，此“哀”字当有）；仲宣之《七哀》，哀在于弃子之妇人；张孟阳之《七哀》，哀在于已毁之园寝。唐雍陶亦有《七哀诗》，所谓“君若无定云，妾作不动山。云行出山易，山逐云去难。”是皆以一哀而七者具也。老杜之《八哀》、则所哀者八人也。王思礼、李光弼之武功，苏源明、李邕之文翰，汝阳、郑虔之多能，张九龄、严武之政事，皆不复见矣。盖当时盗贼未息，叹旧怀贤而作者也。司马温公亦有《五哀诗》，谓屈原、李牧、汉晁错、马援、齐斛律光皆负才竭忠，卒困于谗而不能自脱，盖有激而云尔。

韩退之诗（《历代诗话》本作“李正封与韩退之《郾城联句》”）云：“从军古云乐，谈笑青油幕。明灯（《历代诗话》本作“灯明”）夜观棊，月暗秋城柝。”言乐而不及苦。陆士衡《从军行》云：“朝食不免胄，夕息常负戈。苦哉远征人，抚心悲奈何。”言苦而不及乐。至于王仲宣作《从军诗》，则曰：“从军有苦乐，但问所从谁。所从神且武，焉得久劳思。”谓从曹操也。其诗有“昔人从公旦，一徂辄三龄。今我神武师，暂往必速平。”似非拟人必于其伦之义。盖仲宣时为操军谋祭酒，则亦无所不至矣。

老杜《雨诗》云：“紫崖奔处黑，白鸟去边明。”而“江碧鸟逾白，山青花欲燃”之句似之。《赠王侍御》云：“晓莺工迸泪，秋月解伤神。”而“感时花溅泪，恨别鸟惊心”之句似之。殆是同一机轴也。

孟郊诗云：“借车载家具，家具少于车。借者莫弹指，贫穷何足嗟。”可见其素窳。后有诗云：“宾秩已觉厚，私储常恐多。”是古人恐富求归之义，则贫亦何足怪

。按郊为溧阳尉，县有投金濑平陵城，林薄蓊蔚，郊往来其间，曹务都废，至遣假尉代之，而分其半奉（《历代诗话》本作“俸”），则安得有私储哉。退之赠郊诗云：“陋室有文史，高门有笙竽。何能辨荣辱，且欲分贤愚。”盖言贫者文史之乐，贤于富者笙竽之乐也。

●卷五

永和中，王羲之修禊事于会稽山阴之兰亭，群贤毕至，少长咸集，序以谓虽无丝竹管弦之盛，一觴一咏亦足以畅叙幽情。则当时篇咏之传可考也。今观羲之、谢安、谢万、孙绰、孙统、王彬之、凝之、肃之、徽之、徐丰之、袁峤之十有一人，四言五言诗各一首。王丰之、元之、蕴之、涣之、郗昙、华茂、庾友、虞说、魏滂、谢绎、庾蕴、孙嗣、曹茂之、华平、亘伟（此四字，《历代诗话》底本同，点校者据《类编》本改作“曹华、桓伟”）十有五人，或四言，或五言，各一首。王献之、谢瑰、卞迪、卓髦（《历代诗话》本作“旄”）、羊模、孔炽、刘密、虞谷、劳夷、后绵、华耆、谢藤、王凝（《历代诗话》底本同，点校者据《类编》本改作“任凝”）、吕系、吕本、曹礼（《历代诗话》本同，点校者曰：《类编》本作“曹諲”）十有六人，诗各不成，罚酒三觥。谢安五言诗曰：“万殊混一象，安复觉彭殇。”而羲之序乃以为（《历代诗话》本无“为”字）一死生为虚诞，齐彭殇为妄作，盖反谢安一时之语（《历代诗话》本“语”下有“耳”字）。而或者遂以为未达，此特未见当时羲之之诗尔。其五言（《历代诗话》本“言”下有“诗”字）曰：“仰视碧天际，俯瞰渌水滨。寥阒无涯观，寓目理自陈。大矣造化功，万殊莫不均。群籁虽参差，适我无非亲。”此诗则岂未达者邪？史载献之尝与兄徽之操之俱诣谢安，二兄多言，献之寒温而已。既出，客问优劣，安曰：“小者佳。吉人之辞寡，以其少言，故知之。”今王氏父子昆季毕集，而献之之诗独不成，岂亦吉人之辞寡邪？景佑中，会稽太守蒋堂修永和故事，尝有诗云：“一派西园曲水声，水边终日会冠缨。几多诗笔无停缀，不似当年有罚觥。”盖谓（《历代诗话》本作“为”，同）献之等发也。

贞观中，尚药求杜若，敕下，度支省郎判送坊州贡之，本州岛曹官判云：“坊州不出杜若，应读谢朓诗误。郎官如此判事，岂不畏二十八宿笑人邪？”余观屈平《九歌》曰：“采芳洲兮杜若。”谢朓诗乃用《九歌》语。《晋书·天文志》：郎位五星在帝坐东北，依乌郎府是也。曹官从知有谢朓诗而不知有《九歌》，徒知郎官上应列宿而不知非二十八宿也。

刘禹锡《嘉话录》云：“作诗押韵，须要有出处。近欲押一觴字，六经中无此字，惟《周礼》吹箫处注有此一字，终不敢押。”予（《历代诗话》本作“余”）按禹锡《历阳书事诗》云：“湖鱼香胜肉，官酒重于觴。”则何尝按六经所出邪？

《洛阳伽蓝记》载：河东人刘白堕善酿酒，盛暑曝之日中，经旬不坏，当时谓之“鹤觴”。白堕乃人名。子瞻诗云：“独看红渠倾白堕。”石林《避暑录》云：“若以‘白堕’为酒，则醋浸曹公，汤燖右军可也。”予（《历代诗话》本作“余”）按《文选》魏武帝《短歌行》云：“何以解忧，惟有杜康。”康亦作酒人，而《选》诗遂以为酒用。东坡岂祖是邪？

会稽、临安、金陵三郡，皆有东山，俱传以为谢安携妓之所。按谢安本传，初，安石寓居会稽，与王羲之、许询、支遁游处，被召不至，遂栖迟东山。唐裴冕(《历代诗话》本作“勉”)与吕渭等《鉴湖联句》(《历代诗话》“吕”字作空格，校勘记：“勉”，《类编》作“冕”。又《全唐诗》张谓有《送裴侍御归上都诗》。裴冕曾历殿中侍御史，且与张谓同时代人，疑此句应作“唐裴冕与与张谓等《鉴湖联句》”，有“兴里还寻戴，东山更问东。”此会稽之东山也。本传又云：“安石尝往临安山中，坐石室，临浚谷，悠然叹曰：此与伯夷何远。”今余杭县有东山，东坡有《游余杭东西岩》诗，注云：即谢安东山。所谓“独携缥缈人，来上东西山”者是也。此临安之东山也。本传又谓“及登台辅，于土山营墅，楼馆林竹甚盛，每携中外子侄游集。”今土山在建康上元县崇礼乡。《建康事迹》云“安石于此拟会稽之东山”，亦号东山。此金陵之东山也。李白有《忆东山》二绝云：“不向东山久，蔷薇几度花？白云他(《历代诗话》本作“还”)自散，明月落谁家？”“我今携谢妓，长啸绝人群(《历代诗话》本作“声”)。欲报山东(《历代诗话》本作“东山”)客，开关扫白云。”不知所赋者何处之东山。陈轩乃录此诗于《金陵集》中，将别有所据邪？《南史》载宋刘劭(《历代诗话》本作“缅”)经始鍾岭，以为栖息，亦号东山。金陵遂有两东山矣。

羊叔子镇襄阳，尝与从事邹湛登岷山，慨然有湮没(《历代诗话》本作“灭”)无闻之叹。岷山亦因是以传，古今名贤赋咏多矣。吴兴、东阳二郡，亦有岷山。吴兴岷山去城三里，有李适之洼尊在焉。东坡守吴兴日，尝登此山，有诗云：“茗水如汉水，鳞鳞鸭头青。吴兴胜襄阳，万瓦浮青冥。我非羊叔子，愧此岷山亭。悲伤意则同，岁月如流星(《历代诗话》本此下有作“从我两王子，高鸿插修翎”二句十字)。湛辈何足道，当以德自铭。”东阳岷山去东阳县亦三里，旧名三丘山。宋商仲文(《历代诗话》本作“晋殷仲文”)素有时望，自谓必登台辅，忽除东阳太守，意甚不乐，尝登此山，怅然流涕。郡人爱之，如襄阳之于叔子，因名岷山。二峰相峙，有东岷西岷。唐宝历中，县令于(《历代诗话》本作“于”)兴宗结亭其下，名曰涵碧。刘禹锡有诗云：“新开潭洞疑仙府，远(《历代诗话》本作“还”)写丹青到雍州。”即其所也。

荆公以诗赋决科，而深不乐诗赋。试院中五绝，其一云：“少年操笔坐中庭，子墨文章颇自轻。圣世选才终用赋，白头来此试诸生。”后作详定官，复有诗云：“童子常夸作赋工，暮年羞悔有扬雄。当年赐帛倡优等，今日论(《历代诗话》本作“抡”)才将相中。细甚客卿因笔墨，卑于《尔雅》注鱼虫。汉家故事真当改，新咏知君胜弱翁。”熙宁四年，既预政，遂罢诗赋，专以经义取士，盖平日之志也。元佑五年，侍御史刘摯等谓治经者专守一家，而略诸儒传记之学，为文者惟务训释，而不知声律体要之词，遂复用诗赋。绍圣初，以诗赋为元佑学术，复罢之。政和中，遂着于令，士庶传习诗赋者，杖一百。畏谨者至不敢作诗。时张芸叟有诗云：“少年辛苦校虫鱼，晚岁雕(《历代诗话》本作“雕”)虫耻壮夫。自是诸生犹习气，果然紫诏尽驱除。酒间李杜皆投笔，地下班扬亦引车。唯有少陵顽钝叟，静中吟捻白髭

须。”盖芸叟自谓也。

韩愈自监察御史贬连州山阳(《历代诗话》本作“阳山”)令，所坐之因，传记各异。《唐书》本传谓上疏(《历代诗话》本作“书”)论宫市，德宗怒，故贬。李翱《行状》谓为幸臣所恶，故贬。皇甫湜作《神道碑》谓正元(《历代诗话》本作“贞元”)十九年关中旱饥，公请宽民徭，专政者恶之，故贬。按(《历代诗话》本作“按”)文公集，宫市之疏不传，而文公《历官记》及《年谱》以谓京师旱，民饥，诏蠲租半，有司征求反急，愈与同列上疏言状，为幸臣所谗。幸臣者，李实也。余考退之《自连(《历代诗话》本作“阳”)山移江陵诗》云：“孤臣昔放逐，泣血追愆尤。汗漫不省识，恍如乘桴浮。或自疑上疏，上疏岂其由。”则所坐之因，虽退之犹疑之也。集中有《上京兆李实书》，盛称其能曰：“愈来京师，所见公卿大臣，未有赤心事上，忧国如合下者。”又云：“今年以来，不雨者百余日，种不入土，而盗伾桓移穡，Y价不敢贵，老奸宿赃销缩摧沮。”迭迭百余言，皆叙其歌慕之意。其后实出为华州。又有书云：“愈于久故游从之中，蒙恩奖知遇最厚，无与比者。”愈既为实所谗，不应此书拳拳如是。及观《江陵涂中诗》云：“同官尽才俊，偏善柳与刘。或虑语言泄，传之落冤雠。”又《岳阳别窦司直》云：“爱才不择行，触事得谗谤。前年出官日，此祸最无妄。”又《和张十一忆昨行》云：“伾、文未揃崖州帙(《历代诗话》本作“炽”)，虽得赦宥常(《历代诗话》本作“恒”)愁猜。近者三奸悉破碎，羽窟无底幽黄能。眼中了了见乡国，知有归日眉方开。”又有《永贞行》以快伾、文之贬，其末云：“郎官清要为世称，荒郡僻野嗟可矜。具书目见非妄征，嗟尔既往宜为惩。”则知阳山之贬，伾、文之力，而刘、柳下石为多，非为李实所谗也。

长庆四年，退之为吏部侍郎，薨于静(《历代诗话》本作“靖”)安里第。李翱《行状》载属纆之语云：“伯兄德行高，晓年止四十二。某位为侍郎，年出伯兄十五岁，且获终于牖下，幸不失大节，以下见先人，可谓荣矣。”翱《祭文》曰：“人情乐生，皆恶其凶。兄之在病，则齐其终。顺化以尽，靡憾于中。”张籍《祭诗》亦曰：“公有旷远(《历代诗话》本作“达”)识，生死为一纲。及当临终辰，意色亦不荒。赠我珍重言，傲然委衾裳。”盖其聪明之所照了，德力之所成就，故于生死之际，超然如此。《宣室志》载，威粹骨薨国世与韩氏为仇，神人以帝命召公计事。愈曰：“臣愿从大王讨之。”未几而愈卒。公《神道》、《墓志》、《行状》俱不载，而止见于小说者如此，岂东坡所谓其生也有自来，其死也有所为乎！李肇《国史补》谓愈登华山绝顶，度不可返，至于发狂恸哭。今观易箴之际，神色不乱如此，不应于此而至于发狂恸哭也。

韩偓《香奁集》百篇，皆艳词也。沈存中《笔谈》云：“乃和凝所作，凝后贵，悔其少作，故嫁名于韩偓尔。”今观《香奁集》有《无题诗序》云：“余辛酉年，戏作《无题》诗十四韵，故奉常王公、内翰吴融、舍人令狐涣相次属和。是岁十月末，一旦兵起，随驾西狩，文藁咸弃。丙寅岁，在福建，有苏曄以藁见授，得《无题》

诗》，因追味旧时，阙忘甚多。”予按《唐书韩偓传》：偓尝与崔嗣定策诛刘季述，昭宗反正为功臣，与令狐涣同为中书舍人。其后韩全海等劫帝西幸，偓夜追及鄠，见帝恸哭。至凤翔，迁兵部侍郎。天佑二年，挈其族依王审知而卒。以《纪邛D》考之，辛酉乃昭宗天复元年，丙寅乃哀帝天佑二年，其序所谓丙寅岁在福建，有苏曄授其藁，则正依王审知之时也。稽之于传与序，无一不合者。则此集韩偓所作无疑，而《笔谈》以为和凝嫁名于偓，特未考其详尔。《笔谈》云：“偓又有诗百篇，在其四世孙奕处见之。”岂非所谓旧诗之阙忘者乎？

《石林诗话》载，元丰间，东坡系狱，神宗本无意罪之。时相因举轼《桧诗》“根到九泉无曲处，岁寒惟有蛰龙知。”且云：“陛下龙飞在天，轼以为不知己，而求知地下之蛰龙，非不臣而何？”得章子厚从而解之，遂薄其罪。而王定国《见闻录》云：“东坡在黄州时，上欲复用，王禹玉以‘岁寒惟有蛰龙知’激怒上意，章子厚力解，遂释。”予(《历代诗话》本作“余”)观东坡自狱中出《与章子厚书》云：“某所以得罪，其过恶未易一二数，平时惟子厚与子由极口见戒，反复甚苦，某强很自不以为然。”又云：“异时相识，但过相称誉，以成吾过，一旦有患难，无复相哀者。惟子厚平居遗我以药石，及困急又有以救恤之，真与世俗异矣。”则知坡系狱时，子厚救解之力为多，《石林诗话》不妄也。

世言团茶始于丁晋公，前此未有也。庆历中，蔡君谟为福建漕，更制小团以充岁贡。元丰初，下建州，又制密云龙以献。其品高于小团，而其制益精矣。曾文昭所谓“莆阳学士蓬莱仙，制成月团飞上天”，又云“密云新样尤可喜，名出元丰圣天子”是也。唐陆羽《茶经》于建茶尚云未详，而当时独贵阳美茶，岁贡特盛。茶山居湖常二州之间，修贡则两守相会山椒，有境会亭，基尚存。卢仝《谢孟谏议茶诗》云“天子须尝阳羡茶，百草不敢先开花”是已。然又云：“开缄宛见谏议面，手阅月团三百片。”则团茶已见于此。当时李郢《茶山贡焙歌》云：“蒸之馥(《历代诗话》本作“护”)之香胜梅，研膏架动声如雷。茶成拜表贡天子，万人争噉(《历代诗话》本作“喊”)春山摧。”观研膏之句，则知尝为团茶无疑。自建茶入贡，阳羡不复研膏，祇(《历代诗话》本作“祇”)谓之草茶而已。

张籍尝劝韩愈，排释老不若著书。而愈以为化当世莫若口，传来世莫若书，惧吾力未至，至之未能也。请待五六十，然后为之。外集有愈《答侯生问论语书》云：“昔注解其书，不敢过(《历代诗话》本脱“过”字)求其意，意取圣人之旨而合之。”愈既死，籍祭诗有“《鲁论》未讫注，手迹今微茫。”则知愈晚年尝注《论语》未讫而绝笔。小说载愈子昶为集贤校理，有金根之悞(《历代诗话》本作“讹”)，则未必能卒父业，所望者，籍、湜辈尔。籍祭诗曰“为文先见草”，又云“公比欲为书，遗约有修章”。愈将死，亦喻湜曰：“死能令我躬所以不磨灭者，惟子是属。”则所望于二公至矣，惜乎此书不全也。

东坡《与子由论书》云：“吾虽不善书，晓书莫如我。苟能通其意，常谓不学可。

”故其子叔党跋公书云：“吾先君子岂以书自名哉？特以其至大至刚之气，发于胷中而应之以手，故不见其有刻画妩媚之态，而端乎章甫，若有不可犯之色。少年喜二王书，晚乃喜颜平原，故时有二家风气。俗手不知，妄谓学徐浩，陋矣。”观此则知初未尝规规然出于翰墨积习也。

陈后主起临春、结绮、望仙三阁，极其华丽。后主与张丽华、孔贵妃各居其一，与狎客赋诗，互相赠答，采其艳丽者被以新声，奢淫极矣。隋克台城，后主与张、孔坐视无计，遂俱入井，所谓烟（《历代诗话》本作“胭”，下同）脂井是也。杨修（《历代诗话》底本亦作“修”，点校者据《类编》本改为“炯”）诗云：“擒虎戈矛满六宫，春花无树不秋风。苍惶（《历代诗话》本作“黄”）益见多情处，同穴甘心赴井中。”李白亦云：“天子龙沉景阳井，谁歌《玉树后庭花》！”今胭脂井在金陵之法宝寺，井有石栏，红痕若胭脂，相传云，后主与张、孔泪痕所染。石栏上刻后主事迹，八分书，乃大历中张着文。又有篆书“戒哉戒哉”数字。其它题刻甚多，往往漫灭不可考。寺即景阳宫故地也，以井在焉，好事得往来不绝，寺僧颇厌苦之。张芸叟尝有诗戏僧云：“不及马嵬袜，犹能致万金。”

乐天以长庆二年，自中书舍人为杭州刺史。冬十月至治时，仍服绯，故《游恩德寺诗序》云：“俯视朱绂，仰睇白云，有愧于心。”及观《自叹诗》云：“实事渐销虚事在，银鱼金带绕腰光。”《戊申咏怀》云：“紫泥丹笔皆经手，赤绂金章尽到身。”以今观之，金带不应用银鱼，而金章不应用赤绂，人皆以为疑，而不知唐制与今不同也。按唐制，紫为三品之服，绯为四品之服，赭p为五品之服，各服金带。又制，衣紫者鱼袋以金饰，衣绯者鱼袋以银饰。乐天时为五品，赭p金带佩银鱼宜矣。刘长卿有《袁郎中喜章服诗》云：“手诏来筵上，腰金向粉闱。勋名传旧合，舞蹈着新衣。”郎中亦是五品，故其身章与乐天同。

杜甫累不第，天宝十三载，明皇朝献太清宫，飨庙及郊。甫奏赋三篇，帝奇之。使待制集贤院，命宰相试文章，故有《赠集贤崔于二学士诗》云：“昭代将垂白，途穷乃叫阍。气冲星象表，词感帝王尊。天老书题目，春官验讨论。倚风遗鹄路，随水到龙门。”旧注陈希烈、韦见素为宰相，而崔国辅、于休烈者皆集贤院学士也，故末句云：“谬称三赋在，难述二公恩。”可谓不忘于藻鉴之重者矣。按唐史，是岁陈希烈为相，至八月见素代之。而甫集有《上见素诗》云：“持衡留藻鉴，听履上星辰。”则甫之文章为见素所赏，非希烈也。

世人论渊明自永初以后，不称年号，祇称甲子，与思悦所论不同。观渊明《读史》九章，其间皆有深意。其尤章章者，如《夷齐》、《箕子》、《鲁二儒》三篇。《夷齐》云：“天人革命，绝景穷居。正风凌（《历代诗话》本作“美”）俗，爰感懦夫。”《箕子》云：“去乡之感，犹有迟迟。矧伊代谢，触物皆非。”《鲁二儒》云：“易代随时，迷变则愚。介介若（《历代诗话》本作“老”）人，持（《历代诗话》本作“时”）为正夫。”由是观之，则渊明委身蓬（《历代诗话》本作“

穷”）巷，甘黔娄之贫而不自悔者，岂非以耻事二姓而然邪！

汉文欲轻刑而反重，议者以为失本惠而伤吾仁，固也。或又咎帝短丧为伤于孝。予（《历代诗话》本作“余”）观遗诏，率皆言为己损制，未尝使士庶皆短丧也。厥后丞相翟方进与薛宣服母丧，皆三十六日而除。而颜师古注云：“汉制自文帝遗诏，国家遵以为常。”则咎不在文帝矣。而王荆公诗云：“轻刑死人校 彊噬 咄怠 H市(19)源吮。 r 詹荒茔。”轻刑死人校场t固然矣；短丧生者偷，则似诬文帝也。

●卷六

老杜卒于大历五年，享年五十九，当生于先天元年。观其献《大礼赋表》云：“臣生陛下淳朴之俗，行四十载矣。”以此推之，天宝十载始及四十，则是献《大礼赋》当在天宝九载也。本传以谓天宝十三载，因献三赋，帝奇之，待制集贤院，误矣。其后又进《西岳赋序》云：“上既封泰山之后三十年。”按史，开元十三年乙丑封泰山，至天宝十三载始及三十年，则是进《西岳赋》在天宝十三载也。老杜有《赠献纳使田舍人诗》云：“舍人退食收封事，宫女开函近御筵。晓漏追随青琐闥，晴窗点检白云篇。”末句云：“扬雄更有《河东赋》，惟待吹嘘送上天。”其云“更有《河东赋》”，当是献《西岳赋》时也。

李白《古风》云：“燕昭延郭隗，遂筑黄金台。剧辛方赵至，邹衍复齐来。”予（《历代诗话》本作“余”）考《史记》不载黄金台之名，止云昭王为郭隗改筑宫而师事之。孔文举与曹公书曰：“昭王筑台，以尊郭隗。”亦不着黄金之名。《上谷郡图经》乃云：“黄金台在易水东南十八里，燕昭王置千金于台上，以延天下士，遂因以为名。”皇甫松有《登黄金台诗》云：“燕相衷谄澹 e金黄巍巍。上者欲何颜，使我千载悲。”其迹尚可得而考也。

陈子昂《感遇诗》云：“乐羊为魏将，食子徇军功。骨肉且相薄，他人安得忠！”又曰：“吾闻中山相，乃属放麇翁。孤兽犹不忍，况以奉君终！”一则忍于其子，一则不忍于麇，故鲁直《怀荆公诗》有“啜羹不如放麇，乐羊终媿巴西。”陈无己后亦用此事，所谓“中山之相，仁于放麇；乱世之雄，疑于食子”是也。然属麇于秦西巴，孟孙也，非中山相也。子昂徒见乐羊中山事，遂悞作中山用。无己亦遂袭之，鲁直以西巴为巴西，亦误矣。

《何彼秾矣》之诗，美王姬而作也。周，姬姓，故王女皆称姬，如陈妫、楚华、齐姜之类是也。后世凡妇人皆称姬，误矣。南朝人士皆谓姬人，如萧纶《见姬人诗》，所谓“狂夫不妒妾，随意晚还家。”刘孝绰咏《姬人未出诗》，所谓“帷开见钗影，帘动闻钏声”。梁王僧孺为《姬人怨诗》，所谓“还君与半珥，归妾与君裘”。江总为《姬人怨服药（《历代诗话》本作“散”）诗》，所谓“妾家邯郸战（《历代诗话》本作“邯”）好轻薄，特忿仙童一丸药”是也。

圣祖上字嫌名书：如州县之县者，宫架也（此三句《历代诗话》本作“县字有平去二音：如宫县之县者，乐架也”）；若州县之县，则别无他音。尝观颜延之《侍皇太子释奠宴诗》曰：“献终袭吉，郎官广宴，堂设象筵，庭宿金县。”沈约《侍宴诗》曰：“回銮献爵，搃金委奠，肆士辨仪，胥人掌县。”二人押韵，皆作州县之县用何耶？沈 期《哭苏眉州诗》云：“家爱（《历代诗话》本作“忧”）方休杼，皇慈更彻（《历代诗话》本讹作“辙”）县。”则当作平声押。

韩退之诗曰：“《离骚》二十五。”王逸序《天问》亦曰屈原凡二十五篇。今《楚辞》所载二十三篇而已，岂非并《九辩大招》而为二十五乎？《九辩》者，宋玉所作，非屈原也。今《楚辞》之目，虽以是篇并注屈、宋，然《九辩》之序，止称屈原弟子宋玉所作。《大招》虽疑原文，而或者谓景差作。若以宋玉痛屈原而作《九辩》，则《招魂》亦当在屈原所著之数，当为二十六矣。不知退之、王逸之言，何所据邪？

东坡诗云：“玉奴弦索花奴手。”玉奴谓杨妃，花奴谓汝阳王 病<坝^《和杨公济梅花诗》，乃言“玉奴终不负东昏”何耶？按《南史》东昏妃潘玉儿，当时笔误尔。

近世作文者，多以紫荷囊作侍从事用，如宋景文诗所谓“荣观耸麟族，赋笔助荷囊”之类。承袭而用者非一，而不知其误也。按《晋书舆服志》云：“文武百官皆有囊绶，八座尚书则荷紫，以生紫为袷囊，缀之服外，加于左肩。”则所谓荷紫者，非芰荷之荷，乃负荷之荷也。《南史》载周捨尝问刘杳曰：“着紫荷囊，相传云挈囊，竟何所出？”杳曰：“《张安世传》云，持橐簪笔，事孝武帝数十年。注曰，橐，囊也。”盖人徒见《南史》有着紫荷囊四字，遂作一句读之，殊未知《晋书》“荷紫”之义也。

元结刺道州，承兵。。。吾欲献此诗。”以传考之，结以人困甚不忍加赋，尝奏免税租及和市杂物十三万缗，又奏免租庸十余万缗，因之（《历代诗话》本作“困乏”）流亡尽归。乃知贤者所存，不特空言而已。

王俭少年，以宰相自命，尝有诗云：“稷契康虞夏，伊吕翼商、周。”又字其子曰元成，取仍世作相之义。至其孙训亦作诗云：“旦、奭康世功，萧、曹佐毗俗。”大率追俭之意而为之。后官亦至侍中。

史载宋之问、冉祖雍并赐死于桂州。之问得诏，震汗不引决（《历代诗话》本作“决”）。祖雍请于使者曰：“之问有妻子，幸听决（《历代诗话》本作“诀”）。”使者许之，而之问荒悸不能处家事。及考之文集，有《登大庾岭诗》云：“兄弟远谪居，妻子咸异域。”则之问赴贬时，未尝以妻子行也。又有发藤州及昭州二诗，二州皆在桂州之南，则赐死之地，非桂州明矣。岂史之误与？

黄鲁直诗云：“世有捧心学，取笑如东施。”梅圣俞云：“曲眉不想西家样，馁腹还如二子清。”《太平寰宇记》载西施事云，施其姓也。是时有东施家、西施家。故李太白《效古》云：“自古有秀色，西施与东邻。”而东坡《代人留别诗》乃云：“绛蜡烧残玉笋飞，离歌唱彻万行啼。它（《历代诗话》本作“他”）年一舸鸱夷去，应记侬家旧姓西。”似与《寰宇记》所言不同，岂为韵所牵邪？

杜子美《栢中丞除官制诗》旧注以为栢耆，又以为贞节。按杜诗云：“纷然丧乱际，见此忠孝门。蜀中寇亦甚，栢氏功弥存。三止褰校，毳逵骈净琛！碑煊怯泄妒，裾折7绞菱r，段子璋反于上元，徐知道反于宝应，而贞节为邛州刺史，数有功，则是贞节无疑矣。杜集又有《栢学士茅屋栢大兄弟山居诗》，议者皆以谓贞节之居，然诗中殊不及功名之事，但皆称其为学读书尔。《茅屋》云：“古人已用三冬足，年少今开万卷余。”《山居》云：“山居精典籍，文雅涉风骚。”疑是邛州立功之前。

张籍居韩门弟子之列，又以愈荐为国子博士。东坡所谓“汗流湜、籍（《历代诗话》本作“籍湜”）走且僵，灭没倒景不得望”者。而籍作祭愈诗乃云：“公文为时师，我亦有微声。”而后之学者，或号为“韩张”何耶？

张籍《送区弘诗》云：“韩公国大贤，道德赫已闻。昨出为阳山，尔区来趋奔。韩官迁法曹，子随至荆门。韩入为博士，崎岖从羈轮。”观其游从之久，疑得于韩者深也。然考其文章议论之际，乃不得预籍、湜之列何耶？韩集有《送区弘南归诗》云：“我迁于南日周围，来见者心老k加衲^子荧荧晖，观以彝训或从违。我念前人譬葑菲，落以斧斤引纆徽（《历代诗话》本讹作“落以斧引以纆徽”）。虽有不逮驱騑騑。”观此数语，则韩虽以师道自任，而区受道之质，盖有所未至也。其后又勉之以“行行正直勿脂韦，业成志立来顾顾。”其诲之者至矣。集中又有《送区册序》，《韩文辩证》云：“册即弘也。”未知孰据尔。

韩退之《双鸟诗》多不能晓。或者谓其诗有“不停两鸟鸣，百物皆生愁。不停两鸟鸣，大法失九畴。周公不为公，孔丘不为丘”之句，遂谓排释老而作，其实非也。前云“一鸟落城市，一鸟巢岩幽。”后云“天公恠两鸟，各捉一处囚。”则岂谓释老邪？余尝观东坡作《李白画像诗》云：“天人几何同一沕，谪仙非谪乃其游。挥斥八极隘九州，化为二鸟鸣相酬。一鸣一息三千秋，縻之不得矧肯求。”则知所谓双鸟者，退之与孟郊辈尔。所谓“不停两鸟鸣”等语，乃雷公告天公之言，甚其词以赞二鸟尔。落城市退之自谓，落岩幽谓孟郊辈也。各捉一处囚，非囚禁之囚，止言韩、孟各居天一方尔。末云：“还当三千秋，更起鸣相酬。”谓贤者不当终否，当有行其言者。

李白《赠崔侍御诗》云：“黄河三尺鲤，本在孟津居。点额不成龙，归来伴凡鱼。何当赤车使，再往召相如。”相如盖自谓也。观此则白不可谓无心于仕进者。然当时慢侮力士，略不为身郑 沦H逐，而曾不悔，使其欲仕之心切必不如是。先是，苏廷（《历代诗话》本作“颀”）为益州长史，见白异之，曰：“是子天才英特，少益以学，可比相如。”故白诗中每以相如自比。《赠从弟之遥》曰：“汉家天子驰驷马，赤车蜀道迎相如。”《自汉阳病酒归》曰：“圣主还听《子虚赋》，相如却欲论文章。”《赠张镐》曰：“十五观奇书，作赋凌相如。”白自比为相如，非止一诗也。

杜子美褒称元结《舂陵行》兼《倭酸嶮竟保箴范 姪疲骸磧烧聰η 搜 蛔仲扇A 星。致君唐虞际，淳朴忆大庭。”又云：“今盗倪聰iii 媒Y輩数十公，落落然参 错为天下邦伯，天下少安，可立待已。”盖非专称其文也。至于李义山，乃谓次山 之作以自然为祖，以元气为根，无乃过乎？秦少游《漫郎诗》云：“字偕华星章对 月，漏泄元气烦挥毫。”盖用子美义山语也。

《西京杂记》载司马相如将聘茂陵人女为妾，卓文君作《白头吟》以自绝，相如乃 止。《乐府诗集》谓《白头吟》者，疾人以新闻旧，不能至白首，故以为名。余观 张籍《白头吟》云：“春天百草秋始衰，弃我不待白头时。罗襦玉珥色未暗，今朝 已道不相宜。”李白《白头吟》云：“妾有秦楼镜，照心胜照井。愿持照新人，双 对可怜影。”其语感人深矣！至刘希夷作《白头吟》乃云：“寄言全盛红颜子，须 怜半死白头翁。此翁白头真可怜，伊昔红颜美少年。”则是言男为女所弃而作，与 文君《白头吟》之本意异矣。

老杜当干戈骚屑之时，间关秦陇，负薪采椽，舖糲不给，困蹶极矣。自入蜀依严武， 始有草堂之居，观其经营往来之劳，备载于诗，皆可考也。其曰“万里桥西宅， 百花潭北庄”者，言其地也。“经营上元始，断手宝应年”者，言其时也。“雪里 江舡渡，风前径竹斜。寒鱼依密藻，宿鹭起圆沙”者，言其景物也。至于“草堂 西无树林，非子谁复见幽深。”则乞桤本于何少府之诗也。“草堂少花今欲栽，不 问绿李与黄梅”，则乞果木于徐少卿之诗也。王侍御携酒草堂，则喜而为诗曰：“ 故人能领客，携酒重相看。”王录事许草堂费不到，则戏而为诗曰：“为嗔王录事， 不寄草堂费。”盖其流离贫窶之余，不能以自给，皆因人而成也，其经营之勤如 此。然未及黔突，避成都之乱，入梓居阆，其心则未尝一日不在草堂也。《遗弟检 校草堂》则曰：“鹅鸭宜长数，柴荆莫浪开。”《寄题草堂》则曰：“尚念四松小， 蔓草易拘缠。”《送韦郎归成都》则曰：“为问南溪竹，抽梢合过墙。”《涂中 寄严武》则曰：“常苦沙崩损药栏，也从江槛落风湍。”每致意如此。及成都乱定， 再依严武，为节度参郑璠w草堂，则曰：“不忍竟舍此，复来薤榛芜。入门四 松在，步堞（《历代诗话》本作“屨”）万竹疏。”则其喜可知矣。未几，严武卒。 彷徨无依，复舍之而去。以史及公诗考之，草堂断手于宝应之初，而永泰元年四月 严武卒，是年秋，公寓夔州云安县，有此草堂者，始终祇得四载。而其间居梓阆 三年，公诗所谓“三年奔走空皮骨”是也。则安居草堂者，仅阅岁而已。其起居寝 兴之适，不足以偿其经营往来之劳，可谓一世之羁人也。然自唐至金（《历代诗话》 本作“宋”）已数百载，而草堂之名与其山川草木皆因公诗以为不朽之传。盖公 之不幸，而其山川草木之幸也。

韩退之作《李干墓志》云：“余不知服食之说自何起，杀人不可计，而慕尚之益至， 临死乃悔其为。”而退之乃躬自蹈之，以至于死。白乐天所谓“退之服硫黄，一 病讫不痊”是已。陈后山作《嗟哉行》云：“张生服石奴（《历代诗话》本作“张 生服石为石奴”），下潦上干如渴乌。韩子作志还自屠，白（《历代诗话》本作“

自”，下同）笑未竟人复吁。”盖谓此也。然乐天《与刑部李侍郎诗》云：“金丹同学都无益，姹女丹砂烧即飞。”则乐天深知服食之无验，其肯以身试药以自毙乎？则“白笑未竟人复吁”之句，未必然尔。山谷在贬所，曾公衮有书劝其勿服金石药，谷（《历代诗话》本作“山谷”）报云：“公衮疽根在旁，乃不可食。庭坚服之，如晴云之在川谷，安得有霹雳火也。”则知服金石者，尤当屏去粉白黛绿之辈；或者用以资色力，其毙宜哉。

●卷七

杜牧、张祜皆有《春申君》绝句。杜云：“烈士思酬国士恩，春申谁与快冤魂。三千宾客总珠履，欲使何人杀李园？”张云：“薄俗何心议感恩，谄容卑迹赖君门。春申还道三千客，寂寞无人杀李园！”二诗语意太相犯。呜呼！朱英之言尽矣，而春申不能必用；李园之计巧矣，而春申不能预防；春申之客众矣，而无一人为春申杀李园者，所以起二子之论也。余亦尝有二绝云：“朱英若在强黄歇，黄歇如何弱李园。一旦棘门奇祸作，自诒伊戚向谁论！”又“先秦岂谓嬴为吕，东晋那知马作牛。不悟春申亦如许，敢凭宫掖妻邪谋。”

孔子谓：“宁武子，邦有道则智，邦无道则愚。其智可及也，其愚不可及也。”所谓及者，继也，非企及之及。谓宁武之愚，而后人不可继尔。居乱世而愚，则天下涂炭将孰拯？屈原事楚怀王，不得志则悲吟泽畔，卒从彭咸之居。究其初心，安知拯世之意不得伸，而至于于是乎？贾生谪长沙傅，渡湘水为赋以吊之，所遭之时，虽与原不同，盖亦原之志也。白乐天《咏史诗》，乃谓“士生一代间，谁不有浮沉。良时真可惜，乱世何足钦。乃知汨罗恨，未抵长沙深。”信如乐天言，则是以乱世为不足拯也，而可乎？议者谓谊所欲为，文帝不能用者，以绦、灌、东阳之属谗之尔，故谊之赋有云：“镆铘为钝，铅刀为铍，幹弃周鼎，宝康瓠兮。”观此是有憾于绦、灌、东阳者。虽然，勃也，婴也，敬也，皆素有长者之誉，必不肯害贤而利己。《楚汉春秋》别有绦、灌，岂其是邪？

李太白至邯郸，《登城楼诗》云：“提携袴中儿，杵臼及程婴。空孤献白刃，必死耀丹诚。”是有取于二子甚重。袴中儿，谓赵武也。然司马迁作赵、晋二世家，自相矛盾，左氏所书，又复不同，将何以取信于后世邪？《晋世家》之说曰：景公十七年，诛赵同、赵括，令庶子武为后。《赵世家》之说曰：景公三年，屠岸贾攻杀赵朔、赵括等，朔之友人程婴匿赵武于山中。至十五年，景公有疾，立赵武。左氏之说曰：鲁成公八年六月，晋讨赵同、赵括。武从姬从畜于公宫。以其田与祁奚。韩厥言于晋侯曰：“成季之勋，宣孟之忠，而无后，为善者惧矣。”乃立武，归其田。按成公八年，即晋景公十七年也。或云匿武于山中，或云畜武于宫中，或云十五年而后立武，或云未逾月而立武，皆未知所据也。

阳城德行道义，为士林之所敬服。德宗以银印赤绂，起于隐所，骤拜谏官，可谓贤且遇矣。故学生闻道州之贬，投业而叫阍，贤士怆驿名之同，摘词而颂德，可以知其贤不诬也。然韩退之《诤臣论》乃极口贬之，何哉？其言曰：“今阳子实一匹夫，在谏位不为不久，而未尝一言及于政。视政之得失，若越人视秦人之肥瘠。问其官，则曰谏议也。问其政，则曰我不知也。有道之士固如是乎！”考之本传，以谓他谏官论事苛细，帝厌苦。城浸闻得失且熟，犹未肯言。客屡谏之，第醉以酒而不答，盖其意有所待也。至德宗逐陆贄，欲相裴延龄，而城伏蒲之疏始上。廷争恳至，累日不解。故元微之诗云：“贞元岁云暮，朝有曲如钩。飞章八九上，皆若珠暗

投。且曰事不止，臣谏誓不休。”而白居易亦云：“阳城为谏议，以正事其君。其手如屈铁，举必指佞臣。卒使不仁者，不得秉国钧。”柳宗厚亦云：“抗志厉义，直道是陈。”盖退之《诤臣论》乃在止裴延龄为相之前，而三子颂美之言乃在阳城极谏之后尔。

唐明皇以英锐身致极治，以荒淫身致极乱，自古人君成败之速，未有如明皇者。郑毅夫诗云：“四海不摇草，九重藏祸根。十年傲尧舜，一笑破乾坤。”盖是意也。开元之盛，能致兵寝刑措之治者，实姚、宋辅政之功，明皇可以无疑矣。不三四年，遽使去位。及李林甫用事，则盘旋固至十八九年，败国蠹贤，无所不至，犹以为未足也。晚年顾力士曰：“海内无事，朕将吐纳导引，以天下事付林甫。”天下安得而不乱乎！

宋之问方其谄事太平公主也，则为赋以美之曰：“孕灵娥之秀彩，辉嫫女之淳精。”及安乐公主权盛，复往谐结，至宴饮其园亭，为诗以美之曰：“宾至星槎落，仙来月宇空。玳梁翻贺燕，金埒倚晴虹。”奸倾既露，巷间遂生，而太平不乐矣。匿张仲之之家，而告其私，规以赎罪。之问亦含齿戴发者，所为何至如是乎！

张均、张垍兄弟承袭父宠，致位严近，皆自负文才，觊觎端揆。明皇欲相均而抑于李林甫，欲相垍而夺于杨国忠，自此各怀觖望。安禄山盗国，垍相禄山，而均亦受伪命。肃宗反正，兄弟各论死。非房琯力救，岂能免乎？老杜赠均诗云：“通籍逾青琐，亨衢照紫泥。灵虬传夕箭，归马散霜蹄。”言均为中书舍人刑部尚书时也。赠垍诗云：“翰林逼华盖，鲸力破沧溟。天上张公子，宫中汉客星。”言垍尚宁亲公主禁中置宅时也。二人恩宠烜赫如是，则报国当如何，而乃戮乱天理，下比逆贼，反噬其主，夫岂人类也哉！

晋卢谌先为刘琨从事中郎将，段匹磾领幽州，求谌为别驾。故琨《答谌诗》云：“情满伊何，兰桂移植，茂彼春林，瘁此秋棘。”言谌弃己而就匹磾也。厥后琨命箕淡攻石勒，一军皆没。由是穷蹙不能自守，乃率众赴匹磾。继为匹磾所拘，知其必死矣。岂无望于谌哉！观《再赠谌》云：“朱实陨劲风，繁英落素秋。何意百炼刚，化为绕指柔。”其诗托意，欲以激谌而救其急，而谌殊不顾也。琨既被害，谌始上表以雪其冤，终亦何所补邪！

五王之诛二张也，张柬之启其谋，桓彦范任其事，敬晖、崔元暉、袁恕己各效其力，坐使天后还政，中宗即祚，所谓“取日虞渊，洗光咸池，潜授五龙，夹之以飞”者，诚为社稷之奇勋。然尚有可恨者焉，薛季昶劝除武三思，而彦范乃谓如几上肉，留为天子藉手，彦范辈岂不知中宗非刚断之主乎？彼之意，以谓三思方烝乱韦氏，而中宗孱懦，一听其所为，苟诛三思，必不利于己，故不肯诛耳。不旋踵而自罹杀身之祸，实自取之也。张文潜云：“系狗不系首，反噬理必然。智勇忽迷方，脱匣授龙泉。区区薛季昶，先事仅能言。留祸启临淄，败谋岂非天！”

汉成帝时，张禹用事，朱云对上曰：“臣愿赐尚方斩马剑，断佞臣一人，以厉其余。”上问谁也，对曰：“安昌侯张禹。”上大怒曰：“居下讪上，罪死不赦。”御史将云下，云攀殿槛折曰：“臣愿从龙逢、比干游于地下。”如云者可谓忠直有余矣！后世思其人而不可得，则作为韵语，以声其美。肃宗时，元载用事，故杜子美诗云：“千载少似朱云人，至今折槛空嶙峋。武后时，傅游艺用事，故卢照邻诗云：“昔有平陵男，姓朱名阿游。愿得斩马剑，先断佞臣头。”言当时立朝之士，不能如云以二人之恶而告于上也。若二人者，奸谀百倍张禹矣，腥臊之血，岂足以污尚方之剑乎！宋景文云：“朱游英气凛生风，滨死危言悟帝聪。殿槛不修旌直谏，安昌依旧汉三公。”信乎去佞如拔山也。

汉史载韩信教陈豨反，有挈手步庭之议。且曰：“我为汝从中起。”汉十年，豨果反。高祖自将兵出。张文潜曰：“方是时，萧相国居中，而信欲以乌合不教之兵，从中起以图帝业，虽使甚愚，必知无成，信岂肯出此哉！”故其诗曰：“何待陈侯乃中起，不思萧相在咸阳。”又一诗云：“平生萧相真知己，何事还同女子谋！”则又责萧相不为信辨其枉也。余观班史，吕后与萧相国谋，诈令人从帝所来，称豨已破，群臣皆贺，相国给信曰：“虽病强入贺。”信入，吕后使武士缚信斩之。则斩信者，相国计也。纵使其枉，相国其肯为辨之哉！信死则刘氏安，不死则刘氏危，相国岂肯以平日相善之故而误社稷大计乎！文潜后有一绝云：“登坛一日冠群雄，钟室仓皇念蒯通。能用能诛谁计策，嗟君终自愧萧公。”

●卷八

苏武、李陵在武帝时同为侍中，金兰之义素笃。武拘于匈奴，明年而陵始降，虽逆顺之势殊，悲欢之情异，然朋友之谊，此心常炯炯也。观陵海上劝武使降之言，非不切至，而武之所以告陵者，不过明吾忠义之心而已，而未尝一语及陵之叛。若告卫律者则不然，尽词诟詈，归之于不忠不臣之科，而此以节义临之，几使恶死，此亦可以见于陵厚也。后武得归，陵置酒贺武曰：“今足下还归，扬名于匈奴，功显于汉室，虽古竹帛所载，丹青所画，何以过子卿！”故李太白《苏武诗》云：“渴饮丹窟冰，饥餐天上雪。东还沙塞远，北怆河梁别。泣把李陵衣，相看泪成血。”盖亦是意尔。

张祜《观狄梁公传诗》云：“失运卢陵厄，乘时武后尊。五丁扶造化，一柱正乾坤。”而山谷有“鲸波横流砥柱，虎口乱国宗臣”之句，可谓善论仁杰者。余谓仁杰不畏武后罗织之狱，三族之夷，强犯逆鳞，敢以庐陵王为请者，非特天资忠义，亦以先得武后之心故也。且张易之昌宗，后之嬖臣也，欲归庐陵，事大体重，非二嬖之言，后孰信之。吉頊能以危言撼二嬖，陈易吊为贺之计，故二嬖敢从容以请，而后意遂定。于是仁杰之谏得行。卒之遣徐彦伯迎庐陵王于房州者，由仁杰之言也。故史援吕温之言，称之曰：“取日虞渊，洗光咸池，潜授五龙，夹之以飞。”呜呼，仁杰其忠且贤哉！按仁杰传，始后欲立武三思。而《李昭德传》乃云：洛阳人王庆之请以武承嗣为皇太子，昭德力争。今考三思本传，不载为皇太子之说。而承嗣传云：“洛州人请立承嗣为皇太子，岑长倩、格辅元皆争不从。而不及昭德，岂有抵牾邪？”

汉元帝时，弘恭、石显用事，京房、刘向皆深嫉之，尝上书力诋。盖熏蕕冰炭，不能以共处，理之心然也。然房欲淮阳王为己助，代王作求朝奏章；向令外亲上疏，谓小人在朝，以致地动；虽嫉恶之心切，然于中实亦少贬矣。使二子果输忠于汉，当明目张胆论至再三可也，何暇为身谋而假之于他人哉！故荆公诗云：“京房刘向各称忠，诏狱当年迹自穷。毕竟论心异恭显，不妨迷国略相同。”后之论人物者，倘取其心而略其迹，则善矣。

东汉李固，忠直鲠亮，志在讨国，不为身谋。争立清河，遂忤梁冀，以致身首异处。当时有提鉞上章，乞收固尸，如汝南郭亮者；有星行至洛，守卫尸，如陈留杨羌者；亦可见固以忠获罪矣。唐李华尝观《党锢传》，抚卷而悲之，且作诗曰：“古坟襄城野，斜径横秋陂。况不禁樵采，茅莎无子遗。”呜呼，生不能何其身，死又不能保其藏骨之地，天之不相善人，何至是邪！梅圣俞诗云：“汉家诛党人，谁与李杜死。死者有范滂，其母为之喜。喜死名愈彰，生荣同犬豕。”故史臣以胡广、赵戒为粪土，而马融真犬豕哉！

司马迁游江、淮、汶、泗之境，紬金匱石室之书而作《史记》。上下数千年，殆如

目睹，可谓孤拔。初遭李陵之祸，不肯引决而甘腐刑者，实欲效《离骚》《吕览》《说难》之书，以抒愤悱。故荆公诗云：“嗟子刀锯间，悠然止而食。成书与后世，愤悱聊自释。”观《史记》评赞，于范睢、蔡泽则曰：“二子不困辱，乌能激乎？”于季布则曰：“彼自负才，故受辱而不羞。”于虞卿则曰：“虞卿非穷愁，则不能著书以自见。”于伍员则曰：“隐忍以就功名”。至于作《货殖》《游侠》二传，则以“家贫不能自赎，左右亲戚不为一言”而寄意焉。则荆公释愤悱之言，非虚发也。

老杜高自称许，有乃祖之风，上书明皇云：“臣之述作，沉郁顿挫，扬雄、枚皋可企及也。”《壮游诗》则自比于崔、魏、班、扬，又云：“气劘屈贾垒，目短曹刘墙。”《赠韦左丞》则曰：“赋料扬雄敌，诗看子建亲。”甫以诗雄于世，自比诸人，诚未为过。至窃比稷与契则过矣。史称甫好论天下大事，高而不切，岂自比稷、契而然邪？至云“上感九庙焚，下悯万民疮，斯时伏青蒲，廷争守御床”，其忠荃亦可嘉矣。

《文选》载王粲《公宴诗》，注云：此侍曹操宴也。操未为天子，故云公宴耳。操以建安十八年春，受魏公九锡之名，公知众情未顺，终其身不敢称尊。而粲诗已有“愿我贤主人，与天享巍巍”之语，则粲岂复有心于汉邪！粲尝说刘表之子琮曰：“曹公人杰也，将军卷甲倒戈以归曹公，长享福祚，万全之策也。”厥后操以粲为军谋祭酒，则以腹心委之矣。

陆希声隐居宜兴君阳山，今金沙寺，其故宅也。自著《君阳山记》，叙其景物亭馆如辋川，尚可得其仿佛。初，僧辩光从希声受笔法，继以善书得幸于昭宗。希声祈使援己，以诗寄之云：“笔下龙蛇似有神，天池雷雨变逡巡。寄言昔日不龟手，应念江湖洴澼人。”遂得召，隐操盖不足观也。尝著《易传》十卷。观其自序，以谓梦在大河之阳，有三人偃卧东首，上伏羲，中文王，下孔子，下以《易》道畀余，遂悟八卦小成之位，质以象数有符契。且云：今年四十有七，已及圣人之年，于是作《易传》以授门人崔彻、王赞之徒，复自为注。今观其书无可取者，而怪诞如此，其人亦可知。后避难死于道路，盖不能终君阳之居也。

荆公作《商鞅诗》云：“今人未可非商鞅，商鞅能令政必行。”余窃疑焉。孔子论为君难，有曰：“如其善而莫予违也，不亦善乎？如不善而莫予违也，不几乎一言而丧邦乎？”盖人君操生杀之权，志在使人无违于我，其何所不至哉！商鞅助秦为虐，而乃称其使政必行何邪？后又有《谢安诗》云：“谢公才业自超群，误长清谈助世纷。秦晋区区等亡国，可能王衍胜商君。”则知前篇有激而云也。杜子美云：“舜举十六相，身尊道何高。秦时用商鞅，法令如牛毛。”则知所去取矣。

谢灵运在永嘉、临川，作山水诗甚多，往往皆佳句。然其人浮躁不羁，亦何足道哉！方景平天子践祚，灵运已扇摇异同，非毁执政矣。及文帝召为秘书监，自以名辈

应参时政，而王昙首、王华等名位逾之，意既不平，多称疾不朝，则无君之心已见于此时矣。后以游放无度，为有司所纠，朝廷遣使收之，而灵运有“韩亡子房奋，秦帝鲁连耻”之咏，竟不免东市之戮。而白乐天乃谓“谢公才廓落，与世不相遇。壮志郁不用，须有所泄处。泄为山水诗，逸韵谐奇趣”何也？武帝、文帝两朝遇之甚厚，内而卿监，外而二千石，亦不为不逢矣，岂可谓与世不相遇乎？少须之，安知不至黄散，而褊躁至是，惜哉！其作《登石门诗》云：“心契九秋干，目玩三春蕙。居常以待终，处顺故安排。”不知桃墟之泄，能处顺乎，五年之祸，能待终邪？亦可谓心语相违矣。

扬雄之迹，曲谄新室，议之者众矣，此置而不论。雄之心如何哉？观《法言》之书，似未明乎大道之指也。王荆公乃深许之，何邪？诗云：“寥寥邹鲁后，于此归先觉。”又云：“儒者陵夷此道穷，千秋止有一扬雄。”又云：“道真沉溺九流浑，独泝颓波讨得源。”又云：“扬雄平生人莫知，知者乃独称其辞。”今尊子云者皆是，得子云心亦无几，是以圣人许雄也。东坡谓雄以艰深之辞，文浅易之说，与公矛盾矣。

宋彭城王义康忌檀道济之功，会文帝疾动，乃矫诏送廷尉诛之。故时人歌云：“可怜《白浮鸠》，枉杀檀江州。”当时人痛之盖如此。奈何王纲下移，主威莫立，洎魏军至瓜步，帝方登石头以思之，又何补哉！刘梦得尝过其墓而悲之曰：“万里长城坏，荒云野草秋。秣陵多士女，犹唱《白浮鸠》。”盖伤痛之深，虽历三百年而犹不泯也。

马少游常哀兄援多大志，曰：“士生一世，但取衣食裁足，乘下泽车，御款段马，乡里称善人，斯可矣。致求赢余，但自苦尔。”故援在浪泊西里，当下潦上雾，毒气熏蒸，仰视飞鸢跼跼堕水中之时，辄思其言，以谓念少游语，何可得也！洎武陵五溪蛮作乱，刘尚军没，而援贪进不止，方且据鞍矍铄，被甲请行，遂底壶头之困。刘梦得《经伏波神祠诗》，有“一以功名累，翻思马少游”之句，可谓名言矣。壶头在武陵，当是梦得为司马时经历。故篇首言“蒙蒙篁竹下，有路上壶头。”

西伯将出猎，卜之曰：“所获非龙非虬，非虎非罴，所获霸王之辅。”于是果遇太公于渭之阳，载与俱归。此司马迁之说也。文王至磻溪，见吕尚钓，钓得玉璜，刻曰：“姬受命，吕佐检，德合于今昌来提。”此《尚书大传》之说也。太公钓于滋泉，文王得而王。此吕不韦之说也。吕望年七十，钓于渭渚，初下得鲋，次得鲤，剖腹得书，书文曰：“吕望封于齐。”此刘向之说也。太公避纣，居东海之滨，闻文王作，兴曰：“盍归乎来！”由文王至于孔子，五百有余岁，若太公望则见而知之，此孟子之说也。是数说者，皆言天产英辅以兴周，盖非碌碌佐命者之可拟也。而司马迁乃摭或者之论，谓西伯拘羑里，散宜生、闳夭招吕尚求美女奇物，献于纣而赎西伯。西伯既脱，三人又阴谋修德以倾商政。此岂所以待太公哉！欧阳詹云：“论兵去商虐，讲德兴周道。屠沽未遇时，何异斯州老。”余比赴官宜春，于寿昌

道中，见壁间题一诗云：“渔翁何事亦从戎，变化神奇抵掌中。莫道直钩无所取，渭川一钓得三公。”一以为倾商政，一以为钓三公，皆非知圣贤者。

唐淄青李师道，倚蔡为重，称兵不轨。泊蔡平，师道乃始震悸。宪宗命削其官，诏诸军进讨，于是六节度之兵兴矣。故刘梦得尝为《天齐行》二篇，以快李师道之死。夫师道猖獗狂悖，反噬其主，人怨神怒，岂能居覆载之中乎？故梦得云：“牙门大将有刘生，夜半射落欃枪星。”又云：“泰山沉寇六十年，旅祭不飨生愁烟。今逢圣君欲封禅，神使阴兵来助战。”夫刘悟，本军之将也，方为师道屯阳谷以当魏将，乃倒戈以攻其主。泰山，本土之神也，宜神其地，而乃以阴兵助敌。则人怨神怒可知矣。将叛其君，神叛其主，岂非以此始者以此终乎！天之所报速矣。

唐明皇时，陈希烈为左相，李林甫为右相，高适各有诗上之，以陈为吉甫、子房，以李为傅说、萧何，其比拟不伦如是。上陈诗云：“天地庄生马，江湖范蠡舟。逍遥堪自乐，浩荡信无忧。”则无意于依陈。上李诗云：“莫以才难用，终期善易听。未为门下客，徒谢少微星。”则有意于干李。按希烈传，林甫颺朝，以希烈柔易，乃荐之共政，则权在林甫而不在希烈，故适不依陈而干李也。

余观渔父告屈原之语曰：“圣人不凝滞于物，而能与世推移。”又云：“众人皆浊，何不泥其泥而扬其波；众人皆醉，何不哺其糟而啜其醪。”此与孔子和而不同之言何异。使屈原能听其说，安时处顺，置得丧于度外，安知不在圣贤之域！而仕不得志，狷急褊躁，甘葬江鱼之腹，知命者肯如是乎！笔班固谓露才扬己，忿怼沉江。刘勰谓依彭咸之遗则者，狷狭之志也。扬雄谓遇不遇命也，何必沉身哉！孟郊云：“三黜有愠色，即非贤哲模。”孙邈云：“道废固命也，何事葬江鱼。”皆贬之也。而张文潜独以谓“楚国茫茫尽醉人，独醒惟有一灵均。哺糟更使同流俗，渔父由来亦不仁。”

●卷九

徐师川诗云：“楚汉纷争辩士忧，东归那复割鸿沟。郑君立义不名籍，项伯何颜肯姓刘。”谓项伯籍之近族，乃附刘而背项，郑君已为汉臣，乃达汉而思楚也。余尝论之曰^①，方刘、项之势，雌雄未决也，其间岂无容容狡诈之士，首鼠两端，以观成败，而为身谋者乎，项伯是也。其意以谓项氏得天下，则吾尝以宗族从军，策画定计，岂吾废哉？刘氏得天下，则鸿门之会，吾尝舞剑以蔽沛公矣，广武之会，吾尝劝勿烹太公矣，刘氏岂吾废哉？高祖之封项伯，殆以此也。至郑君则不然。事籍，籍死属汉，高祖令诸故楚臣名籍，郑君独不奉诏，乃尽拜名籍者为大夫，而逐郑君。观此则郑君与项伯贤佞可见。高祖或逐或封，皆徇情之好恶，则知戮丁公者，一时矫激之为也。

①“余”字《类编》本作“徐”。

王俭《七志》曰：宋高祖游张良庙，并命僚佐赋诗。谢瞻所赋，冠于一时，今载于《文选》者是也。其曰“鸿门销薄蚀，陔下陨欃枪。爵仇建萧宰，定都护储皇。肇允契幽叟，翻飞指帝乡”，则子房辅汉之策，尽于此数矣。王荆公云：“《素书》一卷天与之，谷城黄石非吾师。固陵解鞍聊出口，捕取项羽如婴儿。从来四皓招不得，为我立弃商山芝。”亦用此数事。而议论格调，出瞻数等。东坡论子房袖椎之事，以谓良不为伊、吕之谋，而特出于荆轲、聂政之计。以余观之，此良少年之锐气，未足以咎良也。圯上授书之后，所见岂前比哉！

左太冲、陶渊明皆有荆轲之咏，太冲则曰：“虽无壮士节，与世亦殊伦。”渊明则曰：“惜哉剑术疏，奇功遂不成。”是皆以成败论人者也。余谓荆轲功之不成，不在荆轲，而在秦舞阳；不在秦舞阳，而在燕太子。舞阳之行，轲固心疑其人，不欲与之共事，欲待它客与俱，而太子督之不已，轲不得已遂去，故羽歌悲怆，自知功之不成。已而果膏刃秦庭，当时固已惜之。然概之于义，虽得秦王之首，于燕亦未能保终吉也。故扬子云：“荆轲为丹奉于期之首、燕督亢之图，入不测之秦，实刺客之靡也，焉可谓之义也！”可谓善论轲者。

盗杀武元衡也，白乐天为京兆掾，初非言责，而请捕盗，以必得为期。时宰恶其出位，坐赋《新井篇》，逐之九江。故因闻琵琶，乃有天涯流落之感，至于泪湿青衫之上，何惫如此哉！余先文康公尝有诗云：“平生趣操号安恬，退亦怡然进不贪。何事浔阳恨迁谪，轻将清泪湿青衫。”又云：“及泉曾改庄公誓，胜母终回曾子车。素纁银床堪泪堕，更能赋咏独何如。”

李义山诗云：“本为留侯慕赤松，汉庭方识紫芝翁。萧何只解追韩信，岂得虚当第一功。”是以萧何功在张良下也。王元之诗云：“纪信生降为沛公，草荒孤垒想英风。汉家青史缘何事，却道萧何第一功？”是以萧何功在纪信下也。余谓炎汉创业

，何为宗臣，高祖设指踪之喻尽之矣，他人岂容议邪！

韦苏州睢阳感怀有诗曰：“宿将降贼庭，儒生独全义。”宿将谓许远，儒生谓张巡也。盖当时物议，以为巡死而远就虏，疑远畏死，辞服于贼，故应物云尔。然韩愈尝有言曰：“远诚畏死，何苦守尺寸之地，食其所爱之肉，以与贼抗而不降乎！”斯言得矣。巡死后，贼将生致远于偃师，远亦以不屈死。则是远亦终死贼也。

三良以身殉秦繆之葬，《黄鸟》之诗哀之。序《诗》者谓国人刺繆公以人从死，则咎在秦繆而不在三良矣。王仲宣云：“结发事明君，受恩良不赀。临没要之死，焉得不相随。”陶元亮云：“厚恩固难忘，君命安可违。”是皆不以三良之死为非也。至李德裕则谓为社稷死则死之，不可许之死，欲与梁邱据、安陵君同讥，则是罪三良之死非其所矣。然君命之于前，而众驱之于后，为三良者，虽欲不死得乎！惟柳子厚云：“疾病命故乱，魏氏言有章。从邪陷厥父，吾欲讨彼狂。”使康公能如魏颗不用乱命，则岂至陷父于不义如此哉！东坡《和陶》亦云：“顾命有治乱，臣子得从违。魏颗真孝爱，三良安足希。”似与柳子之论合。而《过秦繆墓诗》乃云：“繆公生不诛孟明，岂有死之日而忍用其良，乃知三子徇公意，亦如齐之二子从田横。”则又言三良之殉，非繆公之意也。

唐大和末，阉尹恣横，天子以拥虚器为耻。而元和逆党未讨，帝欲夷绝其类，李训谓在位操权者皆碌碌，独郑注可共事，遂同心以谋。已而杀陈宏志于清泥驿，相继王守澄、杨承和、韦元素、王践言皆不保首领。又斲崔潭峻之棺而鞭其尸。剪除逆党几尽，亦可谓壮矣！意欲诛宦尹，乃复河湟归河朔诸镇，天子向之。郑注虽招权纳贿，然出节度陇右，欲因王守澄之葬，乘群宦临送，以镇兵悉诛之，谋亦未必不善。会李训先五日报事，遂成“甘露”之祸。世以成败论人物，故训、注不得为忠，至李德裕谓不可与徒隶齿，亦太甚矣。按唐史李甘与李中敏皆尝论郑注不可为相，故甘有封州之谪，而中敏有颖阳之归。杜牧之赠甘诗云：“大和八九年，训注极虓虎。吾君不省觉，二凶日威武。喧喧皆传言，明辰相登注。和鼎顾予云：‘我死有处所。’明日诏书下，谪斥南荒去。”又有《赠中敏诗》云：“元礼去归缙氏学，江充来见犬台宫^①。曲突徙薪人不会，海边今作钓鱼翁。”盖深痛二公之言不行，而训、注得恣其谋也。盖当是时，仇士良窃国柄，势焰熏灼，士大夫于议论之间，不敢以训、注为是，以贾杀身之祸，故牧之之诗如此。呜呼，东汉之季，柄在宦官，陈蕃之徒，以忠勇之资，谋殄其党，而事亦不遂，史载其名，殆如日星。而训、注以当时士夫畏惧士良辈，遂加以奸凶之目，而史亦以为乱人，万世之下，无以自白，其深可痛哉！余家旧藏《甘露野史》二卷，及《乙卯记》一卷，二书之说，时相矛盾，《甘露野史》言上令训等诛宦官，事觉反为所擒，而《乙卯记》乃谓训等有逆谋。盖《甘露史》出于朝廷公论，而《乙卯记》附会士良之私情也。《乙卯记》后有朱实跋尾数百言，以《乙卯》所记为非是，其说与野史同，余故表而出之。

①“犬”原作“大”，据《樊川集》改。

杜牧之集有《李给事诗》二首，其中有“纷纷白昼惊千古，铁钺朱殷几一空”之句，谓郑注“甘露”之事也。又有“可怜刘校尉，曾讼石中书”之句，牧之自注云，给事曾忤仇士良，人遂以为给事者李石也。余尝考之，李石虽尝为给事，然劾郑注之事，史所不载。虽载语言忤仇士良，然亦在石拜相之后。石既拜相，则牧之诗题，不应以给事为称，其非李石明矣。当时惟有李中敏与牧之厚善，尝因旱欲乞斩注，以申宋申锡之冤，帝不省，遂以病告归颖阳。今牧之诗有“元礼去归蔡氏学”之句，牧之自注云：因论郑注告归颖阳。又史云：注诛，迁给事。其后仇士良以开府荫其子，中敏曰：“内谒者安得有子。”士良惭恚，由是复弃官去。由是论之，则是中敏无疑矣。

杜牧之作《李和鼎诗》云：“鵬鸟飞来庚子直，谪去日蚀辛卯年。由来枉死贤才士，消长相持势自然。”盖言郑注事也。方是时，和鼎论注不可为相，旋致贬责，故牧之作诗痛之如此。议者谓辛卯年在宪宗之时，而宪宗未尝谪李甘。李甘仕文宗之时，而文宗时无辛卯也。岂牧之误乎？余谓牧之所云，非谓实庚子辛卯也。鵬集于舍，班固书庚子之日，日有蚀之，诗人有辛卯之咏，借是事以明李甘之冤尔。

唐穆宗时，令狐楚为相，为景陵使，以佣钱献羡余，怨声载路，致有衡州之贬。观《发潭州寄李宁常侍诗》云：“君今侍紫垣，我已堕青天。委废从兹日，旋归在几年。”又有《答窦巩中丞诗》末句云：“何年相赠答，却得在中台。”亦可见其去国惨伤之情矣。孔子曰：“苟患失之，无所不至。”其楚之谓乎？观“甘露”之中，则可见矣。当是时也，王涯等被系神策，仇士良白涯与李训谋逆，将立郑注。楚时以旧相在阙下，文宗召楚至，帝对楚悲愤，因付涯讯牒曰：“果涯书邪？”楚曰：“然。涯诚有谋，罪应死。”呜呼，观望腐夫阉人，而诬置人于死地，楚忍为是乎！《甘露野史》乃言尚赖旧相令狐楚独为辩明，若以史为证，则野史之言未必公也。

安禄山反，永王璘有窥江左之意，子场劝其取金陵，史称薛繆、李台卿等为璘谋主而不及李白。白传止言永王璘辟为府僚，璘起兵遂逃还彭泽。审尔，则白非深于璘者。及观白集有《永王东巡歌十一首》，乃曰：“初从云梦开朱邸，更取金陵作小山。”又云：“我王楼舰轻秦汉，却似文皇欲度辽。”若非赞其逆谋，则必无是语矣。白既流夜郎，有《书怀诗》云：“半夜水军来，寻阳满旌旆。空名适自误，迫胁上楼船。徒赐五百金，弃之若浮烟。辞官不受赏，翻谪夜郎天。”宋中丞荐白启云：“遇永王东巡，胁行中道。”乃用白《述怀》意，以文拭其过尔。孔巢父亦为永王所辟，巢父察其必败，洁身潜遁，由是知名。使白如巢父之计，则安得有夜郎之谪哉！老杜《送巢父归江东》云：“巢父掉头不肯住，东将入海随烟雾。”其序云，兼呈李白。恐不能无微意也。

●卷十

李白乐府三卷，于三纲五常之道，数致意焉。虑君臣之义不笃也，则有《君道曲》之篇，所谓“风后爪牙常先太山稽，如心之使臂。小白鸿翼于夷吾，刘葛鱼水本无二。”虑父子之义不笃也，则有《东海勇妇》之篇，所谓“淳于免诏狱，汉主为缁紫。津妾一棹歌，脱父于严刑。十子若不肖，不如一女英。”虑兄弟之义不笃也，则有《上留田》之篇，所谓“田氏仓卒骨肉分，青天白日摧紫荆。交柯之木本同形，东坡憔悴西枝荣。无心之物尚如此，参商胡乃寻天兵！”虑朋友之义不笃也，则有《箜篌谣》之篇，所谓“贵贱结交心不移，惟有严陵及光武。”“轻言托朋友，对面九疑峰。”“管鲍久已死，何人继其踪？”虑夫妇之情不笃也，则有《双燕离》之篇，所谓“双燕复双燕，双飞令人羡。玉楼珠阁不独栖，金窗绣户长相见。”徐究白之行事，亦岂纯于行义者哉！永王之叛，白不能洁身而去，于君臣之义为如何？既合于刘，又合于鲁，又娶于宋，又携昭阳金陵之妓，于夫妇之义为如何？至于友人路亡，白为权窆，及其糜溃，又收其骨，则朋友之义庶几矣。《送萧三十一之鲁兼问稚子伯禽》，有“高堂倚门望伯鱼，鲁中正是趋庭处。君行既识伯禽子，应驾小车骑白羊”之句，则父子之义庶几矣。如弟凝、鐔、济、况、绾各赠诗，以致其雍睦之情，则兄弟之义庶几矣。惜乎，二失既彰，三美莫赎，此所以不能为醇儒也。

人之事亲，当以敬为主，故孔子告子游曰：“至于犬马，皆能有养，不敬何以别乎？”束皙作《补亡诗》，于《南陔》《白华》二篇，每以为言。《南陔》曰：“养隆敬薄，惟禽之似。”《白华》曰：“竭诚尽敬，亹亹忘劬。”可谓得孔子之旨矣。今之人恃亲之爱己，而忘其敬者多，故表而出之，以为事亲之戒。

王稚川调官京师，母老留鼎州，久不归侍。尝阅贵人歌舞，有诗云：“画堂玉珮紫云响，不及桃源欸乃歌。”山谷和韵讽之云：“慈母每占乌鹄喜，家人应赋《屢屨歌》。”可谓尽朋友责善之义。山谷至孝，奉母安康君至为亲涤厕褰，浣中裙，未尝顷刻不供子职。泊贬黔南，不能与亲俱，则《赠王郎诗》云：“留我左右手，奉承白发亲。”至《赣上食莲有感》则曰：“莲实大如指，分甘念母慈。”亦可见其孝诚矣。余闻无瑕者可以戮人，则其告稚川之语未为过也。老杜《送李舟诗》非不归重，而其中亦不能无讥焉。所谓“舟也衣彩衣，告我欲远适。倚门固有望，敛衽就行役。南登吟《白华》，已见楚山碧。何时太夫人，堂上会亲戚。”岂非讥其无方之游邪？孔子云：“父母在，不远游；游必有方。”则山谷、少陵之诗，皆有孔子之意也。

王勃尝言，为人子者不可以不知医。时长安曹元有秘术，勃从之游，尽得其要。又以虢州多药草，求补参军。故《示助弟诗》云：“自予反初服，无情想高盖。报国情岂忘，从亲心所大。”则勃于亲亦可谓厚矣。然不能立身持己，私匿官奴而杀之，以致其父从坐，远谪交之，岂得为孝乎？孟子曰：“纵耳目之欲，以为父母僇。”

”勃其近之矣。

陈绎奉亲至孝，尝作庆老堂以娱其母。介甫赠之诗云“种竹常疑出冬笋”，暗用孟宗事，“开池故合涌寒泉”，暗用姜诗事。

张剑州以太夫人丧剑州归，荆公予之诗并示女弟云：“乌辞反哺颠毛黑，鸟引思归口舌舟。”又有《张剑州至剑一日以亲忧罢诗》云：“白头反哺秦乌侧，流血思归蜀鸟前。”所赋皆一时之事，而语意重复如此何邪？

荆公《初去临川诗》云：“马头西去百沾襟，一望亲庭更苦心。已觉省烦非仲叔，安能养志似曾参。”赴调西去时诗也。①非仲叔则自伤不能养口体，不如曾参则自伤不能养志也。人自一官所驱，乃尔为志，亦岂得已哉！后又有诗云：“古人一日养，不以三公换。”正为此尔。

①“去”原脱，据诗句“西去”补。

唐人与亲别而复归，谓之“拜家庆”。卢象诗云：“上堂家庆毕，顾与亲恩迩。”孟浩然诗云：“明朝拜家庆，须着老莱衣。”

谢师厚生女，梅圣俞与之诗曰：“生男众所喜，生女众所丑。生男走四邻，生女各张口。男大守诗书，女大逐鸡狗。”又云：“何时某氏郎，堂上拜媼叟。”盖戏师厚也。陈琳、杜甫诗及《杨妃外传》其说异焉。琳痛长城之役，则曰：“生男戒勿举，生女哺用脯。”杜甫伤关西之戍，则曰：“生女犹是嫁比邻，生男埋没随百草。”杨妃专宠帝室，金印螭绶，宠遍于钅剑；象服鱼轩，荣均于秦虢。当时遂有“生女勿悲酸，生男勿喜欢。男不封侯女作妃，君看女却为门楣”之咏。而乐天《长恨歌》亦云：“遂令天下父母心，不重生男重生女。”今师厚之女，毓质儒门，不过求贤士以为之配尔，纵不至负薪如翟妇，饷春如孟光，亦岂能预知其必大富贵，光宗荣族如蒲津之妇人乎！宜其圣俞以为戏也。

老杜《北征诗》云：“经年至茅屋，妻子衣百结。恸哭松声回，悲泉共幽咽。平生所娇儿，颜色白胜雪。见爷背面啼，垢腻脚不袜。”方是时，杜方脱身于万死一生之地，得见妻儿，其情如是。泊至秦中，则有“晒药能无妇，应门亦有儿”之句。至成都则有“老妻忧坐痹，幼女问头风”之句。观其情惊，已非《北征》时比也。及观《进艇诗》，则曰：“昼引老妻乘小艇，晴看稚子浴晴江。”《江村诗》则曰：“老妻画纸为棋局，稚子敲针作钓钩。”其优游愉悦之情，见于嬉戏之间，则又异于在秦、益时矣。

白乐天、元微之皆老而无子，屡见于诗章。乐天五十八岁始得阿崔，微之五十一岁始得道保，同时得嗣，相与酬唱喜甚。乐天诗云：“腻剃新胎发，香绷小绣襦。玉

牙开手爪，苏颧点肌肤。”微之云：“且有承家望，谁论得力时。”又云：“嘉名称道保，乞姓号崔儿。”后崔儿三岁而亡，白赋诗曰：“怀抱又空天默默，依前仍作邓攸身。”伤哉微之，五十三而亡。按《墓志》有子道护，年三岁而卒。以岁月考之，即道保也。孟东野连产三子，不数日皆失之，韩退之尝有诗，假天命以宽其忧。三人者皆人豪，而不能忘情如此，信知割爱为难也。若使学道者遭此，则又何必黑衣巾者闯然入其户，而后喻哉？

陶渊明《命子篇》则曰：“夙兴夜寐，愿尔之才；尔之不才，亦已焉哉！”其《责子篇》则曰：“虽有五男儿，总不好纸笔。天运苟如此，且进杯中物。”《告俨等疏》则曰：“鲍叔管仲，同财无猜；归生伍举，班荆道旧；而况同父之人哉！”则渊明之子未必贤也。故杜子美论之曰：“有子贤与愚，何其挂怀抱。”然子美于诸子，亦未为忘情者。子美《遣兴诗》云：“骥子好男儿，前年学语时。世乱怜渠小，家贫仰母慈。”又《忆幼子诗》云：“别离惊节换，聪慧与谁论。忆渠愁只睡，炙背俯晴轩。”《得家书》云：“熊儿幸无恙，骥子最怜渠。”《元日示宗武》云：“汝啼吾手战。”观此数诗，于诸子钟情尤甚于渊明矣。山谷乃云：“杜子美困于三蜀，盖为不知者诟病，以为拙于生事，又往往讥宗武失学，故寄之渊明尔。俗人不知，便为讥病。”所谓痴人面前，不得说梦也。

李义山作《娇儿诗》时，裘师方三四岁尔，其末乃云：“儿应勿学耶，读书求甲乙。况今西与北，羌戎正狂悖。儿当速成大，探雏入虎窟。当为万户侯，勿守一经衰。”夫兵连祸结，生民涂炭，以日为岁之时，而乃望三四岁儿立功于二十年后，所谓俟河之清，人寿几何者邪！

元微之诲侄书云：“吾生长京城，朋从不少，然而未尝识倡优之家，不曾于喧哗纵观。”《至陕府诗》，乃有一生自恣之语，至云“那知我少年，深解酒中事。能唱犯声歌，偏精变筹义。含词待残拍，叫噪掷投盘”等语，则诲侄之言，殆虚语也。

钱起《题杜牧林亭诗》云：“不须耽小隐，南阮在平津。”南阮谓杜惊也。史载惊更历将相，而牧困蹶不自振，怏怏不平，以至于卒。审尔，则牧之岂肯受其料理哉？然宗族贵官河润者非一，枯菀升沉，时命存焉，何至怏怏如是。可以知牧之量不宏也。

《文选》载嵇叔夜《赠秀才入军诗》，李善注，谓兄喜秀才入军，而张铣谓叔夜弟，不知其名。考五诗，或曰“携我好仇”，或曰“思我良朋”，或曰“佳人不在”，皆非兄弟之称。善、铣所注，恐未必然尔。

杨六尚书，白乐天妻兄也。初除东川节度，《代妻贺兄》云：“觅得黔娄为妹婿，可能空寄蜀茶来。”又《寒食寄诗》曰：“蛮旗似火行随马，蜀妓如花坐绕身。不使黔娄夫妇看，夸张宝贵向何人。”皆责望之言也。

王福峙之子勔、勳、勃皆有才名，故杜易简称为“三珠树”。其后助、劼、劝又皆以文显。勃于兄弟之间极友爱，《自乡还虢诗》曰：“人生忽如客，骨肉知何常。愿及百年内，华萼常相将。无使《棠棣》废，取譬人无良。”观此语意，岂兄弟中有不相能者邪？及观诫功、劲云：“欲不可纵，争不可常，勿轻小忿，将成大殃。”此二人者，似非处于礼义之域者。《棠棣》废之诗，疑为此二人设也。

陆机作诗赠贾谧，几三百言，无非极其褒赞。方谧用事，生死荣辱人如反覆手，其褒赞亦何足怪。然其间亦有寄意讥诮，人未能推其意者。按臧荣绪《晋书》，谧父韩寿母，贾充少女也。充平生不议立后，后妻郭槐辄以外孙韩谧袭封，帝许之，遂以谧为鲁公。则是贾谧非充子也。故机诗云：“诞育洪胄，纂戎于鲁。”言诞育则以讥非己生也。又曰：“惟汉有木，曾不逾境。”谓橘逾淮则化为枳，言与螟蛉之化果羸无异也。夫谧势焰熏灼如此，而机敢为廋辞以狎侮之，真文人之习气哉！

晋嵇康《赠弟秀才》四言诗云：“感悟驰情，思我所钦。”则以所钦为弟。陆机《赠从兄车骑诗》云：“寤寐靡安豫，愿言思所钦。”则以所钦为兄。又《赠冯文黑诗》云：“慷慨谁为感，愿言怀所钦。”则以所钦为友。

魏武于诸子中独爱植，丁仪、丁廙、杨修之徒为植羽翼，几代太子丕，而植狂性不自雕励，又太子御之有术，故易宗之计不行，盖非逊丕，性也。洎文帝即位，植屡求试用，不报，益怏怏。帝欲害之，卞太后曰：“汝已杀任城，不得复杀东阿。”故止从贬爵。则植岂能无怨怼乎？尝观植所作《豫章行》云：“他人虽同盟，骨肉天性然。周公穆康叔，管蔡则流言。子臧逊千乘，季札慕其贤。”意谓己素为武帝所爱，忌之者众，故有管、蔡流言之说。然乃自以季札为比，亦诬矣。岂其掠美之言哉？

月轮当空，天下之所共视，故谢庄有“隔千里兮共明月”之句，盖言人虽异处，而月则同瞻也。老杜当兵戈骚屑之际，与其妻各居一方，自人情观之，岂能免闺门之念，而他诗未尝一及之。至于明月之夕，则遐想长思，屡形诗什。《月夜诗》云：“今夜鄜州月，闺中只独看。”继之曰：“香雾云鬟湿，清辉玉臂寒。”《一百五日夜对月》云：“无家对寒食，有泪如金波。”继之曰：“伫离放红蕊，想象颦青蛾。”《江月诗》云：“江月光于水，高楼思杀人。”继之曰：“谁家挑锦字，烛灭翠眉颦。”其数致意于闺门如此，其亦谢庄之意乎？颜延之对孝武，乃有庄始知“隔千里兮共明月”之说，是庄才情到处，延之未能晓也。

余曾祖通议兄弟四人，取“良辰美景，赏心乐事”之义，作四并堂于东园，故通议诗云：“华圃控弦秋习射，寒窗留烛夜钞书。良辰美景饶心事，观日相并乐起予。”先祖清孝公兄弟六人，取三荆同株之义，作倍荆亭于西园，当时篇咏无存者。清孝《安遇集》中有《倍荆亭记》，其略云：“西园旧无亭观①，□□□□□欲纠合叔季，同耳目之适，于是基盈尺之高，宇一筵之广，列楹为亭，号曰倍荆。至先人

文康公罢官南阳，适当兵扰，复还复栖②，奉伯父工部居焉。别建二老堂于宅南，眷望田里，诸山皆在目，植花竹于四隅，命某日治饌，往往乐饮竟日。某尝赋诗云：‘去家才隔水一股，二老堂成三百弓。鹄原暮下沙水暖，雁行夜落霜天空。竹根酌酒不妨醉，花萼斫诗如许工。坐久兴关筇竹杖，出门人指两仙翁。’”

①“园旧”原作“推轮”，据《类编》本改。②“复栖”，疑当作“旧栖”。

●卷十一

韩退之《秋怀诗》十一篇，其一云：“敛退就新懦，趋营悼前猛。”此陶渊明觉今是昨非之意，似有所悟也。然考之他篇（《历代诗话》本无“之”字），有曰：“低心逐时趋，苦勉祇能暂。”又曰：“尚须勉其顽，王事有朝请。”则进退之事尚未决也。至第十篇云：“世累忽进虑，外忧遂侵诚。诘屈避语弃，冥茫触心兵。败虞千金弃，得比寸草荣。”其筹虑世故尤深。至第十一篇云：“鲜鲜霜中菊，既晚何用好。扬扬弄芳蝶，尔生还不早。”则似有不遇时之叹也。

李太白《古风》两卷，近七十篇，身欲为神仙者，殆十三四：或欲把芙蓉而蹑太清，或欲挟两龙而凌倒景，或欲留玉舄而上蓬山，或欲折若木而游八极，或欲结交王子晋，或欲高揖卫叔卿，或欲借白鹿于赤松子，或欲餐金光于安期生。岂非因贺季真有谪仙之目，而固为是以信其说邪？抑身不用，郁郁不得志，而思高举远引邪？尝观其所作《梁父吟》，首言钓叟遇文王，又言酒徒遇高祖，卒自叹己之不遇。有云：“我欲攀龙见明主，雷公砰訇震天鼓。帝旁投壶多玉女，三时大笑开电光，倏烁晦冥起风雨。阊阖九门不可通，以额扣关阍者怒。”人间门户尚不可入，则太清倒景，岂易凌蹑乎？太白忤杨妃而去国，所谓玉女起风雨者，乃怨怼妃子之词也。其后又有《飞龙引》二首，当是明皇仙去之后，又有彩女玉女之句，则怨之深矣。

白乐天号为知理者，而于仕宦升沈之际，悲喜辄系之。自中书舍人出知杭州，未甚左也。而其诗曰：“朝从紫禁归，暮出青门去。”又曰：“委顺随行止。”又曰：“退身江海应无用，忧国朝廷自有贤。”自江州司马为忠州刺史，未为超也。而其诗曰：“正听山鸟向阳眠，黄纸除书落枕前。”又云：“五十专城未是迟。”又云：“三车犹夕会，五马已晨装。”及被召中书，则曰：“紫微今日烟霄地，赤岭前年泥土身。得水鱼还动鳞鬣，乘轩鹤亦长精神。”观此数诗，是未能忘情于仕宦者。东坡谪琼州有诗云：“平生学道真实意，岂与穷达俱存亡。”要当如是尔。

老杜《省宿诗》云：“明朝有封事，数问夜如何？”盖忧君谏政之心切，则通夕为之不寐。想其犯颜逆耳，必不为身谋也。杜牧之诗云：“昔事文皇帝，叨官在谏垣。奏章为得地，齮（《历代诗话》本作“断”）齿负明恩。金虎知难动，毛牦亦耻言。撩头虽欲吐，到口却成吞。”至与人论谏尤可怪。谓谏杀人者杀人愈多，谏畋猎者畋猎愈甚。是欲箝天下忠义之口，有臣如牧，国家奚望哉！然唐史乃谓牧之刚直有奇节，敢论列大事，指陈利病尤切何耶？

郎官之选，唐朝尤重。顺宗初政，柳子厚为礼部郎，与萧俛书云：“仆年三十二，年甚少，自御史里行得礼部员外，超取显美，欲免世之求进者怪怒媚嫉，其可得乎！”杜子美一检校工部尔，而诗中数及之，銜诧不已。如《赠苏徯》云：“为郎未为贱，其奈疾病攻。”《寄薛据》云：“虽云尚书郎，不及村野人。”《复怨（《历代诗话》本作“愁”）》云：“身（《历代诗话》本作“才”）觉省郎在，家须

农事归。”而（宋本原作“雨”，据《历代诗话》本改）《入六弟宅》云：“令弟雄军佐，凡才污省郎。”如此类不可胜数。郑谷自好称老郎，赠《秀上人诗》云：“惟恐兴来飞锡去，老郎无路更追攀。”《访策禅者诗》云：“初尘芸阁辞禅阁，却访支郎是老郎。”《春阴诗》云：“舞燕歌莺莫相认，老郎心是老僧心”是也。至于《转正郎》则云：“止陪鸳鹭居清秩，滥应星辰浼上天。”《省中作》则云：“未如何逊无佳句，若比冯唐是壮年。”是亦未免于街谈者。

晋乐广曰：“人未尝梦乘车入鼠穴，捣齏瞰铁杵。以无想因也。”自乐论之，则凡梦皆出于想尔。而殷浩乃曰：“官本臭腐，故将官而梦尸。”是岂出于想耶？《周官》有六梦，梦非止于思而已。刘发方赴举也，秦少游梦有发殡而葬之者，云是刘发之柩，是岁发首荐。少游以诗贺之曰：“世传梦凶常得吉，神物戏人良有旨。全美声名海县闻，闭久当开乃其理。”少游所原，乃一时褒美赞喜之词，非殷浩之意也。东坡云：“世衰道微士失己，得丧悲欢反其故。草袍芦屨相妩媚，饮食嬉游事羣聚。曲江舫舫月灯球，是谓舞殡而歌墓。”其末又有“故令将仕梦发棺，劝子勿为官所腐”之语。全篇二百余言，皆用浩意，可谓巧于遣词者矣。

柳子厚可谓一世穷人矣。永贞之初，得一礼部郎，席不暖即斥去为永州司马。在贬所歷十一年，至宪宗元和十年，例召至京师，喜而成咏。所谓“投荒垂一纪，新诏下荆扉。”又云“十一年前南渡客，四千里外北归人”是也。既至都，乃复不得用，以柳州去。由永至京已四千里，自京徂柳又复六千，往返殆万里矣。故《赠刘梦得诗》云：“十年顛顛到秦京，谁料翻为岭外行。”《赠宗一诗》云：“一身去国六千里，万里投荒十二年”是也。呜呼，子厚之穷极矣！观赠李夷简书云：“曩者，齿少心锐，径行高步，不知道之艰，以陷于大阨，穷蹙陨坠，废为孤囚，日号而望，十四年矣。”当时同贬之士，程异为宰相，而梦得亦得召用，则子厚望归之心为如何？然竟不生还，毕命于蛇虺瘴疠之区，可胜叹哉！韩退之有言曰：“子厚斥不久，穷不极，虽有出于人，其文学词章，必不能自力以致必传于后，如今无疑也。虽使得所愿于一时，以彼易此，孰得孰失？”

韦应物《燕李录事诗》云：“与君十五侍皇闱，晓拂炉烟上赤墀。花开汉苑经过处，雪下骊山沐浴时。”《骊山感怀诗》云：“我念绮襦岁，扈从当太平。小臣职前驱，驰道出灊亭。”《温泉行》云：“北风惨惨投温泉，忽忆先皇游幸年。身骑厖马引天仗，直入华清列御前。”则天宝巡幸之时，应物已在扈从之数，年始十五尔。王钦臣疑为三卫官，然史无有。及观应物《白沙亭逢吴叟歌》云：“问之执戟亦先朝，零落艰难却负樵。亲观文物蒙雨露，见我昔年侍丹霄。”谓之执戟，则亦三卫之类，钦臣岂据是邪？

欧阳永叔诗文中好说金带，《初寒诗》云：“若能知此乐，何必恋腰金。”《寄江十诗》云：“白发垂两鬓，黄金腰九环。”《答王禹玉诗》云：“喜君所赐黄金带，故我宜为白发翁。”而谢表又云：“头垂两鬓之霜毛，腰束九环之金带。”或谓

未免矜服衒宠，而况下于金带者乎！杜子美白乐天皆诗豪，器识皆不凡，得一绯衫何足道，而诗句及之不一何耶？子美诗云：“挈带看朱绂，开箱覩黑裘。”《赠卢参谋》云：“素发干垂领，银章破在腰。”《江村诗》云：“扶病垂朱绂，归休步紫苔。”乐天《寄荔子诗》云：“映我绯衫浑不见，对公银印最相鲜。”《初除忠州》云：“鱼缀白金随步跃，鹖（《历代诗话》本作“鹄”）衔红绶绕身飞。”又云：“徒使花袍红似火，其如蓬鬓白成丝。”《脱刺史绯》云：“便留朱绂还铃合，却着青袍侍玉除。”《加朝散大夫得品绯》云：“五品足为婚嫁主，绯袍着了好归田。”又云：“那知垂白日，始是着绯年。”盖命服章身，人情所甚喜，故心声所发如是。退之云：“峨峨进贤冠，耿耿水苍佩。服章非不好，不与德相对。”其必有以称之哉。

观王昌龄诗，仕进之心，可谓切矣。《赠冯六》（《历代诗话》本脱“冯”字，点校者据《类编》本补“冯”、“元六”三字，改作“赠冯六元二”）云：“云龙未相感，干谒亦已屡。”《从军行》云：“虽投定远笔，未坐将军树。”至于《沙花》（《历代诗话》本作“苑”）渡之作，乃有“孤舟未得济，入梦在何年”之句。是以传说自期也，一何愚哉！按史，昌龄为汜水尉，以不护细行，谪龙标尉。传说所为，顾如是乎？昌龄未第时，岑参赠之诗曰：“潜虬且深蟠，黄鹤举未晚。”既登第而谪官也，参又赠之诗曰：“王兄尚谪官，屡见秋云生。黄鹤垂两翅，徘徊悲且鸣（《历代诗话》本作“但悲鸣”）。”后昌龄以世乱还乡，为闾丘（《历代诗话》本作“邱”）晓所杀，则所谓黄鹤者，竟不能高举矣。

苏子由自绩溪被召，除校书郎，元佑之初年也。山谷《和王定国诗》云：“后皇蒔嘉橘，中岁多成枳。佳人来何时，天为启玉齿。”言欲子由变熙丰人才也。《和子由病起被召诗》云：“方来立本朝，献纳继晨暝。必开曲突谋，满慰倾耳听。”言欲子由变熙丰法度也。其措意如此，然官不得至侍从，谪黔移戎，流离困蹶，岂非命哉！至建中靖国之初，杂用熙丰、元佑人才，山谷喜而成诗云：“维摩老子五十七，天子大圣初元年。传闻有意用幽仄，病着不能朝日边。”后虽有铨曹之召，不旋踵又有宜州之行，有才无命，如山谷者，其可悯也！

孔子曰：“富贵在天。”则所谓富贵者，岂可以幸取乎？潘岳急于进取，干没不休，与石崇等谄事贾谧，每候其出，辄望尘而拜，其为人何如也。观其作《闲居赋》曰：“岳读《汲黯传》，至司马安四至九卿，而良史书之，题为巧宦之目。遂慨然叹曰：巧诚有之，拙亦宜然。”观岳此语，尚恨巧之未至邪？其作《河阳县诗》则曰：“谁谓晋京远，室迩身实辽。谁谓邑宰轻，令名患不劬。”其作《怀县诗》则曰：“自我违京辇，四载迄于斯。器非廊庙姿，屡出固其宜。”其坐驰京阙，渴心固已生尘矣。而仕宦卒不达，诚可以为驰骛者之戒也。尝自叙云：“自弱冠涉于知命之年，八徙官，一进阶再免，一除名，一不拜职，迁者三而已。虽通塞有命，抑拙者之效也。”岳诚知此，岂肯遽下贾谧之拜哉？

李商隐《九日诗》云：“曾共山翁把酒时，霜天白菊绕阶墀。十年泉下无消息，九日尊前有所思。不学汉臣栽苜蓿，空教楚客咏江蓠。郎君官贵施行马，东合无因再得窥。”盖令狐楚与商隐素厚，楚卒，子绹位致通显，略不收顾，故商隐怨而有作。然实商隐自取之也。且商隐妻父王茂元与所依郑亚皆李德裕党也。商隐与二人昵甚，故绹以为忘家恩，放利偷合者，是绹恶其异己也。后绹当国，商隐亦归穷自解，绹虽与一太学博士，然商隐亦厚颜矣。唐之朋党，延及缙绅四十年，而二李为之首，至绹而滋炽。绹之忘商隐，是不能念亲，商隐之望绹，是不能揆己也。

杜子美云：“钟鼎山林各天性。”天性之所欲，夫岂可强也哉！白乐天前有《读史诗》云：“马迁下蚕室，嵇康就囹圄。当彼戮辱时，奋飞无翅羽。商山有黄绮，颖（《历代诗话》本作“颖”）川有巢许。何不从之游，超然离网罟。”后又有《咏史诗》云：“秦磨利刀斩李斯，齐烧沸鼎烹郈其。可怜黄绮入商洛，闲卧白云歌紫芝。”二诗意绝相类，但未知乐天果能舍彼而就此不？世之人干没于名利之场，鲜不陷于祸难，乐天之论，真可书绅。

意在退处者，虽饥寒而不辞；意在进为者，虽沓贪而不顾：皆一曲之士也。高适尝云：“吾谋适可用，天路岂寥廓。不然买山田，一身与耕凿。”可仕则仕，可止则止，何常之有哉？适有《赠别李少府》云：“余亦惬所从，渔樵十二年。种瓜漆园里，凿井卢门边。”《赠韦参军》云：“布衣不得干明主，东过梁宋无寸土。免苑为农岁不登，鴈池垂钓心长苦。”其生理可谓窄矣。及宋州刺史张九皋奇其人，举有道科中第，调封丘尉，则曰：“此时也得辞渔樵，青袍里身荷圣朝。牛犁钓竿不复见，县人邑吏来相邀。”则是不堪渔樵之艰窘，而喜末官之微禄也。一不得志则舍之而去何耶？《封丘诗》云：“我本渔樵孟渚野，一生自是悠悠者。乍可狂歌草泽中，宁堪作吏风尘下。”其末句云：“乃知梅福徒为尔，转忆陶潜归去来。”则不堪作吏之卑辱，而复思孟渚之渔樵也。韩退之云：“居闲食不足，从仕力难任。”其此之谓乎！

元和中，讨蔡数不利，羣臣争请罢兵，钱徽、萧俛力请于前，逢吉、王涯力请于后，维裴度以一病在腹心，不时去且为大患。又自请以身督战，誓不与贼俱存。王建所谓“桐栢水西贼星落，泉雒夜飞林木恶。相国刻日波涛清，当朝自请东西征”是也。宪宗御通化门，临遣赐度通天御带，发神策骑三百为卫。王建诗所谓“同时赐马并赐衣，御楼看带弓刀发。马前猛士三百人，金书左右红旗新”是也。未几，李愬夜入县瓠城，缚吴元济，度遣马摠先入蔡。明日，统洄曲降卒万人，徐进抚定。则韩愈《平淮西碑》言之详矣。桃林夜捷，愈贺度诗云：“手把命珪兼相印，一时重迭赏元功。”度自蔡入觐，涂中重拜台司。愈作诗云：“鹄鹭欲归仙仗里，熊黑还入禁营中。”观度隼功如此，宪宗倘能终始用之，诸藩当股栗不暇，而敢桀（《历代诗话》本“桀”下有“鰲”字）乎？乃信用程异、皇甫镈之徒，乘衅镌诋，使度卒不能安于相位。故度尝有诗云：“有意效承平，无功答圣明。灰心缘忍事，霜鬓为论兵。道直身还在，恩深命转轻。盐梅非拟议，葵藿是平生。白日长悬照，苍

蝇慢发声。嵩阳旧田里，终使谢归耕。”观此则已无经世之意也。

李白《赠王历阳诗》云：“有身莫犯飞龙鳞，有手莫辨猛虎须。君看昔日汝南市，白头仙人隐玉壶。”则意在隐遁也。又《行路难》云：“有耳莫洗颍川水，有口莫食首阳蕨。含光混世贵无名，何用孤高比云月。”则意在进为也。达人大观，流行坎止，何常之有哉？

东坡以侍读为礼部尚书，时正得志之秋，而陈无己寄其诗，乃云：“经目（《历代诗话》本作“国”）向来须老手，有怀何必到壶头。遥知丹地开黄卷，解记清波没白鸥。”是劝其早休也。泊坡知定州，时事变矣，又为诗劝之曰：“功名不朽聊通袖，海道无违具一舟。”坡未能用其语，而已有南迁绝海之祸矣。所谓“海道无违具一舟”者，盖用坡所作《八声甘州》“约他年东还海道，愿谢公雅志莫相违”之意以动公，而不知二句皆成讖也。

乌重嗣（《历代诗话》本作“胤”）之节度河阳也，求贤者以为之属，乃得石洪处士为参谋。韩退之送之序，又为诗曰：“长把种树书，人云避世士。忽骑将军马，自号报恩子。”盖吏非吏，隐非隐，故于洪有讥焉。后有寄卢仝诗云：“水北山人得声名，去年去作幕下士。”其意与前诗同。昔人有“门一杜其可开”之语，宜乎韩子以洪与温造同科，而独尊卢仝也。

方干隐居鉴湖，任情于渔钓，似无心于仕宦者。观《山中言事诗》云“山阴钓叟无知己，窥镜捋多鬓欲空”，《别胡中丞》云“吹嘘若自毫端出，羽翼应从肉上生”等语，岂全能忘情者邪？罗隐题其诗云：“九霄无鹤版，双鬓老渔樵。”盖亦惜其隐遁之言尔。

王绩作《被召谢病诗》云：“横裁桑节杖，直剪竹皮巾。鹤警琴亭夜，莺啼酒瓮春。颜回惟乐道，原宪岂伤贫。”观此数语，又岂以招聘为喜乎？《独坐诗》云：“托身千载下，聊游万物初。欲令无作有，翻觉实成虚。”《咏怀诗》云：“故乡行处是，虚室坐间同。日落西山暮，方知天下空。”《赠薛收诗》云：“赖有此山僧，教我似（《历代诗话》本作“以”）真如。使我视听遗，自觉尘累祛。”则又知绩有得于佛氏者甚深也。

昔太公钓于渭水之滨，而李白以为钓位。所谓“广张三千六百钓，风雅时与文王亲”是也。严光钓于七里之濑，而滕白以为钓名。所谓“祇将溪畔一竿竹，钓却人间万古名”是也。是又乌足以语圣贤。

●卷十二

不立文字，见性成佛之宗，达磨西来方有之，陶渊明时未有也。观其自祭文，则曰：“陶子将辞逆旅之馆，永归于本宅。”其拟挽词，则曰：“有生必有死，早终非命促。”其作《饮酒诗》，则曰：“采（《历代诗话》本作“采”）菊东篱下，悠然见南山。此中有真意，欲辨已忘言。”其《形影神》三篇，皆寓意高远，盖第一达磨也。而老杜乃谓“渊明避俗翁，未必能达道”何耶？东坡论（《历代诗话》本作“谗”）陶子《自祭文》云：“出妙语于纆息之余，岂涉生死之流哉？”盖深知渊明者。

世称白乐天学佛，得佛光如满旨趣，观其“吾学空门不学仙，归则须归兜率天”之句，则岂解脱语邪！元微之诗虽不及乐天远甚，然其得处岂乐天所能及哉？其《遣病诗》云：“况我早师佛，屋宅此身形。舍彼复就此，去留何所萦。前身为过迹，来世即前程。蜕骨龙不死，蜕皮蝉自鸣。”则与贾谊“忽然为人，何足控抟，化为异物，又何足患”之语何远邪？孟郊未尝留意于此，而《吊元鲁山诗》有“苟含天地秀，皆是天地身”之句，亦可嘉矣。

杜牧之《郡斋独酌诗》云：“屈指千万世，过如霹雳忙。人生落其内，何者为彭殇？”非心地明了贯穿道、释者，不能道也。及观其自撰墓志，又忍死作别裴相之章，则知独酌之咏岂空言哉！

李白跌宕不羁，钟情于花酒风月则有矣，而肯自缚于枯禅，则知淡泊之味贤于啖炙远矣。白始学于白眉空，得“大地了镜彻，回旋寄轮风”之旨，中谒太山君，得“冥机发天光，独照谢世氛”之旨；晚见道崖，则此心豁然，更无疑滞矣。所谓“后开七窗牖，托宿掣电形”是也。后又有谈玄之作云：“茫茫大梦中，唯我得先觉。腾转风火来，假合作容貌。明（《历代诗话》本作“问”）语前后际，始知金仙妙。”则所得于佛氏者益远矣。

许浑《送栖元弃释奉道诗》云：“仙骨本微灵鹤远，法心潜动毒龙惊。”《送勤尊师自边将入道诗》云：“苍鹰出塞胡尘灭，白鹤还乡楚水深。”《送李生弃官入道诗》云：“水深鱼避钓，云迥鹤辞笼。”皆奖之也。至《送僧南归诗》，则云：“怜师不得随师去，已戴儒冠事素王。”岂浑亦有逃儒之意邪？

钱起《投南山佛寺》云：“洗足解尘缨，忽觉天形宽。庶将镜中像，尽作无生观。”盖知百骸九窍，本非天形。至《悟真寺诗》云：“更闻东林磬，可听不可说。兴中寻觉花，寂尔诸象灭。”盖知妙明真心，不关诸象，起于是理，亦可谓超然者矣。

苏子由病酒，肺疾发，东坡告之以修养之道，有曰：“寸田可治生，谁劝耕黄糲。”

探怀得真药，不待君臣佐。初如雪花积，渐作樱珠大。隔墙闻三咽，隐隐如转磨。
”此炼气法也。后至海上，有道人传以神守气之诀云：“但向起时作，还从作处收。”故《天庆观乳泉赋》及《养生论》《龙虎铅汞论》皆析理入微，则知东坡于养生之道深矣。

子由诵《楞严经》，悟一解六亡之义，自言于此道更无疑。然其作《风痹诗》，乃有“数尽吾则行，未应堕冥漠”之句，则于理尚有碍也。而东坡乃谓子由闻道先我何耶？东坡《奉新别子由诗》云：“何以解我忧，粗了一事大。”《哭遯儿诗》云：“中年忝闻道，梦幻讲已详。”故《赠钱道人诗》云：“首断故应无断者，冰消那复有冰知。主人苦苦令依认，认主人人竟是谁！”又云：“有主还须更有宾，不知无镜自无尘。只从半夜安心后，失却当年觉痛人。”《赠东林揔老诗》云：“溪声便是广长舌，山色岂非清净身。夜来四万八千偈，他日如何举似人。”如此等句，虽宿禅老衲，不能屈也。

柳展如，东坡甥也。不问道于东坡而问道于山谷，山谷作八诗赠之，其间有“寝兴与时俱，由我屈伸肘。饭羹自知味，如此是道否”之句，是告之以佛理也；其曰“咸池浴日月，深宅养灵根。胷中浩然气，一家同化元。”是告之以道教也；“圣学鲁东家，恭惟同出自。乘流去本远，遂有作书肆。”是告之以儒道也。

欧阳永叔素不信释氏之说，如《酬净照师》云“佛说吾不学，劳师忽款关。我方仁义急，君且水云闲”；《酬惟悟师》云“子何独吾慕，自忘夷其身。韩子亦尝谓，收敛加冠巾”是也。既登二府，一日被病亟，梦至一所，见十人端冕环坐，一人云：“参政安得至此，宜速反舍。”公出门数步，复往问之，曰：“公等岂非释氏所谓十王者乎？”曰：“然。”因问：“世人饭僧造经，为亡人追福，果有益乎？”答云：“安得无益。”既寤，病良已。自是遂信佛法。文康公得之于陈去非，去非得之于公之孙恕，当不妄。叶少蕴守汝阴，谒见永叔之子棐，久之不出。已而棐持数珠出，谢曰：“今日适与家人共为佛事。”叶问其所以，棐曰：“先公无恙时，薛夫人已如此，公弗之禁也。”

欧公常为《感事诗》曰：“仙境不可到，谁知仙有无。或乘九斑虬，或驾五云车。往来几万里，谁复遇诸涂（《历代诗话》本作“途”）。 ”又为《仙草诗》曰：“世说有仙草，得之能隐身。仙书已恠妄，此事况无文。”则凡神仙之说，皆在所麾也。而《赠石唐山人诗》，乃云“我昔曾为雒（《历代诗话》本作“洛”）阳客，偶向岩前坐盘石。四字丹书万仞崖，神清之洞锁楼台。云深路绝无人到，鸾鹤今应待我来”何耶？蔡约之云：“公守亳社日，有许昌龄者，得神仙之术，来游太清宫，公要（《历代诗话》本作“邀”）致州舍与语，豁然有悟。一日，公问道，许告以公屋宅已坏，难复语此，但明了前境，犹庶几焉。”所谓《石唐山人诗》，乃公临终寄许之作也。

余曾祖通议，杨真榜登科，未四十致政，享年八十七。居江阴军青阳之上湖，自号草堂逸老。参佛日契嵩，遂悟真谛。尝与嵩诗云：“山禽啼晓四时别，林藪战秋千里空。”又云：“我悟傥来空世界，师知休去忘形骸。”又《与智能上人诗》云：“色空了了空还执，体相如如相即非。”则知所得深矣。又读《道藏》一过，故见于篇咏者，多真仙语。如：“仙茎屡陨三危露，真馆常开四照花。鹊炷（《历代诗话》本作“渚”）晓烟飞玉洞，琅池秋水接星槎。”又云：“炼成真气发双华，还向囊中秘玉霞。呪（《历代诗话》本作“咒”）水夜潭龙怖剑，弄云秋岭鹤看家。”皆佳句也。有注《证道歌方外言诠》行于世。《上湖集》二十卷、《弋阳酬倡》三卷、《隐居唱和》十卷藏于家。

王勃《示知己诗》云：“客书同十奏，臣剑已三奔。”则不为无意于功名者；《梦游仙诗》云：“乘月披金枝，连星解琼佩。”则不为无意于神仙者；是以登葛愷（《历代诗话》本缺“愷”字，点校者据《类编》本补“幘”字）山而思武侯之功，宿仙居观而思霓衣之侣也。又观《述怀拟古诗》云：“仆生二十祀，有志十数年。下策图富贵，上策怀神仙。”而二志竟不遂，可胜叹哉！

汉武好大喜功，黷武嗜杀，而乃斋戒求仙，毕生不倦，亦可谓痴绝矣。李颀《王母歌》云：“武皇斋戒承华殿，端拱须臾王母见。手指元梨使帝食，可以长生临宇县。”又云：“若能炼魄去三尸，后当见我天皇所。”观武帝所为，是能炼魄去三尸者乎？善哉东坡之论也，“安期与羡门，乘龙安在哉！茂陵秋风客，劝尔麾一杯。帝乡不可期，楚些招归来。”言武帝非得仙之姿也。又有《安期生诗》云：“尝干重瞳子，不见龙準翁。茂陵秋风客，望祀犹蚁蜂。海上如瓜枣，可闻不可逢。”言安期尚不见高祖，而肯见武帝乎？其薄武帝甚矣。吴筠《览古诗》云：“尝稽真仙道，清寂祛众烦（《历代诗话》本作“清淑秘众烦”）。秦皇及汉武，焉得游其藩。既欲先宇宙，仍规后乾坤。崇高与久远，物莫能两存。矧乃恣所欲，荒淫伐灵根。安期反蓬莱，王母还昆仑。”此诗殆与东坡之旨合。

远师作白莲社，与谢灵运、陆修静等十八人为社客，独陶渊明不肯入社，视众人固已高矣。无为子杨次公又从而笑之，其作《庐山五笑》，于陶有曰：“我笑陶彭泽，闻钟暗皱眉。篮舆息回去，已是出山迟。”视彭泽又高一着矣。

佛氏经律论，合五千四十八卷，真之大藏，所以传佛心印，作将来眼，所补大矣。乐天诗词，其间何所不有，而真大藏何耶？东都圣善寺、苏州南禅院各有之，且自着集序。李公垂作诗美之曰：“永添鸿宝集，莫杂小乘经。”所谓盗憎主人者耶？又观《题文集柜》（《历代诗话》本脱作“柜”字）云：“身是邓伯道，世无王仲宣。只应分付女，留与外孙传。”于身后名亦太孜孜矣。

自左元放蝉蜕之后，金丹九转之妙不闻。葛玄之弟子郑隐得其诀，玄之从孙讳洪，乃加赤袒肘伏之礼而师之，于是秘诀再传。按《九域志》，葛洪炼丹之处，在天下

者十有三，湖州乌程县葛山者，其一也。山之上，丹灶尚存。人传风雨之夕，有火（《历代诗话》本作“大”）球吞吐岩谷间，其徒以为丹光，亦异矣。山之麓有普照观，主者浩然，颇有道业，余尝赠之四绝句云：“餐霞吸溜炯方瞳，时着青裙拜木公。玉女投壶天为笑，却来绣岭伴仙翁。”“丹成谁羡伯阳仙，白犬腾空恐浪传。未似尊师得丹诀，火球吞吐葛山前。”“灵桃入手亦艰勤，正一门中近策勋。未说赵升王长在，鹄鸣衣钵已输君。”“旧得《阴符》虎口岩：《素书》添轴玉函缄。君方濡笔书灵篆，已有飞来青鸟衔。”山之下号菁村，盖仙翁手蒔黄精，取以寿其邻（《历代诗话》本作“邻”，同）里者，故以名云。

大观中，吴兴郡有邵宗益者，剖蚌将食，中有珠玑罗汉像，偏袒右肩，矫首左顾，衣纹毕具。僧俗创见，遂奉以归慈感寺。寺临溪流。建炎间，宪使杨应诚与客传玩之次，不觉越槛跃入水中，亟祷佛求之，于烟波渺茫之中，一索而获。噫，亦异矣！叶少蕴有诗云：“九渊幽恠舞垂涎，游戏那知我独尊。应迹不辞从异类，藏身何意恋穷源。归来自说龙宫化，久住方惊鹫岭存。此话须逢老摩诘，圆通无碍本无门。”曾公衮云：“不知一壳几由旬，能纳须弥不动尊。疑是吴兴清霅水，直通方广古灵源。月沉浊水圆明在，莲出污泥实性存。隐现去来初一致，莫将虚幻点空门。”一时名公和篇甚众，今藏慈感寺。

有唐中叶，浮图中有四澄观，架支提以舍僧伽者，洛中之澄观也。故退之元和五年为洛阳令，与之诗云：“火烧水转扫地空，突兀便高三百尺。洛阳穷秋厌穷独，丁丁啄门疑啄木。有僧来访呼使前，伏犀插脑高颊颧”者也。参无名大师，为《华严疏》主译经润文者，会稽之澄观也。故裴休为其塔铭云：“元和五年，授僧统印，历九宗圣世，为七帝门师，俗寿一百二者也。”《传灯录》有镇国大师澄观《答皇太子问心要》，有“心心作佛，无一心而非佛心；处处成道，无一尘而非佛国”之句。所造超诣，岂若前二澄观，布金植福，算沙穷海者之比哉！又有曹溪（《历代诗话》本作“溪”）别出第二世五台山华严澄观大师，既有“华严”二字，又有无名禅师法嗣之言，似即会稽之澄观，然续（《历代诗话》本作“录”）云无机缘语句可录，则又非也。

白日升天之说，上古无有也，老子为道家之祖，未尝言飞升。后之学道者，稍知清虚寡欲，则好事者，必以白日上升归之，见于仙记者，抑可多耶？如淮南王安，汉史以为自杀，而《神仙传》以为白日升，有鸡鸣天上，犬吠云中之语，其妄乃尔。韩退之集载谢自然诗曰：“须臾自轻举，飘若风中烟。”人多以为上升，而不知自然为魅所着也。故其末云：“噫乎彼寒女，永托异物群。”鲍溶《寄阳炼师诗》云：“道士夜诵《蕊珠经》，白鹤下绕香烟听。夜移经尽人上鹤，仙风吹入秋冥冥。”虽一时褒拂炼师之言，然亦岂儒者所当道哉？曾南丰称溶诗清约谨严，违理者少，观此诗于理似未醇也（《历代诗话》本无“也”字）。

唐张炼师不知何人，观唐人赠其诗，若有讥诮。钱起云：“仙侣披云集，霞杯达晓

倾。同欢不可再，朝夕赤龙迎。”刘禹锡云：“金缕机中抛锦字，玉清台上着霓衣。云衢不要吹箫伴，只拟乘鸾独自飞。”其华山女之流乎？

《金光明经》载，流水长者子以像负水救十千鱼，生忉（《历代诗话》本作“叨”）利天，可谓悲济之极，报验之速矣。厥后见于记传，有放[虫麻]得金，放龟得印者，其类甚多，遂使上机生无缘之慈，下士冀有因之果，皆流水长者（“者”字原无，据《历代诗话》本补）子之慈意也。余居泛金溪上，暇日率同志拏小舟，载鱼鳖虾蟹，命五比丘诵宝胜佛名，若十二因缘法，作梵呗，舍之溪中。坐间有请作诗以纪一时之事者，余辄为书云：“渔师竟日渔，水族作斤卖。小捐使鬼兄，满载获鳞介。鯢鲸未易罗，所得亦殊态。青蛙尽公私，朱鲔兼小大。霜鲈尚贯针（《历代诗话》本作“钩”），土负或黏块。轮困（《历代诗话》本作“困”）积文螺，郭索走苍蟹。湿沫相响（《历代诗话》本作“响”）濡，自分煮姜芥。岂知恻隐人，规作江湖贷。因呼小青翰，放溜（《历代诗话》本作“收留”）舞澎湃。趺坐延黑衣，号佛指清濑。经翻（《历代诗话》本作“飞”）流水篇，梵起鱼山呗。倾盆带寒藻，圉圉看于迈。惊疑或依蒲，喜跃或生喝。快若鹰辞（《历代诗话》本作“避”）韝，欢如囚破械。定非校人池，恐是余不派。愿汝藉佛力，永脱钩网债。口腹聊尔耳，香饵莫渠（《历代诗话》本作“巨”）爱。”

●卷十三

杜甫诗云：“万古仇池穴，潜通小有天。”则仇池者必真仙所舍之地。东坡在颍州，梦至一官府，顾视堂上，榜曰仇池。自后作诗，往往自称仇池。如“记取和诗三益友，他年弭节过仇池。”按《唐书志》，成州同谷县有仇池，与秦州接壤，故老杜《秦州杂诗》尝曰：“藏书闻禹穴，读记忆仇池。”《送韦十六赴同谷郡》尝曰：“受词太白脚，走马仇池头”是已。欧阳仲醇父语人曰：“尝梦上帝命我为长白山主，此何祥也？”明年，仲醇父亡。故东坡有诗云：“死为长白主，名字书绛阙。”《松漠纪闻》云：“长白山在冷山东南，白衣观音所居，其山禽兽皆白，人或秽其间，则致蛇虺之害。”则知福地何处无之。白乐天之蓬莱山，王平甫之灵芝宫，欧阳永叔之神清洞，皆有诗章以纪其异，其亦仇池、长白之类欤（《历代诗话》本作“与”）？

王仲致尝奉使过仇池，有九十九泉，万山环之，可以避世如桃源。而老杜《仇池诗》乃谓“近接西南境，长怀十九泉”何耶？

《史记蒙恬传》：“秦并天下，使恬将三十万众，北逐夷狄，筑长城，延袤万余里。”酈道元《水经注》亦云：“蒙恬筑长城，起首临洮，至于碣石，东暨辽海，西并阴山，凡万余里。”而魏陈琳作《饮马长城窟行》乃云：“长城何连连，连连三千里。”王翰《古长城吟》“富国强兵二十年，敛怨兴徭九千里。”何耶？

汝人多苦瘿，故欧公《汝瘿诗》云：“伧妇垂瓮（《历代诗话》本作“瓮”）盎，娇婴包卵毳。无由辨肩颈，有类龟缩壳。”梅圣俞诗云：“或如鸡精（《历代诗话》本作“嗉”）满，或若猿（《历代诗话》本作“蜎”）噉并。女惭高掩襟，男大（《历代诗话》本作“衣”）阔裁领。”东坡《量移汝州诗》云：“阔领先裁盖瘿衣。”又云：“汝阳瓮盎吾何耻。”鲁直《汝州叶县诗》亦云：“瘿民见我亦悠悠。”余尝侍先人知汝州，见州治诸井，皆以夹锡钱镇之，每井率数十千。问其故，一老兵曰：“此邦饶风沙，沙入井中，人饮之则成瘿，夹锡钱所以制沙土也。”因思无锡惠山泉，清甘甲于二浙者，以有锡也。则老兵之言不妄矣。

曹操入荆州，孙权遣周瑜与刘备并力逆曹公，遇于赤壁，曹公军马烧溺死者甚众，军遂大败。盖谓鄂州蒲圻县赤壁也。黄州亦有赤壁，但非周瑜所战之地，东坡尝作赋曰：“西望夏口，东望武昌，非孟德之困于周郎者乎？”盖亦疑之矣。故作长短句云：“人道是三国周郎赤壁。”谓之人道，是则心知其非矣。韩子苍知黄州日，闻贼起旁郡，有诗云：“齐安城畔山危立，赤壁矶头水倒流。此地能令阿瞒走，小偷何敢下芦洲！”遂直以齐安赤壁为周瑜所战之地，岂非因东坡之语邪？

俗言“腰缠十万贯，骑鹤上扬州”，言扬州天下之乐国。如韦应物诗云“雄藩镇楚郊，地势郁岵岵。严城动寒角，晓骑踏霜桥”，杜牧诗（《历代诗话》本脱“诗”

字)云“秋风放萤苑，春草鬪（《历代诗话》本作“斗”）鸡台”，“二十四桥明月夜，玉人何处教吹箫”等句，犹未足以尽扬州之美。至张祜诗云：“十里长街市井连，月明桥上看神仙。人生只合扬州死，禅智山光好墓田。”则是恋繆此境，生死以之者也。隋炀帝不顾天下之重，千乘万骑，锦缆牙樯，来游此都，竟藏骨于雷塘之下，其（《历代诗话》本作“真”）所谓“禅智山光好墓田”者耶！

钱塘风物湖山之美，自古诗人，標榜（《历代诗话》本作“标榜”，同）为多，如谢灵运云“定山緬云雾，赤亭无淹（《历代诗话》本作“滞”）薄”，郑谷云“潮来无别浦，木落见他山”，张祜云“青壁远光凌鸟峻，碧湖深影鉴人寒”，钱起云“渔浦浪花摇素壁，西陵木（《历代诗话》本作“树”）色入秋窻”之类，皆钱塘城外江湖之景，盖行人宕（《历代诗话》本作“客”）子于解鞍系缆顷刻所见尔。城中之景，惟白乐天所赋最多，所谓“潮声夜入伍员庙，柳色春藏苏小家”，“大屋檐多装鴈齿，小航船亦画龙头”，“灯火万家城四畔，星河一道水中央”，至今尚有可考。

荆州者，上流之重镇，诗人赋咏多矣。韩退之云：“穷冬或摇扇，盛夏或重裘。”言气候之不正。刘梦得云：“渚宫杨柳暗，麦城朝雉飞。”言城郭之荒凉。张说云：“旃裘吴地尽，髻荐楚言多。”言蛮夷之与邻。张九龄云：“枕席夷三峡，关梁豁五湖。”言道路之四达。若其邑屋之繁富，山川之秀美，则罕有言之者。盖自秦并楚之后，宫室尽为禾黍，未易兴复，而况秦楚之后，代代为百战争夺之场邪！故东坡《渚宫》诗备言楚王宫室之盛，而继之以“秦兵西来取锺簏，故宫禾黍秋离离。千年壮观不可复，今之存者盖已卑。池空野迥（《历代诗话》本作“迥”）楼阁小，惟有深竹藏狐狸”之句。

涟水军有真君泉，在军治园中。东坡尝题字于石栏，又作长短句，所谓“勸（《历代诗话》本作“倦”）客尘埃何处洗，真君堂下寒泉水”是也。又有蓝家井亦佳绝。二水清甘无比，尝以惠山泉比试，而惠泉翻不及。余随侍文康公侨寄此军二年，每日烹茶，更用二水，遂摈惠泉不用。信知陆鸿渐《茶经》，张又新《水记》皆虚语尔（《历代诗话》本作“耳”）。山谷《省城烹茶诗》云：“合门井不落第二，竟陵谷帘定误书。”亦谓此也。欧公《再至汝阴诗》云：“水味甘于大明井。”则知天下甘泉不为陆、张所录者，何可胜数哉？

白乐天《九江春望诗》云：“垆烟岂异终南色，湓（《历代诗话》本作“盆”）草宁殊渭北春。”盖不忘蔡渡旧居也。老杜《偶题》云：“故山迷白阁，秋水忆黄陂。”盖不忘秦中旧居也。东坡《横翠阁诗》云：“已见西湖怀濯锦，更看横翠忆峨眉。”殆亦此意。

苏东坡兄弟，以仕宦久，不得归蜀，怀归之心，屡见于篇咏。东坡《金山诗》云：“江山如此不归山，江神现（《历代诗话》本作“见”）怪惊我顽。我谢江神岂得

已，有田不归如江水。”《送程六表弟诗》云：“凭君寄谢江东叟，念我空见长安日。浮江泝蜀有成言，江水在此我不食。”子由《汝南迁居诗》云：“病暑暑已退，思归未成归。”《初得南园》云：“千里故园魂梦里，百年生事寂寥中。”及子由颍滨买宅，坡又和其诗云：“剑关大道车方轨，君自不归归何难。山中故人应大笑，筑室种柳何时还。”则二苏未尝一日不怀归也。嘉佑丙申岁，老苏在京师，乃有厌蜀之意。尝有意嵩山之下，洛水之上，买地筑室而居。故为诗曰：“岷山之阳土如腴，江水清滑（《历代诗话》本作“清”）多鲤鱼。古人居之富者众，我独厌倦思移居。”是时乡人陈景回自蜀居蔡，故以是诗告之。则是二苏欲归蜀，而老苏欲出蜀也。厥后老苏葬于蜀，而治命指其墓旁庚壬地为二子之藏，而二子终不得归焉，信知人事不可期也。又欧阳永叔居官之日多，然志未尝一日不在颍也。《下直诗》云：“终当自驾柴车去，独结茆（《历代诗话》本作“茅”）庐颍水西。”《斋宫偶书》云：“谁为寄声清颖客，此生终不负渔竿。”《呈同行三公》云：“买地淮山北，垂竿颍水东。”《秋怀诗》云：“鹿车终自驾，归去颍东田。”《送职方》云：“三年解组来归日，吾已先耕颍水头。”《书怀》云：“颍水多年已结庐，白首归来一鹿车。”《表海亭》云：“颍田二顷春芜没，安得柴车自驾还。”《青州书事》云：“君恩天地不违物，归去行歌颍水傍。”《谢石枕（《历代诗话》本作“扞穴”）薪（宋本作“竹”头）簟诗》云：“终当卷簟携枕（《历代诗话》本作“归”）去，筑室买田清颖尾。”《清明日诗》云：“有田清颖间，尚可事桑麻。安得一黄犍，幅巾驾柴车。”《送祖择之》云：“待君归（《历代诗话》本作“今”）日我何为，手把鉏犁汝阴叟。”《归田乐》云：“吾（《历代诗话》本作“我”）已买田清颖上，更欲临流作钓矶。”观其思归之言，重复如是，岂怀禄固位者哉？老杜云：“非无江海志，潇洒送日月。生逢尧舜君，不忍便永诀。”此永叔志也。

晋孝武初奉佛法，立精舍于殿内，引沙门居之，故今人皆以佛寺为精舍。殊不知精舍者，乃儒者教授生徒之处。《后汉》包咸、檀敷、刘淑传，皆有立精舍教授生徒之文。谢灵运《石壁精舍诗》曰：“披拂趋南径，愉悦偃东扉。”皆灵运所居之境，非佛寺也。故李善注云：“精舍者，今读书斋是也。”叶少蕴所居号石林精舍，盖用此义。

白乐天所至处必筑居，在渭上有蔡渡之居，在江州有草堂之居，在长安有新昌之居，在洛中有履道之居，皆有诗以纪胜。故其自谓云：“予（《历代诗话》本作“余”）自幼迨老，若白屋，若朱门，凡所止虽一日二日，辄覆簣土为台，聚拳石为山，环斗水为池。”所谓君子之居，一日必葺者耶？

梅圣俞《寄题欧公醉翁亭诗》云：“日暮使君归，野老纷纷至。但留山鸟啼，与伴松间吹。借问结庐何，使君游息地；借问醉者何，使君闲适意；借问镌者何，使君自为记。”全体欧公《醉翁亭记》而作。余谓滁之山水，得欧文而愈光；欧公之文，得梅拟而愈重。

晋谢安居金陵之冶城。洎废，李太白尝营园其上，赋诗云：“冶城访古迹，犹有谢安墩。梧桐识佳木，蕙草留芳根。”后为王荆公之居，公为诗曰：“我名公字偶相同，我屋公墩在眼中。公去我来墩属我，不应墩姓尚随公。”至于叙其所居草木，则又有诗云：“千枝（《历代诗话》本作“枚”）孙峰阳，万本母《淇奥》。满门陶令株，弥岸韩侯藪。跳鳞出重锦，舞羽堕软玉。”此等句抑可以想象其林峦之盛，今复为瓦砾之场矣，可胜叹哉！

韩文公宦游四方，险阻艰难，莫甚于登华山泛洞庭之时。《荅张彻诗》云：“洛邑得休告，华山穷绝陉。倚岩睨海浪，引袖拂天星。磴藓澹拳局（《历代诗话》本作“局”），梯飙飏伶俜。”《赠张十一诗》云：“苍茫洞庭岸，与子维双舟。雾雨晦争泄，波涛怒相投。鸡犬断四听，粮绝谁与谋。”观此尚可寒心也。

韦应物《听嘉陵江声》云：“水性白云静，石中本无声。如何两相激，雷转空山鸣。”《赠李儋》云：“丝桐本异质，音响合自然。吾观造化意，二物相因缘。”二诗意颇相类，然应物未晓所谓非因非缘，亦非自然者。

皇佑三年，荆公倅舒，与道人文锐、弟安国拥火游石牛洞，翫李习之题字，听泉而归。故有诗曰：“水泠泠而北出，山靡靡而旁围。欲穷源而不得，竟怅望而空归。”元丰间，鲁直尝至其处，亦题诗云：“司命无心播物，祖师有记传衣。白云横而不度，高鸟倦而犹飞。”盖徇（《历代诗话》本作“效”）其作也。晁无咎《续楚词》载荆公词，以为二十四言具六艺群言之遗味，故与经学典策之文俱传，未晓其说也。

烟霞泉石，隐遁者得之，宦游而癖此者鲜矣。谢灵运为永嘉，谢玄晖为宣城，境中佳处，双旌五马，游历殆遍，诗章吟咏甚多，然终不若隐遁者藜杖芒鞋之为适也。玄晖《敬亭山诗》云：“我行虽纡组，兼得寻幽蹊。”《板桥诗》云：“既欢怀禄情，复叶沧洲趣。”自谓两得之者。其后又有《鼓吹登山》之曲。且松下喝道，李商隐犹谓之杀风景，而况于鼓吹乎？韦应物、欧阳永叔皆作滁州太守，应物《游琅琊山》则曰：“鸣驺响幽涧，前旌耀崇冈。”永叔则不然，《游石子涧诗》云：“麋麇鱼鸟莫惊怪，太守不将车骑来。”又云：“使君厌骑从，车马留山前。行歌招野叟，共步青林间。”游山当如是也。

虞巡之事远矣，后世莫能知其详也。若周穆王者，劳民费财，从事于八荒之远，岂人君之美事乎？颜延年《应诏观北湖诗》乃云：“周御穷辙迹，夏载历山川。蓄轸岂明懋，善游皆圣仙。”《侍游曲阿诗》又云：“虞风载帝狩，夏谚颂王游。春方动宸驾，望幸倾五州。”是开人君游豫流亡之心，非所谓告以善道者也。

扈从明皇南出雀鼠谷，张说作诗，和章甚众，皆不若王丘趾作为工。如“花萼前茅仗，霜严后殿戈。戍云开晋岭，江鴈入汾河。北土分尧俗，南风动舜歌”之句，未

有及之者。唐朝推燕、许，而王丘不以诗名，观燕、许之作，惭于丘多矣。至王光庭言（《历代诗话》本作“云”）：“寒随汾谷尽，春逐晋郊来。”而赵冬曦复云：“寒依汾谷去，春入晋郊来。”更相剽窃如此，又不足论也。

徐凝《瀑布诗》云：“千古犹疑白练飞，一条界破青山色。”或谓乐天有赛不得之语，独未见李白诗耳。李白《望庐山瀑布诗》云：“飞流直下三千尺，疑是银河落九天。”故东坡云：“帝遣银河一派垂，古来唯有谪仙词。”以余观之，银河一派，犹涉比类，未若白前篇云：“海风吹不断，江月照还空。”凿空道出，为可喜也。

张又新品天下甘泉，以常州惠山泉为第二。东坡谓“闲（《历代诗话》本作“独”）携天上小团月，来试人间第二泉”是也。荆门军亦有惠泉，李德裕有诗题于泉上云：“兹泉田（《历代诗话》本作“由”）太洁，终不蓄纤鳞。到底清何益，涵虚祗自贫。”至今碑版存焉。小说载德裕在中书，置水递以取惠山泉，一僧指吴天观井，谓与惠山水脉相通，辨之味同，遂停水递。其好水殆成癖矣。荆门惠泉，本名蒙泉，沈传师有“蒙泉聊息驾，可以洗君心”之句。而德裕乃直名曰惠泉，岂非思惠山泉不可得，求其似者而强名之欤（《历代诗话》本作“与”）？然德裕尝令所亲取扬子江中零（《历代诗话》本作“泠”）水，其人醉忘，乃汲石城水以给之，德裕能辨其非是。审尔，其可以蒙泉为惠泉而自欺乎？

元次山结屋浯溪之上，有三吾焉：因水而吾之，则曰浯溪；因屋而吾之，则曰[广吾]（《历代诗话》本作“吾”）亭；因石而吾之，则曰[山吾]臺；盖取我（《历代诗话》本作“吾”）所独有之义。故自为铭曰：“命之曰吾，旌（《历代诗话》本作“莅”）吾独有。”噫，次山何其不达之甚邪？且身非我有，是天地之委形；生非我有，是天地之委蜕和；性命非我有，是天地之委顺；孙子非我有，是天地之委蜕。而次山乃区区然认山川丛薄之微，惑其灵臺，认为我有，抑可哀也已！庄子曰：“独往独来，是谓独有。独有之人，是谓至贵。”次山傥知此乎？司马温公有园名独乐。尝为记云：“叟之所乐者，寂寞固陋，皆众所鄙笑，虽推以予人，人且不取，安得强之乎！必也有人肯同此乐，则再拜而献之，岂能专哉。”故东坡为赋诗云：“虽云与众乐，中有独乐者，才全德不形，所贵知我寡。”惟温公独有之道，蕴于胷中，故东坡独乐之章形于笔下，与次山所见，殆天壤矣。

空同山，汝州岷州皆有之，老杜《送高适书记赴武威诗》云：“空同小麦熟，且愿休王师。”又以诗寄之云：“主将收才子，空同足凯歌。”皆谓岷州之空同也。杜乃用之于武威之诗何哉？盖武威，唐为凉州都督府，与岷州俱隶陇右道，则送适诗虽及之无伤也。《庄子》载黄帝见广成子于空同之上，《史记》亦载黄帝西至于空同。成玄英疏《庄子》，谓在京西北界，则是以为汝州之空同。韦昭注《史记》，乃谓在陇右，则是以为岷州之空同，将孰信耶？余谓庄生述黄帝问道，又言游襄城，登具茨，访大隗，其地皆与汝州接，则是汝州空同无疑矣。余尝至汝，登兹山而

访遗迹，有所谓广成泽者，有所谓广成城者，有所谓广成庙者。宣和间，太守林时敷尝以是奏请建道观，诏从之。其考之详矣。《寰宇记》又载涇州保定县有笄头山，一名空同山，亦以为黄帝问道之地，益无的据。而卢正援《尔雅》之说，谓北戴斗极为空同，其地远，华夏之君所不到，此又荒忽恠诞之言也。

●卷十四

本朝书，米元章、蔡君谟为冠，余子莫及。君谟始学周越书，其变体出于颜平原。元章始学罗逊濮王诤（《历代诗话》本“诤”后有“让”字，且“濮王”作大体字）书，其变体出于王子敬。君谟泉州桥柱题记，绝逼（《历代诗话》本作“过”）平原；元章镇江焦山方丈六版壁所书，与子敬行笔绝相类，艺至于此，亦难矣。东坡《赠六观老人诗》云：“草书非学聊自误（《历代诗话》本作“悟”，疑当作“娱”），落笔已唤周越奴。”则越之书米（《历代诗话》本作“未”，是也）甚高也。《襄阳学记》乃罗逊书，元章亦襄阳人，姑（《历代诗话》本作“始”）效其作。至于笔挽万钧，沈着痛快处，逊法岂能尽耶？

东坡诗云：“元章作书日千纸，平生自苦谁与美。画地为饼未必似，要令痴儿出馋水。”如此等句，似非知元章书者。晚年尺牍中语乃不然，所谓岭海八年，念吾（《历代诗话》本作“我”）元章，迈往凌云之气，清雄绝俗之文，超迈入神之字，何时见之，以洗瘴毒。又云：“恨二十年相从，知元章不尽。”所谓“画地为饼未必似”者，其知元章不尽者欤（《历代诗话》本作“与”）？

王摩诘自谓：“宿世谬词客，前身真（《历代诗话》本作“应”）画师。”故窦蒙所著《画拾遗》称之云：“诗合《国风》公干之能，画关山水子华之圣。加以心融物外，道契玄微，则其用笔清润秀整，岂它（《历代诗话》本作“他”）人之可并哉？”余在毗陵，见孙润夫家有王维画孟浩然像，绢素败烂，丹青已渝。维题其上云：“维尝见孟公吟曰：‘日暮马行疾，城荒人住稀。’又吟云：‘挂席数千里，名山都未逢。泊舟浔阳郭，始见香炉峯。’余因美其风调，至所舍图于素轴。”又有太子文学陆羽鸿渐序云：“昔周王得骏马，山谷之人献神马八匹；叶公好假龙，庭下见真龙一头；颜太师好异典，郭山人閤赠金匱文；李洪曹好古篆，莫居士训（《历代诗话》本作“赠”）玉箸字。此四者，得非气合不召而至焉。中园生旧任杞王府户曹，任广州司马。金陵崔中字子向，家有古今图画一百余轴，其石上蕃僧、岩中二隐、西方无量寿佛，天下第一。余有王右丞画《襄阳孟公马上吟诗图》并其记，此亦谓之一绝。故赠焉，以裨中园生画府之阙。唐贞元年正月二十有一日志之。”后有本朝张洎题识云：“癸未岁，余为尚书郎，在京师，客有好事者，浚仪桥逆旅，见王右丞《襄阳图》，寻访之，已为人取去。它（《历代诗话》本作“他”）日，有吴僧楚南挈图而至。问其所来，即浚仪桥之本也。虽缣轴尘古，尚可窥览。观右丞笔迹，穷极神妙。襄阳之状，颀而长，峭而瘦，衣白袍，靴帽重戴，乘款段马，一童揔角，提书笈负琴而从，风仪落落，凜然如生。复观陆文学题记，词翰奇绝。金匱文，前史遗事。中园生，彼何人斯？近孟君当开元天宝之际，诗名籍甚，一游长安，右丞倾盖延誉。或云，右丞见其胜己，不能荐于天子，因坎坷而终。故襄阳别右丞诗云：‘当路谁相假，知音世所希。’乃其事也。余顷在金城，亦曾见一图，盖传写之本。所题诗后有‘水落鱼梁浅，天寒梦泽深’之句，今真本即无，故事存焉，以遗来者。孟冬十有一日南谯张洎题。”润夫谓此画是维亲笔无疑，

余谓曰：此俗工榻（《历代诗话》本作“搨”）本也。张洎谓襄阳之状颀而长，峭而瘦，今所绘乃一矮肥俗子尔。徐观其题识三篇，字皆一体，鲁鱼之误尤多，信非维笔。润夫然之，因以题识书于此。

韩干画马，妙绝一时，杜子美尝赞之云：“韩干画马，毫端有神，骅骝老大，腰褭清新。”此画与赞，旧藏李后主家。其后李伯时得之，则马四足已败烂。伯时题之云：“此马虽无追风奔电之足，然甚有生气。”因自作四足以补之，遂为伯时家画谱中第一。一日，出以示王公明之祖，祖甚爱之。时祖有商鼎，亦甚珍惜。王曰：“如能以韩画相易，不敢靳也。”于是赠商鼎而得其画，今见藏公明家。余婿沈子直尝见，极爱之，为余言此。余因作六字四言云：“刖足俄然尊（《历代诗话》本作“增”）足，蹶蹄那害全蹄。还解追风奔电，不妨一跃檀溪。”后见张文潜集有《萧朝散韩干马图亡后足诗》，殆与此相类。岂干之画马，尤妙于足，天工勅六丁雷电下取将耶！

张长史以醉故，草书入神，老杜所谓“杨公拂箠笥，舒卷忘寝食。念昔挥毫端，不独观酒德”是也。许道宁以醉故，画入神，山谷所谓“往逢醉许在长安，蛮溪大砚摩松烟”、“醉拈枯笔墨淋漓，势若山崩不停手”是也。大抵书画贵胷中无滞，小有所拘，则所谓神气者逝矣。锺、王、顾、陆不假之酒而能神者，上机之士也。如张、许辈非酒安能神哉！

秘省古今名画，殆充栋宇。余在省岁久，与同舍郎日取数轴评翫，殆有啖炙之味。如所用绢素，凡涉名笔，必密致紧厚，盖虑其易败也。老杜《戏韦僊为双松歌》云：“我有一匹好东绢，重之不减锦绣段。请君放笔为直干。”则僊笔之妙，非好东绢不与也。米元章《画史》云：“古画唐初皆生绢，后来皆以熟汤半熟入粉槌如银版，故作人物精彩。今人收唐画，必以绢辨，见文粗便谓不是（《历代诗话》本脱“是”字）唐，非也。”余谓用粉槌绢固善，然视他绢，丹青尤易渝也。

鲁直云：“小字莫作痴冻蝇，《乐毅论》胜《遗教经》。”又尝云：“《遗教经》或云羲之书，在楷法中小不及《乐毅论》，然清新方重，度越萧子云数等。则是小字中《乐毅论》为冠绝也。”米氏《书画史》云：“《乐毅论》智永跋云，梁世摹出，天下珍之。内书误两字，以雌黄涂定。世无此本。余于杭州天竺僧处得一本，有改误两字，又不阙唐讳，是梁本也。”

唐明皇使韩干师陈闳画马，及画成，明皇恠不与闳同。干奏曰：“臣之师，即陛下内厩马也。”上异之。其后画入神品。按老杜《丹青引赠曹霸》云：“弟子韩干早入室，亦能画马穷殊相。”则干之师乃曹霸尔。孰谓师内厩马，便能尽毫端之妙乎？

世传《职贡图》，乃阎立本所画，东坡作诗，亦云立本笔。所谓“音容[彳 仓]狞服

奇彪，横绝岭海逾涛沔。珍禽瑰产争牵杠，名王解辫却盖幢”者也。按朱景玄《画录》，谓《职贡图》乃其弟立德所作，立本所画诸国王粉本尔。（《历代诗话》本此条接上条，盖误）

薛稷不特以书名，而画亦居神品。老杜所谓“我游梓州东，遗迹涪江边。画藏青莲界，书入金榜（《历代诗话》本作“牒”）悬”是也。杜又有《薛少保画鹅（《历代诗话》本作“鹤”）》一篇，所谓“薛公十一鹤，皆写青田真”是也。余谓陆探微作一笔画，实得张伯英草书诀；张僧繇点曳斫拂，实得卫夫人《笔阵图》诀；吴道子又授笔法于张长史。信书画用笔，同一三昧。薛稷书法，雁行褚河南，而丹青之妙，乃复如许（《历代诗话》本作“诗”），当是书法三昧中流出也。“先帝天马玉花骢，画工如山貌不同。是日牵来赤墀下，迥立闾阖生长风。”此老杜《赠曹将军诗》也。张彦远《画记》乃云，韩干官（《历代诗话》本作“曹霸仕”）至太府寺丞，杜甫尝赠之歌。明皇御厩有马名玉花骢，诏令图之，误矣。又南齐谢赫作《古画品录》云：“曹弗兴之迹，殆莫复传，惟秘阁之内一龙而已。”而裴孝源公《私录画》，乃有曹弗兴画二卷，谓《九州岛名山图》、《秦皇东游图》。如此将孰信耶？（“先帝玉马”以下《历代诗话》本作另一条）

欧阳文忠公诗云：“古画画意不画形，按诗咏物（《历代诗话》本作“梅诗写物”）无隐情。忘形得意知者寡，不若见诗如见画。”东坡诗云：“论画以形似，见与儿童邻。赋诗必此诗，定知非诗人。”或谓：“二公所论，不以形似，当画何物？”曰：“非谓画牛作马也，但以气韵为主尔。”谢赫云：“卫协之画，虽不该备形妙，而有气韵，凌跨雄杰。”其此之谓乎？陈去非作《墨梅诗》云：“含章檐下春风面，造化工成秋兔毫。意得不求颜色似，前身相马九方臯。”后之鉴画者，如得九方臯相马法，则善矣。

自古画维摩诘者多矣，陆探微、张僧繇、吴道子皆笔法奇古，然不若顾长康之神妙。故老杜《送许八归江宁诗》云：“虎头金粟影，神妙独难忘。”言长康画维摩诘在焉故也。维摩诘号金粟如来，虎头者，长康小字也。而释者乃谓“虎头”为维摩相。“金粟”者，释有金粟，岂不误哉！江宁瓦棺寺，建康府城之西南，今戒坛寺即遗基也。按《京师寺记》云：“兴宁中，瓦棺寺初置，士大夫捐金帛，未有过十万者。长康素贫，遂鸣刹注百万，人皆疑之。已而于北殿画维摩像一躯，与戴安道所为文殊对峙，佛光照耀，观者如堵，遂得钱百万。”则虎头笔迹，为当时所宗重可知矣。荐更兵火，壁既不存，而画亦不可得见。近岁京口都圣与来为建康总领，首询维摩不存之因，寺僧莫能答。因语之曰：“某守南雄，尝有人示石碣云，唐会昌中，杜牧尝寄瓦棺维摩摹本于陈颖，张彦远刻于郡斋。某因求陈颖之本，又刻于南雄。尚有墨本在篋笥，当以付子。宜刻之戒坛，庶几旧物复归，而观者皆知顾笔神妙果如此，亦可以为戒坛之异事。”僧乃刻之。

颜平原书妙天下，迹其所自，虽受法于其舅商（《历代诗话》本作“殷”）仲容，

然究其妙处，得于张颠为多。余家旧藏数碑，皆用笔清劲，而刚方之气，如其为人，真山谷所谓“笔法锥沙屋漏，心期晓日秋霜”者邪！

汉张芝尝自品其书云：“上比崔、杜不足，下方罗、赵有余。”故世之言恶札者，必曰罗、赵。东坡赠孙莘老诗云：“龚、黄侧畔难言政，罗、赵前头且衒书。”言罗、赵者，讥莘老书不工也。罗谓罗晖，赵谓赵袭。按张彦远《法书要录》云：“袭与晖并以能草见重关西，矜巧自衒，众颇惑之。”则谓之恶札亦冤矣。

虞泉（《历代诗话》本作“窦泉”）作《述书赋》于前，而窦永作《述书赋》于后，凡能书之士，殆无遗矣。永称其兄蒙书云：“包杂体，冠众贤，手运目擎（《历代诗话》本作“击”），瞬息弥年。”而蒙亦称永云：“翰墨厕（《历代诗话》本作“厮”）张王，文章凌斑（《历代诗话》本作“班”）马，诗藻雄贍，草隶精深。”后永亡，蒙有诗云：“季江留被住（《历代诗话》本作“在”），子敬与琴亡。”其伤之深矣。若二人者，游艺绝伦，友谊尤笃，真难兄难弟哉！米芾《书画史》载，晋庾翼真迹在张齐贤、孙直清家，古黄麻纸全幅，上有窦蒙审定印。则知蒙精鉴博识旧矣。

韩退之云：“凡为文词，宜略识字。”遂从归登学科斗书，则知留意字学者，当以识字为本也。颜鲁公书迹冠当代，有《干禄字样》行于世者，畏学书者不识字尔。退之诗云：“阿买不识字，颇知书八分。诗成使之写，亦足张我军。”岂非贬之之辞（《历代诗话》本作“词”）邪？又按择木以八分受知于明皇，固尝与蔡有邻、顾文学并直供侍，故老杜有“分日示诸王，钩深法更秘”之语，而谓之不识字可乎？以是二说校之，则（“则”下《历代诗话》本有“知”字）阿买非择木明矣。

米元章书画奇绝，从人借古本自临榻（《历代诗话》本作“搨”），临竟，并与临本真本还其家，令自择其一，而其家不能辨也。以此得人古书画甚多。东坡屡有诗讥之。二王书跋尾则云：“锦囊玉轴来无趾，粲然夺真拟圣智。”又云：“巧偷豪夺古来有，一笑谁似痴虎头。”山谷亦有戏赠云：“沧（《历代诗话》本作“澄”）江静夜虹贯月，定是米家书画船。”余谓人之嗜好耽着，乃至于此。元章尝以九物换刘季孙《子敬帖》，不获，其意歉然。张芸叟作诗云：“请君出奇帖，与此九物并。今日投下水，明日到沧溟。”又有“破纸博珠玉”之句。此诗亦可以警膏肓于书画者。

《左传》云“周成王搜于岐阳”，而韩退之《石鼓歌》则曰宣王，所谓“宣王愤起挥天戈”，“搜于岐阳骋雄俊”是也。韦应物《石鼓歌》则曰文王，所谓“周文大猎岐之阳，刻石表功何炜煌”是也。唐《苏氏载记》云：“石鼓文谓周宣王《猎碣》，共十鼓。”东坡《石鼓诗》亦云：“忆昔周宣歌鸿鴈，方召联翩赐圭卣。”不知韦诗云“周文”安据乎？欧阳永叔云：“前世所传古远奇怪之事，类多虚诞而难信，况传记不载，不知韦韩（《历代诗话》本作“苏”）二君何据而有是（《历代

诗话》本作“此”）说也。”梅圣俞亦有诗云：“传至我朝一鼓亡，九鼓缺剥文失行。兵人偶见安碓床，亡（《历代诗话》本作“云”）鼓作臼剗中央。心喜遗篆犹在旁，以臼易臼庸何伤，神物会合居一方。”此与延平宝剑何异哉！

东坡评张颠、怀素草书云：“张颠醉素两秃翁，追逐世好称书工，有如市娼抹青红。”卑之甚矣。至评六观老人草书，则云：“心如死灰实不枯，逢场作戏三昧俱。苍鼠奋髯饮松腴，剡溪玉版（《历代诗话》本作“腋”）开雪肤。游（《历代诗话》本作“夏”）云飞天万人呼，莫作羞痴杨氏姝。”则知坡之所喜者，贵于自然，雕镌而成者，非所贵也。然张颠自言，见公主担夫争道，而得笔法；观公孙大娘舞剑器，而得神俊。僧怀素自言，吾（《历代诗话》本作“我”）观夏云多奇峯，輒师之。谓夏云因风变化无常势，草书亦当尔。则二人笔法固亦出于自然，而坡去取之异如此，何耶？李颀赠颠诗云：“皓首穷草隶，时称太湖精。”则知颠又精于隶书。钱起赠素诗曰：“妙画伯英书，能翻梵王字。”（《历代诗话》本作“能翻梵王字，妙尽伯英书”）则知素又精于梵字。苑舍人亦能梵字，故王维赠诗云：“梵（《历代诗话》本作“楚”）词共许胜扬马，梵字何人辨鲁鱼。”言世人识梵字者少也。

韩择木作八分书，师蔡邕法，风流闲媚，号伯喈中兴。蔡有邻亦善八分，其始拙弱，至天宝遂精。故杜子美《赠李潮八分歌》云：“尚书韩择木，骑曹蔡有邻，开元以来数八分，潮也奄有二子成三人。”又有《送顾八分适洪吉州诗》，亦引二人者以比顾，所谓“昔在开元中，韩蔡同黝黝。三人并入直，恩泽各不二”是也。明皇八分师择木，尝于彩笺上书，以赐张说。

僧惠崇善为寒汀烟渚，萧洒虚旷之状，世谓“惠崇小景”，画家多喜之，故鲁直诗云：“惠崇笔下开江面，万里晴波向落晖。梅影横斜人不见，鸳鸯相对浴红衣。”东坡诗云：“竹外桃花三两枝，春江水暖鸭先知。蒹蒿满地芦芽短，正是河豚欲到（《历代诗话》本作“上”）时。”舒王诗云：“画史纷纷何足数，惠崇晚出我最许。沙平水澹西江浦，鳬雁静立将俦侣。”皆谓其工小景也。

王荆公题燕侍郎山水诗，有“燕公侍书燕王府，王求一笔终不与”之句，故燕画之在世者甚鲜。学士院亦有燕侍郎画图，荆公有一绝云：“六幅生绡四五峰，暮云楼阁有无中。去年今日长干里，遥望钟山与此同。”张天觉有诗跋其后云：“相君开卷忆江东，髣髴钟山与此同。今日还为一居士，翛然身在画图中。”

余随时（《历代诗话》本作“时随”）家先文康公至汝州，尝至龙兴寺观吴道子画两壁。一壁作维摩示疾，文殊来问，天女散花；一壁作太子游四门，释伽降魔成道。笔法奇绝。壁用黄沙捣泥为之，其坚如铁。然土人不知爱重，宣和间，先公到官（《历代诗话》本句前有“家”字），始命修整，置关锁，纳匙于郡治。后刘元忠传得东坡寄子由诗，方知子由曾施百缗，所谓“似闻遗墨留汝海，古壁蜗涎可垂涕

。力捐金帛扶栋宇，错落浮云卷秋（《历代诗话》本作“新”）霁”是也。坡集载《风翔普门开元吴画诗》，所谓“亭亭双林间，彩晕扶桑暎。中有至人谈寂灭，悟者悲涕迷者手自扞。蛮君鬼伯千万万，相排竞进头如鼋”。当是作释伽涅槃相尔。恨不得一见之。

●卷十五

《霓裳羽衣舞》，始于开元，盛于天宝，今寂不传矣。白乐天作歌荅（《历代诗话》本作“和”）元微之云：“今年五月至苏州，朝锺暮角催白头。贪看案牍常侵夜，不听笙歌直到秋。秋来无事多闲闷，忽忆《霓裳》无处问。闻君部内多乐徒，问有《霓裳舞》者无？（以上八句宋本无，据《历代诗话》本补）答云十县（宋本作“苏州七县”）十万户，无人知有《霓裳舞》。惟寄长歌与我来，题作《霓裳羽衣谱》。”想其千姿万状，缀兆音声，具载于长歌，按歌而谱可传也。今元集不载此，惜哉！赖有白诗，可见一二尔。“虹裳霞帔步摇壁，钿纓累累佩（《历代诗话》本作“佩”）珊珊”者，言所饰之服也。又曰：“散序六奏未动衣，中序擘騷初入拍，繁音急节十二遍，唳鹤曲终长引声。”言所奏之曲也。而《唐会要》谓《破阵乐》、《赤白桃李花》、《望瀛》、《霓裳羽衣》，摠名法曲。今世所传《望瀛》，亦十二遍，散序无拍曲，终亦长引声。若乐奏《望瀛》，亦可髣髴其遗意也。又曰：“由来（《历代诗话》本作“君言”）此舞难得人，须是倾城可怜女”。言所用之人也。然所用之人，未详其数。若曰：“玉钩栏下香桵（《历代诗话》本作“案”，下同）前，桵前舞者颜如玉。”则疑用一人。若曰：“张态李娟（《历代诗话》本作“李娟张态”）君莫嫌，亦拟随宜且教取。”则又疑用二人。然明皇每用杨太真舞，故《长恨词》云：“风吹仙袂飘飘举，犹似《霓裳羽衣舞》。”则当以一人为正。郑嵎《津阳门诗》注，叶法善引明皇入月宫，闻乐归，笛写其半。会西凉府杨敬述进《婆罗门曲》，声调脗合，按之便韵，乃合二者制《霓裳羽衣》之曲。沈存中云：《霓裳曲》用叶法善月中所闻为散序，以杨敬述所进为其腔。未知所据也。又谓《霓裳》乃道调法曲。若以为道调，则误矣。乐天《嵩（《历代诗话》本作“高”）阳观夜奏霓裳》云：“开元遗曲自凄凉，况近秋天调是商。”则《霓裳》用商调，非道调明矣。厥后文人往往指《霓裳》为亡国之音，故杜牧诗云：“《霓裳》一曲千峰上，舞破中原始下来。”

《明皇杂录》云：“天宝中，上命宫中女子数百人为梨园弟子，皆居宜春北院。上素晓音律，时有马仙期、李龟年、贺怀智皆洞知律度，而龟年恩宠尤盛。自禄山之乱，散亡无几。老杜《逢李龟年》云：“岐王宅里寻常见，崔九堂前几度闻。正是江南好风景，落花时节又逢君。”白乐天云：“白头病叟泣且言，禄山未乱入梨园。欢娱未足燕寇至，万人死尽一身存。”又有《梨园弟子诗》云：“白头垂泪话（《历代诗话》本作“语”）梨园，五十年前雨露恩。莫问华清今日事，满山红叶锁（《历代诗话》本作“锁”）宫门。”读之可为凄怆。

书生作文，务强此弱彼，谓之尊题。至于品藻高下，亦略存公论也。白乐天在江州，闻商妇琵琶，则曰：“岂无山歌与村笛，呕哑嘲[口哲]难为听。今夜闻君琵琶语，如听仙乐耳暂明。”《在巴峡闻琵琶》云：“弦清拨利语铮铮，背却残灯就月明。赖是无心惆怅事，不然争奈子弦声。”至其后作《霓裳羽衣歌》乃曰：“湓城但听山魑语，巴峡惟闻杜鹃哭。”乍贤乍佞，何至如此之甚乎？韩退之美石鼓之篆，

至有“羲之俗书趣妩媚（《历代诗话》本作“逞姿媚”）”之语，亦强此弱彼之过也。

许浑《韶州夜燕诗》云：“鸂鶒未知狂客醉，鹧鸪先听美人歌。”《听歌鹧鸪词》云：“南国多情多艳词，鹧鸪清怨绕梁飞。”又有《听吹鹧鸪》一绝，知其为当时新声，而未知其所以。及观李白诗云：“客有桂阳至，能吟山鹧鸪。清风动葱竹，越鸟起相呼。”郑谷亦有“佳人才唱翠眉低”之句，而继之以“相呼相应湘江阔”，则知《鹧鸪曲》效鹧鸪之声，故能使鸟相呼矣。

刘梦得《竹枝》九篇，其一云：“白帝城头春草生，白盐山下蜀江清。”其一云：“瞿塘嘈嘈十二滩，此中道路古来难。”其一云：“城西门前滟滪堆，年年波浪不曾摧。”又言昭君坊、襄西春之类，皆夔州事。乃梦得为夔州刺史时所作。而史称梦得为武陵司马，作《竹枝词》，误矣。郭茂倩《乐府诗集》言，唐贞元中，刘禹锡在沅湘，以俚歌鄙陋，乃依骚人《九歌》，作《竹枝辞》九章。则茂倩亦以为武陵所作，当是从史所书也。

王维因鼓《郁轮袍》登第，而集中无琵琶诗。画思入神，山水平远，云势石色，绘者以为天机所到。而集中无画诗。岂非艺成而下不欲言耶？抑以乐而娱贵主，以画而奉崔圆，而不欲言耶？

张衡作《南都赋》云：“怨西荆之折盘。”李善云：“即楚舞也。折盘，舞貌。”余谓盘有两义，亦有盘舞也。张衡《七盘舞赋》云：“历七盘而纵蹶。”鲍照诗云：“七盘起长袖。”乐府诗云：“妍袖陵七盘。”《宋书乐志》曰：“盘舞，汉曲也。汉有柘舞，而晋加之以杯，言接杯盘于手上而反复之，至危也。”凡此者，皆谓用盘而舞，非盘旋之义。

《宋书乐志》有《白紵舞》，《乐府解题》誉白紵曰：“质如轻云色如银，制以为袍余作巾，袍以光躯巾拂尘。”王建云：“新缝白紵舞衣成，来迟邀得吴王迎。”元稹云：“西施自舞王自管，白紵翩翩鹤翎散。”则白紵，舞衣也。王建云：“新换《霓裳》月色裙。”岂《霓裳羽衣舞》亦用白耶？《柘枝舞》起于南蛮诸国，而盛于李唐。传（《历代诗话》本作“得”）于今者，尚其遗制也。章孝标云：“《柘枝》初出鼓声招，花钿罗裙耸细腰。”言当招之以鼓。张承福云：“白云（《历代诗话》本作“雪”）慢回抛旧态，黄莺娇啭唱新词。”言当杂之以歌。今制亦尔。而郑任（《历代诗话》本作“在”）德诗云：“三敲画鼓声催急，一朵红莲出水迟。”则所用者一人而已。法振诗云：“画鼓催来锦臂攘，小娥双起整霓裳。”则所用者又二人。按乐苑用二女童，帽施金铃，扑转有声。其来也，于二莲花中藏花，拆而后见，则当以二人为正。今或用五人，与古小异矣。

《凤将雏曲》，吴兢《乐府题要》云：“汉世乐曲名也。”而郭茂倩《乐府诗集》

中无此词。独《通典》载应璩《百一诗》云：“为作《陌上桑》，反言《凤将雏》。”张正见《置酒高殿上》云：“《琴挑凤将雏》。”当是用相如鼓《琴挑》云，“凤兮归故乡，四海求其凰”之义，则此曲其来久矣。按《晋书乐志》，吴声十曲：一曰《子夜》，二曰《上柱》，三曰《凤将雏》。此三曲自汉至梁有歌，今不传矣。故东坡《寄刘孝叔诗》云：“平生学问止流俗，众里笙竽谁比数。忽令独奏《凤将雏》，仓卒欲吹那得谱。”言古有名而今无谱也。岑参《盖将军歌》云：“美人一双闲且都，朱唇翠眉映月眸（《历代诗话》本作“明瞳”）。清歌一曲世所无，今日喜闻《凤将雏》。”非谓歌《凤将雏》也，但取世所无之义尔。

《文选》载石季伦《昭君辞》（《历代诗话》本作“明君词”）云：“昔公主嫁乌孙，令琵琶马上作乐，以慰其道路之思。”昭（《历代诗话》本作“明”，下同）君亦然。则马上弹琵琶，非昭君自弹也，故孟浩然《凉州词》云：“胡（《历代诗话》本作“故”）地迢迢三万里，那堪马上送明君。”而东坡《古缠头曲》乃云：“翠鬟女子年十七，指法已似呼韩妇。”梅圣俞《明妃曲》亦云：“月下琵琶旋制声，手弹心苦谁知得！”则皆以为昭君自弹琵琶，岂别有所据邪？

欧阳永叔《见杨直讲女奴弹琵琶》云：“娇儿两幅青布裙，三脚木床坐调曲。虽然可爱眉目秀，无奈长饥头项缩。”梅圣俞和篇亦云：“不肯那钱买珠翠，任从堆插阶前菊。功曹时借乃许出，他日求观（《历代诗话》本作“官”）龟壳缩。”亦可以想见风采矣。永叔倒残壶酒（“酒”前《历代诗话》本有“得”字），于筐筥间得枯鱼，强饮疾醉之时，亦有小婢鸣弦佐酒。所谓“小婢立我前，赤脚两髻丫。轧轧鸣双弦，正如橹呕哑。”议者谓亦与杨家娇儿不远。余谓永叔作此诗时，已为内相。观其所作长短句，皆富艳语，不应当此以污尊俎，永叔特自谦之辞（《历代诗话》本作“词”）尔。梅圣俞尝和其诗云：公家八九姝，鬢发如盘鸦。朱唇白玉肤，参年始破瓜。”则永叔所言赤脚者，非诚语无疑矣。

唐明皇酷好羯鼓，汝阳王璿精于其事，明皇喜之，屡有赏赉。东坡所谓“汝阳真天人，破帽插红槿。缠头三百万，不买一笑哂”是也。杜甫尝以诗二十韵赠之，有云：“圣情常有眷，朝退若无凭。仙醴求（《历代诗话》本作“来”）浮蚁，奇毛或赐鹰。”则当时恩宠之盛可知矣。甫尝有诗称之曰（《历代诗话》本作“又曰”）：“笔飞鸾耸立，章罢凤骞腾。”美其书翰之妙也。又称之曰（“又”下《历代诗话》本有“有诗”二字）：“箭出飞鞚内，上又回翠麟。”美其射御之精也。则其可喜处，岂特羯鼓而已哉。

《晋书阮咸传》云，咸善琵琶。今有圆槽而十三柱者，世号“阮”，亦谓“阮咸”，相传谓阮咸所作，故以为名，而咸传乃不及此。山谷《听宋宗儒摘阮歌》云：“手挥琵琶送飞鸿，促弦聒醉惊客起。圆璧庚庚有横理，闭门三月传国工，身今亲见阮仲容。”则亦以仲容所作。岂咸用琵琶余制而作“阮”邪？又有所谓“五弦”者，《唐书乐志》云：“如琵琶而小，北国所出。乐工裴神符初以手弹，太宗悦甚，

后人习为搯琵琶。”则五弦之制，亦出于琵琶也。乐天有《五弦弹诗》云：“赵璧知君入骨爱，五弦一一为君调。”又云：“惟忧赵璧白发生，老死人间无此声。”想其搯弹之妙，冠古绝今，人未易企及也。尝观《国史补》云：“人问璧弹五弦之术，璧曰：‘我之于五弦也，始则神遇之，终则天随之，眼如耳，耳如鼻，不知五弦之为璧，璧之为五弦也。’”其庄周所谓“用志不纷，乃凝（《历代诗话》本作“疑”）于神”者乎？韦应物云：“古刀幽磬初相触，千珠贯断落寒玉。”张祜云：“小小月轮中，斜抽半袖红。”元稹云：“促节频催渐繁拨，珠幢斗绝金铃掉。”亦可见五弦声韵制作之仿佛矣。

清庙之瑟，朱弦而疏越，一倡而三叹，岂若后世务为哇淫绮靡之音哉？杨惲云：“家本秦也，能为秦声；妇，赵女也，雅善鼓瑟。”韩愈曰：“已令孺人忧鸣瑟，更遣稚子传清杯。”杜甫云：“何时醉赏（《历代诗话》本作“诏此”）金钱会，烂（《历代诗话》本作“暂”）醉佳人锦瑟旁。”是皆作于妇人之手，而用于酒酣之时，已非朱弦疏越之意矣。钱起为《湘灵鼓瑟诗》云：“冯夷空自舞，楚客不堪听。”鲍溶云：“丝减悲不减，器新声更古。一弦有余哀，何况二十五。”二公之咏，于一倡三叹之旨几矣。善哉白乐天之论也，“正始之音其若何，朱弦疏越《清庙》歌。一弹一唱（《历代诗话》本作“曲”）再三叹，曲淡节稀声不多。人情重今多贱古，古琴有弦人不抚。自从赵璧艺成来，二十五弦不如五。”

弹丝之法，妙在左手，脱右优而左劣，亦何足论乎？尝观《琵琶录》云：“元和中，曹保有子善才，善才有子纲，皆能琵琶。又有裴兴奴长于拢捻，时人谓纲有右手，兴有左手。盖拢捻在左手也。”纲劣于左手，则琵琶之妙处逝矣。白乐天有《听弹琵琶示重莲诗》云：“谁能截此曹纲手，插向重莲红袖中。”惜乎乐天未知截兴奴手（“手”前《历代诗话》本有“妙”）之妙也。

自周陈以上，雅、郑殽杂而无别。隋文帝始分雅俗，工部雅乐八十四调，而俗乐止于二十八。琵琶非古雅乐也，而元微之诗乃云“琵琶宫调八十一，三调弦中（《历代诗话》本作“旋宫三调”）弹不出”何耶？按贺怀智《琵琶谱》云：“琵琶有八十四调，内黄钟、太簇、林钟宫声弹不出。”则微之之言信矣。然琵琶用于今者，止于二十八调，岂唐琵琶曲声与今不同耶？沈存中云：“怀智《琵琶谱》，格调与今乐全不同，今之燕乐。古声多亡，而新声大率皆无法度。”观此则存中亦有疑于其间。殊不知今之琵琶，皆用俗乐调也。

《后庭花》，陈后主之所作也。主与幸臣各制歌词，极于轻荡。男女唱（《历代诗话》本作“倡”）和，其音甚哀，故杜牧之诗云：“烟笼寒水月笼沙，夜泊秦淮近酒家。商女不知亡国恨，隔江犹唱《后庭花》。”《阿滥堆》，唐明皇之所作也。骊山有禽名阿滥堆，明皇御玉笛，将其声翻为曲，左右皆能传唱，故张祜诗云：“红叶萧萧阁半开，玉皇曾幸此宫来。至今风俗骊山下，村笛犹吹《阿滥堆》。”二君骄淫侈靡，耽嗜歌曲，以至于亡乱。世代虽异，声音犹存，故诗人怀古，皆有“

犹唱”、“犹吹”之句。呜呼，声音之入人深矣！

白乐天云：“《河满子》，开元中，沧州歌者临刑进此曲以赎死，竟不得免。”故乐天为诗曰：“世传满子是人名，临就刑时曲始成。一曲四词歌八迭，从头便是断肠声。”张祜集载武宗疾笃，孟人才以歌笙获宠，密侍左右。上目之曰：“我当不讳，尔何为哉？”才人指笙囊泣曰：“请以此就缢。”复曰：“妾尝艺歌，愿歌一曲。”上许之，乃歌一声《河满子》，气亟立殒。上令医候之，曰：“脉尚温而肠已绝。”则是《河满子》真能断人肠者。祜为诗云：“偶因歌态咏娇频（《历代诗话》本作“嚬”），传唱宫中十二春。却为一声《河满子》，下泉须吊旧才人。”又有“故国三千里，深宫二十年。一声《河满子》，双泪落君前”之咏。一称十二春，一称二十年，未知孰是也。杜牧之有酬祜长句，其末句云：“可怜故国三千里，虚唱歌词满六宫。”言祜诗名如此，而惜其未遇也。元微之尝于张湖南座为唐有态作《河满子》歌云：“梨园弟子奏明皇，一唱承恩羈纲缓。便（《历代诗话》本作“使”）将河满为曲名，御谱亲题乐府纂。鱼家入内本领绝，叶氏有年声气短。”又叙制曲之因，与乐天之说同。

●卷十六

老杜诗云：“东阁官梅动诗兴，还如何逊在扬州。”按逊传无扬州事，而逊集亦无扬州梅花诗，但有《早梅诗》云：“兔园标（《历代诗话》本作“标”，同）物序，惊时最是梅。衔霜当露发，映雪凝寒开。枝横却月观，花绕凌风台。应知早飘落，故逐上春来。”杜公前诗乃逢早梅而作诗，故用何逊事，又意却月凌风，皆扬州台观名尔。近时有妄人假东坡名，作《老杜事实》一编，无一事有据。至谓逊作扬州法曹，廨舍有梅一株，逊吟咏其下，岂不误学者？

白乐天诗多说别花，如《紫薇花诗》云：“除却微之见应爱，世间少有别花人。”《蔷薇花诗》云：“移他到此须为主，不别花人莫使看。”今好事之家，有奇花多矣，所谓别花人，未之见也。鲍溶作《仙檀花诗》寄袁德师侍御，有“欲求御史更分别”之句，岂谓是邪？

白乐天作中书舍人，入直西省，对紫薇花而有咏曰：“丝纶阁下文书（《历代诗话》本作“章”）静，钟鼓楼中刻漏长。独坐黄昏谁是伴？紫薇花对紫薇郎。”后又云：“紫薇花对紫薇翁，名目虽同貌不同。”则此花之珍艳可知矣。爪其本则枝叶俱动，俗谓之“不耐痒花”。自五月开，至九月尚烂熳，俗又谓之“百日红”。唐人赋咏，未有及此二事者。本朝梅圣俞特（《历代诗话》本作“时”）注意此花，一诗赠韩子华，则曰：“薄肤痒不胜轻爪，嫩干生宜近禁庐。”一诗赠王景彝，则曰：“薄薄嫩肤搔鸟爪，离离碎叶剪城霞。”然皆着不耐痒事，而未有及百日红者。胡文恭在西掖前后（《历代诗话》本无“后”字）亦有三诗，其一云：“雅当翻药地，繁极曝衣天。”注云：“花至七夕犹繁。”似有百日红之意。可见当时此花之盛。省吏相传，咸平中，李昌武自别墅移植于此。晏元献尝作赋题于省中，所谓“得自羊墅，来从召园。有昔日之绛老，无当时之仲文”是也。

杜子美居蜀累数年，吟咏殆遍，海棠奇艳，而诗章独不及何耶？郑谷诗云“浣花溪上堪惆怅，子美无情为发扬”是已。本朝名士赋海棠甚多，往往皆用此为实事。如石延年云：“杜甫句何略，薛能诗未工。”钱易诗云：“子美无情甚，都官着意频。”李定诗云：“不沾工部风骚力，犹占勾芒造化权。”独王荆公诗用此作梅花诗，最为有意。所谓“少陵为尔牵诗兴，可是无心赋海棠。”近于曾大父酬倡集中，有《凌景阳》一绝句，亦似有意。末句云：“多谢许昌传雅释，蜀都曾未识诗人。”不道破为尤工也。

江南野中有小白花，本高数尺，春开极香，土人呼为场花。场，玉名，取其白也。鲁直云：“荆公欲作诗而陋其名，予请（《历代诗话》本作“余谓”）名曰山担叭已Σ淙~以染黄，不借刀 缮 室悦面拐！朕L有绝句云“高节亭边竹已空，山氮氦砸写猴L”是也。近见曾端伯《高斋诗话》云，此花即唐昌玉蕊花，所谓“一树珑松玉刻成，飘廊点地色轻轻”者。以余观之，恐未必然尔。玉蕊，佳名也，此

花自唐流传至今，当以玉蕊得名，不应舍玉蕊而呼琼，鲁直亦不应舍玉蕊而名山狄病XM端伯别有所据耶？

琼花惟扬州后土祠中有之，其它皆八仙（《历代诗话》本“八”前有“聚”字），近似而非也。鲜于子骏尝有诗云：“百蕊天下多，琼花天上希。结根托灵祠，地着不可移。八蓓冠群芳，一株攒万枝。”而宋次道《春明退朝录》乃云：琼花一名玉蕊。按唐朝唐昌观有玉蕊花，王建诗所谓“女冠夜觉香来处，唯见阶前碎月明”是也。长安观亦有玉蕊花，刘禹锡所谓“玉女来看玉树花，异香先引七香车”是也。唐内苑亦有玉蕊花，李德裕与沈传师草诏之夕，屡同赏翫，故德裕诗云：“玉蕊天中木，金闺昔共窥。”而沈传师和篇亦云“曾对金銮直，同依玉树阴”是也。招隐山亦有玉蕊花，李德裕所谓“吴人初不识，因余赏翫乃得此名”是也。由是论之，则玉蕊花岂一处有哉？其非琼花明矣。东坡《瑞香词》有后土祠中玉蕊之句者，非谓玉蕊花，止谓琼花如玉蕊之白尔。

《山海经》云：“昆仑之墟，北有珠树、文玉树、ā 稽代诗话》本作“玕”）琪树，皆宝（《历代诗话》底本作“实”，点校者据《类编》本改为“宝”）树也。诗家用琪树多矣，往往以为仙树，不易得见，故孙绰《天台赋》云：“琪树璀璨而垂珠。”萧防云：“桂宫路（《历代诗话》本作“露”）冷鹤归早，琪树风清鸾去迟。”武伯奋云：“琪树年年玉蕊新，洞宫长闭彩霞春。”蔡隐丘（《历代诗话》本作“邱”）《咏琪树诗》云：“山上天将近，人闲路渐遥。谁当云里见，知欲度仙桥。”是人间未必有此树也。而《六朝事迹》载，宝林寺有琪树，在法堂前。梅挚有诗云，“影借金田润，香随璧月流。远疑元帝植，近想志（《历代诗话》本作“志”）公游”何耶？

《后汉和帝纪》言南海旧献荔枝，十里一置，五里一堠，奔腾阻险，死者堆路。故东坡诗云：“十里一置飞尘灰，五里一堠兵火催。颠坑仆谷相枕藉，知是荔枝龙眼来。”而张九龄作《荔枝赋》序云：“南海郡荔枝壮甚环（《历代诗话》本作“瓌”）诡，余往在西掖，尝盛称之，诸公莫有知者，惟舍人刘侯知之，作赋以夸大，以为甘旨之极。”则是九龄乃创见也。议者谓杨妃酷好，安知非九龄有以启之。鲍防《杂感诗》云：“五月荔枝初破颜，朝离象郡夕函关。雁飞不到桂阳岭，马走皆从林邑山。”则当时征求之急，亦可见矣。

《楚词（《历代诗话》本作“辞”）》云：“折疏麻兮瑶华，将以遗兮离居。”瑶华谓麻之华白也。《诗》载木桃、木李、握椒、芍药之类，皆相赠问之物。所谓疏（《历代诗话》本作“疏”）麻者，所以赠问离居也。谢灵折赠蠟沁g客诗》云：“瑶华未堪折，兰苕已屡摘。路阻莫赠问，何以慰离拆（《历代诗话》本作“析”）。”《越岭溪行》云：“握兰徒勤摘（《历代诗话》本作“结”），折麻心莫展。”骆宾王《思家诗》：“旅行悲泛梗，离恨断疎麻。”钱起《题辋川诗》云：“折麻定延竚，乘月期相寻。”皆用《楚辞》意，用于离居。至于起《赠赵给事诗》，

乃云：“不惜瑶华报木桃。”则是以瑶华为玉，误矣。

东坡《赏枇杷诗》曰：“魏花真老伴，卢橘认乡人。”又曰：“客来茶罢空无有，卢橘杨梅尚带酸。”则皆以卢橘为枇杷也。彼徒见《上林赋》有卢橘夏熟之语，遂以为枇杷。审尔，则夏熟之下，不当复有黄甘、枇杷、然（《历代诗话》本作“燃”，下一处同）柿之品。然唐子西《李氏山园记》言有一物而为二物者，如《上林赋》所谓卢橘夏熟，又言枇杷、然柿是也。若据子西言，则卢橘即枇杷矣。李白《宫中行》（“行”下《历代诗话》本有“乐词”二字）云：“卢橘为秦树。”许浑《送表兄奉使南海》云：“卢橘花香拂钓矶。”若以为枇杷，则何独秦中南海有耶？钱起《送陆贽诗》云：“思亲卢橘熟。”用陆绩怀橘事，则又以为木奴，益无按（《历代诗话》本作“按”）据。

白乐天赋《有木》八章，其六章托弱柳、樱桃、枳橘、杜梨（《历代诗话》本作“梨”）、野葛、水怪以讽在位者，至第七章则曰：“有木如（《历代诗话》本作“名”）凌霄，擢秀非孤标。偶依一株树，遂抽百尺条。自谓得其势，无因有动摇。一旦树摧倒，独立忽飘飘。疾风从东来，吹折不终朝。”专又以讽附丽权势者。其八章则曰：“有木名丹桂，四时香馥馥。风影清如水，霜枝（《历代诗话》本作“华”）冷如玉。独占小山幽，不容凡鸟宿。重任虽大过，直心自不曲。纵非梁栋材，犹胜寻常木。”盖乐天自谓也。乐天素善李绅而不入德裕之党，素善牛僧孺、杨虞卿而不入宗闵之党，素善刘禹锡而不入伾文之党，中立不倚，峻节凜然。于八木之中，而自比于桂，殆未为过也。

《酉阳杂俎》言，隋朝种植法七十卷，不说牡丹，则隋朝花药中所无也。然北齐杨子华在隋朝之前，乃有“画牡丹处极分明”之句，何耶？至唐则此花盛矣。柳子厚《龙城录》载，宋单父能种艺之术，牡丹变易千种。上皇召至骊山，种花万本，色样各不同。信乎人力或能胜天工也。欧阳永叔《洛阳牡丹图诗》云：“当时绝品可数者，魏红窈窕姚黄妃。寿安细叶开尚少，朱砂玉版人未知。四十年间花百变，最后最好潜溪绯。”自唐天宝至本朝熙丰间，三百余年，宜其花种日盛，然见于图者九十种而已，岂能登万样之数哉？柳浑（《历代诗话》本作“浣”）诗云：“近来无奈牡丹何，数十千钱买一窠。今朝始得分明见，也共戎葵较几多。”王文康公诗云：“枣花至小能成实，桑叶虽柔解吐丝。堪笑牡丹如斗大，不成一事又成（《历代诗话》本作“只空”）枝。”皆激逐末之弊者也。

欧公在扬州，暑月会客，取荷花千朵插画盆中，围绕坐席。又命坐客传花，人摘一叶，尽处饮以酒。故《荅吕通判诗》云：“千顷芙渠盖水平，扬州太守旧多情。画盆围处花光合，红袖传来酒令行。”然维扬芍药妙天下，可以奴视荷花，而是时欧公不闻有芍药胜会何耶？东坡在东武，四月，大会于南禅资福两寺，剪芍药置瓶盎中，供佛外以供赏翫，不下七千余朵。有白花独出于谢□希瑯如覆盂，因有“两寺装成宝璎珞，一枝争看玉盘盂”之咏。惜乎欧公未知出此。

杜子美《古柏行》云：“霜皮溜雨四十围，黛色参天二千尺。”沈存中《笔谈》云：“无乃太细长乎？”余谓诗意止言高大，不必以尺寸计也。《诗评》载王郊《大夫竹诗》示东坡，其一联云：“叶排千口剑，干耸万条铍（《历代诗话》本作“枪”）。”坡曰：“十条竹一个叶也。”若郊者又何足以语诗乎？坡公云：“人看王郊诗，若能忍（“忍”下《历代诗话》本有“笑”字），谥殒事。”盖谓此尔。

珍木奇卉，生于深山穷谷之中，不遇赏音，与凡木俱腐，好事者之所深惜也。唐招贤寺有山花，色紫气香，秾丽可爱，以托根招提，偶赦于樵斧，固为幸矣，而人莫有知其名者。白乐天一日过之，而标（《历代诗话》本作“只标”）其名曰“紫阳”。于是天下识所谓紫阳花者，其珍如是也。岂不为尤幸乎！乐天之诗曰：“何年植向仙坛上，早晚移栽到梵家。虽在人间人不识，与君名作紫阳花。”忠州鸣玉溪有花如莲，叶如桂，香色艳腻，当时亦无有识之者。乐天又赋诗云：“如折芙蓉栽旱地，似抛芍药挂高枝。云埋人隔无人识，惟有南宾太守知。”呜呼！抱道怀才之士，埋光铲采于山林皋壤之间，如此花者多矣，求如乐天之赏鉴者，孰谓无其人乎！

皮日休尝谓宋广平正资劲质，刚态毅状，宜其铁肠石心，不解吐婉媚辞。然其所为《梅花赋》清便富艳，得南朝徐、庾体，殊不类其人，故东坡亦有“请君援笔赋梅花，未害广平心似铁”之句。近见叶少蕴效楚人《橘颂》体作《梅颂》一篇，以谓梅于穷冬凝严（《历代诗话》本作“严凝”）之中，犯霜雪而不惧，毅然与松柏并配，非桃李所可比肩，不有铁肠石心，安能穷其至？此意甚佳。审尔，则惟铁肠石心人可以赋梅花，与日休之言异矣。

《文选海赋》云“云迢迢(10)撝渡碓I之际”，故谢灵运《小宛》[瑶溪，云灞簧碓I]之句。观其语意，正言沙石五色，如云灞混栋棱拐J酪畸n退之作《曲江荷花行》云：“撑舟昆明度云滩！彼熠^退之以云宥 謏詈苦ǎ 銑岨且病V^之度云澹 灾垓徐段迢 呈 H，岂谓荷花哉？

竹固多种，所谓桃枝竹者，丛生而节疎，亦谓之慈竹，言生不离本也。王勃所谓“宗生族茂，天长地久。万柢争盘，千株竞紉”者，梁简文《荅献簟书》云“五离九折，出桃枝之翠笋”，皆言桃枝竹也。若桃竹则异是矣。老杜《桃竹杖引》云：“江心蟠（《历代诗话》本作“磻”）石生桃竹，斩根削皮如紫玉。”则其色正紫。今桃枝竹不然，东坡援柳子厚诗云：“盛时一失贵反贱，桃笙葵扇安可常。”初不知桃笙为何物。偶阅《方言》，宋魏之间，谓簟为笙，方悟桃笙以桃竹为簟也。坡又云：“桃竹叶如櫟，身如竹，密节而实中，犀理瘦骨。”岂非以此竹为簟耶？梅圣俞云：“谁知广文直，桃簟冷如冰。”恐亦是用此竹。

《成都记》：杜宇又曰杜主，自天而降，称望帝，好稼穡，治郫城。后望帝死，其魂化为鸟，名曰杜鹃。故老杜云：“昔日蜀天子，化为杜鹃似老乌。”又曰：“古

时杜鹃称望帝，魂作杜鹃何微细。”又曰：“我见常再拜，重是古帝魂。”《博物志》称杜鹃生子，寄之他巢，百鸟为饲之。故老杜云：“生子百鸟巢，百鸟不敢嗔。仍为餒其子，礼若奉至尊。”又云：“寄巢生子不自啄，群鸟至今与哺雏。”老杜集中杜鹃诗行凡三篇，皆以杜鹃比当时之君，而以哺雏之鸟讥当时之臣，不能奉其君，曾百鸟之不若也。最后一篇，徒言杜鹃垂血，上诉不得其所，盖托兴（此二字《历代诗话》本作“说”）明皇蒙尘之时也，故末句云：“岂思旧日居深宫，嫔嫱左右如花红。”

元微之谪通州，白乐天有诗云：“寅年篱下多逢虎，亥日沙头始卖鱼。”后又（《历代诗话》本作“人”）有《东南行》云：“亥日饶虾蟆，寅年足虎貙。”张籍云：“江村亥日长为市。”山谷亦有“鱼收亥日妻到市”之句。

人之悲喜，虽本于心，然亦生于境。心无系累，则对境不变，悲喜何从而入乎？渊明见林木交荫，禽鸟变声，则欢然有喜，人以为达道。余谓尚未免着于境者。欧阳永叔先在滁阳，有《啼鸟》一篇，意谓缘巧舌之人谪官，而今反爱其声。后考试崇政殿，又有《啼鸟》一篇，似反滁阳之咏，其曰：“提葫芦，不用沽美酒，宫壶日赐新拨醅，老病足以扶衰朽。”“百舌子，莫道泥滑滑，宫花正好愁雨来，暖日方催花乱发。”末章云：“可怜枕上五更听，不似滁州山里闻。”盖心有中外枯苑之不同，则对境之际，悲喜随之尔。啼鸟之声，夫岂有二哉？

老杜《白小诗》云：“白小群分命，天然二寸鱼。细微沾水族，风俗当园蔬。”言白小与菜无异，岂复有厚味哉？故白乐天亦有“下饭腥咸白小鱼”之句。余谓鱼始二寸已就烹，鱼之穷也。寒士又从而食之，其穷抑甚。梅圣俞有《琴高鱼诗》云：“大鱼人骑上天去，留得小（《历代诗话》本作“少”）鳞来按觞。”又有《针口鱼赋》云：“有鱼针喙形甚小，常乘春波来不少。取之一掬，不重铢杪（《历代诗话》本作“秒”）。”则白小之鱼，尚为丈人行也。

缩项鳊出襄阳，以禁捕，遂以槎断水，因谓之槎头缩项鳊。孟浩然云：“鱼藏缩项鳊。”老杜云：“谩钓槎头缩项鳊。”皆言缩项。而东坡乃谓“一钩归钓缩头鳊。”或疑坡为平侧所牵乃尔，殊不知长腰粳米、缩头鳊鱼，楚人语也。

《文房四谱》载，段成式以灵（《历代诗话》本作“云”）蓝纸赠温庭筠，有诗云：“三十六鳞充使时，数番犹得裹相思。”谓鲤鱼三十六鳞；充使，谓恁鲤鱼寄书也，用《文选》“呼儿烹鲤鱼，中有尺素书”之义。沈存中《笔谈》云：“鲤鱼当肋一行三十六鳞，鳞有黑文如十字，故谓之鲤。”二宋亦尝用此而文（《历代诗话》本作“闻”）其说，元献云：“私书一纸离怀苦，望断波中六六鳞。”景文云：“君轩恋结萧萧马，尺素愁凭六六鱼。”谓六六三十六也。

柳子厚有《放鹧鸪词》，人徒知其不肯以生命供口腹，其仁如是也。余谓此词乃作

于诏追之时，有自悔前失之意，故前言“徇媒得食不复虑”，后言“同类相呼莫相顾”。媒与类皆谓伾文也。

湖州上强精舍寺有陈朝观音，殷仲容书寺额，三门高百尺，谓之三绝。又池有金鲫鱼，数年一现，故白乐天诗有“惟有上强精舍寺，最堪游处未曾游”之句，盖谓此也。临安六和寺亦有金鲫池。苏子美《六和寺》诗云：“松桥待金鲫，竟日独迟留。”亦以其出有时，故竟日待之云尔。自子美之后四十年，东坡始游兹寺，尝投饼饵待之，乃略出，不食复入。坡以为此鱼难进易退，而不妄食，宜其寿若此。其语深有味也。

●卷十七

《古今诗话》载，杜少陵因见病疟者曰，诵我诗可疗。令诵“子章髑髅血模糊，手提掷还崔大夫”之句，病遂愈。余谓子美固尝病疟矣，其诗云：“患病三秋孰可忍，寒热百日相攻战。”又云：“三年犹疟疾，一鬼不销亡。隔日搜脂髓，增寒抱雪霜。徒然潜隙地，有腠屡红妆。”子美于此时，何不自诵其诗而自已疾邪？是灵于人而不灵于己也。

山谷平生为目所苦，故和东坡诗有“请天还我读书眼，欲载轩辕乞鼎湖”之句。其摄养禁忌之法，论之详矣，故《次韵元实病目诗》云：“道人常恨未灰心，儒士苦爱读书眼。要须玄览照镜空，莫作白鱼钻蠹简。”病者苟能知此，其贤于金篦刮膜远矣。大抵书生牵于习气，不能割爱于书册，故为目害尤甚。唐张籍，好学业文之士也，中年病目失明，议者谓不能损读之过。孟郊尝赠之诗云：“西明寺后穷瞎张太祝，纵尔有眼谁能珍。天子咫尺不得见，不如闭口且养真。”盖非特伤籍，而郊亦自伤虽有眼而不得见君也。

贾谊曰：“古之圣人，不居朝廷，必在医卜。”则从事于医卜者，未可轻也。京兆杜婴能读书，其言近《庄子》，而自托于此，岂足以病婴之高乎？故荆公有诗伤之云：“叔度医家子，君平卜肆翁。萧条昨日事，仿佛古人风。”梅圣俞赠何山人诗亦云：“日闻古贤哲，必与医卜邻。”宋景文云：“医卜之事，士君子能之，则不迂不泥，不矜不神；小人能之，则迂而入诸拘碍，泥而弗通大方，矜以夸己，神以诬人。”真名言哉！

退之云：“脑脂遮眼卧壮士，大弨挂壁谁能弯。”谓张籍也。杜牧之《乞湖后》云：“弟顓久病眼，医者石公集云，是状也，脑积毒热，脂融流下，盖塞瞳子，名为内障。”则籍之所苦，乃内障也。

凡物皆可占，非特蓍龟也。市中亦有听声而知祸福者，莫知其所自。余观王建集有《听镜词》云：“重重摩挲嫁时镜，夫婿远行凭镜听。”岂今听声之类邪？《大涅槃经》云：“不以瓜镜、芝草、杨枝、钵盂、髑髅而作卜筮。”则镜能占卜信矣。

楸花色香俱佳，又风韵绝俗，而名不编于花谱何哉？老杜云：“要把楸花媚远天。”言其色也。又曰：“楸树馨香倚钓矶。”言其香也。梅圣俞《楸花诗》云：“图出帝宫树，耸向白玉墀。高艳不近俗，直许天人窥。”言其韵也。是二子但知楸花色香韵胜，而未知其疗病之工也。汝州楸树极多，富郑公知州时，手植数百本于后圃。后人思其政，建郑公堂于楸林之下。宣和间，先人知州日，听政燕客俱在焉。一日，廉访使周询来访，因云：“立秋日太阳未升，采其叶熬为膏；傅疮疡立愈，谓之‘楸叶膏’。”抵晚，客使王伟来访，因道询语。伟曰：“有人患发背，肠胃可窥，百方不差者，一医者教用楸叶膏傅其外，又用云母膏作小丸，服尽四两止。

不累日，云母透出肤外，与楸叶膏相着，疮遂差。”功亦奇矣。余欲广传此方，以拯病苦者，故因言楸花之美，而并及之。

退之《三星行》云：“我生之辰，月宿南斗。”以五星法准之，则知退之以磨蝎为身宫。又云：“牛奋其角，箕张其口。牛不见服箱，斗不挹酒浆，箕独有神灵，无时停簸扬。无善名已闻，无恶身已欢。”则知太阴在磨蝎者，主得谤誉。东坡尝援退之《三星行》之句，以谓仆以磨蝎为命，殆与退之同病。然观东坡《谢生日启》云：“摄提正于孟陬，已光初度；月宿直于南斗，更借虚名。”则是东坡亦磨蝎为身宫，而乃云磨蝎为命，岂非身与命同宫乎？寻常算五星者，以为命宫灾福，不及身宫之重，东坡以身命同宫，故谤誉尤重于退之。职銮坡而代言，犯鲸波而远谪，退之之荣悴，未至如是也。孔子曰：“不知命无以为君子。”所谓知命者，不为名利所汨，而能安时处顺者也。后世贪求之士，不能自安分义，徒知金印艾绶之荣，而不知苟得为可愧，于是君平之肆，许负之庐，衣冠盈矣。刘梦得《和苏十郎中诗》云：“菱花照后容虽改，蓍草占来命已通。”武伯奋《长安述怀诗》云：“闻说唐生子孙在，何当一为问穷通。”观此又奚知孔子所谓命也哉？刘孝标作《辨命论》，言寿夭穷达，一归之命，可以使人杜奔竞僭逼之患。萧瑀《非辨命论》，言人之祸福，一本之人事，可以使人起修身累善之心。二人皆非以甲乙丙丁休囚旺相而求吉凶者也。

古今人赋棋诗多矣。“几局赌山果，一先饶海僧”者，郑谷之诗也。“雁行布阵众未晓，虎穴得子人皆惊”者，刘梦得之诗也。“古人重到今人爱，万局都无一局同”者，欧阳炯之诗也。观诸人语意，皆无足取，独爱荆公《赠叶致远》之作，其略云：“或撞关以攻，或觑眼而摩，或羸形伺击，或猛出追蹶。垂成忽破坏，中断俄连接。或外示闲暇，或事先和燮。或冒突超越，鼓行令震叠；或粗见形势，驱除令远蹶；或开拓疆境，欲并包总摄。或惭如告亡，或喜如献捷。诿输宁断头，悔误乃披颊。”可谓曲尽围棋之态。非笔力可以回万钧，岂易至此。取退之《南山诗》读之，若可齐驱并驾也。王无功亦有围棋长篇云，“双关防易断，只眼畏难全。鱼鳞张九拒，鹤翅拥三边”等句，铺叙类荆公，而其他句猥杂处尚众。东坡《白鹤观》四言诗云：“小儿近道，剥啄信指。胜固欣然，败亦可喜。”夫恣贪欲于指顾，争胜负于毫厘，业棋者之常情，而坡乃置之膜外，亦可见其胸中翛然者矣。荆公亦有“棋罢两奩收白黑，一枰何处有亏成”之句。

鲁直诗云：“眼见人情如格五，心知外物等朝三。”又云：“肉食倾人如出九，藜羹饭我等朝三。”两联之意，虽不相远，然似不若前句之无斧凿痕也。《汉书》，吾邱寿王以善格五待诏，刘德谓格五棋，行以塞法。《齐书》沈文季善塞，其法用五子，沈存中《笔谈》云：“格五即今之蹙融，其法以己常有余，而致敌人于险。”《酉阳杂俎》亦云：“于棋局中各用五子，共行一道，以角迟速。”则格五也，塞也，蹙融也，名虽不同，其制一而已。彼苏林以为五博之类，不用箭，但行梟散，未知所据。出九亦赌博之法，详见《刑统》。

子由《煎茶诗》云：“煎茶旧法出西蜀，水声火态犹能谙。相传煎茶只煎水，茶性仍存偏有味。”此茶之佳者也。又云：“北方俚人茗饮无不有，盐酪椒姜夸满口。”茶出南方，北人罕得佳品，以味不佳，故杂以他物煎之。陈后山《茶诗》云：“愧无一缕破双团，惯下姜盐枉肺肝。”东坡《和寄茶诗》亦云：“老妻稚子不知爱，一半已入姜盐煎。”若茶品自佳，杂以他物，适败其味尔。茶性冷，盐导入下经，非养生所宜。山谷谓寒中瘠气，莫甚于茶，或济以盐，勾贼破家。薛能《鸟嘴茶诗》，亦有“盐损添宜戒，姜宜著更夸”之句，则知以盐煎茶，诚无益于养生也。

蒙恬造笔，《博物志》云：以狐狸毛为心，兔毛为副，心柱遒劲，锋铓调利，故难乏而易使。白乐天作《鸡距笔赋》云：“中山之明，视劲而俊；汝阴之翰，音勇而雄。双美是合，两揆相同。不得兔毛，无以成起草之用；不为鸡距，无以表入墨之功。”盖亦兼而用之也。近世作笔，专用兔毛，而好奇者，或屏兔毛不用，更以他毫为之。晋王隐《笔铭》云：“岂其作笔，必兔之毫？调利难秃，亦有鹿毛。”而王羲之、钟繇、张芝皆用鼠须笔。钱穆父奉使高丽，得猩猩毛笔，甚珍之，尝以分赠山谷。山谷所谓“爱酒醉魂在，能言机事疏。平生几两屐，身后五车书”是也。《岭表录》云：“岭外无兔，郡守偶得兔毫，令匠者作笔。匠者偶因醉遗坠，惶惧无以为计，遂以己须制之，反佳。其后遂户料人须一合。”此殆好事者说尔。

樗蒲用博齿五枚，如银杏状，各上黑下白，内取二黑刻为犊，其背刻为雉，故李翱《五木经》云，“樗蒲五木黑白判，厥二作雉背作牛”是也。以卢白雉犊四为王采，取其全；它八采为毗者，恶其驳也。按前史，三掷三卢如慕容宝，五掷五卢如李安人，王思政之掷印为卢，刘裕之喝卢胜雉，皆以为前途富贵之先兆。卒之其应如响，亦可谓异矣。郑谷诗云：“能消永日是樗蒲，坑堑由来似宦途。两掷未离[手梟]撼内，坐中何惜为呼卢。”然卢可呼而得，官可幸而致乎？观谷此言，似未知安时处顺者。

傀儡之戏旧矣，自周穆王与盛姬观偃师造倡于昆仑之道，其艺已能夺造化通神明矣。晏元献公尝为《傀儡赋》云，“外眩刻雕，内牵缠索，朱紫并，银黄煜爚，生杀自口，荣枯在握”者，可谓曲尽其态。李义山作《宫妓》一绝云：“朱箔轻明拂玉墀，披香新殿斗腰支。不须更看鱼龙戏，终恐君王怒偃师。”是以观倡不如观舞也。然唐明皇好舞《霓裳》，以至于乱，杜牧所谓“《霓裳》一曲千峰上，舞破中原始下来”是也。汉高祖白登之围，以刻木为美人而围解，《乐录》谓即今之傀儡。则是舞或乱唐，而刻木或可以兴汉，义山之诗异矣。

《楚词》云：“珉蔽象棋，有六博些。分曹并进，遒相迫些。”王逸谓投六箸行六棋，故谓之六博，言以珉蔽作箸，象牙为棋也。而《楚辞补注》乃引《列子》击博楼上，谓击打也，如今之双陆棋也。余谓双陆之制，初不用棋，俱以黑白小棒槌，每边各十二枚，主客各一色，以骰子两只掷之，依点数行，因有客主相击之法。故赵抃《双陆诗》云：“紫牙镂合方如斗，二十四星衔月口。贵人迷此华筵中，运木

手交如阵斗。”今六博既行六棋，则非双陆明矣。

《周官》方相氏以黄金四目，玄衣朱裳，执戈扬盾，以索室殴疫，谓之时傩。释者谓四时皆作也。考之《月令》，乃作于三时，而于夏则阙，何邪？盖夏当阳盛之时，阴慝不敢作，故阙之尔。今春秋无傩，惟于除夕有之。孟郊所谓“驱傩击鼓吹长笛，瘦鬼染面唯齿白。暗中窸窣拽茅鞭，裸足朱紕行戚戚。相顾笑声冲庭燎，桃弧棘矢时独叫。”王建亦云：“金吾除夜进傩名，画裤朱衣四队行。”皆谓除夕大傩也。其涂饰之制，若驱禳之仪，与《周官》略相类。政和中，徽宗新创禁中傩仪，有旨令翰苑撰文。时翟公巽当直，其略云：“南正司天，无俾神人之杂；夏后铸鼎，以纪山林之奸。苟非圣神，孰知情状？”被旨，顷刻进入，人服其敏而工。

《帝王世纪》及《逸士传》载，帝尧之时，天下大和，有八九十老人，击壤而歌于康衢，其词曰：“日出而作，日入而息，凿井而饮，耕田而食，帝何力于我哉？”初不知壤为何物，因观《艺经》云，壤以木为之，前广后锐，长尺四寸，阔三寸，其形如履。将戏，先侧一壤于地，远三四十步，以手中壤击之，中者为上。盖古戏也。

●卷十八

余尝谓知人虽尧帝犹以为难，而杜子美之曾老姑乃能知唐太宗于侧微之时，识房、杜辈于贱贫之日。子美载其语云：“向窃窥数公，经纶亦俱有。次问最少年，虬髯十八九。子等成大名，皆因此人手。”噫，一何异耶！唐史载王珪微时，母李氏尝云：“子必贵，但未见与汝游者。”珪一日引房、杜过之，母曰：“汝贵无疑。”余尝观子美《赠王砮使南海诗》，然后知史所书皆误也。砮，珪之玄孙也，谓珪为高祖。其曰“我之曾老姑，尔之高祖母”，则砮之高祖母乃姓杜，非姓李也。其曰：“尔祖未显时，归为尚书妇。”珪尝为礼部尚书，则尚书妇乃珪之妻，非珪之母也。故诗之中章云：“及乎贞观初，尚书践台斗。夫人尝肩舆，上殿称万寿。至尊均嫂叔，盛事垂不朽。”皆谓珪妻尔。人徒见诗中有剪髻之事，有同乎陶母，故谓珪母。审尔，岂不与尚书妇之句相抵牾哉？

寇忠愍少知巴东县，有“野水无人渡，孤舟尽日横”之句，固以公辅自期矣，奈何时未有知者。东坡《巴东访莱公遗迹诗》云：“江山养豪俊，礼数困英雄。执版迎官长，趋尘拜下风。当年谁刺史，应未识三公。”公以环（《历代诗话》本作“瓌”）奇忠谅之才，而当路者祇（《历代诗话》本作“祇”，同）以常辈遇之，信乎知人之难也。李太白《梁甫吟》云：“大贤虎变愚不测，当年颇似寻常人。”盖谓此也。

先文康公知汝州日，段宝臣为教官，富季申为鲁山主簿，而陈去非以太学录持服来寓。先公语人曰：“是三子者，非凡偶近器也。”是时，富在外邑，则以职事处之于城中，列三人者荐于朝，以为可用，仍以去非《墨梅诗》缴进。于是去非除太学博士，季申除京西漕属，宝臣亦相继褒擢。初，宝臣字去尘，先公一日谓之曰：“君，廊庙具也，宜改字宝臣，取荀卿辅拂之人为国宝之义。”且作序而述（《历代诗话》本作“衍”）其意。及三人者俱贵，先公喜曰：“吾未尝读玉管之书，亦未尝究金书之义，而能逆知其必大者，独以其所为知之耳。汝辈勉其在我者，在人者不问可也。”先公晚年寓居湖州之宝溪，季申既罢枢筦，亦挈家来寓，一觴一咏，必与之俱。季申尝有十绝，其一云：“青衫短簿汝阳天，鸛牒当时误荐贤。承乏西枢了无补，还依丈席听韦编。”其二云：“洛陈花骨巧裁诗，曾把梅篇荐玉墀。来（《历代诗话》本作“未”）说他年调鼎事，只今身已凤凰池。”其三云：“陈君谈论席生风，段子文词气吐虹。参术[月奚]胰皆入筐，知人谁过葛仙翁。”余七篇不录。陈君名恬，字叔易，有高节，贫甚。先公命公库以酒肉薪米日给之。尝谢以诗云：“不是故人供禄米，初非县令给猪肝。养贤礼厚隆三簋，拜赐恩深艳一簠。”建炎初，召赴行在，直秘阁。

张安道以异议出守宛丘，次守南都，苏子由皆从之游。元丰初，子由谪筠州酒税，安道凄然不乐，手写诗为别曰：“可怜萍梗漂浮客，自叹匏瓜老病身。从此空斋挂尘榻，不知重扫待何人。”后十五年，子由方和其诗云：“少年便识成都尹，中岁

仍为幙（《历代诗话》本作“幕”）下宾。待我江西徐孺子，一生知己有斯人。

王介甫、苏子瞻皆为欧阳文忠公所收，公一见二人，便知其它（《历代诗话》本作“他”）日不在人下。《赠介甫诗》云：“老去自怜心尚在，后来谁与子争先。”子瞻登乙科，以书谢欧公，欧公语梅圣俞曰：“老夫当避此人，放出一头地。”当是时，二人俱未有声，而公知之于未遇之时，如此所以为一世文宗也欤（《历代诗话》本作“与”）？东坡跋梅圣俞诗后云：先君与梅二丈游时，轼与子由弟年甚少，未有知者。家有八（《历代诗话》本无“八”字）老泉公作诗云：“岁月不知老，家有雏凤凰。百鸟戢羽翼，不敢呈文章。”则二苏当少年时，已擅文价矣。

郭子稍（《历代诗话》本作“郭子稍”）学作小诗，尝赋《梅花》云：“玉屑装龙脑，云衣覆麝脐。何堪夜来雪，香色两凄迷。”《留友人诗》云：“良友间何阔，春事遽如许。劳君下鸥沙，一叶系（《历代诗话》本作“击”）春渚。昨梦坠前世，再见欣欲舞。聊呼花底杯，酒面点红雨。狂歌谢贯珠，清论杂挥尘。骊驹未可歌，妙句须君吐。”观此数语，似粗知诗家畦径，学之不已必佳，但恐其中堕尔。

欧公与尹师鲁、苏子美俱出杜祁公之门。欧公虽贵，犹不替门生之礼，和祁公诗云：“尘柄屡挥容请益，龙门虽峻忝（《历代诗话》本作“许”）先登。立朝行己师资久，宁止篇章此服膺。”又云：“公斋每偷暇，师席屡攻坚。善诲常无倦，余谈亦可编。”又云：“昔日青衫遇知己，今来白首再升堂。”盖未尝一日忘祁公也。张芸叟有荆公哀词四首，有“恸哭一声惟有弟，故时宾客合如何。”又云：“今日江湖从学者，人人讳道是门生。”盖深病人情之薄也。其欧公之罪人哉！

欧公赠介甫诗云：“翰林风月三千首，吏部文章二百年。”可谓极其褒美。世传介甫犹以欧公不以孔孟许之为恨，故作报诗云：“他日若能窥孟子，终身何敢望韩公。”恐未必然也。尝读曾子固集，见子固与介甫书云：“欧公更欲足下少开廓其文，勿用（《历代诗话》本作“为”）造语及模拟前人。孟韩文虽高，不必似之，但取其自然。”盖荆公之文，因子固而投（《历代诗话》本作“授”）于欧公者甚多，则知介甫归附欧公，非一日也。叶少蕴以为荆公自期于孟子，而处欧公以韩愈，恐未必然尔。

王逢原以书上介甫，且以《南山》之诗求学于荆公。师资之礼已定，故逢原未死以前，荆公赠之诗曰：“榘（《历代诗话》本作“枘”）豫章槩白日，只要匠石聊穿裁。”逢原既死之后，荆公思之曰：“便恐世间无妙质，鼻端从此罢挥斤。”皆以师道自任也。然观逢原寄介甫诗云：“高（《历代诗话》本作“天”）门廉陛益（《历代诗话》本作“郁”）巍巍，势利宁无澹泊讥。岂与跼徒争有道，盍思吾党自言归。古人踽踽今何取，天下滔滔昔已非。终见乘桴去沧海，好留余地许相依。”则识度之远，又过荆公矣。又作荆公书皆称介甫，作诗皆称君，所谓“行藏愿与君同道，祇恐蹉跎我独羞。”又云：“想今愈有江湖兴，亦欲同君一钓纶。”所

谓师资者，果如何耶？山谷尝避暑李氏园，题诗于壁云：“题诗未有惊人句，唤取谪仙苏二来。”秦少游言于东坡曰：“以先生为苏二，大（《历代诗话》本作“人”）似相薄。”则又甚于逢原称介甫矣。

汲引之恩，不可忘也，一日得志，思有以报之，亦人情之（“之”字原无，据《历代诗话》本补）常也。王稽荐范雎于秦，而昭王以为相，其后稽为河东守者，因雎之言也。魏无知荐陈平于汉，而高祖用之，其后赏无知者，因平之言也。唐马周以一介草茅，遭遇太宗，不累年而致位卿相，皆由常何之一言。而身贵得志之时，于何不闻有报何耶？李邦直诗云：“底事马周身富贵，不闻推宠报常何”是已。张文潜诗云：“马周末遇虬髯公，布衣落魄来新丰。一尊独酌岂无意，俗子不解知英雄。”盖周虽缘常何之一言，而其智谄忠亮，亦自有以取之。如疏宗室世守居藩，乐工鸣玉曳履，皆切中时病者也。史臣至比之为筑岩钓渭，亦过矣哉！岑文本云：“周鸢肩火色，腾上必速，但不能久。”其后周年止五十，志不尽行，文本殆如蓍龟矣。

开元天宝之际，孟浩然诗名籍甚，一游长安，王维倾盖延誉，然官卒不显何哉？或谓维见其胜己，不肯荐于天子，故浩然别维诗云：“当路谁相假，知音世所希。”史载维私邀浩然于内（《历代诗话》本无“内”字）苑，而遇明皇，遂伏于床下。明皇见之，使诵其所为诗，至有“不才明主弃”之句，明皇云：“卿不求仕，朕未尝弃卿。”因放还。使维沼兴]贤之心，当于此时力荐其美，以解明皇之愠，乃尔嘿嘿，或者之论，盖有所自也。厥后虽宠凤林之墓，绘孟亭之像，何所补哉！

韩退之于崔立之厚矣，立之所望于退之者宜如何！然集中所答三诗，皆未有慰荐之意何邪？其曰“几欲犯严出荐口，气象硃兀未可攀。”又云：“东、马、严、徐已奋飞，枚皋即召穷且忍。”知识当要路，正赖汲引，隐情惜己，殆同寒蝉，古人之所恶也。

余家自曾伯祖侍郎讳宫以甲科起家，至庆历中，曾大父通议杨寘榜相继及第，尔后世代有人。大父清孝公余中榜，先人文康公何昌言榜，某黄公度榜，至小子邨木（《历代诗话》本作“朱”）待问榜，连五世矣。当时尊长皆有诗以纪庆。曾大父赠先祖诗云：“传家何用富金羸（《历代诗话》本作“羸”），教子何如只一经。庆历科名今已继，更教来叶嗣前馨。”先大父赠先人及伯父诗云：“广场笔阵数千人，喜汝穿杨箭镞亲。庆绪绵长时幸会，文科兴后事还新。昔年继榜熙宁岁，今偶同科绍圣春。从此莫教书种断，孙曾应复值昌辰。”文康公赐某诗云：“儿曹春榜预言扬，窃吹知难复土乡。黄绢未能摘好语，青毡偶幸继前芳。穿杨喜共东床客（女夫章侔同榜），攀桂同标北寺房。圣世选才如华岳，积尘曾不愧毫芒。”予（《历代诗话》本作“余”）尝赠邨诗云：“吾家五世十三人，竞擢丹枝撼月轮。庆历贤科开后裔，隆兴儒业继前尘。泥金帖报家庭喜，烧尾筵张（《历代诗话》本作“中”）帝里春。从此传芳应未艾，桂香应已袭天伦。”通议之子若孙若曾孙在桂籍者

，于今已十有三人，故言之于前。长子郛亦不废学业，故期之于后。其它宗从登科者甚多，各有诗纪庆，不暇录。

郊始留意星历学，绍兴癸酉取解漕台问《斗为帝车赋》，省试复以“日星为纪三台色齐”为诗赋题，其所为贯穿甘石之学甚详。小孙女夜梦郊登楼至十六级而止，筮之，为省闱第十六人之祥，已而果然。予（《历代诗话》本作“余”）作诗赠之曰：“飞（《历代诗话》本作“张”）铃走帙到金溪（《历代诗话》本作“溪”），喜子文闱预品题。名字巍峨光（《历代诗话》本作“先”）蕊榜，词章斐亶（《历代诗话》本作“亶”）动文奎。阶梯已合婴儿梦，星斗先分天老题。后日牖传当第一，天伦科甲尚为低。”时郊弟郈（《历代诗话》本无“郈”字）王佐榜（《历代诗话》本作“榜”）甲科第七人。

孟郊《落第诗》曰：“弃置复弃置，情如刀刃伤。”《再下第诗》曰：“一夕九起嗟，梦短不到家。”《下第东南行》曰：“江蓠伴我泣，海月投人惊。”愁有余矣。《下第留别长安知己》云：“岂知鷓鴣鸣，瑶草不得春。”《失意投刘侍御》云：“离娄岂不明，子野岂不聪？至宝非眼别，至音非耳通。”《叹命》云：“题诗怨还怨，问《易》蒙复蒙。本望文字达，今因文字穷。”怨有余矣。至登科后诗，则云：“昔日齷齪不足夸，今朝放荡思无涯。春风得意马蹄疾，一日看尽长安花。”议者以此诗验郊非远器。余谓郊偶不遂志，至于屡泣，非能委顺者，年五十始得一第，而放荡无涯，哦诗夸咏，非能自持者，其不至远大，宜哉。

今之新进士，不问科甲高下，唱名出皇城，则例喝状元，莫知其端。唐郑谷登第后宿平康里，尝作诗曰：“春来无处不闲行，楚润相看别有情。好是五更残酒醒，耳边闻唤状元声。”则新进士例呼状元，旧矣。郑谷，赵昌翰榜第八名也。

杜荀鹤老而未第，求知己甚切，《投裴侍郎》云：“只望至公将卷读，不求朝士致书论。”《投李给事》云：“相知不相荐，何以自稚忝！薄锻端 吟疲骸爸 弘m然切，春官未必私。宁教读书眼，不有看花期。”《投崔尚书》云：“闭户十年专笔砚，仰天无处认梯媒。”如此等句，几于哀鸣矣。《本事诗》载，裴晋公于兴化里凿池起台榭，贾岛方下第怨愤，题诗亭中云：“破却千家作一池，不栽桃李种蔷薇。蔷薇花落秋风后，荆棘满庭（《历代诗话》本作“亭”）君始知。”人皆恶其不逊，则荀鹤之哀鸣，犹为可怜也。

琼州进士姜唐佐，东坡极爱之，赠之诗曰：“沧海何曾断地脉，白袍端合破天荒。”且告之曰：“子异日登科，当为子成此篇。”及唐佐预广州计偕，过汝阳，见子由，时东坡已下世矣。子由因为足成其篇云：“生长茅间有异方，风流稷下古诸姜。适从琼筓鱼龙窟，秀出羊城翰墨场。沧海何曾断地脉，白袍端合破天荒。逖逖涨 丝矗 夹觥 坡眼力长。”唐佐是年省闱不利，则有负于逖轮 R印 |坡尝书唐佐课册云：“云兴天际，歛（《历代诗话》本作“倏”）若车盖。凝矐未瞬，弥

漫漶[雨对]，惊雷出火，乔木糜碎。溜纍四坠（《历代诗话》本作“悬溜纍纍”），日中见沫。移晷而收，野无全块。”今亦刊集中，乃戏书刘梦得《楚望赋》也。

秦太虚举进士不得，东坡诗曰：“底事秋来不得解，定中试与问诸天。”深为称屈也。李方叔省试不得第，而东坡领贡举，尝有诗赠之云：“平生漫说古战场，过眼终迷日五色。我惭不出君大笑，行止皆天子何责。”山谷和云：“今年持橐佐春官，遂失此人难塞责。”座主归过于己，门生归命于天，俱一世之贤也。

梅圣俞《送方云（《历代诗话》本作“干”）下第》云：“竭泽古所戒，但饱腹中书。风雷变有时，且复归孟渚。”《送蔡邕（《历代诗话》本作“驿”）下第诗》云：“尔持金错刀，不入鹅眼贯。怀之归河朔，慎勿辄镞锻。”盖人士切于得失，一不得意，则必变所学，以求媚于有司，此学者之大病也，故圣俞以是戒之。

唐曹邕《及第诗》云：“白日探得珠，不待骊龙睡。忿忿（《历代诗话》本作“忽忽”）出九衢，僮仆颜色异。”是生敬于僮仆也。施肩吾《及第诗》云：“今日步春早，复来经此道。江神也世情，为我风光好。”是改观于江神也。盖其心之喜自生疑尔，僮仆江神岂遽如是哉！邕又云：“故衣未及换，尚有去年泪。”肩吾云：“忆昔将贡年，抱（《历代诗话》本作“把”）愁此江边。”二子所作，皆以今年之喜而思昔日之愁也，是岂能置得丧于膜外者乎？

文闱有挟书传义之禁，旧矣。窃怪李揆为考官，大陈经史于庭，令学者纵观。和凝为考官，开门彻棘，令学者自便。如此则真贤实能孰辨耶？予（《历代诗话》本作“余”）知其故矣。盖自唐以来，主司重素望，故文场一启，而投卷（《历代诗话》本作“递”）纷然，举子之升黜固有定义矣，虽禁挟书传义奚为哉！“朝向公卿说，暮向公卿说。谁谓黄锺管，化为君子舌。”此孟郊有祈于知己也，而吕渭取之。“拟动如浮海，凡言似课诗。终身事知己，此后复何为？”此杜荀鹤有祈于知己也，而裴贄取之。“砌下芝兰新满径，门前桃李旧垂（《历代诗话》本作“成”）阴。却应回念江边草，放出春烟一寸心。”此郑谷有祈于知己也，而柳玭取之。举子祈之于前，主司录之于后，公论何在乎！长庆初，钱徽为考官，取郑明等三十三人，以所取不当，再命白居易试《孤竹（《历代诗话》本作“行”）管赋》，试者皆不知本事，遂落十一人，而钱徽贬江州刺史。当时诏书，以谓浮薄之徒，扇为朋党，干（《历代诗话》本作“以”）挠主司，每岁策名，无不先定。则陈书彻棘之举，殆无足恠也。

●卷十九

岁时有祓除不祥之具，而元日尤多，如桃版、韦索、磔鸡之类是也。饮屠苏酒，亦所以祓瘟禳恶，而法必自幼饮何耶？顾况（《历代诗话》本作“光”）《岁日口号》（《历代诗话》本作“号”）云：“还丹寂寞羞明镜，手把屠苏先少年。”白乐天《元日赠刘梦得诗》亦云：“与君同甲子，岁酒合谁先。”元日饮酒，则先卑而后尊，自唐以来已如此矣。《四时月令》云：“进椒酒次第当从小起。”而董勋告晋海西令云：“小者得岁，故先酒贺之；老者失岁，故后与酒。”似亦不为无理。

《荆楚记》云：“屈原以五月五日投汨罗而死，人伤之，以舟楫拯焉。故武陵竞渡，用五月五日，盖本诸此。”刘梦得云：“今举楫相和之音，皆曰‘何在’，盖所以招屈原也。”诗曰：“沉江五月平堤流，邑人相将浮彩（《历代诗话》本作“彩”）舟。灵均何年歌已矣，哀谣振楫从此起。”又有《招屈亭诗》，所谓“曲终人散空愁暮，招屈亭前水东注”是也。今江浙间竞渡多用春月，疑非招屈（《历代诗话》本作“屈原”）之义。及考沉佺期《三月三日独坐欢州诗》云：“谁念招魂节，翻为御魅囚。”王绩《三月三日赋》亦云：“新开避忌之席，更作招魂之所。”则以元巳为招屈之时，其必有所据也。予（《历代诗话》本作“余”）观《琴操》云：“介子推五月五日焚林而死，故是日不得发火。”而《异苑》以谓寒食始禁烟。盖当时五月五日，以周正言之尔，今用夏正，乃三月也。屈原以五月五日死，而佺期、王绩以元巳为招魂之节者，亦岂是耶？

自冬至一百有五日至寒食，故世言寒食皆称一百五。杜子美《一百五日夜对月》云：“无家对寒食，有泪如金波。”姚合《寒食书事诗》：“今朝一百五，出户雨初晴。”则是诗人例以百五日为寒食也。或者乃谓自冬至至清明凡七气，至寒食止百三日。殊不知历家以余分演之也。司马彪《续汉书》云：“介子推焚林而死，故寒食不忍举火，至今有禁烟之说。”卢象所谓“子推言避世，山火遂焚身。四海同寒食，千秋为一人”是也。太原一郡，旧俗禁烟一月。周举为郡守，以人多死，移书子推，祗禁烟三日。子美《清明诗》云：“朝来新火起。”又云：“家人钻火用青枫。”皆在寒食三日之后，则知禁烟止于三日也。而翰翮有《寒食即事诗》，乃云：“春城无处不飞花，寒食东风御柳斜。日暮汉宫传蜡烛，轻烟散入五侯家。”不待清明，而已传新火何耶？元微之《连昌宫词》云：“初过寒食一百六，店舍无烟宫树绿。念奴觅得又连催，时敕宫中许然（《历代诗话》本作“燃”）烛。”乃一时之权宜尔。或云：（《历代诗话》本连上“尔”字作“尔雅云”），龙星，木之位也，春属东方，心为大火，惧火盛故禁火，是以寒食有龙忌之禁。则所谓禁烟，又未必为子推设也。

上巳日于流水上洗濯，祓除去宿垢，故谓之祓禊。禊者，洁也。王逸少作《兰亭记》（《历代诗话》本作“序”）云：“永和九年，岁在癸丑，会于山阴之兰亭，修禊事也。”当其群贤毕集，游目骋怀之际，而感慨系之，乃有“一死生为虚诞，齐

彭殇为妄作”之语。议者以此咎羲之之未达也。

先文康公晚岁卜居于宝溪之上，建观禊堂于水滨。绍兴癸丑，与客泛舟，修禊甚乐，距永和癸丑，不知其几癸丑也。因与客相与推算，自永和九年岁甲子一周为晋义熙九年，又一周为宋元徽元年，自后梁大通元年，隋开皇十三年，唐永徽四年，开元元年，大历八年，大和七年，景福二年，周显德二年，本朝祥符六年，熙宁六年，皆岁在癸丑。凡七百八十年矣。乃作诗以纪其事云：“快雨霁亭午，晴曦作春妍。邻曲饶胜士，共开浮枣筵。中流惬啸咏，隐浪金壶偏。红芰（《历代诗话》本作“艾”）初出水，捧剑疑来前。缅怀兰亭会，七百八十年。可怜右军痴，生死情缠绵。由来彭殇齐，顾或谓不然。吾党殆天放，卜夜就管弦。尺六细腰女，舞袖轻回旋。且毕今日欢，不期来者（《历代诗话》本作“日”）传。”

白乐天居洛阳履道里，与胡景（《历代诗话》本作“杲”）、吉旼（《历代诗话》本作“皎”）、郑据、刘真、卢真、张浑、狄兼谟、卢贞燕集，皆高年不事事者，人慕之，绘为《九老图》。至本朝李昉再入相，以司空致仕，慕乐天之为，得宋琪等八人，年七十余，将为九老会，未果而卒。自后洛中诸公，图形普明僧舍。文潞公留守西都，富郑公纳政居里第，与席汝言、王尚恭、赵丙、刘几、冯行己、楚建中、王慎（宋本此字无，曰“御嫌名”，据《历代诗话》本补）言、王拱辰、张问、张焘、司马光共十三人，置酒相乐，谓之耆英会，刘几诗所谓“制举省元推二相，龙头昔日属宣猷。人间盛事并遐算，一席几盈九百筹”是也。后潞公与程伯温、司马伯康、席君从（“从”下《历代诗话》本有“之”字，点校者曰：“'之'，疑衍。《类编》本作'等'，按下文正作'四人'，'等'字亦衍。”）又作同甲会，潞公诗所谓“四人三百十二岁，况是同生丙午年。招得梁园同赋客，合成商岭采（《历代诗话》本作“采”）芝仙”是也。潞公又与范镇、张宗益、张周、史炤（《历代诗话》本作“招”）为五老会，公诗所谓“四箇老儿三百岁，当时此会已离伦。如今白发游河叟，半是清朝解绂人”是也。潞公以勋德享大耄，功成名遂，优游皋壤，日与贤士大夫燕笑，而饮食起居，端类少壮，非天畀全福，畴能若是。司马温公在洛，作真率会，杜祁公在睢阳，作五老会，赵阅道在三衢，作三老会，各有诗咏传焉。

张衡曰：“客赋醉言归，主称露未晞。”王式曰：“客歌骊驹，主人歌客（“客”下《历代诗话》本有“无”字）庸归。”宾主之情，可谓粲然者。至李太白、陶渊明则不然。各尝为诗（《历代诗话》本作“李尝以陶语为诗”）曰：“我醉欲眠君且去。”虽曰任真之言，然亦太无主人之情矣。司马温公《北园乐饮》云：“浩歌纵饮任天机，莫使欢娱与性违。玉枕醉人从独卧，金羁倦客听先归。”其亦二子之意也。白乐天《招客饮》云：“客告暮将归，主称日未斜（《历代诗话》底本同，点校者据《类编》本改作“仄”）。又命小青娥（《历代诗话》底本作“小青赋”，点校者据《类编》本改作“小奚辈”），长跪谢贵客。”其视张衡、王式尤为有委曲相者。然《置酒送吕漳州诗》乃曰：“独醉似无名，借君作题目。”又何与《

招客饮》之诗异乎？东坡《醉眠亭诗》云：“醉中对客眠何害，须信陶潜未若贤。”山谷云：“欲眠不遣客，佳处更难忘。”如是则既不失宾主之礼，而又可以适我之情，是宾主之情两得也。

酒之种类多矣，有以绿为贵者，白乐天所谓“倾如竹叶盈尊绿”是也。有以黄为贵者，老杜所谓“鸞儿黄似酒”是也。有以白为贵者，乐天所谓“玉液黄金卮”是也。有以碧为贵者，老杜所谓“重碧酤新酒”是也。有以红为贵者，李贺所谓“小槽酒滴真（《历代诗话》本作“珍”）珠红”是也。今（“今”下《历代诗话》本有“则”字）广闽所酿酒谓之红酒，其色殆类烟（《历代诗话》本作“胭”）脂。《酉阳杂俎》载，贾[王将]家苍头能别水，常乘小艇于黄河中，以瓠瓠接河源水以酿酒，经宿酒如绛，名为昆仑觞，是又红酒之尤者也。

《酉阳杂俎》载，郑悖（《历代诗话》本作“郑公悖”）尝于使君林避暑，取莲叶以簪刺其心，令与柄通，屈茎如象鼻，传酒吸之，名为碧筩。盖取莲叶芳馨之气，杂于酒中，为可喜也。故东坡诗云：“碧筩时作象鼻弯，白酒微带荷心苦”是已。大抵醪醴之妙，借外而发其中，则格高而味可，如大宛之葡萄，大官之桐马，皆借它（《历代诗话》本作“他”）物而成者。赵德麟以黄柑酿酒，东坡尝作《洞庭春色赋》遗之，所谓“命黄头之千奴，卷震泽而俱还。”坡亦以松明酿酒，所谓“味甘余而小苦，叹幽姿之独高”。二酒至今有用其法而为之者。至坡在黄州，自作蜜酒，惠州自作桂酒，皆一试而止，盖出于一时之戏剧，未必皆中节度尔（《历代诗话》本作“耳”）。

蜀中食品，南方不知其名者多矣，而况其味乎？东坡所谓“豆荚圆且小，槐牙细而丰”者，巢菜也。所谓“赠君木鱼三百尾，中有鸞黄子鱼子”者，樱笋也。是二（《历代诗话》本作“此”）物者，蜀川甚贵重。东坡在黄州时，去乡已十五年，思巢菜而不可得，会巢元修自蜀来，使归致其子而种之东坡之下。又作樱笋，蜜煮酢浸，可致千里外，尝以饷殊长老。则此二物之珍可知矣。蒟酱，蜀酱也，《蜀都赋》所谓“蒟酱流味”是也。苞芦，蜀笋也，老杜所谓“香饭兼苞芦”是也。

晋史称何劭骄奢简贵，衣裘服玩，新故巨积，食必尽四方珍异，一日之供，以钱二万为限。而曾所食不过万钱，是劭之自奉侈于父也。而劭《赠张华诗》乃云：“周旋我陋圃，西瞻广武庐。既贵不忘俭，处约能存无。镇俗在简约，塞门焉足慕。”是以姬孔为法，以管氏为戒也。审能如是，则史所书又如何（《历代诗话》本作“何如”）耶？以史为正，则劭所言诬矣。东坡《撷菜诗》云：“秋来霜露满东园，芦菔生儿芥有孙。我与何曾同一饱，不知何苦食鸡豚。”苟能如此，则岂肯纵嗜欲于口腹之间哉？

唐御食，红绫餅（《历代诗话》本作“饼”）餠（宋本从“彡”）为上。光化中，放进士裴格、卢延逊等二十八人燕（《历代诗话》本作“宴”）于曲江，敕太官赐

饼餤，止二十八枚而已。延逊后入蜀，颇为蜀人所易，尝有诗云：“莫欺零落残牙齿，曾吃红绫饼餤来。”其为当世所贵重如此。《酉阳杂俎》载，今（《历代诗话》本无“今”字）衣冠家有萧家饠饨，庾家粽子，韩约樱桃饠饠，又有胡突鲙，獐皮索饼之类，号为名食，不至于甚侈而美有余，亦红绫饼餤之类也。

周顒有云：“性命之在彼极切，滋味之于我可賒。”今人以活禽而资口腹者，比比皆是也，是诚何心哉？或曰：“羊豕大身，难于刳（《历代诗话》本作“刺”）割，蚶蛤微命，易于烹熬（宋本从“火”）。”如是，则性命之小者尤不幸也。钟岷尝告其师何子季曰：“车螯蚶蛎，眉目内关（《历代诗话》本作“阙”），唇吻外絨，不悴不荣，曾草木之不若；无馨（《历代诗话》本作“声”）无臭，与瓦砾其何算（《历代诗话》底本亦作“算”，点校者据《类编》本改作“异”）？故可长充庖厨，永为口寔（《历代诗话》本作“实”）。”何其仁于大而忍于细欤（《历代诗话》本作“与”）？山谷信佛甚笃，而晚年酷好食蟹，所谓“寒蒲束缚十六辈，已觉酒兴生江山。”又云：“虽为天上三辰次，未免人间五鼎烹。”乃果于杀如此，何哉？东坡在海南，为杀鸡而作疏，张乖崖之在成都，为刳羊而转经，是岂爱物之仁，不能胜口腹之欲耶？山谷谈无碍禅，苏、张行有为法，亦各其所见尔。

柳比妇人尚矣，条以比腰，叶以比眉，大垂手、小垂手以比舞态，故自古命侍儿，多喜以柳为名。白乐天侍儿名柳枝，所谓“两枝杨柳小楼中，袅娜（《历代诗话》本作“袅袅”）多年伴醉翁”是也。韩退之侍儿亦名柳枝，所谓“别来杨柳街头树，摆撼春风只欲飞”是也。洛中里娘亦名柳枝，李义山欲至其家久矣，以其兄逊山（《历代诗话》本作“让山”）在焉，故不及昵。义山有《柳枝》五首，其间怨句甚多，所谓“画屏绣步障，物物自成双。如何湖上望，只是见鸳鸯”之类是也。呜呼，天伦同气之重，共聚于子女揉杂之所，已为名教之罪人，而一不得其欲，又作为诗章，显形怨讟，且自彰其丑，遗臭无穷，所谓灭天理而穷人欲者，无大于此。如李商隐者，又何足道哉！

张子野年八十五犹聘妾，东坡作诗所谓“诗人老去莺莺在，公子归时（《历代诗话》本作“来”）燕燕忙”是也。荆公亦有诗云：“篝火尚能书细字，邮笥还肯寄新诗。”其精力如此，宜其未能息心于粉白黛绿之间也。坡复有《赠张刁二老诗》，有“共成一百七十岁”之句，则子野年益高矣。故其末章云：“惟有诗人被磨折，金钗零落不成行。”

老杜《丽人行》专言秦虢宴游之乐，末章有“当轩下马入（《历代诗话》本作“立”）锦茵，慎莫近前丞相嗔”之句，当是谓杨国忠也。韩退之《华山女》末章，亦言“云窗雾合事恍惚，重重翠幔（《历代诗话》本作“幕”）深金屏。仙梯难攀俗缘重，浪凭青鸟通丁宁。”此言不知为何人发也？

李白《送姪良携二妓赴会稽》云：“遥看二桃李，双入镜中开。”《别河西刘少府

》云：“自有两少妾，双骑骏马行。”以是知刘、李二君，皆不羁之士也。东坡作《临江仙》有“细马远驮双侍女，红巾玉带红靴”之语，其斯人之徒欤（《历代诗话》本作“与”）！

韩退之作《欧阳詹哀词》，言其事父母至孝。又曰：“读其书，知其于慈孝最隆。”又曰：“詹舍朝夕父母之养而来京师，其心将以有得而归，为父母荣也。”及观《闽（《历代诗话》底本作“国”，点校者据《太平广记》卷二七四引改作“闽”）川名士传》载，詹溺太原之妓，未及迎归，而有京师之行。既愆期而妓疾（《历代诗话》本作“病”）革，将死，割髻付女奴以授詹，詹一见大恸，亦卒。集中载《初发太原寄所思诗》，所谓“高城已不见，况复城中人”者，乃其人也。岂退之以同榜（《历代诗话》本作“榜”）之故，而固护其短，饰词以解人之疑欤（《历代诗话》本作“与”）？呜呼！詹能义陈（《历代诗话》本作“何”）蕃之不从乱，而不能割爱于一妇人；能荐韩愈之贤，而不能以贻亲忧为念，殆有所蔽而然也。如《乐津北楼》绝名与《闻唱凉州诗》，皆赋情不薄，有以知其享年之不长也。

古今人咏王昭君多矣，王介甫云：“意态由来画不成，当时枉杀毛延寿。”欧阳永叔云：“耳目所及尚如此，万里安能制夷狄。”白乐天云：“愁苦辛勤（《历代诗话》本作“勤”）顛顛（《历代诗话》本作“憔悴”）尽，如今却似画图中。”后有诗云：“自是君恩薄于纸，不须一向恨青丹（《历代诗话》本作“丹青”）。”李义山云：“毛延寿画欲通神，忍为黄金不为人。”意各不同，而皆有议论，非若石季伦、骆宾王辈徒叙（《历代诗话》本作“序”）事而已也。邢惇夫十四岁作《明君引》，谓“天上仙人骨法别，人间画工画不得。”亦稍有思致。

人君不能制欲于妇人，以至溺惑废政，未有不乱亡者。桀奔南巢，祸阶末（《历代诗话》本作“妹”）喜，鲁威灭国（《历代诗话》本作“身”），惑始齐姜。妲己、褒姒以至杨妃、张、孔（《历代诗话》本作“张孔杨妃”）之徒皆是也。吴之于西施，王之耽惑不减于诸后，一夕越兵至而王不知也。郑毅（《历代诗话》本作“寂”）夫诗云：“十重越甲夜成围，宴罢君王醉不知。若论破吴功第一，黄金只合铸西施。”谓非西施则吴不亡，吴不亡则安得以黄金而（《历代诗话》本无“而”字）铸范蠡之容哉？而东坡《范蠡诗》云：“谁将射御教吴儿，长笑申公为夏姬。却遣姑苏有麋鹿，更怜夫子得西施。”言楚申公欲弱楚而强吴者，以夏姬之故，曾不如范蠡灭吴霸越而坐得西施也。

铜雀伎，古人赋咏多矣。郑愔云：“舞余依帐泣，歌罢向陵看。”张正见云：“云惨当歌日，松吟欲舞风。”贾至云：“灵几临朝奠，空床卷夜衣。”王勃云：“妾本深宫伎，曾城闭九重。君王欢爱尽，歌舞为谁容。”沉佺期云：“昔年分鼎地，今日望陵台。一旦雄图尽，千秋遗令开。”皆佳句也。罗隐云：“强歌强舞竟难胜，花落花开泪满缯。祗合当年伴君死，免教憔悴望西陵。”似比诸人差有意也。魏武阴贼险狠（《历代诗话》本作“狠”），盗有神器，实窃英雄之名，而临死之日

，乃遗令诸子，不忘于葬骨之地，又使伎人着铜雀台上以歌舞其魂，亦可谓愚矣。东坡云：“操以病亡，子孙满前，而咿嚶涕泣，留连妾妇，分香卖履，区处衣物，平生奸伪，死见真性。”真名言哉！

高祖《大风》之歌，虽止于二十三字，而志气慷慨，规摹（《历代诗话》本作“模”）宏远，凛凛乎已有四百年基业之气。《史记·乐书》谓之《三侯章》。令沛得以四时歌舞宗庙，盖欲使后之子孙，知其祖创业之勤，不可怠于守成尔。武帝《秋风辞》、《瓠子歌》已无足道，及为赋以伤悼李夫人，反覆数百言，绸缪恋嫀（《历代诗话》本作“眷恋”）于一女子，其视高祖岂不愧哉！《艺文志》，上自造赋二篇，其一不得而见耶。

老杜《北征诗》云：“忆昨狼狽初，事与古先别。不闻夏殷衰，中自诛褒姒。”其意谓明皇英断，自诛妃子，与夏商之诛褒姒不同。老杜此语，出于爱君，而曲文其过，非至公之论也。白乐天诗云：“六军不发无奈何，宛转蛾眉马前死。”非逼迫而何哉？然明皇能割一己之爱，使六军之情帖然，亦可谓知所轻重矣，故前辈有诗云：“毕竟圣明天子事，景阳赴（《历代诗话》底本同，点校者据《类编》本改作“宫”）井是何人？”小说《卢瓌杼（《历代诗话》本作“环杼”）情》载，唐僖宗幸蜀，词人题于马嵬驿云：“马嵬烟柳正依依，重见銮舆幸蜀归。泉下阿瞒应有语，这回休更泥（《历代诗话》本作“怨”）杨妃。”虽一时戏语，亦无乃厚诬阿瞒乎？

●卷二十

李白诗云：“朝发汝海东，暮栖龙门中。”又云：“朝别凌烟楼，暝投永华寺。”又云：“朝别朱雀门，暮栖白鹭洲。”又云：“鸡鸣发黄山，暝投鰕（《历代诗话》本作“虾”）湖宿。”可见其常作客也。范传正言白偶乘扁舟，一日千里，或遇胜境，终年不移，往来牛斗之间（《历代诗话》底本同，点校者据《范传正序》改作“分”），长江远山，一泉一石，无往而不自得也。则白之长作客，乃好游尔，非若杜子美为衣食所驱者也。李阳冰论白云：“王公趋风，列岳结轨，群贤翕习，如鸟归凤。”魏颢论白云：“携骏马美妾，所适二千石郊迎，饮数斗径醉。”夫岂有衣食之迫哉？

今人作诗，自述则称我，谓人则称君，往往相习皆然。杜子美《送孔巢父诗》云：“道甫问信今何如。”《坠马诸公携酒相看诗》云：“甫也诸侯老宾客。”《过王倚饮》云：“在于甫也何由美。”则自述乃称名。《送樊侍御》云：“至尊方旰食，仗尔布嘉惠。”《寄李白》云：“昔年有狂客，号尔谪仙人。”《送窦九》云：“非尔更持节，何人符大名。”则谓人乃称尔。若谓尊之甚则称名，则前三人皆非通贵之士；若谓卑之甚则称尔，则（《历代诗话》本作“以”）后三人皆非稚孺之列。盖其诗格变态如是，恐不系重轻也。

心醉六经，尚友千载，谓之好古可也。今之好古者乃不然，书画贵整，而必取腐烂陈暗者以为奇；器物贵新，而必取穿漏弇薄者以为异，曰是古也。乃不靳赏费而求之，何其不思之甚耶！书画贵古，犹欲识其笔法之渊源，以穿漏弇薄之器而珍之，此何理哉？尝观老杜《铜瓶诗》云：“乱后碧井废，时清瑶殿深。”其末云：“蛟龙虽缺落，犹得折黄金。”则以古物而要厚赏，自古而然。

张景阳《七命》有“浮三翼，泛中沚”之句，故诗家多用三翼为轻舟，如梁元帝“日华三翼舸”，元微之“光阴三翼过”是也。按《越绝书》，《伍子胥水战兵法内经》曰：大翼一艘，广一丈五尺二寸，长十丈。中翼一艘，广一丈三尺五寸，长五丈六尺。小翼一艘，广一丈二（《历代诗话》本作“九”）尺，长九（《历代诗话》本作“二”）丈。所谓三翼者，皆巨战船也。用为轻舟，悞矣。

舒王作《前元丰行》云：“倒持龙骨挂屋敖。”《后元丰行》云：“龙骨长干挂梁枳。”龙骨，水车也。是岁丰稔，故龙骨挂而不用。又有《寄杨德逢诗》云：“遥闻青秧底，复作龟兆拆（《历代诗话》本作“坼”）。脩脩两龙骨，岂得长挂壁。”是岁亢旱，故反前咏尔。东坡亦有《水车诗》云：“翻翻联袂衔尾鸦，荦荦确确（《历代诗话》本作“确确”）蜕骨蛇（《历代诗话》本作“蛇”）。分畦翠浪走云阵，刺水绿针抽稻芽。天公不念老农泣，唤取阿香推雷车。”言水车之利不及雷车所沾者广也。

瓢之为器，贫者所用，故颜子以一瓢饮，而扬子比之山雌。文康公筑室泛金溪上，阖门千指，朝齏暮盐，未尝敢以贫为病。尝因溪结亭，号曰瓢饮，盖欲少见慕贤好古安贫乐道之意。予（《历代诗话》本作“余”）尝有诗云：“我不学许由隐烟雾，得瓢不饮惟挂树，又不学德义居虎丘（《历代诗话》本作“邱”），带瓢入市多骑牛。分无玉瓿囊古锦，病渴文园只瓢饮。下瞰金溪新结亭，未须引吸如长鲸。但愿金溪化为酒，岁岁持瓢醉花柳。”

君子为小人诬蔑沮抑，则其诗怨，故寓之于物以舒其愤，如朱书《古镜诗》所谓“我有古时镜，初自怀（《历代诗话》本作“坏”）陵得。蛟龙犹泥蟠，魑魅幸月蚀”是也。小人既败，君子得志之秋，则其诗昌，故寓之于物以快其志，如刘禹锡《磨镜篇》所谓“萍开绿池满，晕尽金波溢。山神妖气沮，野魅真形出”是也。黄子虚作《妒佳月篇》云：“狂云妒佳月，怒飞千里黑。佳月了不嗔，曾何污洁白。支颐少待之，寒光净无迹。灿灿黄金盘，独照一天碧。”殆亦二子之意。

郎基在颍川，不置木枕，裴潜在兖州，不取胡床，居官清操，要当如是。白乐天在杭州，取天竺片石，受代携归，故其诗曰：“三年为刺史，饮冰复食蘗。唯（《历代诗话》本作“惟”）向天竺山，取得两片石。此抵有千金，无乃伤清白。”暨守吴门，复取洞庭双石，一以支琴，一以贮酒，故《双石诗》有“万古遗水滨，一朝入吾手”之句。洎罢府，支琴石遂归履道旧居，故作诗云：“天上定应胜地上，支机未必及支琴。”呜呼，泉石膏肓，人士之逸韵，若乐天者，岂潘子义所谓风流罪过也耶！

李白作《蜀道难》以罪严武，其末云：“所守或匪亲，化为狼与豺。朝避猛虎，夕避长蛇。磨牙吮血，杀人如麻。锦城虽云乐，不如早还家。”则武待白（《历代诗话》本作“客”）之礼，未必优也。武与杜甫情好甚厚，一朝以饮酒过度，而武几杀之，则不如早还家之说，乃白先见之明尔。陆畅谒韦皋于蜀郡，畅感韦之遇己，遂反其词，作《蜀道易》云：“蜀道易，易于履平地。”

忘年交，谓虽年齿尊幼不侔，而道义可为友也。如张鉴（《历代诗话》本作“鎡”）之于陆贽，崔郭之于李谦是已。鲁直云：“逐贫不去与忘年。”便以忘年作朋友用，盖有来处也。老杜《过孟仓曹诗》云：“清谈见滋味，尔辈可忘年。”则山谷所用，岂苟云乎哉？

郑虔受安禄山伪命，洎贼平，与张通、王维并囚宣阳里。因善画，祈于崔圆，遂得免死。老杜所谓“今如置中兔”，“子云识字终投阁”是也。及虔贬台州，有诗云：“可念此公怀直道，也沾新国用轻刑。”如虔者，可谓之怀直道乎？当是爱忘之言尔。《八哀诗》亦云：“反覆归圣朝，点染无滌荡。老蒙台州掾，泛泛浙江浆。”盖伤之也。

杜甫《悲陈涛诗》云：“野旷天清无战声，四万义军同日死。”言房琯之败也。琯临败犹持重，而中人刑延恩促战，遂大败，故甫深悲之。甫为右拾遗，会琯罢相，上疏力救琯，肃宗大怒，诏三司杂（《历代诗话》本作“推”）问，宰相张镐救之，获免。故《洗兵马行》（《历代诗话》本无“行”字）云：“张公一生江海客，身长九尺须（《历代诗话》本作“须”）眉苍。”盖感其救己也。张无尽《孤愤吟》云：“房琯未相日，所谈皆皋夔。一朝陈涛下，覆没十万师。中原已纷溃，老杜尚嗟咨。”则老杜救琯之章，岂亦出于私情乎？

建安七子，惟刘公干独为诸王子所亲。曹操威焰（宋本作“艳”，据《历代诗话》本改）盖世，甄夫人出拜，诸人皆伏，而公干独平视，虽输作而不悔，亦可嘉矣。故梅圣俞诗云：“公干才俊或欺事，平视美人曾不起。自兹不得为故人，输作左校濒于死。”公尝有《赠从弟诗》云：“亭亭山上松，瑟瑟谷中风。风声一何盛，松枝一何劲。”其寄意如是，岂肯少屈于操哉？末篇又托兴凤凰，有“何时当来仪，将须圣明君”之句，则不以圣明待操矣。

老杜《课伯夷幸》（《历代诗话》本作“辛”）秀伐木，则曰：“报之以微寒，共给酒一斛。”遣信行修水筒，则以浮瓜裂饼以荅其恭谨。陶渊明告其子，则曰：“辄遣一力助汝薪水之劳，亦人子也，可善遇之。”盖古人之役仆夫，其忠厚率如此。《初学记》载王褒买便了为奴，作约使苦作，以致听券而泪下，鼻涕长一尺，有“不如早归黄土陌，令蚯蚓钻额”之语，其少陵、柴桑耻罪人哉！

白乐天作《八渐偈》云：“苦既非真，悲亦是假。”则世间悲欢（《历代诗话》本作“欢”）人我，必能忘情。始宪宗欲以乐天为刺史，王涯以资浅为言，遂得江州司马。及涯败，作诗快之，有“当君白首同归日，是我青山独往时”之句。李德裕于乐天，不见有隙，德裕贬崖州，亦作三绝快之。其一篇云：“乐天尝任苏州日，要勒须教用礼仪。从此结成千万恨，今朝果中白家诗。”盖尝以唐史考之，乐天卒于会昌之初，武宗时也。而德裕之贬，乃在宣宗大中年，则德裕之谪，乐天死已久，非乐天之诗明矣。以是準之，快王涯之句，恐亦未必然也。

东坡文章妙一世，然在掖垣作《吕吉甫谪词》，继而吕复用，遂纳告毁抹。在翰苑作《上清储祥碑》，继而蔡元长复作，遂遭磨毁。非特此也，苏叔党云：“昔公为《藏经记》，初传于世，或以为非。在惠州作《梅花诗》，至有以为笑。”此皆士大夫以文鸣者，其说能使人必信，乃谬妄如此，信知识《古战场》文者鲜矣。子由尝跋东坡遗藁云：“展卷得遗草，流涕湿冠缨。斯文久衰弊，流涇自为清。科斗藏壁间，见者空叹惊。废兴自有时，诗书付西京。”

传曰：学士大夫，则知尊祖矣。族之所在，祖之所自出也，其可以不敬乎？陶渊明有《赠长沙公诗序》云：“予（《历代诗话》本作“余”）于长沙公为族祖，同出大司马，昭穆既远，以为路人。”故其诗云：“同源分流，人易世疎。慨然晤（《

历代诗话》本作“寤”）叹，念斯厥初。礼服遂悠，岁月眇徂。感彼行路，眷焉踟蹰。”盖深伤之也。长沙公于渊明如此，而渊明乃以教载（《历代诗话》本作“尊祖”）自任，其临别赠言之际，有“进簣虽少（《历代诗话》本作“微”），终在（《历代诗话》本作“焉”）为山”之句。呜呼！渊明亦可谓贤矣。杜子美数访从孙济，而不免于防猜，故其诗云：“所来为宗族，亦不为盘餐（《历代诗话》本作“飧”）。勿受外嫌猜，同姓古所敦。”观长沙与济，尊祖之义扫地矣。

贤者豹隐墟落，固当和光同尘，虽舍者争席奚病，而况于杯酒之间哉？陶渊明、杜子美皆一世伟人也，每田父索饮，必使之毕其欢而尽其情而后去。渊明诗云：“清晨闻叩门，倒裳往自开。问子为谁欤（《历代诗话》本作“与”）？田父有好怀。壶浆远见候，疑我与时乖。”老杜诗云：“田翁逼社日，邀我尝春酒。”“叫妇开大瓶，盆中为我取。”二公皆有位者也，于田父何拒焉。至于田父有“一世皆尚同，愿君汨其泥”之说，则姑守陶之介。“久客惜人情，如何拒邻叟。”则何妨杜之通乎？

老杜避乱秦蜀，衣食不足，不免求给于人。如《赠高彭州》云：“百年已过半，秋至转饥寒。为问彭州牧，何时救急难？”《客夜诗》云：“计拙无衣食，途穷仗友生。老妻书数纸，应悉未归情。”《狂夫诗》云：“厚禄故人书断绝，常饥稚子色凄凉。”《答裴道州诗》云：“虚名但蒙寒温问，泛爱不救沟壑辱。”《简韦十诗》云：“因知贫病人须弃，能使韦郎迹也疏。”观此五诗，可见其艰窘而有望于朋友故旧也。然当时能赈之者，几何人哉！刘长卿云：“世情薄恩义，俗态轻穷厄。”山谷云：“持饥望路人，谁能颜色温。”余于子美亦云。

东坡归阳羨时，流离颠蹶之余，绝禄已数年，受梁吉老十绢百丝之赈（宋本从“食”），可见非有余者。李宪仲之子廌，以四丧未举，而见公（《历代诗话》本作“公见”）则尽以赠之。且赠以诗云：“推衣助孝子，一溉滋汤旱。谁能脱左骖，大事不可缓。”章季默三丧未葬，亦求于公，公亦有以助之，有“不辞毛粟施，行自丘山积”之句，其高谊盖出于天资矣。

陶渊明《乞食诗》云：“饥来驱我去，不知竟何之。”而继之以“感子漂母惠，愧我韩才非（《历代诗话》本作“非韩才”）”，则求而有获者也。杜子美《上水遣怀》云：“驱驰四海内，童稚日糊（《历代诗话》本作“糊”）口。”而继之以“但遇新少年，少逢旧知友”，则求而无所获者也。山谷《贫乐斋诗》云：“饥来或乞食，有道无不可。”《过青草湖》云：“我虽贫至骨，犹胜杜陵老。忆昔上岳阳，一饭从人讨。”由是论之，则杜之贫甚于陶，而山谷之贫尚优于杜也。

杜子美身遭离乱，复迫衣食，足迹几半天下。自少时游苏及越，以至作谏官，奔走州县，既皆载壮（《历代诗话》本作“北”）游诗矣。其后《赠韦左丞诗》云：“今欲东入海，即将西去秦。”则自长安之齐鲁也。《赠李白》诗云：“亦有梁宋游

，方期拾瑶草。”则自东都之梁宋也。《发同谷县》云：“贤有不黔突，圣有不暖席。始来兹山中，休驾喜地僻。奈何迫物累，一岁四行役。”则自陇右之剑南也。

《留别章使君》云：“终作适荆蛮，安排用庄叟。随云拜东皇，挂席上南斗。”则自蜀之荆楚也。夫士人既无常产，为饥所驱，岂免仰给于人，则奔走道途，亦理之常尔。王建云：“一年十二月，强半马上看圆缺。百年欢乐能几何，在家见少行见多。不缘衣食相驱遣，此身谁愿长奔波。”李颀亦云：“男儿在世无产业，行子出门如转蓬。”皆为此也。